





17

~~111 d 80 f 2~~

1432. f. 27



Quòd semper cum
ANTIQVISSIMA
ALDOBRANDINORVM
D O M O

CREVERIT RELIGIO, IN QVA ARS,
arxq; omnis fundata est Imperij,

AD PRAESTANTISSIMVM
 Religione, & Pietate Cardinalem
P. ALDOBRANDINVM

Henricus Farnesius Eburo.



ARVM est, fateor, Cardinalis
Genere, ac virtute Amplissime P.
ALDOBRANDINE, inre-
bus operosis, vacare negligentia.
Habet enim cura etiam solers, &
diligens suos reprehensionis morsus,
& aculeos. Nam qui audet, quod



supra vires est, attentare: non tam videtur notam vitare
negligentia, quàm in reprehensionem temeritatis incurre-
re. Quare ne error potius exeat, quàm officium: mo-
dius adsit oportet. Statueram autem de te, hoc est, de opti-
mi Principis fabrica, & structura scribere: sed partim
orationis inopia, & ieiunitati diffusus: partim rerum à te

Destinatus ad Bibliothecam Imperialem a 3 gestarum
Henrici Farnesii *Se. Romanensis* *Henrici Farnesii*
Quintus

gestarum magnitudine territus, consilium abieci. Nam
exemplo instructus Charilli, cuius scripta, in laudatio-
ne, probri plus Alexandro Macedoni attulerunt, quàm
laudis: nihil ausus sum, quod impar est meis humeris,
in tanta rerum à te gestarum amplitudine, suscipere.
Cum igitur penderem animi, nec mihi viderer posse, sine
quasi iustitia vulnere, tuas laudes praterire: quia alteri,
quod debet, qui non reddit, sit iniustus: tum fortè Papia
Reuerendis. Generalis Carmelitarum HENRICVS
Sylvius summa tue in se beneficentia memor: vir acri in-
genio, pariq; virtute, & doctrina, qui summa te colit,
& observat benevolentia, ne animum abijcerem monuit,
atq; ita me confirmavit, ut eo, qui me pungebat, omnino
quasi liberavit scrupulo. Res est, ait, neq; artis ad inue-
stigandum: neq; doctrina ad iudicandum: sed tantum
consilij, & deliberationis ad suscipiendum. Nam AL-
DOBRANDINORVM virtus attrectatur, non
auditur: in manus sumitur, non procul apparet, eorumq;
gloria plena sunt uniuersa dicendi genera. Nec ipsa in-
anima mundi fabrica, de eorum laudibus muta est, &
elinguis, sed eius vocibus, preclara ALDOBRAN-
DINORVM facinora resonant omnia. Nam quem-
admodum olim Crotoniate, & Metapontini ex Pytha-
gora domo, qui de vita migrarat, Dei templum fecerunt,
ut Pythagoram, quasi numen quoddam sempiterna co-
lerent memoria: ita ALDOBRANDINORVM
domus, cuius virtus, & gloria nullis, neq; Italia, neq;
Hispania, neq; Gallie finibus clausa potest teneri, quasi
diuinius

diuinitus facta est Gentium omnium schola, ac totius
 mundi arx munitissima, ne deinceps ante quam mun-
 dus, ALDOBRANDINORVM intereat me-
 moria. Habes inquit sapientissimus ille Carmelitarum
 Antistes HENRICVS Syluius, non rerum testimo-
 nia: sed res ipsas loquentes. Ex ijs quippè virtutibus, pro
 camentis, erecta est ALDOBRANDINORVM
 domus, qua non parum nostra atati: multum etiam eter-
 nitate quadam gloria, consulunt posteritati. placuit mihi
 eius iudicium. Nam id nemo, non ratum debet habere,
 quod ab eo, qui probatur ab omnibus, iudicatum est. Neq;
 rem, sine culpa mihi videbar posse non suscipere. Nam
 cum Laus, merces sit virtutis, qui summas in ALDO-
 BRANDINORVM genere virtutes, non laudat,
 alienum videtur retinere, non quod laudandum est, tace-
 re. Urgebat tamen expositulans, quòd Achilles non pro-
 pter res ab eo gestas: sed propter rerum ab eo gestarum præ-
 conium, magna etiamnum floreret gloria: quòd contrà
 incredibiles ALDOBRANDINORVM virtu-
 tes, quibus continenter illuxit imperij gloria, obscurarit su-
 perior etas quasi quadam muta, & tacita temporum in-
 iuria. Quid multa? auctoritate commotus sapientissimi,
 ac integerrimi viri: non ingenij viribus fretus, hoc quic-
 quid est oneris suscepi. is enim ille est HENRICVS
 Syluius Carmelitarum Antistes, tanta prudentia, pietate,
 & religione, tamq; singulari sapientia, ut nemo ab eius
 voluntate, & consilio possit, sine culpa recedere. At
 cum res ab ALDOBRANDINIS gesta, maxi-

ma sint historia: prudenter verò dicta, & responsa Cardinalis P. ALDOBRANDINI, summae artis, & ingenij: Historiam, illius Apophthegmate oblectatus, & doctrina, in aliud tempus reieci. Nihil enim latet, in priscae virtutis arcanis, quorum ille est peritissimus, quod non liceat plurima cum eruditionis suauitate, & ingenij condimento, in hoc eius laconismo regustare. Nec mirum id quidem. Nam quanta quisq; praestat sapientia, tanta eius ex oratione, instructio efflorescit, & doctrina, quando, ut quisq; virtute sit praeclatus, ita loquatur. Cyrus itaq; Xenophonticus, iam morti vicinus liberis suis optimam ex sapientum dictis, ac responsis doctrinae suppellectilem esse petendam, quasi thesaurum, testamento reliquit. Non enim magis, aut Leo ex rugitu, aut pecus ex balatu, aut deniq; ex Barritu Elephas cognoscitur, quàm mens Principis, & natura, ex vocis eius sonitu percipitur. Quare omnis ferè Antiquitas, Agesilai: Epaminundae: Pyrrhi, aliorumq; summorum Principum Apophthegmata: ideò commendauit memoriae, ut nullo unquàm tempore, non viderentur esse superstitites, quasiq; adessent absentes, in omni rerum deliberatione audirentur loquentes. Sed quid ego hac? Quemadmodum Xenophon Socraticus, qui Platonis fuit amulus, Cyri iunioris Persarum Regis padium cum scriberet, patrem Cambysem inducit praeceptorem, eò, quòd non magis ars medendi ex medico, quàm regendi disciplina, ex Rege sit haurienda: ita ego Ampliissimum virtute, & sanctimonia Principem lubens delegi Cardinalem ALDOBRAN-

BRANDINVM, qui Apophthegmata de perfecto Principe, quasi decreta, qua Graeci vocant *dogmata* funderet plena ingenij, & grauitatis. Haud enim quisquam ad hanc rem, nisi qui sit sapientissimus, est idoneus. Quandoquidem nemo potest, melius, quàm quod est instructus, alios instruere. Hic igitur, cum multa diuino quodam spiritus afflatu intelligat, quae nunquam didicit, sitq; non Philosopho aliquo, sed Deo immortalis magistro, factus omnium sapientissimus: non possunt haec eius Apophthegmata non plena esse recundita doctrina, & plurimae utilitatis. quid inquam utilitatis? Quemadmodum olim Lyfippus, Doriphorum puerum à Polycleto sic effictum esse dicebat, ut omnes artis virtutes in se haberet, atq; Artifices illum, Canona vocabant, lineamentaq; totius artis, ex eo veluti quadam ex lege totius picturae, sumebant: ita opus hoc de arte imperandi cum exierit ex dictis **P. ALDOBRANDINI**, & responsis, qui tantum sapit, quantum vix cuiquàm mortalium fas est de cælo optare: illud fore censeo, veluti quoddam exemplar Regiae virtutis, & disciplinae. Etenim quae optima ars est imperandi, ea maximè fundata est in sacrosancta Aldobrandinorum religione, quam artem Cardinalis **P. ALDOBRANDINVS** à maioribus suis accepit veluti quadam ex hereditate. Ars enim imperandi nascitur ex religione: nata, ab Aequitate veluti ab obstetrice excipitur: excepta, ab obseruantia nutritur: nutrita, pietate corroboratur: corroborata, gratia adolescit: adulta vindicta armatur: ac demum veritate ad gubernacula imperij

imperij instruitur. Ha autem omnes virtutes cum Aldobrandinorum generi quasi diuinitus desponsae sint, et destinae, non potest ars imperandi, non quasi nexu, & mancipio illis fieri singularis, & propria. Hac autem ars & doctrina Aldobrandinorum, si ab ullo Apelle posset suo colore figurari, cerneretur in picta tabula, non solum ijs virtutum lineamentis expressa, quarum olim, & Solon apud Athenienses, & Lycurgus apud Lacedamonios, & Numa Pompilius apud Romanos, floruit gloria: sed etiam ijs sapientia pigmentis colorata, quae aciem fugit ingenij; nedum oculorum. Quare felix, & perenne sit oportet Aldobrandinorum imperium. Nam quae sedes imperij nescit cadere, est religio. olim igitur mundi Imperium cum affectarent Romani, non ferro ad eius gloriam, sed religione sibi iter aperuerunt. Nec inconsulte id quidem. Nam quandiu, apud eos, tanti fuit inanis etiam cultus religionis, ut mulieres Romana non vererentur, in deprecandis hostium periculis, templorum pavimenta, solutis crinibus verrere, semper creuit aduersus hostes Romanum imperium: ubi contra in eo cepit contra ius, fasque violari pietas, statim vis, ac robur omne cum religione cecidit imperij. Atque quoniam vexillum virtutum omnium, quibus sustentatur imperium, est religio, ideo, & Persae Regem suum, quasi numen adorabant, et Romani Pompilium Numam à numinibus colendis vocarunt, ut docerent, puto, neque Regnum sine Rege: neque Regem sine religione posse consistere. id omne certe quidem gloriosius Græci. ut ipsa vox ALDOBRANDINVS satis videtur

videtur docere. Nam eam, si ad viuum velimus refecare
ἀλδοβρανός, cresco: Ἀλδοβρανός victoria: noua mens, quæ sedes est
sapientia, & religionis interpretatur, quasi nihil sit AL-
DOBRANDINVS, nisi contra hostes crescens, ex
religione victoria. Gloriosum igitur est Aldobrandinorum
nomen: Gens verò cælestis, & propè diuina, ut quæ vi-
uens in terris, semper in cælo, cum Deo immortalis visa sit
habitare. vetus est, in HORLANDO Aldobrandino
testimonium. Nam quadringentis iam antè annis, hic si-
bi non solum pietatem, sanctimoniam, ac religionem com-
parauit, sed etiam publicos pietatis, sanctimonia, ac reli-
gionis faustus omnes intra domesticos parietes aduexit.
Nec id, sine magna nominis sui, & famæ gloria. Nam
si laudatur Lycurgus, qui paruarum rerum sacrificia in-
stituit, ne ullus in sacrificijs peragendis, relinqueretur ex-
cusationi locus: quanta laude, & gloria debet in cælum
efferri HORLANDVS Aldobrandinus, qui ut sa-
crificia passim fierent, multos religione institui iussit,
nec minimas opes erogauit? Hic ut facultates eius paupe-
ribus erogatas præteream: Florentiæ habet tanquam per-
enne suæ clementiæ monumentum: Seruitarum Cano-
bium, quod vulgo Annunciata Virginis nuncupatur no-
mine. Nam cum in squalore, & inopia iacentibus,
nunquam dextram, ut aiunt, porrigeret, digitis clausis:
tum Seruitarum Patribus templi, & fundum, & fun-
damentum donauit, in quo augustinum Diuæ Virginis
MARIAE Fanum, quod orbis Florentiæ decus est, &
ornamentum, etiamnum cernitur in cælum erectum. Is

autem

autem nunc iuris, nunc earum rerum opifex fuit, & architectus, quibus fides, quibus religio, quibus ius denique humanum, diuinumque sustentatur. Tot tantisque res gessit, ut non ciuis, sed hominis nomen videretur virtute, & gloria superare. Hoc semen, haec stirps est ALDOBRANDINÆ Gentis, cuius fructibus imperij vis, religio, atque Reip. virtus alitur, & confirmatur. docent id prisca ab HORLANDO Aldobrandino rerum gestarum monumenta. Nec enim patriae solum tutor solers fuit, & diligens: sed etiam publicae salutis tam acer, & acerbus propugnator, ut in eius fide, & tutela, tota ciuitas angores omnes, et molestias soleat deponere. Quare ab ea, honoris ergo, pacis, & otij parens: felicitatis auctor & dominus saepe est vocatus, semper autem habitus. Haec virtus in Aldobrandinorum genere, semper creuit cum aetate, & ita creuit, ut quando iustitiae statera fuerint eorum merita librata, solo potuerint papatu compensari. Quid aliter repetam? confirmauit id à teneris, ut aiunt, vnguiculis HIPPOLTVS Aldobrandinus, qui vix adultus ita iura tenuit, ut ea non ab alijs accepisse, sed ad alios ipse de caelo attulisse videretur. Mox igitur à PIO V. Auditor Rotae factus, tanto ingenij, & doctrinae illuxit splendore, ut in obscurissima rerum caligine, nullae prope quaestiones, & controuersiae, vllas, contra ancipitem, & dubiam mortalium opinionem, haberent inducias, nisi in HIPPOLTI Aldobrandini voluntate, & iudicio. virtutis igitur ergo à SIXTO V. Cardinalis Creatus, tanta repente, in eo creuit, cum digni-

que plurima rerum simul humanarum, & diuinarum
auxit gloria. Feracissimus est, in hac Amplissima AL-
DOBRANDINORVM familia, virtutum om-
nium campus: ex qua quid Marti cum Musis: quid To-
gae, cum sago: quid calamo, cum ferro: quid deniq; pa-
ginis commune sit cum armis, nullo propè negotio fas est
intelligere: in quibus omnibus, quid affectandum sit
docet religio: quod iter ad felicitatem imperij sit insisten-
dum, precipit ius, & ratio. Quare in Imperio nullum
vallum, aduersus iniuriarum procellas, & tempestates,
est firmitus iure, & aequitate, cuius in finibus nihil potest
quis timere mali, quia ex ijs omnis exulat iniuria. Te-
stis est grauissimus, ut ab aliorum infinitate recedam,
SILVESTER ALDOBRANDINVS CLE-
MENTIS VIII. pater, qui Principes optimos quosq;
benevolentiae federe, tanquam Herculeo nodo, ita sibi ob-
strinxit, ut nulla in re, consueuerint facilius, quàm in
eius opinione, & voluntate acquiescere. Nihil enim in
omni dissidio prater ius: nihil in iure ardentius, quàm pu-
blicae societatis incolumitatem anhelabat. quid dicerem
concordiam, & amorem? ut Medicus non est amicus
aegroti, qui eius aegritudinem non habeat in odio: ita is
patriam minimè amat, qui patria non odit incommoda.
itaq; haud quicquàm potius habebat, quàm ut eius aut
inopiae pecunia, aut imbecillitati auxilio, aut impruden-
tiae consilio occurreret: quod cum fecit, nihil, nisi quod
regium sapit Diadema fecit. Quare nunquàm de SIL-
VESTRI ALDOBRANDINI fide, pietate,

b &

Et sapientia cogito, quin mihi veniat in mentem Agastis
Regis Lacedaemoniorum: qui non alijs praesse, sed
prodesse studebat: quiq; sui praesidia, non in populi arma-
tura: sed in benevolentia collocabat. Nam in firmamen-
tis Imperij, nullum neq; valentijs beneficio viget Diade-
ma, neq; gestatur amore gloriosius. Atqui SILVE-
STER Aldobrandinus tanto erga Patriam semper
exarsit amoris incendio, vt pro patriae salute, nunquam
veritus sit suum iugulum ostentare. Itaq; cum posse plus
non videatur princeps, quam quod iubet virtus, Et do-
ctrina, nulla est principis potentia, quae non videatur SIL-
VESTRO Aldobrandino semper fuisse singularis, Et
propria. Quocirca ille cum apud omnes exterarum gen-
tium Principes, tum in Italia, apud Et Urbini, Et Ferae
Duces, tanti est habitus, vt illi in consilij sui deliberatione
SILVESTRVM non solum vellent interesse, sed etiam
praesse: nec eum comitem habere, sed Ducem gestirent, in
rebus arduis sequi. Norat enim hic plebis temeritatem
frenare prudentia: rabularum lites Et iurgia iure sedare:
perditorum libidinem arcere continentiae exemplo: furo-
rem iratorum fortitudine restinguere: ac demum impio-
rum facinora aequitate superare, Et iustitia. Quare à
PAULO IIII. Aduocatus, Et consistorialis, Et
Fiscalis creatus, eum se praestitit in tractandis imperij
habenis, vt non tam videretur regere, quam quomodo es-
set regendum alijs ostendere. Hic enim quasi de caelo fa-
cem Promethei cum haberet accensam, homines ex caeno
vitiorum concretos, sapientiae flamma, omnes ad virtu-

tem informabat: Nec ferro, ut olim Romulus, Romanis: sed sanctimonia, & religione posteris, ad imperium iter aperuit. Etenim nihil erat SILVESTRI I. C. sapientia, nisi ars imperandi, & scientia. Hac quippe instructus norat ex aliorum & erroribus, quod rectum est sequi, & periculis, quod tutum est amplecti, ac deniq; erudiri ad gloriam ex aliorum infamia. Ius autem omne summa definiuit religione: religionem tot artium dotibus locupletauit: tanta virtutum omnium dignitate honestauit, atq; ea facultate dicendi illuminauit, ut in religione non solum iuris, & iustitia, sed etiam sanctimoniae videretur magister, & dominus. Quare in florentissimis Italiae Gymnasijs iuris interpretes, non tam lingua, quam manibus ius docebat. Nam cum firmitus inculcatur morum disciplina, exemplis: quam verbis, ita vivebat; ut illius vita multorum esset instructio, & disciplina. Quamquam gloriosius ducebat hominum oculos, quam aures erudire, tamen non solum voce, sed etiam stylo; veluti quodam sole, quae in iure, & legibus occulta sunt, & retrusa, illuminauit. Nec ad fidem opus est verbis. Nam cum esset splendor sui ordinis, eximium patriae decus, atq; exemplar verae, germanaeq; iustitiae, non modo, non potuit virtus eius occuli: sed etiam eo illuxit splendore, ut SILVESTER ALDOBRANDINVS non solum Italorum, verum etiam gentium omnium clarissimum lumen haberetur. Magna, fatcor, fuit viri, ex virtute felicitas: summa ex liberis quatuor ab eo in lucem susceptis, THOMA: JOANNE,

HIPPOLYTO, & PETRO, qui omnes opti-
ma reip. summi fuerunt Architecti, & opifices. Ea quip-
pe illorum omnium erat equitas, qua populorum pax nu-
tritur, et concordia: ea sapientia, qua cessant maleuolo-
rum quarelae, odia, inimicitiae, bella, seditiones: ea de-
niq; industria, qua tantum in tractando imperij clauo
valebant, ut illi prater ceteros viderentur totius orbis, &
bona conseruare, & mala euertere posse. In eo enim
quem colebant iustitia campo, neq; violentiae, neq; fraudi,
nec audaciae, nec temeritati, nec deniq; iniuriae ullus est
in quo consistat locus. Quare in ALDOBRAN-
DINIS Ars ea imperandi potissimum laudatur, quae
imperantem sic afficit, ut non malit alijs imperare, quam
rationi obedire. Iustitia quippe Magistra, volebant Prin-
cipis officium, non priuata, sed publica utilitate esse de-
finitum: officij eius esse, legibus parere: ius, & liberta-
tem populi seruare: Senatus auctoritatem defendere,
reuereri, & obseruare. Imperium enim propter viro-
rum bonorum praesidium, contra sceleratos, & impro-
bos homines, est institutum: huicq; summa potestas
concessa, ut vindex iniuriarum, custos libertatis, &
iudex vitiorum existeret. Quorsum hac? nihil est in
iure, & legibus: nihil in praeceptis de officio, & vir-
tute Principis, quibus non solum instituitur, sed
etiam seruatur, atq; omni gloria augetur imperium,
quod non habemus in Praclarissima ALDOBRAN-
DINORVM familia, exemplorum testimonijs
corroboratum: nedum promptum, & expeditum.

Nec

Nec enim CLEMENS VIII. quenkquam, præter sapientem, ad tractandas imperij habenas admittit. Nam Imperanti duplici virtute cum opus sit, una externa, politica nimirum, quam qui habet non se, sed alios. magis bonos viros facit: altera insita quam qui possidet, vir bonus dicitur, nouitq; spem, timorem, cupiditatem, ac iram deniq; in rationis finibus arcere. utranq; enim Summus Pontifex à puero ita traxit de cælo, ut non tam Imperij administratores, quàm cum ijs, virtutem administrandi videatur humana societati suggerere. in quo vix satis dici potest, quanta ipse Pontifex dignus sit gloria. Nam ubi deest politica virtus: ibi in Imperio, ex beatis infausa, & misera fiunt omnia. Etenim quorsum, quòd Romani toties Triumphus Pompeius auctor, & opifex, sola inuidie causa, ad opprimendum C. Casarem impulsus, auctor sui interitus fuit, et magister publica calamitatis? Ea est politica virtutis ratio, ut nulli ne minima quidem scintilla odij sit inter Principes admittenda, nisi qui uelit grande incendium accendere. Atq; ne de THOMA Al-dobrandino taceam, quid uel à natura, uel ab arte desiderari potest, quo non cultum, ornatumq; extitit eius ingenium? tam subtilis fuit Philosophus, & orator uehemens, ut magis artes ingenio: quàm ingenium artibus honestare uideretur. Huius singularem doctrinam cum omnes suspicerent pari eloquentia coniunctam: tum PIVS V. propter admirabilem uim eius ingenij, mirifice oblectatus est eius consuetudine. Quare illum, penes se, ut haberet, constituit à secretis orationis latina.

qua ex re summo Pontifici ad voluptatem, non exigua
etiam accessit dignitas. Nam quid est tam horridum, et
incultum, quod eius non spendesceret oratione? quid tam
incredibile, quod dicendo non redderet probabile? Haec,
& multo maiora loquuntur, quae ab eo profectae sunt
Diogenis Laertij traductiones. Si maximum urbis de-
cus, est virtus: quanti ab urbe is debebat fieri Philoso-
phus, qui summus erat architectus virtutis? Non, si ma-
iores sunt ingenij, & doctrinae: quam corporis, & fortu-
nae vires, pluris fuit in urbe THOMAS Aldobrandinus
omni Regia Gaſa, qui in philosophia Isocratis retinebat
eloquentiam, & in eloquentia Aristotelis Philosophiam,
cuius disciplina inuentrix est legum: morum magistra:
ingenij lumen: cos deniq; veritatis? Nec is adeo virtutes
omnes laudabat, quam unam in caelum attollebat obser-
uantiam. Quidenim aut in scholis proſit veritatis disci-
plina, nisi veritati obtemperent artes omnes, et scientiae,
aut in moribus valeat iuris imperium, nisi populi adsit
obsequium? non una est, sed omnis uirtus obseruantia,
qua detracta, & lex, & ratio omnis relanguescat opor-
tet. quid? Nemo est in tam eminenti dignitatis gradu
constitutus, qui recte ante possit imperare alijs, quam cae-
perit Deo Opt. Maximo, atq; summae rationi parere.
nec exitus potest, non miser esse imperij: nisi ex animo obe-
diat Principi populus. Quare nihil est obedientia ciuium,
nisi urbis felicitas, & Principis gloria. Nam quorsum
duplex ius, diuinum unum, alterum positium? Ut
huic populus, alteri Princeps cum subiiciatur, intelliga-
mus

mus virtutes omnes, in obedientiae pradio nasci, & possessione. Hac una virtute THOMAS Aldobrandinus sic oblectabatur, ut mallet rationi parere, quam viris imperare. qua in re, non tam fuit Philosophus: quam philosophorum omnium lumen, atq; sapientia decus: nec adeo virtutibus omnibus fuit instructus: quam ipse virtutum omnium minister simul, & magister. Quare tanta apud PIVM V. fuit auctoritatis, ut vix quicquam summus Pontifex ratum haberet, nisi quod ante THOMAS Aldobrandinus probasset. Sed quid ego hac de summa doctrina THOMAE Aldobrandini? Quem admodum ab uno Hippocrate uniuersa medicinae adiumenta, sic ab eo ALDOBRANDINO omnia politicae virtutis, ad bene beateq; regendum, praecepta fas erat optimo cuiq; Principi haurire. Quas igitur Cardinalis P. ALDOBRANDINVS, THOMAM Patrum imitatus caelesti spiritus afflatu, continenter arcendo populum in rationis gyro, fudit animi sui sententias, eas volui, non minori fide, & integritate, quam studio, & solertia longè lateq; perquirere, atq; tanquā veros rectè, & feliciter imperandi aphorismos in unum locum congerere. Nec solum probauit hoc meum consilium IO. BAPTISTA Costa primarius iuris Canonici in Ticinensi Gymnasio, interpres: sed etiam veluti quodam studij ardore inflammavit. Nemo enim potest non prudenter agere qui prudentissimi viri stat iudicio. ita autem ille iurisperdentia seruat momenta omnia, ut totus videatur ex iure pendere, & iustitia. ab eo enim lex non modo publicè do-

cendo, aut funditur aperta, aut latens explicatur diuidendo: aut incognita demonstratur definiendo: aut incerta probatur argumentando: aut anceps & dubia illustratur interpretando: sed etiam ita colitur, & observatur, ut ille nunquam videatur sine iure publicae utilitatis, & communis commodi respirare. Nam quid de Aldobrandinorum iustitia dicerem? quemadmodum non vir ab uxore, sed uxor à viro nobilitatem capit: ita apud Aldobrandinos, non iustitia ex officij dignitate: sed officij dignitas ex iustitia, monimenta summi laudis, & gloria. Hac autem in CLEMENTE VIII. tanta est, ut iustitiam, neq; virtutum omnium optimam, sicuti Plato: neq; admirabilem, ut Aristoteles: nec praestantissimam veluti Cicero: nec fundamentum perpetuae commendationis, & famae quemadmodum ceteri, modo gestiam nominare: sed una cum Demosthene velim, aut cogar potius eam Reip. felicitatem, atque mundi animam appellare. Nam quid est summi eius Pontificis iustitia, nisi rerum humanarum, & diuinarum vinculum: nisi Terrae, et Caeli veluti quadam amicitia? nisi interioris, & exterioris hominis Tranquillitas? nisi quasi pabulum religionis: nisi decus communis vitae, & publicae salutis firmamentum? Nihil maiorem in modum Antiquitas anhelauit, quam Principem diuina ferri, duciq; virtute. Nam cur Achillem à Thetide: Memnonem ab Aurora: Theseum à Neptuno: Romulum à Mare genitum esse volebat? res ficta, & commentitiae, in fabulis magnam ansam mortalibus porrigunt veritatis. Non est Principis virtus ex
scholis

scholis accersita, sed de caelo profecta: non vigilijs, & laboribus comparata, sed veluti quadam ex hereditate nata. Testis est in Praclarissimo Heroum genere. IOANNES Aldobrandinus summi Pontificis Frater: sapientiae exemplar, & Hetruria decus. Nam ille primum Auditor Rotae, iura omnia veluti quadam diuinitate recreauit debilitata: deinde Cardinalis, ita vitae sanctimonia Ecclesiae Romanae dignitatem honestauit, ut non solum splendor fuerit sui ordinis: sed etiam, teste PIO V. à quo in Collegium Purpuratorum patrum cooptatus fuerat, animi casta, verecunda, & incorrupta integritate, sapientiae nomen visus sit superare. Quare consuevit CLEMENS VIII. dicere Pontificatum ex eius morte orbem ad se peruenisse: in Pontificatu, ideò tibi locum esse datum, quia non esset superstes IOANNES Card. Aldobrandinus. At qui longius Superstes is, qui tantam imperij molem sustinebat, esse potuisset? nescit pietas, quod graue, & acerbum est, si honestum sit modo, timere: mori pro patria, pro religione, pro imperij libertate gloriosum esse ducit, & suauē. Hac est, ut suo docuit IOANNES Cardinalis instituto, virtus Aldobrandinorum: Hac eius Antiquissimae familiae industria: hac laus: & gloria, quae in pietate, nihil videtur Antiquitati concedere. Nam laudatur apud Romanos, Metellus Pontifex, qui Vestali Aede fortuito flagrante, per medias flammās, Palladium, ex incendio substraxit, & iure quidem laudatur, quippe qui malebat pietatem sine vita, quàm vitam sine pietate. Laudatur, tot antè seculis Aeneas pietas, quod

quod Capto Ilio, Achiui miserati captiuorum arumnas, cum per praeconem denunciarent, ut singuli ex liberis ciuibus, quod uellent, unum aliquod secum auferrent, ille ceteris neglectis, Deos Penates exportauit: At fuit adumbrata illa, & adulterina utriusq; pietas: vera autem germanaq; pietatis laus est, in ALDOBRANDI-NORVM stirpe, et semine: & ita vera, ut si hoc genus, erga Deum immortalem tollatur pietatis, statim & fides, & iustitia, & societas humani generis intereat necesse sit. Non longè abeo, IOANNES ille Aldobrandinus summus I. C. summus Rotæ Auditor, summus Cardinalis natura fuit adeò Clemens & pietate insignis, ut semper, & in egestate abundaret, & in opulentia egeret. Nam, quod dictu est admirabile, in summa opum, erga pauperes erogatione, diues: in procacitate perditorum hominum, gloriosus: in periculis, quæ nunquam pro patria, recusauit, ultro etiam sæpè est aggressus, incolumis semper remansit. Quemadmodum enim Myro pisci si oculus eruatur, fronti q; hominis, aiunt, appendatur ex ophtalmia laborantis, solet pisci oculus renasci: homini verò ophtalmia sanari: ita nihil ex pietate optimi Antistitis unquam potuit detrahi, quod non visum est, ad eum cum admiratione reuerti. Hac quippè eius erat Pietas, quæ fidem constantia: officij dignitatem iustitia: pietatis nomen admirabili superaret sanctimonia, quæ eò magnitudinis processit, ut ei ad glariam nihil amplius addi posset. Quanquam tamen pietas non est eius Cardinalis: sed virtus Aldobrandini generis. Nec in rebus apertis

vti volo exemplis non necessarijs. Nam cum ea omnis familia, ex sua pietate Religioni plurimum attulerit ornamentum: tum CLEMENS VIII. tam pius, erga Deum immortalem, se praebeat, vt CLEMENTIS VIII. nomine recreari videatur ipsi in Fanis, & delubris parietes. Etenim cum multa sacrae Aedes per eum sunt restituta: tum Fanum ipsum D. IOANNIS Lateranensis: tanto sumptu, tam artificiosè est restitutum, vt à CLEMENTE VIII. non renouatum: sed erectum esse videatur. Quid? in Rebus bello ardentibus, nulla unquam tam plena horrois fuerunt pericula, quae non consuevit pro religione, & pietate, contemnere: in otio autem, & pace, tanta semper fuit erga populum liberalitate, vt cum continenter in caritate annonae, recreatus fuerit summa eius beneficentia: tum urbem ipsam multis liberarit oneribus, quae à XISTO V. & alijs summis Pontificibus urbi erant imposita. Hac autem sapientiae semita, vt ij omnes, ad Pietatem contenderent, in quibus cardo vertitur imperij, nullos unquam antè creauit Cardinales, quàm norit eos esse, qui in Puppi sedentes possint gubernacula tractare communis salutis, & vitae: ad quos omnes excitandos non minori munificentia, quàm prudentia ad deligendos, semper fuit propensus. Quantum enim in eo ad res grandes sit animi, testis est purpuratorum patrum confessus: Testis est Regina MARGARITA. Testis Archidux Austrus: quorum altera Ferrariae incredibilem Apparatum: alter in apparatu, sapientiam magnanimitatis Regiae plenam non suspiciebat sine admiratione.

tionē. Decorabat omnia gloriae monimenta, in Matrimonij nexu constringendo, singularis erga PHILIPPVM III. & MARGARITAM Reginam Summi Pontificis benignitas, plena magnificentiae simul, & diuinitatis. Nec enim cuiquam in apparatus elegantia, & copia rem ullam commendauit, nisi ei, qui esset Religiosus, doctrinae singularis: ingenij admirabilis: modestus: grauis, & temperans: consilio prudens: iudicio constans: fortis deniq; in periculis, atq; in omnes facilis, & benignus. Qui autem Antistites potissimum Regina aduentum honestabant, eorum à Summo Pontifice is habitus est delectus, ut nullus inter eos conspiceretur, qui aut Soloni in sapientia, aut Isocrati in suauitate dicendi, videretur concedere. Fit igitur, quoniam, aut proprijs, aut sapientum tantum, in tractando imperij clauo, utitur adminiculis, ut res uniuersa obsecundare uideantur cœlesti illius, ac diuinæ uoluntati. Quare si liberorum uirtus, patris est felicitas, non potest SILVESTER Aldobrandinus ex tam cœlesti, & diuina liberorum uirtute, & gloria, non esse etiamnum inter mortales ter felix, & beatus, qui orbi uniuerso terrarum, tantum peperit felicitatis. Etenim cum nihil ab eo non aquum: nihil non salutare: non utile: non plenum deniq; felicitatis manaret, factum est, ut eum omnes quasi quoddam terrestre, oraculum humanæ sapientiae intuerentur, atq; ueluti diuinum hominem è cœlo, ad sedandas Principum discordias, et ad propagandam imperij incolumitatem, missum contemplarentur. Hic quippè nihil unquam ardentius curauit,

curauit, quàm ut hominum generi, & animi bona infereret, & extirparet contraria. constat enim homo ex animo, & corpore, quorum alter, altero longè est præstantior. Quare legumlatores absurdum esse putabant externa bona, quae corpori tribuuntur, curare: animi verò bona negligere, quorum gratia potissimum censebant homines viuere. itaq; nemo unquam Philosophus de Rep. scripsit: nemo aliquando sapiens Remp. formauit: nemo usquam gentium Magistratus ciuitatem rexit, qui non ciues suos bonos efficere conatus sit. Hùc Charondae: Zaleuci: Minois: Lycurgi: Solonis, ac Priscorum omnes leges pertinent: Nec horum temporum extat ullus legislator, qui non supplicia improbis, & premia bonis viris statuerit: quiq; non quâsi pestem ciuilem perhorrescat fœditragos: periuros: ambitiosos: mendaces: libidinosos, ac omnes deniq; nefario pastos scelere. Hac omnia cum præclarius ex Aldobrandinorum rebus gestis possint spectari, quàm ex veterum libris de Rep. legi, existimaui plurimum me humana societati profuturum, si minus facta possem: at dicta eorum sapienter, & responsa commendarem posteritati. quid inquit me profuturum? non est boni viri spem, sed officium sequi. illa quippè est ALDOBRANDINORVM virtus, quae depascenda est omni mortalium gloria. Nec enim unquam post homines natos, cuncti populi, vniuersae gentes, atq; nationes omnes quicquam habuerunt antiquius, quàm ut ipsi, qui aut fines auxissent imperij, aut imperium ex hostium clade, & periculi faucibus eripuissent, summi honores decernerentur.

nerentur. Neq; enim alia de causa, Creta Iouem: Ar-
chia Theseum: Osyrim Aegyptus in cælum laudibus sustu-
lit, nisi quia, superatis hostibus, in iure, & legibus fir-
mamenta fixerunt imperij. Ex quo quantum omnis hac
nostra atas debeat Aldobrandinorum generi, non diffici-
le est odorari. Nam PETRVS ALDOBRAN-
DINVS, CLEMENTIS VIII. frater, ita pu-
blica continenter excubabat utilitati, vt in iure dicendo,
cuius magister erat, & dominus, vix vnquam hominum;
semper Dei duceretur consilio: nec adeò virtutibus huma-
nis sua firmaret iudicia, quàm ipsas humanas virtutes,
veluti quadam indicij diuinitate. Hic autem in toga sic
erat animatus, vt quæ religioni, & pietati vultura iniu-
ria, per vim essent illata, summa vi, et impetu molire-
tur repellere: atq; afflictæ Ecclesiæ ita succurrere, vt ibi,
vbi non esset consilio locus, non metueret, quod ius, quod
ratio non impetrarat, ferro extorquere. Hic inter omnes
fratres, post CLEMENTEM VIII. maximè
profuit humana societati: Non quoniam vera germanaq;
exemplar fuit sapientiæ: sed quia Card. PETRVM
ALDOBRANDINVM suscepit filium. Huius
enim sapientissimi Antistitis Ecclesiæ armata cum si
virtute, potest nunc demum ex rerum asperitatibus caput
attollere. Nam is ille est, cui & animus crescit cum re-
rum difficultate, & consilij lumen, cum earum obscuri-
tate, quiq; tantum iudicio valet, vt nihil lateat in artis, et
doctrina nomine, quod non uideatur usu, & experientia
tenere. Huc accedit quòd nihil est Cardinalis PETRI
ALDO-

ALDOBRANDINI fortitudo, nisi quasi quidam virtutum omnium circuitus. Grandia quippe quae sunt, & sublimia iuste appetit: appetita fidenter suscipit: suscepta fortiter tolerat: tolerata deniq; strenuè ad exitum perducit. Quae autem duae res; in armis, plurimum valent, robur, & consilium: illae ambae in eo non minus vigent; quàm fas est in inuictissimo Principe desiderare. Itaq; consuevit, ut olim Anthistenes, omnia bona Hostibus, praeter fortitudinem à Deo precari: quòd ea non sint possidentium, sed eorum, qui possidentes virtute superant. In Bello igitur Hostes: in otio voluptates rationi inimicas sic contemnit, ut turpius putet voluptati, quàm hosti succumbere. Virtutis bellica, in Ferrariensi expeditione graue reliquit monimentum, quod quia neq; huius est otij, neq; instituti, facile praetereo: hoc autem tacere nequeo. quod ea floret dicendi facultate, qua possit milites animare metuentes: fugientes retinere: omnes hortari publicè: priuatim saluti omnium consulere: arma expedire: milites conscribere: phalanges, ac turmas ad signa vocare: tormenta disponere: hostem ferocia exultantem arcere, ac deniq; boni ducis, & Imperatoris fungi munere. Sed quid ego hac ex tanto Heroum numero in **ALDOBRANDINORVM** Domo? est hac eorum domus non sedes, sed officina virtutis, & gloriae. Nec, ut Graecia unum tantum: sed plurimos habuit Solones. quid enim dicerem **HERCVLES**? ea virtus est **JO. FRANCISCI Aldobrandini**, cuius splendorem hostes Ecclésiæ non possunt sustinere: nedum vim, & impetum retundere

tundere semper hic ea arte, intelligentia, industria, & doctrina praeceperunt: quae portenta scelerum: libidinum gurgites: flagitiorum sentina, atque lerna malorum omnium facile ex mortalium finibus, potest eijci, & exterminari. Atque ita continenter in praclarissimorum Heroum ordine vixit, ut vel stupidissimum quemque sua laude commoueret, exemplo doceret, atque quod iter, quae via virtutis ad Imperij gloriam sit affectanda, aperte palamque demonstraret. Atque cum versetur Res bellica partim in viris, partim in armorum genere, partim in bellandi disciplina: hac omnia belle in vno IO. FRANCISCO Aldobrandino strenuissimo Armatorum exercituum, in Pan- nonia Duce, nuper summo gloria splendore illuxerunt. Nam cum virorum, in bello, hac est conditio, ut alij Imperent, alij imperata faciant, eum se Imperatorem praestitit, ut difficile sit dicere, utrum fortior in agendo, an prudentior in deliberando fuerit. Nec enim minus unquam habuit in periculis, animi, quam in rebus obscuris, & dubijs consilij. Quos autem habebat milites sua disciplina alumnos, & rei bellica ministros, ita instruxerat, ut aduersus Turcarum vim, & impetum; animo essent grandi, & elato: in machinandis insidijs, vafri, & veteratores: in conflictu, ira et audacia ita precipites, ut signo dato salutis, & vita prodigi magis viderentur, quam liberales. Armorum autem varia, et multiplex est ratio: quorum omnium, in IO ANNE FRANCISCO Aldobrandino tanta est peritia, & quicquid legiones, cohortes, Turmae: Phalanges: Hastati: Antefi- gnani:

gnani: Rorarij: ac deniq; Triarij milites armis praesentarent, id omne nunc Pedes, nunc eques sic exerceret, ut ad omnia armorum genera, non factus, sed natus esse videretur. Virtus demum Militaris, quae ars est imperij, & regia disciplina, ei ita est familiaris, & cognata, ut nihil fuerit, aut in Cyri Regis exercitu tam elaboratum, aut in Astu Annibalistam recunditum, quod apud eum Imperatorem non continenter frequens fuerit, & visitatum. Belli enim tempore, nihil committebat fortunae temeritati, sed omnia virtuti. Norat enim Geometriae praesidio, quibus in locis, lignari: aquari: pabulari possent milites: qui recessus quae flexiones, quae diuerticula ab hostibus essent cauenda: quidue de com meatu esset aut sperandum, aut timendum. Atq; artem militarem tanta prudentia, tolerantia, iustitia, fortitudine, & solertia commendauit, ut ingens saepe Turcarum exercitus parua manu ab eo restinctus sit, & deletus. Quem enim non poterat armis, & viribus, norat stratagemate superare: atq; si res ferebat, malebat ex hoste, consilio, incruentam: quam aliena clade emptam, victoriam reportare. Verum inter summas eius aduersus Scytharum vim, & impetum, victorias, ea in primis laudatur, quae Strigoniam non sine plurimo discrimine, recuperauit perditam. Confligebat enim non cum Auaritia timidorum: sed cum face, & furia armatorum, qui non opes, sed sanguinem videbantur sistere: At quoniam boni Imperatoris ducebat esse, milites maiori amore, quam hostes odio prosequi: malleg, mori in acie, quam hosti terga dare:

cas in periculis norat vias, ex quibus miles, hoste prosti-
gato, incolumis euaderet. Scythae enim ferociter magis
quàm prudenter Pannoniam inuadentes cum omnia non
solum suo polluerent scelere, sed etiam barbara, & im-
mani crudelitate omnes ad defectionem ab Imperatore,
& obsequio Romanae Ecclesiae compellerent, ingenti ce-
leritate semel atq; iterum IO. FRANCISCVS Al-
dobrandinus cum exercitu ex Italia Pannoniae labenti
præsto fuit: eiusq; opera, et studio vrbes omnes, in ea re-
gione, quae partim peste, partim fame, partim cladibus
erant exinanitae, priscae virtuti sunt restitutae. Nec mi-
nus, quàm in bello, fortitudo: eius laudatur, in pace sum-
ma iustitia, cuius duae sunt, quibus reguntur vniuersa
habena: seueritas in puniendo, & praeium in remune-
rando. Nam illius praesidio viae clauduntur ad peccan-
dum: Huius spe contra iter aperitur, ad bene beatèq; agen-
dum. Vrbes enim molitur decorare non magnificis adi-
ficijs, sed ciuium virtutibus: non opulentia, sed ingenio au-
gere, & doctrina: in bello igitur Hostes vincit: in pace ci-
ues non tolerat improbos. Nam qui Princeps tolerare im-
probos non grauat, improbitatis fit socius, legesq; om-
nes, sine ciuium bonis moribus, etiam sanctissimae, red-
duntur inutiles. Quare in eo tota est ALDOBRAN-
DINORVM Domus, vt legum inuiolata sit aucto-
ritas: Magistratum in munere obeundo, prudentia, di-
ligentia, & alacritas: populi solers obsequium: & Prin-
cipis erga populum, acre & intentum studium. Nihil
est itaq; in arte imperandi, quod in rebus, ab ea pracla-
rissima

rissima familia gestis, non videatur, inclusum contineri.
 Nam si ad arma animum intendimus, facile ex ea intel-
 ligimus, bellum sine religione, sine iure, non solum belli
 nomen amittere: sed etiam sacrilegij turpitudinem, & la-
 trocinij dedecus induere. Quare Hostes omnes Roma-
 nae Ecclesiae, non adeò videntur bellum conflare, quàm
 belli iura, atroci, & nefaria iniuria lacerare. Non enim
 virtus bellica in furore, sed in prudentia consistit: non in
 crudelitate, sed in pietate: non in scelere, sed in aequitate:
 non deniq; in iustitiae offensione, sed deensione versatur.
 Siquidem alia est rapina, alia Militia: aliud bellum,
 aliud latrocinium: alius Imperator, alius Tyrannus: a-
 lius deniq; miles, alius Latro. Ille enim virtute honesta:
 hic scelere molitur turpia: ille iure, hic iniuria ducitur: il-
 le iustitiam, hic anhelat pecuniam. Est igitur, & Belli,
 & pacis magistra, atq; domina **ALDOBRANDI-**
NO RVM domus, quæ ius & scriptum, & non scri-
 ptum tuetur summa religione auctum, & cumulatam.
 Quid à viris gloriae eius monimenta requiram, cum elu-
 cescant etiam in feminis? Testis est una instar omnium
MARGARITA IOANNIS FRANCISCI
 Aldobrandini filia Inuictissimi Ducis **RANVTII**
 coniunx integerrima. Nec quisquam est tam tardi, &
 hebetis ingenij, qui ex oris eius figura, non possit omnia
 regia virtutis pigmenta recognoscere. Quemadmodum
 enim Socrates, à Diotima fatidica instructus norat sta-
 tim, ex cuiusq; indole, qui essent mores animi, & sen-
 sus intimi: ita nemo est, in quo mica modo sit salis, qui

MARGARITAM cum intueatur, non sentiat continentiae, modestiae, ac summae virtutis exemplar se intueri. Virtus enim omnis in eius indole, tanquam in picta tabula, suis lineamentis ita est expressa, ut eos omnes a quibus cernitur, ad gloriam videatur virtutis amore accendere. Quare sicuti quod honestum est, corpore simul fit, & animo: ita in oris eius figura spectanda, non solum adhibendi sunt oculi, sed etiam iudicium. Quocirca non possunt Amplissimo Principi RANVTIO FARNESIO, non felices, & beata esse eius nuptia, qua non magis sunt Matrimonij fœdere, quàm virtutum omnium societate coniuncta. Nam sicuti in uxore, forma venustas, omni virtutum comitatu tenetur stipata: ita in viro summa prudentia, cum pari corporis dignitate spectatur coniuncta. quid enim aliè repetam? animaduerto ex eo sacrosancto Matrimonio, non solum Italiam: Sed etiam Europam omnem gestire latitia. Etenim Principum matrimonia non solum affinitates, in coniunctione: sed etiam in imperio, pacis, & concordiae arctissima quaeque habent vincula. Atque si Matrimonij interuentu inter mortales, non solum inueterata intermoriuntur inimicitia: sed etiam iura amicitiae concitantur ea, quae vix vlla dirimi possunt iniuria: quenam ex faustissimo hoc Matrimonio perpetuo futura est, & Hispaniae, & Germaniae, & Italiae seges, & materia concordiae? MARGARITA AVSTRIA RANVTII Auia Germaniae obses est: Rex PHILIPPVS II. Auunculus ALEXANDRI FARNESII, Hispaniarum
arctissi-

artiffimum nunc etiam fœdus cum Italia constringit
benevolentiae: Rex Gallorum. HENRICVS II.
HORATII FARNESII Caſtri Ducis Socer, fir-
mamenta affinitatis reliquit. Nihil eſt igitur hoc ma-
trimonium, niſi veluti quoddam plurimarum regionum
vinculum ſummo amoris federe conſtrictum. Res eſt An-
tiquis exemplorum testimonijs aperta. Etenim niſi Ra-
ptæ virgines Sabinae coniugio fuiſſent placatae, connubijq;
iura, parentum animos reddidiſſent tranquillos, & quie-
tos, actum omnino erat dere Romana. ex quo intelli-
mus odij flammam non ſolum reſtingui matrimonio: Sed
etiam accendi mutui amoris ardore, & benevolentiae.
Quare nemo eſt qui, ſi pacis publicae, & concordiae gu-
ſtum, ſenſumq; modo habet, non totus iam, pro auſpica-
ciſſimis his nuptijs, geſtiat lætitia. Atq; ut illa omit-
tam: is eſt RANVTIVS FARNESIVS, qui re-
ligione: gratia: veritate: obſervantia: pietate, atq; uſu,
& experientia rerum tractandarum tantum valet, ut
nihil unquam fuerit in ſapientiſſimo Principe, tam glo-
rioſum, et admirabile, cuius per omnes gentes, non eſſe-
ratur gloria, & laudibus. Nam ſicuti res eſt admirabilis
Salamandra, quæ non ſolum, non trititur in igne, ſed
etiam ignis reſtinguit incendium: ita ille demum verè tem-
perans eſt, & integer, qui in ardore iuuentutis, nulla fla-
grat cupiditate, qui in ipſo æſtu ætatis, facies omnes reſtin-
guit voluptatis: qui appetitus domat ratione: qui ſenſum,
qui impetus omnes frenat conſilio: qui deniq; ita ſui habet
imperium, ut rerum omnium ſimul videatur habere ob-

sequium: quod omne, eò præclarum est magis, quò glorio-
sius est voluptate abstinere, quàm frui. Sed quò me mea
ab ALDOBRANDINIS abducit oratio? aggre-
diuntur illi omnes summis vigilijs, et laboribus, quæ in om-
ni imperij fastigio sunt difficillima. Nec id inconsulto.
Nam si quis, aut ex scientiarum tenebris, aut ex hostium
copijs aliquid studeat commodi extorquere, sine labore,
et tolerantia: nihilo plus proficiat, quàm si quis det ope-
ram, ut vir bonus, sine virtute euadat. Itaq; Cardina-
lis PETRVS ALDOBRANDINVS suis
quasi humeris tantam imperij molem sustentat, atq; eam
urbem, quæ urbium cunctarum, orbisq; terræ est do-
micilium, sic in officio continet, ut non solum toleranti, sed
etiam hilari animo omnes videatur absorbere difficulta-
tes. Nam quid antè quàm in purpuratorum patrum nu-
merum à Patruo CLEMENTE VIII. est ascit-
tus, fecit, aut non fecit potius? quæ arte, et industria Ar-
ci D. Angeli præfectus rem omnem administravit? eum
non solum Populus Romanus, propter res ab eo benè ge-
stas, sed etiam tota Italia ita observabat; ut eius gloria in
ore, et sermone omnium videretur habitare. Habet quip-
pe is in tractandis Imperij habenis, Aristidis iustitiam:
Scipionis sedulitatem, atq; Mithridatis Regis constan-
tiam. Quo fit, ut consueverit, ad felicitatem imperij, aut
nova documenta inuenire, aut inueterata renouare, aut
deniq; renouata meliora semper reddere. Hic Pontificiae
virtutis, et dignitatis obses, leges eas non solum in tra-
ctando imperij clauo ministravit, sed etiam illustravit,
quarum

quarum adminiculis in cœlum tollitur Ecclesia Romanæ felicitas. Atq; ut pacis, & otij iura omittam, nullum, in armorum periculis est tam tetrum, & horridum monstrum, cuius ille crudelitatem non quasi nouus aliquis Theseus vincat, ac superet. Nam quo Marte in bello Ferrariensi, periculi flammam statim restinxit? qua arte Ferrariam urbem munitissimam in deditionem venire coegit? Quemadmodum ibi apertum Argumentum est inclinantis imperij, ubi virtus languet Principis: ita ibi omen summæ est felicitatis, ubi Princeps amicos superat consilio: hostes virtute. Hac quippè eius est Antistitis sapientia, quæ capi vix potest hoc elementari globo. Etenim quæ fluxa sunt, & caduca despiciens, nihil præter id, quod diuinum est, & immortale suspicit: opes tanquam Ludibria fortunæ aut non admittit sibi traditas: aut admissas partim in pauperibus recreandis, partim in extruendis, & reparandis religiosorum aedificijs erogat. Hac cum omnes de eo prædicant, tum vnus Melchion Alciatus Iuris publicus interpres, ea prædicandi finem nullum facit: cuius laudo voluntatem: amo magis iudicium. in eo enim viro omnia sunt, quæ inueniri ingenio, quæ ornari arte, quæq; singulari possunt fieri virtute. At laudes omnes Card. P. ALDOBRANDINVS vincit magnitudine virtutis. quid dicerem pietatis? Templum D. MARIÆ in via ut dicitur, fratrum Seruitarum non vulgare urbis Romæ ornamentum, in quo, monumentum est P. ALDOBRANDINI Patris, non modo plurimis, ac magnificis muneribus honestavit:

stauit: Sed etiam praclaro auxit edificio: Aedem pariter
diui Nicolai, cuius in Cardinalatus dignitate, decoratur
titulo, ea magnificentia restituit demolitam, ut non ab eo
restituta, sed erecta videatur. Nam quid de Fano trium
ut vocant, fortium dicerem? nihil est tam retrusum in ar-
to, nihil tam ingens in re numaria, quod non videatur
pietatis causa, in urbem aduexisse. His igitur virtutibus,
quibus ille floret, summam laudem desinio perfecti Prin-
cipis. Nam cur apud Virgilium Aeneas, qui veri Prin-
cipis induit figuram, & faciens, fingitur ex matre Dea
Venere, & Patre homine Anchise esse natus? non ut hoc
sentiamus, sed ut fateamur Principem non esse, nisi qui
norit, & diuina intelligere, & humana operari, malitq.
Deo obedire, quam hominibus imperare, quibus ille sem-
per studuit non praesse, sed prodesse. Sunt praterea in hoc
uno Card. ALDOBRANDINO omnia rei bellica
documenta, atq. vniuersa virtutum omnium ne procul,
vel à Gracis, vel à Romanis petantur, exempla: sum-
maq. gloria testimonia, vitae probitate expressa. Nam
quae in pace eius est iustitia: quae in bello virtus: quae in
omni fortuna moderatio? virtus in eius vita gloriosius
cernitur, quam in Herorum Historijs legitur: nec adeo
verborum luce, quam rerum ab eo gestarum gloria illu-
stratur. Sed quo ad laudes ALDOBRANDI-
NORVM rapior? ne videar, tanquam alter Icarus,
nimium sublimia petere, ingentes eorum virtutes, quae
sua in caelum feruntur gloria, malo deferere, quam eas
persequendo, ruere cum discrimine, & dedecore. Non

est igitur cur quis mecum exposculet, quod iam de rebus
à Card. P. ALDOBRANDINO gestis commen-
tarios non scripserim: hac eius tantum Apophthegmata
ad scribendum delegerim. Nam cum sapienter eius fa-
cta, non possunt cognosci nisi à sapiente viro: quares com-
mentarios eos scribendi causam multis prabet: sa-
cultatem tollit quasi omnibus, summa
atq; admirabilis eius
magnitudo.

HENRI-


HENRICVS FARNESIVS

Eburo Lectori beneuolo. S.




ITa est, vt aitingenij, & doctrinæ de-
cus, Atq; Academiæ Intentorum au-
ctor & opifex. Don CAROLVS Bos-
sius, omnia turbulentissimis his tem-
poribus, collucere summi huius Ponti-
ficatus splendore. Atq; ea demum ve-
ra est in Card. P. ALDOBRAN-
DINO virtutis, & doctrinæ gloria,
in qua, neq; res verborum nebulis obscurari, neq; verba re-
bus augustissimis non consonare videntur. Nam vt ipse
ALDOBRANDINVS obscura & retrusa omnia consi-
lio: ita difficillima quæq; vincit virtute: nemoq; est eius di-
sciplinæ, in tractando imperij clauo, alumnus, qui non vi-
deatur quasi nouus aliquis Orpheus. At quis, inquiet aliquis,
Orpheus? non qui Lyram ab Apolline, sed qui sapientium
accepit ab ipso rerum omnium Imperatore Deo: non qui au-
rium, sed qui corporis sensus temperat vniuersos: non qui
cantus suauitate montes moueat de sua sede, sed qui, quò ius,
quò ratio vocat, vrbes, atq; summas regiones, post terga tra-
hat consilio: non qui cursus fluuiorum conuersis reuocet flu-
ctibus, sed qui populum voluptate diffluentem, cursu retorto
rapiat ad virtutem: non deniq; qui syluas permulceat vocis
iucunditate, sed qui hominum genus Syluestre, & agreste
norit placatum, & mansuetum reddere: quiq; eam & rerum,
& sententiarum Syluam, in consilij capiendi trahat delibe-
rationem, vt eius in ore, & sermone Reges, Imperatores,
summiq; Principes curas omnes gestiant deponere. Qua-

re Card. P. ALDOBRANDINI de arte imperandi dicta, & responsa, cum mihi videantur imperij habenas tractantibus digna, quia crescit, & decrescit imperium, cum imperantis disciplina: tum illa, & philosophis ad intelligendum, & oratoribus ad dicendum, & Principibus ad strenuè agendum censeo maximè esse accommodata. Nam cum nihil sit ars imperandi nisi Dei, qui rebus imperat vniuersis, disciplina, illa omnis in ea virtute est fundata: quæ ut mare suo ambitu terræ globum: ita scientiarum regiones omnes, & lambit, & ambit veluti quodam sapientiæ circuitu. Quocirca nihil meo quidem iudicio, in Musarum hortis, potest aut nasci, aut legi fructuosius hoc, de perfecto Principe, Card. P. ALDOBRANDINI laconismo: nullum germen defringi doctrinæ suauius: nulla stirps ingenij propagari feracior, quem si amabis, nihil te mordebunt, quæ in hoc libro imprimendo, obrepserunt menda: quæ, quoniam erroris sunt, non culpæ, tu, puto, feres sine stomacho. Vale.



Q V I
CONTINENTVR
IN HOC LIBRO
TITVLI, HI SVNT.



D E Principe.	1	D E Clementia.	204
D E Virtute.	22	D E Vindicta.	221
D E Religione.	38	D E Fortitudine.	132
D E Prudentia.	55	D E Magnanimitate,	
D E Consilio.	73	sue Honore.	243
D E Intelligentia.	92	D E Fidentia.	253
D E Memoria.	110	D E Patientia.	262
D E Iustitia.	114	D E Solertia.	273
D E Amicitia.	133	D E Perseuerantia si-	
D E Liberalitate.	153	ue Constantia.	279
D E Magnificentia.	169	D E Temperantia.	284
D E Grati animi Vo-		D E Modestia.	302
luntate.	176	D E Felicitate.	315
D E Veritate.	191		

DE PERFECTO PRINCIPE
APOPHTEGMATA
P. ALDOBRANDINI
CARDINALIS

In quibus Ars imperandi
tenetur inclusa.

A B

HENRICO FARNESIO EBVRONE I. C.
& Artis Oratoriæ, in Ticinensi Gymnasio, Regio
Interprete, in librum vnum congesta.

ATQ. REGVM, IMPERATORVM,
ac Sapientissimorum Heroum exemplis,

EX OMNI ANTIQVITATE
Aucta; & locupletata.

DE PRINCIPE TITVLVS PRIMVS.



ES est operosa & difficilis, ars imperandi.
nec eam benè beateq; tractare potest Prin-
ceps, sine sapientiæ lumine, aut numine
potius. Non retrusa, vel etiam aperta sunt
prisce vetustatis testimonia. Nam apud
Romanos, nullus olim propè Cæsar extirrit.
qui non, quasi victus Cæsaris nomine, deterior factus est.
Solut enim Vespasianus, vt Cornelius Tacitus refert, Princi-
pis dignitatem nulla dedecoris contaminauit macula. Qua-

re quidâ olim, ex intimis familiaribus Claudij Neronis, nihil est veritus dicere, bonorum Principum imagines omnes in vniuersi annuli pala effingi potuiss. id autem lubens recensco, non vt antiquitati detrahâ, sed vt omnes ex admirabili ALDOBRANDINORVM religione, pietate, ac sapientia felicitatem recognoscant horû temporum. Vt enim Lychni lumen aperto sole, sic bonorum laus omnis cœlesti, ac diuina CLEMENTIS VIII. obscuratur virtute: gloriosiusq; omnes de eo sentiunt, quàm loqui possunt. Nec enim formica Taurum: nec vlla nox mortalium incredibiles eius laudes potest absorbere. Nam quid attinet hoc loco dicere quanta Præstantissimus Cardinalis P. ALDOBRANDINVS, summâs, quas continenter gessit, dignitates auxerit & ornarit sapientiâ? virtus eius singularis vno omnium ore, & sermone sic percrebuit, vt nullus sit tam deserta in Italia angulus, qui non eius resonet nomine & fama: rumorq; apud exteras, & longinquas gentes ipse iam raucus sit. Quamquam tamen Reuerendiss. Carmelitarum Antistes, religionis ornamentum, & doctrinæ Decus, HENRICVS Syluius de summis, ac propè diuinis eius meritis semper aliquid habet, in quo Sol & tal sit recunditæ eius virtutis & gloriæ. is autem cum ubiq; locorum semper summæ illius prudentiæ, iustitiæ, ac pietatis sit buccinator: tum mihi Papiæ sepe inculcauit, eum esse P. ALDOBRANDINVM Cardinalem, cui nunc summus Pontifex onus credat Atlanticum: nunc Rex Catholicus PHILIPPVS III. in cæca & obscura consilij capiendi deliberatione, nodum, vt est in proverbio, Gordium proponat soluendum, cumq; nullo in loco pedem imponere, in quo non optimi Principis vestigia relinquat: Huius oratio apud me, non solum vim habuit ad fidem auctoritatis: sed etiam, ad scribendum tanti Principis Apophthegmata

thegmata necessitatis. Nihil enim Religiosissimus hic Antistes neq; perhorrescit, nisi quod turpe est: neq; minus cognoscit, quàm aut consilio labi, aut errare iudicio. Quoniam igitur non solum sacer habetur sapientissimus ille Princeps: sed etiam veluti quoddam iuris Sacratum, eius consilium: placuit ex eo hæc, tanquam sapientiæ surculos, excerpere de Principe Apophthegmata, quorum series hæc est.

- 1 Quòd ruentis Imperij res omni fulcienda sit Principis solertia.
- 2 Quòd ingense est, sibi imperantis imperium.
- 3 Quòd Princeps hominum probeatur suffragijs: fiat vero Dei consilio.
- 4 Quòd Principi virtus imperandi, patientia sit dispensanda.
- 5 Quòd ars imperandi, una potissimum commendetur prudentia.
- 6 Quòd in principe oris figura minimè orba sit sua laude, & gloria.
- 7 Quòd Principi oris deformitas etiam ornamento sit in virtute.
- 8 Quòd Principis disciplina ex Chirone magistro sit haurienda.
- 9 Quòd Princeps nulla propius semita ad Deum immortalem accedat, quàm liberalitatis.
- 10 Quòd Principis auro aque pareat inimicus, atq; amicus.
- 11 Quòd clementia cum Principe summo constingatur societatis vinculo.
- 12 Quòd Religio Principis Athenæus murus sit imperij.
- 13 Quòd Princeps civilem omnem societatem uno constingat iustitia vinculo.
- 14 Quòd Principis virtuti, nulla par sit, & aequalis.
- 15 Quòd natura ius violet, qui Principem non summa colat benivolentia.
- 16 Quòd presentia Principis in rebus arduis, pro auxilio habeatur.
- 17 Quòd Principi regenda sint simulatione, & dissimulatione sua consilia.

- 18 Quòd neq; virtus sine eruditione : neq; eruditio sine virtute factis sit Principi.
- 19 Quòd Princeps, & lex mutuo gaudeant obsequio.
- 20 Quòd ferendi sunt, non culpandi Principes.
- 21 Quòd Principis cura, & industria unus instar sit omnium.
- 22 Quòd ex Principis virtute petenda sit imperij felicitas.
- 23 Quòd Principi præclarior sit amari, quàm timeri.
- 24 Quòd Disciplina Principis nullo vacua sit doctrina genere.
- 25 Quòd neq; plures soles mundus : neq; plures Principes idem imperium possit pati.
- 26 Quòd Principis sit, non tam regere, quàm quomodo sit regendum alijs ostendere.
- 27 Quòd omnes Principis : non Princeps aliorum egere debeat consilio.

QVOD RVVENTIS IMPERII
res omnis fulcienda sit Principis solertia. I.



CUM cresceret rerum difficultas, vna cum imperij dignitate, & magnitudine, Summo Antistiti ALDOBRANDINO isq; imperium, tanquam onus Atlanticum cum omnium admirationi sustineret, cuiusdam ex domesticis eius, atq; intimis familiaribus ab eo interroganti, cuius præsidio fretus, tam graue imperij onus, tantamq; publicæ salutis molem auderet sustentare : solertiæ respondit. Nihil maiore compendio aut grandius, aut dignius Principe dici potuerat. Nam solertia Principis, non solum difficultatis in imperio, sed etiam deficientis temporis est medicina. Huc pertinet Matonis fides, & auctoritas. Cur enim apud cum, Æneæ comes est Achates,

Achates, qui primus excitat ignem? ignis, quia nescit quiescere, nec ullis contaminari sordibus, non habet ibi elementi significationem: sed solertiæ, quæ imperium non solum peperit, sed etiam alit, ac summa quæq; ei incrementa tribuit. Nec aliam ob rem, puto, Achates dictus est Græcè ab α, priuandi particula, & χαλκῷ indigeo, quasi nullius rei indigens, nisi quia ibi, vbi adsit Principis solertia, omnia exulant, in imperio incommoda.

QVOD INGENS EST SIBI IMPERANTIS Imperium. II.



QVONIAM in doctrinæ sole mentis oculos, non perstringunt; sed illuminant rerum exempla: multa ad triumphalem Reginæ MARGARITÆ Austriæ ingressum, expressa Mediolani spectabantur Persarum, & Assyriorum Regum simulacra. Hæc suspiciens Regina, interrogauit ab ipso legato, P. ALDOBRANDINO, quem non comitem, sed ducem sequebatur: qui Regum omnium esset maximus: qui sibi libentius dixit, quàm alijs imperat. Sapienter ille quidem, vt solet omnia. Non enim ingens & admirabile est imperium, quod vel Africæ, vel Asiæ, vel Europæ finibus terminatur: sed quod vsq; eò protenditur, quousq; sol ipse potest suo lumine peragrarè. Hoc imperium solus is possidet, qui numquàm in alia fortuna, est alius: sed semper idem: Hunc Græci *Μικροκοσμον* vocant quasi, per antiphrasim, magni mundi dominum. potuit enim Cyrus Asiæ: potuit Anibal Africæ: potuit C. Cæsar Europæ Imperare: non potuit non turpiter huic mundo succumbere.

QVOD PRINCEPS HOMINVM

probetur suffragijs: fiat verò
Dei consilio. III.



REATO CLEMENTE VIII. cum uni-
uersus gestiret læticia populus, rogareturq; à qui-
busdam P. ALDOBRANDINVS, quo-
rum suffragijs summus factus esset Pontifex:
Non sit, respondit, summus Princeps: sed factus de cœlo re-
cipitur. Nam maius imperium à minore creari ius non est.
Cœlestis verò, & diuina responsio. Idipsum enim puto, vt
doceret, & Homerus apud Græcos, & Virgilius apud Lati-
nos, alter Heroulem ex Deo Ioue patre, & femina Alce-
na matre: alter Eneam ex matre Dea Venere, & Patre Anchi-
se voluit esse natum, ex quo fas est ditorari Principem non tam
ex humano, quàm ex diuino fieri consilio. Nec enim par est,
& consentaneū rationi, vt quis fiat ab hominibus, qui potest
plus, quàm hominum vis simul potest, & natura. Non igitur
quod multi: sed quod sapiens loquitur est probandum.

QVOD PRINCIPI VIRTVS

imperandi patientia sit depascenda. IIII.



V M. aliquando neq; P. ALDOBRANDINVS
piacula populi: neq; Populus P. ALDOBRAN-
DINI iustitiam sine stomacho videretur pati: di-
xit sapientissimus ille Antistes Principi multò plus
cum populo, quàm olim fuit Herculi cum tauro esse nego-
tij: nec quicquàm esse difficilius, quàm populum, qui bellua
est multorum caput, vno rationis freno arceri, atq; in of-
ficij gyro retinere. Sapienter ille quidem: Nihil enim est, vt
assue-

asseuerabat Diocletianus Cæsar, Imperij domus, nisi Arca Noes. Nec enim in ea tot, tantæ, tamq; variæ bestiæ tenebantur inclusæ: quot, quanto, quàmq; inter se dissidentes resident in ciuitate perturbationum varietates, & vesanæ hominum opiniones. Quare optimè ille demum nobis gubernacula tractare imperij, cui consuetudo diuturna quasi callum quoddam obduxit labori: quiq; aduersus omnia mala, obduruit patientia.

QVOD ARS IMPERANDI

una potissimum commendetur prudentia.



DISCEPTANTIBVS nonnullis de arte imperandi, inter quos fortè incidérat, subrisit; quòd multa sine argumento, sine sale & condimento effutirent. Eorumq; ineptias vt regeret potius, quàm vt nodum solueret quæstionis: dixit, & artem & artem Principis vnã esse prudentiam. Hoc ceteri principes omnes, ex oraculo Apollinis Pythij, sibi editum putent: nihil potest esse verius. habet enim prudentia in consilij deliberatione, futuri temporis prospicientiam: in iudicij æquitate, præteriti Memoriam: atq; in præsentì, rerum agenda sum; & vitanda rum scientiam. Nec alia de causa Persæ opinor, Regem Cyrum inquebant à Canè fuisse nutritum, nisi vt eum gnarum imperandi esse ostenderent. Non enim canis habet animi plus, ad mala oppugnanda, quàm sagacitatis ad bona inuestiganda. Ex hoc commento, quòd nihil sonat, aut olet nisi artem regiam, intelligimus, eum etiam in periculis fortitudine destitui, qui in otio, & pace vacat prudentia. Nam fortitudo prudentia expers; fortitudinis nomen amittit: induit temeritatis.

QVOD IN PRINCIPE ORIS

figura, minimè orba sit sua laude,

& gloria. VI.



VIA non solum frons, sed etiam vniuersa totius corporis figura, tacita est animi oratio: illa in ijs præsertim, qui personam induunt publicæ societatis, minimè est contemnenda. vbi igitur de forma ageretur Principis: etsi, dixit, non est faciendum de Principe iudicium ex oris figura, sed ex moribus: habet tamen Principis forma, & species liberalis non minimum ad dignitatem ponderis. Cæci enim est, & amentis quætere, cur si amentur quæ pulchra sunt, gratus sit & iucundus is, in Imperio, cuius forma grauis sit & elegans. Barbari ferè omnes nullos putabant magnorum operum esse opifices, nisi illos, quos ipsa corporis species, ad opinionem laudis publicæ euexerat. Itaq; Macrobij, qui, vt cæteras Gentes præteream, Meroen Nili Insulam incolebant; Principem, cui parerent à formæ pulchritudine eligebāt: nec vnquàm deformi viro obedire dignabantur. quæ res ad Aphricani maioris laudem, non paruus accedit cumulus. Nam ea is fuit formæ dignitate, vt inter quoscunq; viros esset, solus præter cæteros, videretur imperio dignus. Quare Principi non solum est occultanda animi, sed etiam corporis deformitas. illa enim laudem comminuit: auget hæc contumeliam. Quocirca Periclem, cuius præclara gesta omnis Græcia admirata est, sculptores eius imaginem, Casside velabant, ne deformitas appareret, quia oblongo erat capite.

QVOD PRINCIPI CORPORIS
deformitas, in virtute sit ornamenti loco. VII,



NONNULLIS obicientibus Galbæ Imperatori, & Annibali corporis deformitatem: præclaram dixit eam esse, in principe, oris turpitudinem, quam non fucus gloriosam redderet, sed animi decus. Non enim in administrando imperio de forma, sed de sapientia sit contentio. Nec Princeps requiritur robustus, sed fortis: nec elegans, sed sapiens. Itaq; etsi inter Medicos Hippocrates Strabo erat, Imbecillis, parvus, & deformis: quia tamen neminem curauit, quem ad pristinam sanitatem non restituit: nihilq; alteri prædixit, quod ei non contingerit: Hippocratem omnes Medici, post Æsculapium, maximè colunt, & obseruant. duplex quippè in eo fuit gloria: vna quòd norit naturæ non cedere impeditis: altera, quòd non ignorarit ipsa, in cæteris hominibus, formæ superare commoda. Sic & Agesilaus Lacedæmoniorum Rex laudatur, qui cum toruus esset aspectu, & altero pede claudus: nomen tamen regis superauit magnitudine virtutis. Nec ei probro fuit imbecillitas corporis. Fortis enim multo robustior est Cyclope Vlyseo. Hic quippe poterat tantum saxum, quod duo, & viginti iuga bouum non valebant amouere, parua manu huc, illuc versare: ille non saxum, sed Imperium potuit, & depræssum attollere, & elatum deprimere. Etsi enim non habebat vires Atlantis, qui mundi globum suis sustentabat humeris: eos tamen habebat animi neruos, quibus mundus ipse cogitur cedere, atq; obtemperare.

QVOD PRINCIPIS DISCIPLINA

ex Chirone magistro sit haurienda. VIII.



VM pluris sit Principem benè institui, quàm bene nasci, est eorum mens graui opinionis errore oppressa, atq; impedita, qui autumant neq; rem literariam armorum: neq; arma, literarum præsidio magnoperè egere. Itaq; Musarum ille Mecenas, non solum ple-
rumq; ingemuit educationem Principum alterutro destitui: Sed etiam dixit iccirco nullum inclinato iam imperio præsto-
adesse Achillem: quia nemo Chirone vteretur præceptore. la-
tet in ipso verbotum lepore acer, & acerbus reprehensionis acu-
leus. Chiron enim Centaurus, apud Homerum, ex altera parte
hominis: ex altera equi speciem præferens: ideò Achilli est da-
tus, ut cum equus rei bellicæ, homo virtutis literariæ sit mini-
ster, ostenderetur æque disciplina literarum, atq; arte militari,
ut felix sit imperium, instructum oportere esse Principem. Non
minus quippe est Principis gloriosum, populum in prosperis for-
tunæ ventis, legibus arcere, ne labatur in luxuriâ: quàm in ad-
uersis casibus, inclinatum erigere, & restituere perditum. qui ve-
rò vitrumq; potest, dicitur Princeps fortunatus, hoc est vtriusq;
fortunæ, aduersæ scilicet, & secundæ magister, & dominus.

QVOD PRINCEPS NULLA PROPINS

*semita ad Deum Immortalem accedat, quàm
liberalitatis. IX.*



ET SI beneficio homines, ut hamo pisces, trito ser-
mone proverbio, non modo capiuntur, sed etiam
conseruatur: capere tamen ab infimis hominibus,
quæ

quæ sunt exigua, nunquam recusatur ALDOBRANDINVS
nec summa ijs sæpe dare. Quare quidam interroganti quodnā
in tanta multitudine, & varietate munerum gratissimum pu-
taret collocatum apud amicos, beneficium: quod respondit,
non fuit petitum. gratum enim est prodesse: gratius humani-
ter. illud quippe est vtile tantum: hoc etiam iucundū: vtrumq;
simul præstare est magnæ virtutis, nec exiguæ gloriæ. Nam
quò quis impensius benefacit, eò magis vim & naturam Dei
immortalis attingit. Æthiopes igitur, qui vltiorem Nili
regionem incolebant, vt Strabo Geographus scribit, duos co-
lebant Deos, vnum immortalem: alterum mortalem. Illum
dicebant qui rerum omnium est causa: hunc à quo plurimi
afficiuntur beneficio. ex quo intelligimus nihil esse Principi
laudabilius ea liberalitate, & beneficentia, quæ censetur ad
plurimos proficisci.

QVOD PRINCIPIS AVRO ÆQVE
pareat inimicus, atq; amicus. X.



VM in sermonem de bello incidisset, inter-
rogareturq; quomodo contra hostes supe-
riores esset pugnandum: non ferro, dixit,
sed auro. Salsè id quidem. Nam Philippus
Macedonum Rex, hostium vrbes dando ex-
pilauit magis, quàm rapiendo. Quocirca
Græcorum sermone percrebuit, non à Philippo, sed à Philip-
pi auro direptam fuisse Græciam. Nihil est non modo apud
amicos, sed etiam apud inimicos omnes, auro valentius. Itaq;
Alexander Philippi filius, vt beneficentia, sic rebus gestis re-
ges omnes superauit.

QVOD CLEMENTIA CVM PRINCIPE
summo constringatur societatis vinculo. XI.



V M nihil sit neq; gratius populo, neq; iuri renitentiùs impunitate: difficile est Principi, in animaduertendo, vtriq; satisfacere. Scitâtù igitur quæ vindicta contra improbos esset sumenda. Ea dixit, quæ corrigit, non destruit. Non est obscurum, in Apum Rege, qui solus inter omnes apes aculeo destituitur, naturæ testimonium. quid enim ab Antiquitate, quod paucis perstrinxit tantus, tamq; sapiens Antistes, altius reperam? Non alia de causa ex Iouis semine, vt est apud Orpheum, natæ sunt preces, nisi vt admoneantur Principes omnes, apud se miserorum preces ponderis plus sæpè debere, quàm iura ipsa, & leges habere.

QVOD RELIGIO PRINCIPIS,
Athenus murus sit Imperij. XII.



V M multa vario, & ancipiti Marte conflantur regna, afflictumq; passim, & iacens sit imperium: interroganti fortè qua in re firmamenta posita essent, imperij: in religione, respondit, Principis. Nihil hac vna voce neq; sanctius, neq; verius audiri potuit. Nam si antiquos consulimus, cur apud Homerum, ca ciuitas, in qua erat Palladium, nulla vi hostium expugnari poterat? nihil est Palladium, si benè attendimus, nisi præsidium religionis, qua cum semper crescit, & decrescit imperium. Ab hac, Princeps rerum agendarum omnia primordia debet capere.

capere, Nam religione magistra, & Deo duce non potest errare. Nec quicquàm est, quod Principem magis commendat populo, quàm religio. fieri enim non potest, ut quis sit religiosus, qui non item sit pius, clemens, & iustus. Quare Cyro Religionem in primis commendauit Cambyfes pater.

QVOD PRINCEPS CIVILEM

*omnem societatem vno constringat iustitiæ
vinculo. XIII.*



VONIAM facile, ait Salustius, ijs artibus Imperium retinetur, quibus ab initio partum est, interrogatus à quodam, cuius rei gratia Princeps primum esset creatus, iustitiæ respondit. Nec fallio id quidem. Nam ut scribit Herodotus, nulla est arctior humani generis societas, quàm quæ iustitiæ vinculo constringitur: nec magis resp. potest consistere sine iustitiâ: quàm hominis vita, sine anima. Quod omne ex nomine patere videtur Principis. Non enim alia de causa Princeps. à capite est dictus, nisi ut, sicuti ex capitis partibus, per vniuersum corpus, nerui omnes, & sensus distribuuntur, ita intelligamus ex principe, per vniuersum imperium iustitiam manare, oportere.

QVOD PRINCIPIS VIRTUTI

nulla sit par, & aequalis. XIV.



RECTA & astricta dubitationi semper ferè est veritas. Itaq; cùm vis potentia, & robur à quibusdam laudaretur principis: atq; ideo inter se quærerent qui duam esset id, quo princeps potissimum cæcos mortales deberet anteire: virtus respondit.

ita

ita quippè natura comparatum est, ut optimus quisque Imperet deteriori. Quoniam igitur Princeps imperat omnibus, par est rationi, ut omnium sit optimus. Ideo autem antiquitas Iouem Principem fecit deorum: ut mortales sibi persuasum haberent, eum demum esse Principem, qui quantum ceteris præstat dignitate: tantum ijs antecellat Virtute.

QVOD NATURÆ IVS VIOLET,
qui Principem non summa colat
beneuolentia. XV.



BI de bono publico incidisset quæstio: dixit nihil in terris, post Deum immortalem, nec melius esse, nec amabilius Principe. Personam enim induit publici commodi, & communis salutis, cuius ex finibus & terminis, quod exulat, statim nomen amittit bonitatis. Nam detracto, aiunt Dialectici, vniuersali, detrahuntur singularia. Eò igitur pluris à nobis debet fieri princeps, quò pluris est totum qualibet sua parte, idque non ex Philosophorum modo opinione, sed etiam ex naturæ, quæ nescit mentiri, disciplina. Nam cur natura duce, minus cibo, & potu animans oblectatur, quo sustentatur, quàm re venera, qua ipsa destruitur? quia certè quidem ille ad bonum priuatum: hæc ad commune bonum, quod est propagandum, magis pertinet. ex quò intelligimus, nihil magis esse contra naturæ ius, quàm priuatum commodum publico anteponi, atque Principem non proxime, ac secundum Deum, coli & obseruari. Nam qui amat Principem: amat publicum bonum, in cuius fide, & tutela, quæ diuina sunt simul, & humana posita sunt omnia.

QVOD

QVOD PRÆSENTIA PRINCIPIS:
in rebus arduis, pro auxilio habeatur. XVI.



MAGNA est in otio dignitas principis: auctoritatis vis multò, in bello maxima. Cum quæreretur igitur, quod in conflictu ægrè renitentibus summum esset præsidium, conspectus, dixit, Princeps. Nam sicuti Aquila vna sexcentas fugat aues: ita solus sæpe Imperator vniuersum tetritat exercitum hostium. hùc accedit, quòd sine duce, enervantur militum animi. Nec solum Principis: sed etià dignitatis oportet adsit præsentia. hoc sentiens Agabrias aiebat pluris esse pecudum exercitù, Leone duce, quàm Leonum imperante pecude: quocirca nemini debet mirum videri, quòd vbi, in pugna Pharsalica, animo concidit Pompeius, atq; aciem reliquit, ibi statim summa strages à Cæsare non renitentibus, sed fugientibus hostibus sit illata. Nam sicuti in alto nauigantes quò ducit Gubernator, qui sedet in puppi, clauumq; tenet: sic milites in bello, Imperatorem omnes sequuntur.

QVOD PRINCIPI TEGETDA SINT
simulatione, & dissimulatione sua consilia. XVII.



QVONIAM semper, in principe, latens sit oportet animi sui voluntas: nunquàm apertum consilium: cuidam sciscitanti quis maximè esset ad benè imperandum accommodatus: qui naturam respondit habet Polypi: nouitq; in populo morum colores omnes induere: atq; vt dicam apertius, qui ita artificio simulandi, & dissimulandi est eruditus, vt frons ipsa, quæ tacita est animi oratio, longe alia, quàm animus loqui videatur.

videatur. Nihil hoc vno prudentius dici poterat. Testis est vnus instar omnium Alcibiades. Nam tanta fuit ad id, ingenij facilitate, vt ad hoc vnum natus esse videretur, quod ipse vltro susceperat. Itaq; pro diuersis populorum moribus, ita murabatur, vt apud eos non instructus, sed natus: non inquilinus, sed habitandi dominus videretur.

QVOD NEQVE VIRTUS SINE
eruditione: neq, Eruditio sine virtute satis
sit Principi. XVIII.



Cuius res sit plena admirationis persona Principis, qui non intelligit Principem vim habere numinis, nulla excusatione vti potest, nisi stuporis. Sciscitanti amico igitur, qualis debeat esse Princeps, doctus ne, an vir bonus: neuter illorum dixit. Nam alter alijs magis quàm sibi: alter sibi potius quàm alijs prodest. sed sapiens, ait, sit oportet, vt non solum moritalijs imperata dare, sed etiam ipse facere. Quare neq; Sylla, neq; Lyfander vacat repræhensione. Ille enim cum esset dissolutus & perditus, ciues ad frugalitatem legibus compellebat: Hic contrà ciuib; flagitiorum lenocinia permittebat, à quibus ipse abstinebat. Laudatur igitur ex ALDOBRANDINI sententia, princeps Lycurgo simillimus, quippe qui nihil vnquàm in alios statuit, quod ipse non ante tenuerit. quæ res plurimi interest Reip. Nam qualis est Princeps, vt refert Plato, talis solet esse ipse populus. Testis est ipsa temporum vetustas. Nam cùm Ptolemaici Reges Mathematicas disciplinas callerent, eorum temporibus, complures egregij mathematici clauerunt: cumq; contra Xerxes voluptati esset deditus, regiones omnes, quibus ille imperabat, omni turpitudinum genere conta-

contaminauit. Nihil enim est principum vita, nisi aliorum omnium instructio, & disciplina.

*QVOD ET PRINCEPS, ET LEX
mutuo gaudeant obsequio. XIX.*

PLATO vix quicquàm inter legem, & Principem, facit discriminis: eò quòd hic legis vim habeat loquentis: illa principis, qui expertus sit mortalitatis. cum igitur in dubium venisset vter alteri in administratione Reip. deberet obtemperare, dixit par esse superiorem imperare inferiori: legem diuinam præstare principi: Principem ciuili. Ideo virum ab illius virtute: hanc autem virtutem à viro esse nominatam. Quare vt lex scripta parer principi, corrigiturq; eius æquitate, ita Princeps subiicitur rationi, hoc est legi non scriptæ, cui nisi obtemperet, nomen amittit Principis, induit Tyranni. In iure igitur scripto sarius est per Principem administrari Remp. quàm per legem. Nam vbi est Princeps, ibi, vt ait Euripides, Deus est in humano corpore hospes. quod cum olim sentirent Persæ, Reges omnes suos adorabant: omnisq; fere antiquitas eos fecit ex loue natos.

*QVOD FERENDI SVNT, NON
culpandi Principes. XX.*

MINIMA culpa in Principe fit maxima. Nam vt detestabilior est incitia in magistro, quàm in discipulo: ita turpius est vitium in Principe, quam in populo: itaq; cum concitaretur hic dubitandi scrupulus, num Princeps prauus esset tolerandus. dixit

B Principem

Principem à populo magis fetendum esse, quàm culpandum; Siquidem nemo, post homines natos, vnquam est iuuentus, cui nihil decisset. Notatur igitur Cæsar ambitionis: Alexander temulentia: Pyrrhus inconsiderati furoris: Annibal ambigua fidei: Fabius tarditatis: Marcellus præproperæ festinationis. Quæ ex re intelligimus, neminem omnibus horis sapere, nec omnes omnia posse.

*QVOD PRINCEPS CVRA, ET
Industria vnus instar sit omnium.* XXI.



Cui nihil intentatum, quod ad felicitatem reipertineat, relinquunt Principes: interroganti cui-dam ex amicis, quid in bonis potissimum curare deberet Princeps, non bonum dixit corporis, vt medicus: non animi, vt Theologus: non fortunæ, vt iurisperitus: sed hæc solus vniuersa. grauis certè, & tali Antistite digna responsio, cui multis ante sæculis suffragatus est Demosthenes. Sed ramen cum morsu aliquo in imperium, & aculeo. Nam in exilium proficiscens, vbi Arcem Atheniensium suspexit, altiore voce exclamasse dicitur, ò Pallas vrbium custos, cur tribus truculentissimis belluis delectaris: Noctua, Dracone, & Populo? insignia hæc tria quæ Palladi tribuuntur, docent vniuersa bonorum genera consistere in principis tutela. Corporis enim, & virium neruos sapit populus: fortunæ bona olet Draco, qui vt elementis fruatur omnibus, volat cum alitibus, natat cum piscibus, & grassatur cum quadrupedibus: animi vero lumen noctua, quæ in tenebris videt plus, quàm alites cæteræ aperto Sole.

QVOD EX PRINCIPIS VIRTUTE

Petenda sit Imperij felicitas. XXII.



QVIA Acrius videntur turpia, quàm recta: hebesuntq; sæpè in rectis percipiendis hominum oculi, quarenti aliquando vnde felicitas proficiscatur reip. non ex lege, non ex populo dixit, sed ex Principe. Nam vt itineris duces, qui recta antecedunt via, hoc præstant sequentibus, vt nunquam aberrerent: sic qui bonus est princeps, nec à rationis semita defleat, nec alios finit deflectere. Hinc Plato solitus est dicere, tum fore beatam rempublicam aut sapiens inciperet regere, aut Rex sapere. Nam vt verus est Xenophontis sententia, omnes ciuiles societates, eorum. ruunt vicio, qui illis præsumunt. Quare si resp. rectè administraretur: perpetua euaderet, & cum virtute immortalis.

QVOD PRINCIPI PRÆCLARIUS

sit amari, quàm timeri. XXIII.



RERVM in dubijs suspicio multos non solum amariores, sed etiam mordaciores facit. cum igitur multi, dentes in sui rectores exacuant, quod vt caueretur, sciscitanti cuidam quomodo amaretur Principis imperium, si talis respondit princeps fuerit in subditos: qualis pater est in liberos. Nec alia de causa, puto, Homerus Iouem, quem deorum, hominumq; regem facit, patrem appellat, nisi vt demonstret regnum paternum esse imperium. Itaq; ius, neq; ab imperando, neq; à præcipiendo est dictum, quorum alterum est domini: alterum magistri: sed dictum est à iubendo, quasi iussum:

quòd iubere patris est proprium , vt in iure nihil sit non plenum auctoritatis , & beneuolentiae .

*QVOD DISCIPLINA PRINCIPIS
nullo vacua sit doctrinae genere . XXIV.*



QVIA imperium Principis, multa adiumenta doctrinae desiderat, interrogatus ab amico qualis disciplina deberet esse Principis, in bello, respondit; qualis Achilli: in pace, & otio qualis Vlyssi tribuitur ab Homero. illi enim animi fortitudo, corporis robur, disciplinaq; auferbitur militaris: huic omnes ingenij tribuuntur dotes, consilium, eloquentia: prudentia quidem tanta, vt omnia etiam videat in tenebris, & audiat in silentio.

*QVOD NEC SOLES PLURES
mundus: nec plures Principes idem imperium
potest pati . XXV.*



QVIA sapientis oratio auctoritatem habet rationis, & veritatis testimonium, nemo sine culpa non potest in sententia ALDOBRANDINI acquiescere. Est autem in eius ore, & sermone hoc peruagatum, quòd longè melius à Principe, quàm à Rep. administraretur populus. Virtus coniuncta enim roboris plus habet, quàm diuitia: itaq; Romani in magnis periculis, dictatorem vnum creabant, cuius imperio omnia permittebant: Dictatoremq; iccirco appellari Varro existimauit, quòd illius dicto omnes auscultare, atq; obtemperare cogerentur. Nec Romanorum solum, sed etiam naturae patet testimonio, vnius imperium, plurium Imperio esse antepo-

ponendum. Vnitas enim, quæ ^{Morde} à Grecis dicitur, mas est simul & fœmina: par & impar, nec per se numerus, sed fons, & caput numerorum, Principij & finis expers: principium tamen, & finis rerum omnium. Ex quo non solum amicitia, sed etiam Dei constituitur Symbolum.

QVOD PRINCIPIS SIT NON TAM

regere: quàm quomodo sit regendum alijs ostendere. XXVI.



ARVM est Principi, vitæ splendorem nullis maculis aspergere. Nam dignitatem muneris augere debet virtute. Quare ex ALDOBRANDINI percrebruit oratione, gloriosum Principem esse eum, non qui sciret imperare, sed qui multos ad imperandum, ex imperitis redderet peritos. huc pertinet Iphicratis gloria, qui iactitabat se neq; equitem, neq; sagittarium, neq; scutatum, neq; peditem esse, sed eum, qui hos omnes poliet instruere.

QVOD OMNES PRINCIPIS: NON

Princeps aliorum egere debeat consilio. XXVII.



VM res sit morosa, administratio Principis, quia ut ait Chrisippus, si benè regit populo: sin malè Deo displicet: interrogatus cuius consilio uti potissimum deberet Princeps, proprio respondit. Magna enim est imperij infirmitas, cum Princeps aliorum magis, quàm alij Principis cogantur uti consilio. hoc sentiens Anacharsis felicitatem Reip. ex eo definiebat Principe, qui solus saperet. Nam populus debet ab ore principis pendere, tanquàm ab aliquo Delphico oraculo.

TITVLVS SECVNDVS DE VIRTUTE.



QUONIAM vt Rationi corpus : sic Principi obedire debet populus, faciliusq; mundus sole, quàm populus Principe potest carere : qui Principem contemplatur, verum sapientiæ exemplar, qua reguntur vniuersa, contemplari videtur. cùm igitur in sermōnem Don CAROLI Bossij incidissem, quem de summa atq; admirabili virtute P. ALDOBRANDINI Cardinalis habebat, multa retulit cur summus ille Religionis, ac pietatis Antistes viuens in terris, habitare in cœlo, cum Deo immortalis, continenter videatur. ille igitur cùm multos, cùm me vnum in primis vehementer mouit. Nam tanta præstat sapientia, vt sicuti Sylla consuevit dicere in C. Cæsare multos esse Marios, ita ausim iam fateri, in vno Don CARLO Bossio plurimos esse Solones. cùm igitur nullus vrbis sinus sit apud nos tam recunditus, qui tanti Cardinalis non resonet laudibus, & gloria; tum vnice amo eius de virtute Principis sapienter dicta, & responsa. Nihil enim est virtus, nisi Demon Socratis, quo ille duce fertur nunquam errasse. Sola quippe virtus vna cum Deo nescit errare. Quare non falso qui habenas tractant imperij, ad virtutem omnia referunt: optimatesq; eò quasi optimi, sunt dicti, quod præmium virtutis sit ipse Deus. de ea autem Apophthegmatum series hæc est.

- 1 Quòd virtus sola pariat viros.
- 2 Quòd nunquam sit miser, qui possessionem habeat virtutis.
- 3 Quòd vir bonus nunquam in alia fortuna sit alius.

Quòd

- 4 Quòd viri bonis non sit scripta lex: quia vltro honesta sequitur.
- 5 Quòd summa sit virtutis, cum doctrina affinitas.
- 6 Quòd virtutis sit vincere, non vinci.
- 7 Quòd ex virtute efflorescit imperij felicità.
- 8 Quòd virtus neq; crescat, neq; decrescat.
- 9 Quòd bono viro nihil sit similis Deo.
- 10 Quòd vir doctus alijs: vir bonus sibi magis consulat.
- 11 Quòd artium omnium procreatrix & magistra sit virtus;
- 12 Quòd mira bonorum virorum sit paucitas.
- 13 Quòd nullus virtute uberior sit thesaurus.
- 14 Quòd res operosa, & difficilis sit virtus.
- 15 Quòd virtus medicina sit senij.
- 16 Quòd virtus armatura sit que nec ferro penetrari: nec dolo possit surripi.
- 17 Quòd virtus lorica sit aduersus timorem.
- 18 Quòd nihil sit virtute clementius.
- 19 Quòd viro bono nihil sit grauius iactura opera & studij.
- 20 Quòd boni viri aduersus improbos mise sit iudicium.
- 21 Quòd ex virtute, omnis exules calamitas.
- 22 Quòd sola virtus sibi honorem vendicat.
- 23 Quòd res sit admirabilis virtus.

*QVOD VIRTVS SOLA
pariat viros. I.*



TSI virtus non solum est honesta, sed etiam honestos reddit eos, à quibus tenetur complexa difficile est tamen dicere, vtrum plures virtutem laudent: an pauciores sequantur. eò quòd semper virtus est in bonorum morfu aliquo, & aculeo. cuidam igitur sciscitanti quodnam in terris maximum ex virtute mor

tales referant præmium, quam qui habet nullum viræ suæ tempus videt cruciatu vacuum. quòd, respondit, viri sunt. præclara verò vox, & tali tantoq; Principe digna. Non enim magis Musici ex Musica, quàm viri ex virtute, & fiunt, & dicuntur. Nam si Antiquitatem consulimus, cur veteres virtutem, non viri imagine effingebant, sed scæminæ? quia certè quidem, nisi plane hebescimus, sola virtus viros parit. Quam igitur Plato dixit virtutem, officium ab efficiendo, quòd viros efficiat, nominavit ingenij & eloquentiæ Princeps Cicero.

*QUOD NVNQVAM SIT MISER,
qui possessionem habeat virtutis. II.*



SOLET sapientissimus ille Antistes, in recreandis Religiosorum familijs, virtutem prædium Plutonis vocare. Salsè quidem. Non enim quis magis propter virtutis honestatem, dicitur vir bonus, quàm propter vtilitatem, felix & beatus. Nam quorsum apud Homerum, cornu Amaltheæ? significationem habet virtutis dona omni tempore ferentis, quam qui habet, nihil frustra cupit, sibiq; solus ad bene beateq; viuendum sufficit. Bias igitur, cùm in direptione patriæ admonerentur omnes, ut aliquid ex suis bonis asportarent, nudus exijt, quod admirantibus alijs, omnia, dixit, bona mea mecum porto. virtutem enim, non pecuniam, bonam esse putabat: suam solam probitatem, non fortunam. Nam si Euripidi credimus, non numisma splendens, argentum solum est, & aurum: sed etiam virtus hominibus moneta recondita est omnibus, quam qui habet, non solum sit dives, sed etiam diuinus.

QUOD

QVOD VIR BONVS NVMOVAM
in alia fortuna, sit alius. III.



VM haberetur aliquando de virtutis laudibus oratio: tùm cuidam forrè quarenti, cuius præmij fiducia olim fretus miles Romanus, qui omnia definiebat lucis huius vsura, mortem in armis non refugeret, constantiæ respondit. magna verò, & proluxa oratione digna, in solo verbo sententia. Sola enim constans, & perpetua est virtutis possessio: sola expers vicissitudinis: quam qui habet, non periculum timet, sed dedecus. In externis contra bonis, nihil est non fluxum & caducum. id Æsopus vt ostenderet, asseuerabat à Ioue nullam aliam, in hoc elementari globo tundi incudem, nisi vt continenter excelsa deprimeret, & depressa attolleret; nec quicquàm in terris pateretur stabile esse, & permanens, præter virtutem. Quare nunquàm verè fuit vir bonus, qui semel abduci à virtute potuit.

QVOD VIRIS BONIS NON SINT
scriptæ leges, quia vltro honestum sequuntur. IIII.



TSI apud Lacones, qui breui genere dicendi oblectantur, Rex Agesilaus in primis laudatur: quia ex tempore, multa fundebat facerè, & acutè dicta, quibus solet audientium animos in quemcumq; volebat affectum trahere: hūc tamen vici summus virtutis, & gloriæ Antistes ALDOBRANDINVS, cui ita breuitas dicendi suffragata est ad promerendum omnium

uium gratiam, ut boni viri omnes non modo eius dicto obtemperare videantur, sed etiam ex eius præscripto viuere. Sciscitanti igitur cuidam cur leges scriptæ in bello impunè non seruarentur à Militè: quia respondit, censetur esse vir bonus, qui pro æquo, & bono pugnat: viro autem bono non scriptæ sunt leges. Nam ultro quæ honesta sunt facit: nec vi aut metu cogi potest. Sicuti enim Arbor louis, Quercus nec ope mortalium, nec cultura eger ad fructus patiendos: ita vir bonus sanctimonia, ad benè beateq; viuendum pastus, nec spe, nec metu legislatorum opus habet, ad virtutis, & gloriæ præsidium. apud eum enim, qui neq; lucrum appetit: neq; mortem perhorrescit, nulla est aut metus, aut præmij autoritas.

*QVOD SVMMMA SIT VIRTVTIS
cum doctrina affinitas. . . V.*



CUM de lociorum inter finitimos populos scedere ageretur, inter quos suspecta erat nonnullorum fides, interrogatus forè quam societatem maximè probaret, virtutis respondit, cum intelligentia: quo responso, perfidorum simul momordit inscientiam, & fidem sciè laudauit bonorum. Nihil enim est aut virtus, in consilij capiendi deliberatione, sine intelligentia, nisi ingenij dedecus: aut intelligentia, sine virtute, nisi animi infamia. Itaq; Seneca probitatem, & intelligentiam tanta affinitate constrinxit, ut utramq; vno virtutis appellaret nomine. Atq; Socrates ad utramq; cum Principem instituit, sic eum hortatur, ut caueat ne, aut deterior melioribus: aut inruditor peritioribus imperet. Hæc quippè est naturæ lex, sicuti Dionysius Halicarnassicus asserit, omnibus communis, ut semper deterioribus imperent meliores.

QVOD

QVOD VIRTUTIS SIT,
Vincere non vinci. VI.



CVM in tot rerum asperitatibus sit posita hominum vita, vt ne vnus quidem horæ vsura, ei ad viuendum sine angore, & studio sit concessa: interroganti cuidam quisnam inter mortales omnium esset potentissimus, is dixit, qui habet virtutem. Nam virtuti omnia cedunt. graue quidem responsum: quod non sententiæ modo, sed etiam oraculi habet auctoritatem. Solus enim vir bonus sibi sufficit, & quamquam ei possunt prodesse homines, non possunt tamen obesse. Siquidem ea est virtutis vis, vt vir bonus omnia bona possit à summo rerum opifice capere: nullâ mala possit accipere ab hominibus. non vulgaris est apud Homerum auctoritas. Nam quorsum quòd Bellerophon, vt est in fabulis, Pegasus insidens occidit Chimeram? certissimus est, si modo sapimus, in virtutis imperio, malorum omnium interitus. pluris igitur est vir vnus bonus, quàm vniuersi simul improbi. Nec opus est ad hanc rem sapiente interpretare. Nam quid est Bellerophon, qui alio nomine dicitur vir bonus, nisi monstrorum domitor, atq; malorum omnium profligator?

QVOD EX VIRTUTE, IPSA
efflorescat Imperij felicitas. VII.



QVASCVMQ. in oras, regionesq; controuersiarum res delata est, ille vias omnes ingenij, artis, & doctrinæ ita tenet, vt disceptationes non solum dirimat, sed etiam disceptantium animos constringat pari, & mutuò opinionis fœdere. cum igitur populus

pulus motu turbulento continenter ageretur, nec solum Principi, sed etiam ipse sibi grauis esset & infestus, multaq; à multis rectoribus afferrentur remedia, Dixit sine virtute, præsidia iacere omnia: nihil in populo à rectoribus præter virtutem esse affectandum. eò quòd eorū est, vt ait Socrates apud Platonem, ciues suos ad fœlicitatem perducere, ad quam nullus patet, nisi qui virtute aperitur, aditus.

*QVOD VIRTUS NEQVE
crescat, neq; decrescat. VIII.*



CVM nulla sit tam adulta Reip. pestis, quam CLEMENTIS VIII. studio, non ita sustulerint iustitię administratores, vt stirps, & semen malorū omnium radicitus videatur restinctū, & deletū, sciscitanti Pontifici cuius facta, inter eos maximè probaret: illius dixit, quibus nec addi, nec detrahi quicquā sine culpa potest. Verus est Pythagoreorum ratio, qui dicebant malum infinitum esse, bonum verò finitum: in altero, errare esse facile, & expeditum: in altero arduum, & difficile metam attingere. Hoc ipsum sentiens Bion, dixit tam apertam, & spatiosam esse ad inferos viam, vt etiam clausis oculis, difficile esset de via aberrare.

*QVOD BONO VIRO NIHIL SIT
Similius Deo. IX.*



NISI officiorum dignitas, virtutis corroboratur auctoritate, quādam est honorum inanitas: proinde sciscitanti aliquando CLEMENTI VIII. quod in ad-

in administratione publici muneris, & officij maximè probaret, quæ Dei respondit, viua sunt simulacra: non fastu, sed virtute illustres viros esse ostendens. Hac ratione Anisthenes asseuerabat virum bonum, pluris esse faciendum, quàm genere propinquum. Nam arctiora sunt virtutis, quàm sanguinis vincula.

QVOD VIR DOCTVS ALIIS:

vir bonus sibi magis consulit. X.



VM fortè in disceptantes incidisset, qui vtrum, vir doctus probo viro, an probus viro docto esset anteponendus, argumentis conflictabant: facieratem aurium vt inter eos, qui sibi inter se rem acrem, & acerbam constituerant, vitaret, dixit hoc inter vtrumq; interesse, quod interest inter marem, & fœminam. Nam vir doctus alijs imperat: probus aliorum facit imperata, quorum alterum est viri, alterum fœminæ. Idipsum significare, opinor, volentes Poetæ Apollinem Deum doctrinæ: Dianam deam fecerunt virtutis. accedit ad auctoritatem ratio. Nam qui malè intelligit non potest bene apperere: nec esse vir bonus, qui male appetit. huc pertinet, quòd vir probus sibi tantum, doctus alijs etiam in administranda Republica consulit.

QVOD ARTIVM OMNIVM

procreatrix, & magistra sit virtus. XI.



VM fortè de iuuentutis institutione, & disciplina ageretur, atq; ob id à quodam quæreretur. quodnam inter Italiæ Gymnasia maximè probaret: non quod

quod ornamentum habet marmoris, dixit, sed virtutis. iacet enim in ijs regium etiam ædificium, nisi & probitatis, & ingenij adsit fabrica. Itaq; Plato, in Academiæ suæ primo ingressu, & vestibulo inscripserat *ἀγνοεῖν γεωμετρίαν εἰς τὴν πόλιν οὐκ ἔστιν εἰσέναι*. hoc est, nullus Geometriæ ignarus huc ingrediatur. virtutem appellavit Geometriæ nomine, quia in æqua affectuū consistit mensura: Hæc in discipulis comparandis potissimum requiritur. Nemo enim nisi magistra virtute, nouit doctrinam affectare. errat quippè et in bene factis, quicunq; modum, & mensuram negligit. Non est igitur tarditas ingenij, in discipulo, doctrinæ impedimentum, sed magis morum vitium. Nam obtusum, & hebes ingenium arte, veluti quadam core potest exacui: acris vero, & subtilis ingenij acies non potest non vitio obtundi.

QVOD MIRA SIT BONORVM

Virorum paucitas. XII.



VONIAM si virtus vt ait Cic. sua expressa cerneretur facie, mirabiles sui amores concitaret, sciscitantibus, in amicorum conuentu, nonnullis, quæ forma esset virtutis, & structura: ea, respondit, quæ Geryonis tricorporei est simillima. Corpus enim vnum habet doctrinæ, ad mala ea cauenda, quæ abdita sunt & reclusa: alterum vero persuasionis, ad ea etiam hostibus suadendum, quod ferrum nescit exorare: vltimum obsequij, ad obtemperandum rationi. Hac sententia non solum demonstrauit, qui sint, sed etiam quàm pauci sint viri boni. Recte descit doloris hic morsus ex Romanorum auctoritate. Nam Bonorum discrimen, apud eos non ex vario, & multiplici hominum: sed ex Deorum constituebatur gene-

re. Itaq; Augustus propter sapientiam, Apollinis: Romulus, propter fortitudinem Martis: Hercules propter iustitiam, Iouis censebatur esse filius.

QVOD NVLLVS VIRTUTE

uberior sit Thesaurus. XIII.



HOC P. ALDOBRANDINI virtus affixit, hoc sapientiæ eius gloria conflauit, vt ab eius dicto nefarium omnes esse putent, recedere. cum autem in turba populari, videret à multis inopiam, à paucis vitium timeri: dixit virtutem armaturam esse aduersus egestatem: non pecuniam. eò quòd virtuti fortuna: non fortunæ virtus succumbat. nec falsò. Nam cur, apud Poetas, Hercules & Plutonem, & Iunonem, quorum altera honorum, alter diuitiarum Deus habebatur, vulnerauit? quia nihil est in bouis tam ingens, & magnum, quod non multò minus sit virtute, cuius hoc loco personam induit Hercules.

QVOD RES OPEROSA, ET

difficilis sit virtus. XIV.



AFFINIS est culpæ, qui virtutē non norit, aiunt, de facie: interroganti igitur qualis esset virtus: quæstionem dixit parū habere honestatis, multum verò suspicionis. exprefcit tamen illam, per imaginem Dianæ, quæ in Chio de sublimi ita spectabatur, vt ingredientibus horrida: egredientibus hilaris esse videretur, & iucunda. sunt enim virtutum radices amaræ, & difficiles: fructus autem gloriosi & suauis. Non mirum est igitur à multis virtutis gloriam: à perpaucis virtutem diligere. Nam
illud

illud est consilij tantum : hoc plurimi studij . & difficultatis .
 Nihil enim si Antiquitati fides habetur , pluribus vigilijs , & laboribus , quàm virtus paratur . Nam quorsum quod , Hesperidum mulierum mala aurea , quæ Draco asseruabat , non nisi occiso Dracone , sublata sunt ab Hercule ? nihil conditius hoc cōmento , ad rem asserri potest . intercluditur enim virtus non modo plurimo , sed etiam sæuo , & immani affectu , qui ad virtutem accedentes , tanquàm Draco truculentissimus suis interdum absorbet faucibus . Quoniam igitur non nisi graui certamine paratur virtus , ignauis omnibus ad virtutem clausus est aditus .

QUOD VIRTUS MEDICINA SIT

Senij. XV.



NE Q; gloria vnquàm improbis animum facit : neq; adimit infamia . quare nihil est hominibus improbis desperatius . Siquidem nihil est in eos contumelia , nisi sceleris augendi seges , & materia : nihil laudatio , nisi ansa in flagitiorum sordibus perseuerandi . cum igitur nihil peius diffuset cum ætate , quàm sceleratus , consuevit dicere , aduersus ætatis labentis senium , summum in vna virtute esse remedium . virtus enim non solum non consenescit : sed etiam perennes viros facit . loquuntur id fabulosè Poetæ , doctè tamen . Non enim sine causa , apud eos Medea consuevit è senibus iuuenes reddere . Nam qui ex errore inueterato resipiscit , is demum repuerascit , nec adeò videtur veterem hominem exuere , quàm nouum induere .

*QUOD VIRTUS ARMATURA SIT,
qua nec ferro penetrari: nec dolo possit
surripi. XVI.*



CVM fortè timidum in periculis ducem corripere-
ret, isq; se hoc commento tegeret, quòd non, vt
Achilles, corpus haberet ab offensione immu-
ne. tum ille, tot sunt, dixit, Achilles hac nostra
etiam ætate; quot sunt viri boni. habet hæc sententia, sine vlla
vocis acerbitate, morsus in timidum quenq; acerrimos. Nam
vt virtus non relangescit, sed virescit vulnere: ita viri boni
vis corroboratur, non debilitatur offensione. vetus est apud
Homerum, rationis auctoritas. Nam cur ab Hercule, quò ma-
gis Antæus ad terram erat depressus: eò attollebatur eminen-
tius? non est aspernenda fabula. Nam is demum est vir bo-
nus, qui nouit ex depressione attolli: atq; ex incommodis
commoda capere: malaq; omnia lucro habere.

*QUOD VIRTUS LORICA SIT-
aduersus timorem. XVII.*



IRMISSIMA perturbationum omnium cau-
tio, in virtute est fundata. Nam virtutem qui
habet, potest in periculis timeri, non pòt timere.
Cùm igitur cuidã timido, in ipso belli incendio,
nullum armorũ genus sufficeret: quæsitum est, sedata pugna,
num etiam aduersus timorem, quis posset armari: certè respon-
dit. Nam vmbonem qui habet Palladis, immunis est ab omni
turpitudine timoris. eo armatus Perseus ad Gorgones euo-
lauit, quæ erant tres Sthenio: Euriale, & Medusa: Magna
est, vt patet hoc fabulæ argumento, virtutis commendatio:

C

Etenim

Etenim quæ tria mortalibus terrorem incuriunt malorum genera: contumelia ambitiosis: paupertas avaris, & infirmitas voluptuosis, illa vtrò sapè à bono viro virtutis ergo appetuntur, nunquàm refugiuntur.

QVOD NIHIL SIT VIRTUTE

Clementius.

XVIII.



NIHIL grauius solet quàm casum, atq; orbitatem virtutis, in afflicto religionis imperio deplorare: nec benignius quicquàm, quàm in viam redeuntis, excipere. Hùc etsi omne eius spectat consilium: vt tamen cōsiliij sui laudem teneret, consuevit dicere, homini esse facillimum alteri consilium dare: sapere verò difficillimum. Magna verò, & de cœlo vox ea visa est. Nam omnes ferè bene sentiunt: nemo autem rectè agit, nisi sapiens. nihil enim est sapientia, vt videre est apud Euripidem, nisi lampas Dei, qua non solum nox obscurissima fugatur ignorantiz: sed etiam improbitatis pelluntur omnes tenebræ. Neq; alia de causa Phæbo, apud veteres Cithara, & plectrum tradebatur, nisi vt ostenderent, sapientis esse rebus omnibus consonare, atq; absona vniuersa in ordinem, & concordiam reducere.

QVOD VIRO BONO NIHIL SIT

Gravius iactura opera, & studij.

XIX.

VM nihil fructuosius sit virtute, interrogatus aliquando à CLEMENTE VIII. quid viris bonis maximè displiceret, quod frustra sit respondit. habuit hæc eius responsio non minimum, aduersus sordidorum

rum auariciam, qui nihil in beneficos rependunt, acrimonia: plurimum ad commendandam admirabilem summi Pontificis liberalitatem, ingenij, & acuminis. Plus quippe est mali in iactura laboris, quàm in ipso labore. annumeratur enim hæc inter summos, apud inferos cruciatus. Nam cur, vt placet Poetis, aut Sisyphus Æoli filius, propter hospites interemptos, hanc luit pænam, vt relabentem semper scopulum, ad verticem montis cogatur reuoluere: aut Belides, propter viros necatos compelluntur perforatis urnis, aquas perpetuo haurire? vt certe hoc commento attendatur, quod frustra fit, id non laboris habere asperitatem, sed operis infamiam, & cruciatus atrocitatem.

*QVOD BONI VIRI ADVERSVS
Improbos mitte sit iudicium. XX.*



VM ille nihil aut sentiat, aut dicat, quod non summo consensu, atq; aurium probatione, ab omnibus hauriatur: tum sciscitanti aliquando Iudici, qualis deberet esse delicti pœna: qualis, respondit, est iustitiæ statera. Graue quidem, & miri ingenio dignum responsum. In Iustitiæ .n. statera ponderis plus habet beneficiũ, quàm maleficiũ. Itaq; Persæ nunquam ante solent quemquam iudicio capitis damnare, quàm diligenter eius mores perpenderent, existimantes magis esse contra naturæ ius virtutem præmio, quàm peccatum supplicio vacare. illud igitur iustè sumitur de delinquente supplicium; quod medicina potius videatur delinquentis, quàm pœna.

QVOD EX VIRTUTE OMNIS
exulet calamitas. XXI.



ABVIT sæpe id in ore, & sermone, ab vna virtute solum omnia excludi malorum genera: nec miserum cum esse posse, qui aduersus temporum iniuriam, circonfectus stipatusq; teneretur virtute. vetus item hæc olim fuit Imperij Romani disciplina. Nam ad quid in numo Gordiani Imperatoris virtus effingebatur mascula, imagine senis, barbati: nudi: stantis: claræ innixi: exauium Leonis brachio reuolutum tenentis? docet hæc imago, quæ beneficia sunt virtutis, quam qui habet, statim redditur fortis: sapiens: solers: vtilis: honestus: atq; aduersus omnes rerum asperitates armatus. Nihil enim est virtus nisi Clypeus Achilles, qui à Vulcano fabricatus, nec ferro penetrari, nec dolo surripi poterat.

QVOD SOLA VIRTVS HONOREM
sibi vendicet. XXII.



VM Animaduerneret nescio quem, dignitate elatum, qui magis virtutis gloriam anhelaret, quam virtutem: dixit honorem non dignitatis esse præmium, sed virtutis: atq; gloriam omnem sine virtute, reddi ignominiosam. Id non minus doctè, quam eleganter. Nam extra virtutem nihil est, quod verè potest laudari. Nec enim summa laus est regni, sed virtutis. Hoc Romani, ut ostenderent, virtutem Deam: non Regnum Deum fecerunt. Nec sine consilio. Nam qui virtutem violat, Deum videtur violare: & qui virtuti parer, Deo censetur parere. Nullus igitur est maior, quam virtutis in bono viro, triumphus.

QVOD

*QVOD RES SIT ADMIRABILIS
Virtus. XXIII.*

SCISCITANTI cuidam quid in terris maximè esset admirabile. virtus ait, quæ facit ut maxeat quis in voluptate, & exulter in angoribus lætitia. Hoc sentiens Aristippus asseuerabat nihil solem vnquam vidisse admirabilius viro bono. Nemo enim est vir bonus, nisi qui quasi viuat in corpore mortuo. quod cum animaduerneret Plato, viros bonos non mortales, sed mortiferos vocabat. externa enim mala, quæ sunt aut corporis, aut fortunæ, sic despiciunt, ut videantur in ijs nullum sæpe sensum habere doloris: aliquem semper iucunditatis. Hoc ut docerent Ægyptiorum Sacerdotes, virtutis Hieroglyphicum os amygdali fecerunt. est enim id pluribus veluti stigmaticis notis, & cicatricibus redundans: eiusq; arbor clauo infixâ fertilior redditur: nucleus verò, amarus præsertim, ebrietati maximè resistit: atq; quod maximè est admirabile, arboris eius cortex cum amarissimus sit: suauissimos tamen fructus edit. ex quo non difficile est colligere eos, qui mala refugiant aut corporis, aut fortunæ, ita à virtute esse ab alienatos, ut nullum sensum, aut gustum virtutis videantur habere. Nam bona animi, in malis externis potissimum hærent infixæ.



DE RELIGIONE

TITVLVS TERTIVS.



NIL est Religio, nisi imperij vexillum. Nam cum religione crescit, & decrescit imperium. vt enim iurisprudentia publica utilitatis: ita religio ars est, & scientia communis vitæ, & vniuersæ salutis. itaq; in imperij insignibus, vt asserit Herodianus, præcipuum fuit religionis. Nam quorsum, etiam apud Romanos ignis ille Regibus, & Imperatoribus, hasta in sartagine prælatus? habet ignis hoc loco non elementis, sed religionis, qua virtus omnis vehitur, interpretationem. Petatum autem est hoc insigne à Chaldæis, qui, vt scibunt Græci, ignem numinis vice coluerunt. Existimabant enim nulla re magis Religionem, quàm igne posse figurari. quia ignis è cœlo missus, continenter in cœlum tendit: atq; elementum cùm sit, non tamen vt cætera Elementa, putrescit, aut vllis contaminari potest sordibus: sed semper viget cum cœli leuitare: nunquàm sine splendore, quo obscurissimæ noctis pelluntur tenebræ. Magna verò olim Romanorum gloria, qui Rei bellicæ multum, non parum Agriculturæ: Religioni omnia tribuebant. Et ita, vt in religionis errore, videretur quasi erroris dedecus, in studij decus, & ornamentum commutaretur. At in Amplissimo Cardinali P. ALDOBRANDINO alia est religionis gloria: multo dispar pietatis ratio. Hunc qui intuetur, non adumbrationem intuetur religionis: sed ipsam omni virtutum comitatu stipatam, Ecclesiæ Romanæ religionem. Hic in Amplissima illa legatione, qua Regis Catholici PHILIPPI III. & MARGARITÆ honestauit nuptias,

vbi Senatum Mediolani regustauit, in quo non ignis, vt olim apud vestales virgines, coruscat interpres, & nuncius religionis: sed ipsa omni virtute, aucta & cumulata religio, aperre palamq; cæpit Reginæ de tanto Senatu gratulari. Nec falsò id quidem. Etenim nunquàm Theopompus Spartanorum Rex meliores habuit Senatores: quàm Mediolani habet Rex Regum PHILIPPVS. Nam, vt Gubernatori in altocursus secundus: medico, salus: Imperatori victoria: ita sacrosancto huic ordini, beata ciuium vita est proposita: nequequam molitur, nisi vt ciuitas sit opibus firma: copitijs locuples: gloria ampla, & virtute honesta. Harum virtutum adumbrationē, Rex Theopompus cùm, in suis Senatoribus, animaduerneret: tantum illis tribuit, vt Ephoros instituens, magnam partem regni illis adiunxerit, cum summa auctoritate imperij: at Regis vxor id ægrè ferens, quòd regnum angustius relinqueret liberis: imò latius, atq; firmius respondit se relicturum. Consilio enim, sapientia, & auctoritate Senatus: non potentia, & viribus magnitudinem regni definiebat. ad magnam igitur Regis Catholici gloriam spectat Senatus Mediolan. Hic enim ius summa semper definiuit religione: religionem tot virtutum dotibus locupletauit: tanta scientiarum omnium dignitate honestauit, vt in religione non solum iuris, sed et iustitiæ obles esse videatur, & pietatis. Hoc animaduertens ipse legatus ALDOBRANDINVS, non solum optime sensuit, sed eum prædicauit de sapientissimo ordine. Nam Deum, qui sequitur, non potest quod turpe est non refugere: non voluptates non contemnere: non labores non appetere: non deniq; omnia diuinæ voluntati posposita habere. Multa sunt tanti Antistitis de religione sapienter dicta & responsa, ex quibus, pauca excerpfi: quorum series, & numerus hic est.

1. Quòd Principi norma Imperandi sit religio.
2. Quòd felix fluat ex religione rerum omnium euentus.
3. Quòd sicuti corpus sine anima: ita contabescat sine religione Imperium.
4. Quòd nullo potest populus offensionis timore inclinari, ubi Princeps est religiosus.
5. Quòd Maxima sit in Religione, Principis gloria.
6. Quòd Religio lampas sit rerum agendarum, & vitandarum.
7. Quòd homo sine Religione nomen amittat hominis.
8. Quòd nihil sit clementius religione.
9. Quòd donum tantum sit Dei rectè imperare.
10. Quòd nullum sit belli firmitus, quàm religio presidium.
11. Quòd neq; iners, neq; infructuosus, neq; senio obnoxius sit religiosus.
12. Quòd nihil sit renitentiùs religioni, quàm voluptas.
13. Quòd religio requirat, & corporis, & animi simul obsequium.
14. Quòd sine religione infelicitè cadant omnia.
15. Quòd nec tempus, nec locus ullus vacare debeat religione.
16. Quòd religionis causa, nihil homini graue videri debeat.
17. Quòd nihil sit in terris, quod non oleat vim numinis.
18. Quòd religiosus viuat tanquàm in corpore mortuo.
19. Quòd res salutaris magis sit, quàm iucunda religio.
20. Quòd Religionis non obseruata, nulla sit excusatio.
21. Quòd sine religionis gradibus nullus sit in cælum ascensus.
22. Quòd religionem qui deserat, omnia bona deserat.
23. Quòd Religiosus bono viro sit melior.
24. Quòd Regium sit magis religioni obedire, quàm hostibus imperare.

*QVOD PRINCIPIIS NORMA
Imperandi sit Religio. I.*



V M Princeps ad imperandum in Dei Opt. Max. locum sit suffectus, quem sequi nemo potest, sine religione, consuevit dicere Principem tribus de causis, nihil magis oportere, quàm religionem spectare. primum quia homo est: deinde quoniam Dei minister: tum quia rector est reip. & publici consilij auctor. Homo enim particeps est rationis, cuius bonum, quia non est quoddam singulare, sed commune bonum: felicitatem suam non debet, in priuato aliquo, sed in publico bono collocare: hoc est in Deo Opt. Max. Est autem Dei minister, quia à solo Deo, non ab ipsis hominibus, rerum bene gestarum mercedem expectat: atq; quoniam solus Deus regit omnia, non potest ante regere, quàm videatur Dei immortalis partes sibi asciscere. Rector deniq; cùm sit communis vitæ, & procurator publicæ salutis: non satis est principem esse bonum: sed alios etiam debet bonos reddere, quod item vno fit religionis præsidio, quando nemo sit bonus, aut potius non sceleratus, qui desciscat à religione.

*QVOD FELIX FLVAT EX
Religione rerum euentus. II.*



ESPIRAT in inclinata fortuna, vbi Principem videt religiosum, populus. Nam Religio in principe ars est, non solum orandi: sed etiam exorandi quod volet à Deo. Quocirca pronunciauit aliquando sapientissimus ille Antistes, in religione maximam commendationem esse Principis. Nam princeps videtur

tur populi refugere obsequium, qui Dei negligit imperium.
Quare ALDOBRANDINVS ita rebus diuinis animū
habet intentum, vt cū aliquid sit commendandum, preca-
tione: cū exposcendum, voto: cū exoluendum, gratu-
latione, cū deniq; inquirendum, solenni ritu sacrificium
peragat.

QVOD SICVTI CORPVS SINE

*Anima: ita sine religione contabescat
Imperium. III.*



NIHIL imperium magis lacerat, & laniat,
quā quod vulnus religioni infligitur. hac ra-
tione dixit aliquando, neq; pecudes à pecude,
sine pastore: neq; homines ab homine, sine
Deo duce, regi posse, & custodiri. frustra enim
princeps excubare animo videtur, nisi sapiat plus, quā ho-
mo: hoc est, nisi in religione vim retineat Numinis. Hoc ip-
sum vt doceret antiquitas, Herculem, & Æneam, quorum al-
ter apud Græcos, alter apud Latinos fundamenta iecit Impe-
rij, sobolem fecit Deorum, simul & hominum.

QVOD NVLLO POTEST POPVLVS

*offensionis timore inclinari: vbi Princeps est
religiosus. IV.*



XX religionis domicilio omnis exulat iniuria: in
eaq; non inquilina est iustitia: sed habitandi do-
mina. itaq; cū de iustitia principum ageretur,
resq;, vt aiunt inter incudem, & malleum ca-
leret, tum interroganti cuidam quisnam iustus esset princeps,
qui,

qui, respondit, religiosus est. Nam Deus, vt scribit Plato lex est vniuersalis, & iustitia diuina, quam qui sequitur ducem, nunquam ab æquo, & bono aberrat.

*QVOD MAXIMA SIT IN RELIGIONE
Principis gloria. V.*

NON solum imperij initium à Religione ordimur: sed etiam omnes eius sensus religioni tribuimus, qua vna detracta, & princeps videtur esse sine imperio, & imperium sine Principe. Quare interrogatus aliquando, quid Principem maximè commendaret & Deo simul, & populo? religio dixit. Bene enim audit, qui Deo pareretur: atq; cuncti eius dicto obtemperant, & fidei se committunt. Hæc igitur virtus Numam Pompiliū, ex priuato, & quasi rustico homine, Romanum Regem constituit. Hic enim ab Egeria Nympha, credebatur deorum consilia capere: atq; iccirco illi, nefas esse non omnes gentes obtemperare. Nihil autem est in Imperio firmitus religione. Nam vt de natura Deorum scribit Cicero, pietate erga Deum sublata: necesse est fidem, & humani generis societatem tolli: atq; iustitiam simul virtutum reginam restringui, & deleri. Doctè igitur ille Maro, Æneam cū in cælum suo effert encomio, sola pietatis laude, cæteris præfert ducibus.

Nec magni aliquid illum agere inducit, nisi
propiciatis numinibus, peractisq;
rebus sacris.

*QVOD RELIGIO LAMPAS SIT
rerum agendarum, & vitandarum. VI.*



VI Religioni derogant, pennas virtutum incidunt, nec eas volunt renasci. Quare quæ in cœlum euolant, cadere omnes virtutes sine religione necesse est. cùm igitur sermo incidisset de multis, & varijs sapientiæ Gymnasijs: tum fortè cuidam interroganti quænam optimæ esset doctrinæ schola. Religio dixit. Est enim hæc lampas veritatis, qua & futura quæ sunt, & præterita, & existentia illuminantur. Quare ex ea olim collegium apud Romanos Augurum constitutum est. Nam Augurio, & coniectura periti, futura multa prædicebant. sine Religione vetustas neq; consilium capiebat: neq; ferebat iudicium. Huc pertinent apud Ægyptios, Sacerdotes: Druidæ apud Gallos: Magi apud Persas, vt de rebus vniuersis, pro religione statuerent. Tanti quippè ad res omnes apud eos fuit Religio, vt neq; in Ægypto fierent Reges, nisi ex Sacerdotibus: neq; apud Persas, diadema ante gestarent quàm Magi fuissent.

*QVOD HOMO SINE RELIGIONE
nomen amittat hominis. VII.*



VONIAM hominum benignitas, in religione exhausta redundat summis, ac propè diuinis bonis: lege contrariorum, nihil est eo in omnibus bonis miserius, qui aut religionem amittit, aut religioni fucum facit. Id cum sentiret virtutum ille faber, & Architectus, dicebat hominem esse Dei templum. proinde illum qui à Deo recederet, nomen amittere hominis. est enim
homo

homo ad Deum obseruandum natus, quòd & forma corporis, & animus ipse indicat. illa propter celsitudinem: hic propter quandam, qua alitur diuinitatem. hinc diuinū illud oraculū, quod pro foribus Delphici tēpli, scriptū fuit *γινῶσι σε αὐτὸς* hoc est, cognosce te ipsum. præcipitur enim nobis vt diuinitatem, quæ in vobis, cū Deo habitat immortāli, dignoscamus:

*QVOD NIHIL SIT CLEMENTIVS
Religione. VIII.*



VI res est cum homine religioso, nec re, nec fama potest comminui. dicebat itaq; etiam in malis benè esse sperandum à Principe religioso, cū nihil sit religione clementius. id ipsum vetustas, vt doceret, nolebat Deorum simulacra, neq; ex lapidibus, quando duri sunt: neq; ex auro & argento, quando metalla sunt insidiosa, effingi: sed potissimum ex ligno, quod ad cultum, & pastum potissimum mortalium succrescit. hac opinione ductus Plato, in libris de legibus, non licere ait, ex auro, & argento, & lapide spectra deorum effingere. vincit enim vir religiosus non vi, non dolo, sed ferendo. ita Numæ tempore, qui omnium fuit Religiosissimus, Iani templum tres, & quadraginta annos, quibus regnavit, continenter clausum mansit. Summa enim est victoria, disceptationes hominum: non homines de medio tollere.

*QVOD DONVM TANTVM SIT
Dei rectè imperare. IX.*



I quantā sit imperandi vis odorere, & degustes: animaduertes Imperium omne, non ad hominem: sed ad Deum esse referendum. Nam rectè imperans homi-

hominibus, malè Deo displicet: nec difficilior quicquàm est, quàm modum in imperando tenere. interrogatus igitur, quis bene imperaret: qui respondit vim habet numinis. Sic ipse sensit Homerus: docuit enim neminem rectè imperare posse, nisi cui Deus imperium destinaret. itaq; Principes à Deo petendos sacrificijs, litationibusq; esse asseuerabat. Nam ut Samius Ægyptius Philosophus asserit, Principatum inter mortales gerere, diuinum quoddam munus existimandum est.

*QVOD NVLLVM SIT FIRMVS
belli, quàm religio præsidium. X.*



VM quis gestiret scire, qua arte aduersus armatos, hostes pararetur victoria: religionis dixit. præclarum, & tali tantoq; Antistite responsum. Deus enim nō solum iustus est, sed etiam iustitiæ propugnator. Quare Homerus Nemini Coronas: sed bellicæ præsidi Deo tribuit. In sacris quoq; certaminibus apud Romanos, non victor, sed victoris patrij Penates, Genijq; solent coronari: quia & Triumphantibus dabantur coronæ, ut eas in templis, dijs victoribus dicarent.


*QVOD NEQ; INERS, NEQ;
infructuosus, neq; Senio obnoxius sit
homoreligiosus. XI.*



VONIAM pietatis cura solers, & diligens viri religionem declarat: non squalor, non pullulatus indumenti color: sed publici commodi amor, & honesta vitæ ratio: solitus est dicere cum, qui religionem tollit, solem è mundo tollere, quod item
in

in factis suis literis, Ægyptiorum Sacerdotes visi sunt sentire. Nam cur apud eos, vir accipitris caput habens, toga talari indutus religionis statuitur hieroglyphicum? quia primum hæc ales acerrimum habet sensum oculorum. Cum enim totus sit oculus Deus, maximè oculata oportet sit religio: est deinde volatus celerrimi: neq; enim Deus, neq; vir religiosus ad benè agendum patiens est moræ: hæc deniq; solet, vt sol quotidie repueraleat, ita senectute deposita, renouari. Neq; enim Deus, neq; religio succumbit ætati. est præterea hæc Ales sacundissima. Siquidem sicuti nihil est feracius sole, qui auctor, & opifex est eorum omnium, quæ è terris gignuntur: ita religio magistra est, & domina earum rerum omnium, in quibus humani generis felicitas est posita.

*QVOD NIHIL SIT RENITENTIVS**Religioni, quàm voluptas. XII.*

 VM nemo obrepere possit, malis artibus ad religionem: sitq; viris bonis integritate, & tolerantia ad pietatem religionis sociam, iter aperiendum: conuenit dicere, nullam Religioni capitaliorem pestem posse infligi voluptate. Nec id falso quidem. Nam cur Æneas, vt est apud Poetam, non potuit videre Deos Troiam euertentes, cum ipse Troiæ propugnationem suscepisset? quia certè quidem, dum quis voluptatum lenocinia tuctur, is sceleris amentia occæcatus, religionis lumen amittit, quo maximè dii obseruantur: atq; homines simul à Principe iuantur. Huc item pertinet, quòd Æneas, vt est pariter apud Poetam, pollicetur & Apollini, & Dianæ templa se erecturum. Nam si bene attendimus, religionis vis in Principe constat ex duplici rerum obseruatione, diuinarum vna, quam Apollo: humanarum, altera quam Diana adumbrat.

QVOD

QVOD RELIGIO REQVIRAT, ET
corporis, & animi simul obse-
quium. XIII.



ITSI religio in intimis animi sensibus magis habitat: quàm foris in ore, & oculis hominum: suntq; nonnulla religiosa, quæ non videntur, & contra quædam videntur, quæ minimè sunt: dixit tamen Religionem æque corporis, atq; animi obsequio esse depascendam: quæ sententia rationi est tam consentanea, quàm quæ maximè. Nam si antiquitatis auctoritatem consulimus, quorsum duo illa, ex diuino quodam præscripto, altaria, in templo Salomonis: quorum vnum foris ad animantium sacrificium: alterum intus aureum, in quo Thymiama-tis offerebatur incensum? religionis id, nisi præ stupore gustum amisimus rationis, sapit perfectionem, quæ in nobis duo constituit Altaria, vnum corporis, alterum animi: quorum alterum foris spectatur expressum, alterum intus tene-tur clausum.

QVOD SINE RELIGIONE
infelicitè cedant omnia. XIV.



VBI de calamitate labentis, apud Gallos Imperij, dubium quoddam excitaretur, quod non paucis quæstionibus, multis etiam argum-entorum laqueis tenebatur obsessum, id omne vno iussit verbo. dixit quippè Regna, cum religione facillimè ca-dere. Est enim religionis contemptus, non solum obse im-probitatis: sed etiam ærumnarû, & calamitatis. ea igitur negle-cta, omnia statim obsolescunt gloriæ, & fœlicitatis insignia:
 insurgitq;

insurgitq; contra discordiarum fax, & furia, atq; periculi nunquam antè expectati pestis, & cluuiò. Non vulgare, apud veteres, est testimonium. Nam cur Aper Calidoniũ Oenci vineam vastauit, ob Dianæ cultum ab Oeneo spre- tum? quia nulla vnquam etiam adulterina religio, neq; cul- la est sine præmio, neq; neglecta, sine dedecore, & detri- mento.

*QVOD NEC TEMPVS, NEC LOCVS
vllus vacare debeat religione. XV.*



VIA & vbiq;, & semper est Deus: dicebat neq; locum, neq; tempus vllum debere Religione esse vacuum. hoc sentire, aut potius significare, vt viderentur Persæ, non vt cæteræ gentes, crexerunt dijs templa: sed vniuersum mundum, templum volue- runt esse Dei immortalis. est enim globus hic omnis Ele- mentaris religioni Sacer: nec angulus vllus vacuus esse debet sanctimonia, & pietate. Nec aliam ob rem, puto, solem cui vix mundus sufficit, pro Deo colebant: nisi vt ostenderent nullas esse tam remotas oras, nullos esse mundi tam retrusos sinus, qui censerentur religioni, & pietati esse clausi.

*QVOD RELIGIONIS CAUSA NIHIL
homini graue, & acerbum debeat
videri. XVI.*

QVVM omnibus iniuriæ telis, maximisq; malis obie- ta sit hominum vita: interroganti quæ mala feren- ti essent facilia, quæ feruntur dixit, religionis cau- sa. Nihil

sa nihil enim sit grauatè, quod pie, sancteq; sit. id puto, vt mortalibus testatum Druidæ relinquerent, humanas hostias aris admovebant. Non enim est religiosus, cui vita, quàm religio est carior.

QVOD NIHIL SIT IN TERRIS
quod non oleat vim Numinis. XVII.



VI in omni rerum genere, non animaduertit, vim quamdam numinis residere: is nulla alia, nisi stuporis, potest vti excusatione. Solitus est igitur dicere, sicuti non maiora sunt in Tauro, monimenta naturæ, quàm in Culice, ita æquè in rebus paruis, atq; in magnis, numinis vim elucescere. Nec id quidem falso. Nam cur, apud Ægyptios, qui omnium fuerunt sapientissimi, Apis, Ibis, Crocodilus, atq; vt alia mostra animalium sileam, cæpæ, & Allia religiosissimè colebantur? non quia illos ea intatuarat opinio, vt numina illa esse crederent; Sed vt docerent, cum Deus sit rerum omnium vniuersitas, fas esse bono viro, etiam in rebus infimis, quamdam diuinitatem numinis regustare.

QVOD RELIGIOSVS VIVAT
quasi in corpore mortuo. XVIII.



ST in verbis malè intelligendis, mendum peruagatum, atq; cum Morbo ingenij, & turpitudine, per omnes quasi scientiarum regiones peruagatum. Sciscitanti igitur quis esset religiosus, qui, respondit, ex voluptate ad virtutum omnium asperi-

asperitates est relegatus. Nam cum nihil sit religio, nisi veluti quædam consociatio cum Deo: qui ad religionem accedit, ab omnibus sensuum lenocinijs, & corporis voluptate recedat oportet. Quocirca Religio, non temerè à relegando est dicta: quæ nihil est nisi veluti quædam ex vitæ huius illecebris relegatio, & emandatio.

*QVOD RES SALVTARIS MAGIS
sit, quàm grata Religio. XIX.*



INTERROGANTI cum nihil sit melius religione, cur religiosi sæpe exitiosa fuerit religio: quia respondit, veritas temper prodest auscultantibus: nunquam ferro non nocet liberè dicentibus. sic Ascalaphus, vtest in fabulis, quia quod res erat, dixit, in Bubonem auem funestam, & tristium rerum nunciam à Proserpina iccirco est mulatus, vt intelligamus reme sic honestam: sed cum tristitia coniunctam veritatem. Testis est Religiosorum cruciatus, qui semper, quæ vera potius, quàm quæ grata sunt, maluerunt loqui.

*QVOD RELIGIONIS MINIME
obseruata nulla sit excusatio. XX.*



QVONIAM satius est vitam, quàm religionem deserere, nullam dicebat esse, non obseruatæ religionis excusationem. Mori enim honestè licet: non licet nisi scelerare à religione recedere. Huiusigitur criminis cautionem, vt asserret Lycurgus.

urgus, paruatum rerum sacrificia instituit, ne excusationi, nullus relinqueretur, in quo consisteret locus.

*QVOD SINE RELIGIONIS
gradibus, nullus sit in Cælum
ascensus. XXI.*



VEMADMODVM Rustici, vt est in fabulis, in Ranas à Diana sunt commutati: ita ij ex Ranis, vel ex coaxantibus hominibus potius religionis ergo, inter viros sunt euecti. dicebat igitur religionem virtutē esse alatam, qua qui esset præditus, nullo negotio, in cælum euolaret. Nec id minus falsē, quàm prudenter. Nam cur Ægyptiorum Sacerdotes altare fecerunt Hieroglyphicum religionis? vt cum dictum sit altare ab altitudine, ostenderent, esse hominis religiosi, quæ cœli domicilia alta sunt petere: non vt cætera animanlia in infimo hoc globo tabescere.

*QVOD RELIGIONEM QVI
deserat, bona omnia deserat. XXII.*



VM tanti Antistitis verbis florens, & arte sonans sit omnis sententia: tum hæc in primis plurimum mihi videtur habere ornamenti, & ponderis: qua pronunciauit religionē destitutum, destitui omni, quod à Deo est petendū, suffragio. Nec enim Deum, si ab eo bona roget is, videtur præcari, sed Imprecari. Huc pertinet Miluus ille Æsopicus, is enim morbo, & inedia affectus, atq; afflictus cum esset, eòq; spem nullā, apud amicos, videret salutis matrem

matrem rogauit, ut à loue vitam, si non optimam, at aliquam imploraret: cui mater ingemissens, dixit louem orare licere, at à loue aliquid exorare non licere, cuius sacra & aras toties rapinis contaminarit. sic enim cautum est legibus, ut frustra is pietatem implorer, qui iura violarit pietatis: nec par sit clementiæ beneficia cum sentire, qui contra ius falsq; non veritus est clementiam lacerare.

*QVOD RELIGIOSVS BONO VIRO
sit melior. XXIII.*



ONSVEVIT dicere Religiosum viro bono esse anteponendum. Maiorem enim quasi affinitatem habet is cum Deo, quàm hic cum hominibus: quando diuina virtus plus, quàm humana habet ponderis. Actioraq; sint religionis, cum Deo, quàm sanguinis cum hominibus vincula. Cuius rei cum apud antiquos non obscura sint testimonia: tum magnum est, in re parua L. Albinus exemplū. is enim obuius factus in itinere Vestalibus, vxorem & liberos viam pedibus peragere iussit, ut vestales curru suo imponeret, nec mirum. multo enim præstat virtuti Religio. Nam virtutis præmium est honor tantum: felicitas vero, ac beatitas religionis.

*QVOD REGIVM SIT RELIGIONI
Magis obedire, quàm hominibus
Imperare. XXIIII.*



ONSILII res est, & pietatis religio; non laboris, non sumptus: sed obseruantia, & amoris. Quoniam autem ruit ius omne, sine religione, sciscitanti, quid

primum curare deberet Princeps, Religionem dixit: quid secundum, ne ea respondit, quæ religioni debetur, deferatur obedientia. Comprobant id vnum Æthiopum Reges, qui vsque ad Prolemæi Regis Ægypti tempora, gestiebant non naturæ, sed religioni vitam reddere. Quare consueuerunt, cum sibi à Sacerdotibus Iouis denunciatum esset, Deo iniuriam esse eorum vitam, non modo non grauare, sed etiam ultro, ac libenter mortem sibi consciscere: nec vllus inter eos est inuentus, apud quem pluris haberetur vita, quàm prompta, & expedita, erga Sacerdotes, obseruantia, qua depascenda est religio.



DE PRVDENTIA

TITVLVS QVARTVS.



CVM Agamemnon Mycenarum Rex diceret decem Nestores, ad expugnationem Ilij sufficere, totam Græciam armatam non sufficere: non adeò id visus est dicere, quàm summam ac singularem P. ALDOBRANDINI prudentiam figurare. habet enim eius virtus non solum in pace ornamenta ingenij, & doctrinæ: sed etiam in armis, firmamenta communis vitæ, & publicæ salutis. Itaq; DIDACVS Salazar Magnus Insubriæ Cancellarius, ita consuevit de admirabili eius sapientia prædicare, vt in laudatione prudentissimi Principis, videatur prudentiæ peritissimus. Nam sicuti olim, apud Thebanos marmorea Memnonis statua spectabatur, quæ ex Solis Orientis appulsu, cum omnium admiratione, voces humanas redderet: ita sapientissimus ille in Imperio, iuris & iustitiæ moderator, tanquam viuæ sanctimonix imago, vbi imperium illuxit ALDOBRANDINORVM splendore, sic continenter de ijs pædicauit, vt non voce hominis, sed numinis tota vrbs semper videretur resonare. Id autem neq; libenter dico, quia prudentia P. ALDOBRANDINI, vt de ea fiat fides, nullius eget testimonio: neq; non grauati taceo, quoniam nullius voce magis, ALDOBRANDINORVM laus nutritur, quàm sapientissimi eius viri præconio. Quemadmodum enim de Musica, non ratum est, nisi quod à musico fertur, iudicium: ita prudentiæ laus, nisi oratione prudentissimi viri efflorescat, omnis flaccescit. Est autem hic tam prudens, vt sicuti ipsa apud Diodorum præ-

capit prudentia, norit. & ex aliorum erroribus, rectum quod est sequi: & ex periculis, quod tutum est, amplecti, erudiq; ad gloriam ex aliorum infamia. Sed quid Alij ferant de Prudentia P. ALDOBRANDINI quæ ars est imperandi desino repetere. eius. n aliò me vocant sapientissimè de præceptis prudentiæ dicta, ac responsa, quorum series hæc est,

- 1 Quòd Ars imperandi sit Prudentia.
- 2 Quòd Vir prudens bonos viros vincat doctrina: doctos probitate.
- 3 Quòd Vinculum Imperij, & obsequij sit Prudentia.
- 4 Quòd Viro prudenti nihil fere non cedat ex sententia.
- 5 Quòd Vir prudens lentè maturet.
- 6 Quòd Vir prudens non solum verba, sed vultum etiam ad suadendum, habeat accommodatum.
- 7 Quòd Vir prudens ibi timet, ubi Stultus sperat.
- 8 Quòd Virum prudentem, vix quicquam possit latere.
- 9 Quòd nulla virtus videatur à Viro prudente exulare.
- 10 Quod non difficile sit Viro prudenti, & ex malis bona: ex bonis mala præsentire.
- 11 Quòd Vir prudens timeat magis futura, quàm oblectetur præsentibus.
- 12 Quòd Viri prudentis sit non solum otium, sed etiam extrema omnia vitare.
- 13 Quòd Ars imperandi sit prudentia.
- 14 Quòd quasi plures reperiantur prouincie, quàm Viri prudentes.
- 15 Quod non sit Viri prudentis quicquam admirari, sed admirabilem se omnibus reddere.
- 16 Quod in prudentia sint summa, & pacis & belli auxilia.
- 17 Quòd prudentis consilium, Viri fortis robori sit anteponendum.
- 18 Quòd Vir prudens victus, formidabilior sit victori: quam vi-

Et for fortis victo prudenti viro.

- 19 Quod viri prudens latentes in simulatione, & dissimulatione, exploratos facile habeat hominum animos.
- 20 Quod prudens sit momenta omnia obseruare temporum.
- 21 Quod magnus discrimen sit inter prudentem virum, & fortem.
- 22 Quod vir prudens nouit aliorum erratis bene uti.
- 23 Quod nesciat iacere viri prudentis auctoritas.
- 24 Quod prudentia vita humana sit magistra.
- 25 Quod nihil sit in bello hosti formidabilius, quam ducis prudentia.

QVOD ARS IMPERANDI
sit Prudentia. I.



VM Inferior Germania bello flagraret, iaceretq; apud exteras gentes, virtus omnis propè imperij: multi pecuniam: non pauci milites: omnes arma ad imperadum quærebant, quod cum animaduerneret, dixit non harum rerum, sed prudentiæ adminiculis regi imperium. vt enim iustitiæ iniuriæ: sic prudentia ægroti imperij est medicina. Quare Senatus Romanus, quem totus orbis terrarum consulebat, à senibus & esse, & vocari voluit, quia senectus consors, & loca est prudentiæ.

QVOD VIR PRVDENS BONOS
Viros vincat doctrina, doctos
Probitate II.



D demum, aut potius id solum Principi tribuo gloriosum, quod prudentiæ est ornamentum. Soletq; ad hanc rem, ille dicere sicuti Deus dictus est à θεομας video,

video: ita Prudentem dici, quasi procul videntem, eò quòd vim ac numen retineat Dei immortalis. Est enim prudentia virtus vera intelligendi, & iusta simul operandi. Inter morales tamen virtutes sibi asciscit locum, eò quòd intelligentia potest esse in Improbis: non potest prudentia esse, nisi in viris bonis. est enim prudentia non solum virtus ingenij: sed etiam iustitiæ dux, & magistra, qua & inveniuntur abdita, & iudicantur inuenta.

*QVOD VINCVLVM IMPERII,
& obsequij sit Prudentia. III.*



VM præteritorum iam malorum obducta quasi cicatrix recrudesceret, admisci sceleris in imperando memoria: augeteturq; dolor retractando calamitates & inferioris, & superioris Germaniæ: dixit vnā esse artem benè beateq; imperandi, prudentiam: sine qua nec regere quis, nec regi potest. Quare non magis opus est populo Principe: quàm Principi prudentia. Nam quemadmodum in rerum speculatione, falsa sæpe sic admiscuntur veris, vt vera culpentur pro falsis, & falsa probetur, pro veris: ita in rebus agendis honesta plerumq; vitantur pro turpibus, & turpia asciscuntur pro honestis, nisi quod res est in dubiorum tenebris illustretur, nō solis luce, sed prudentiæ.

*QVOD VIRO PRVDENTI, NIHIL
ferè, non cedat ex sententia: IIII.*



IEBAT, nunquam accidere viro prudenti, vt cogeretur hoc verbo vti, non putatam. Viri enim Prudentis non solum instructa veritate, & ornata scientijs est

tij est opinio : sed etiam aduersus temporum tempestates omnes sic munita , vt omnia videantur parere eius consilio . Testis est apud Græcos Homerus . Nam cur Vlysses ab eo fingitur is esse , qui ab Æolo tempestatum omnium ventos accipiat , & in vtre teneat inclusos ? quia imperat , nisi plane hebescimus , rei fortuitæ ventis vir prudens : non res fortuita viro prudenti .

*QVOD VIR PRVDENS LENTE
maturet . V .*



VM doctrinæ lacerti , in sapientum sint sententijs : atq; eruditionis succus , & sanguis in verborum tegumentis , tanquàm in venis , & visceribus rationis delitescat : tum sapientissimi huius Antistitis dicta , ac responsa nemo potest sine mira vtilitate regustare . dicebat aut vbi vrgerent temporum angustia , non esse accelerandum , sed maturandum . Qui enim accelerant sapè feruntur præcipientes : qui verò maturant , omne vacant temeritate , & negligentia . illud inconsiderati est animi : hoc prudentis semper est habitum . Nam quorsum in Symbolis Anchora , cui adhæret Delphinus ? non minus est prudentis in rebus agendis , mora , quàm celeritate duci . illa ostenditur Anchora , quæ ad moram est fabricata : hæc Delphino , qui piscium omnium est velocissimus . nihil igitur sonat ,
aut olet hoc Symbolum nisi , vt veteri
fertur prouerbio , lentè esse
matura

QUOD PRVDENS NON SOLVM
verba: sed vultum etiam, ad suadendum,
accommodet. VI.



IR Prudens, etsi periculis est illaqueatus, aditus tamen euadendi habet apertos. Dicebat igitur, viro prudenti nihil magnopere posse nocere. Nouit enim non solum orationem, sed etiam frontem, & oculos ad aliorum voluntatem vsque eò accommodare, dum fiat compos voti. Vetus est in Semiramide Regina exemplum. Hæc enim Nino Rege viro mortuo, cum esset filio admodum adolescenti, & statura, & oris figura persimilis, Nini filium virili habitu, & effigie mentita, Regnum à viro relictum, non solum tutata est, sed etiam maiorem in modum auxit, atq; latè propagauit. cognoscere omnia potest prudens, quia videt in tenebris: cognosci non potest, quia vultum habet in manu.

QUOD VIR PRVDENS IBI
timet, ubi stultus sperat. VII.



ON inani honoris aura, non rerum blandimentis, & secundo cupiditatum euentu vir prudens seducitur: sed ratione ducitur, & consilio. interroganti igitur quid maximè timeret vir prudens, res dixit fortunatas. iccirco enim timendum est in prospero hominum statu, sperandum in aduerso: quia nihil est, eo mutabilius. iure igitur laudatur pariter Amasis Ægyptiorum Rex. Etenim cum omnia Polycrati Samiorum Tyranno prospere fluerent, per litteras illi remisit ius omne veteris amicitiae. videbatur enim fortunam

res fortuita Tyranno suis insidiari lenocinijs : cui nemo non stultissimus potest fidem habere.

*QVOD VIRVM PRVDENTEM
vix quicquàm possit latere. VIII.*



VLTO præstantior est. docto viro prudens, Nam inter vtrumq; hoc interest, quod ille cognoscit, quæ à doctore accepit : hic verò, quæ etiam nunquam didicit. Solitus autem est dicere, virum prudentem absentem, semper adesse : eumq; nō pauca videre in tenebris : multa etiam audire, in silentio. Quia verò sentit & futura, & præterita, ac remotissima quæq; . iccirco non falsò prudens, quasi procul videns, est nominatus. Hūc apud veteres, pertinet biceps Iani imago. Nam cur eius vnum caput erat senis : alterum adolescentis ? quia nec seni de sunt vires : nec adolescenti consilium, si modo adest prudentia. Hanc qui possidet, prouidentia viget futurorum, & memoria præteritorum : nec solum ex vtraq; rerum existentium haurit intelligentiam : sed etiam vir redditur omnium horarum.

*QVOD NVLLA VIRTVS VIDEATUR
à Viro prudente exulare. IX.*



ONSVEVIT dicere ab ijs modicè prudentiam laudari, vel etiam intra modum : qui prudentiæ non tantum tribuunt, vt ei non videatur desponsa virtutum omnium gloria. Sapienter quidem. Nam, vt Apollophanes Philosophus loquitur, huic vni virtuti, cæteræ omnes virtutes, tanquam pedissequæ famulantur.

lantur. Nec rationi id est controuersum. Etenim sine prudentia virtus omnis fit vitium. Hoc non minus doctè, quàm falsè, apud Ægyptiorum Sacerdotes. Nam cur Gangem fluiuium Hieroglyphicum fecerunt prudentiæ? quoniam cum virtutum aliæ in cognitione: aliæ in actione: aliæ consistant in oratione: fluuius hic & Carbunculos, qui (si lapidarijs credimus) ab opinionis errore arcem gerentem: & Smaragdos, qui faces restingunt libidinis: & aurum, quod putidum oris commendat spiritum, vehit. Neq; enim potest quis, aut rectè intelligere, qui non prudenter intelligit: aut iustè operari, qui temerè operatur: aut dicere appositè, qui inconsiderate dicit.

QUOD NON DIFFICILE SIT

*Viro prudenti, & ex malis bona: & ex bonis
mala præsenti.* X.

ST Prudentis, officiorum momenta diligenter perpendere, atq; plerunq; ex bonis mala, & ex malis bona odorari. Consuevit igitur, in consilij capiendi deliberatione dicere, non minus quæ sunt insidiosa bona, esse cauenda, quàm, quæ expressa sunt mala, refugere. hac ex sententia, non parum multis antè seculis contraxit gloriæ Scipio Nasica. Anceps enim, & dubia cùm Romæ inter Partes agigaretur hæc quaestio, Carthago funditus nec ne esset delenda: ipse in primis, Cato cui antea prisca fuit nomen, sensit Carthaginem esse delendam, vt Roma incolumis esset, multiq; pedibus ierunt in eius sententiam. At Scipio acerrimè ei restitit: inquiens ex-cidium Carthaginis, fore vrbis Romæ exitium. Metuebat enim, ne Populus Romanus æmulæ, & inimicæ vrbis metu liberatus

beratus in bella inrueret ciuilia, quibus deinceps restinctum magis, quàm debilitatum est imperium.

*QVOD VIR PRVDENS TIMEAT
magis futura, quàm oblectetur præsens.
XI.*



ON solum in fronte, sed etiam à tergo vir prudens habet oculos, ne tantum quæ ante fuerunt videat, sed etiam quæ post futura sunt, perpendat, & examinet. dicebat itaq; non esse sanæ mentis, rem iudicare ex eo, quod est, sed magis ex eo, quod futura est. Sic laudatur Hanno Carthaginensis, Senator nobilis. Magone enim Annibalis Pœnorum ducis fratre, in curia referente, cæsa intra biennium ducenta millia hostium ab Annibale, quatuor consulares exercitus deletos: magnam Italiæ partem, à Romanis ad Pœnos defecisse, & vt maior fides ijs, quæ dicerentur accederet, tres modios annulorum in Curia vestibulo cùm effudisset. Hanno Magonem percunctatus est, ecquis ex vrbe Roma, post tot clades acceptas, ad Annibalem venisset, pacem petiturus: an Romæ de conditione pacis ageretur, cum ille vtrumq; negasset, grauiter ingemiscens dixit, Carthaginem multis victorijs sui comparare exitium. Nam si res, ait, gradum reuocare cæperit, frustra pacem imploremus, quam nemo nobis vincentibus detulit.

QVOD VIRI PRUDENTIS SIT
non solum otium, sed etiam extrema omnia
vitare. XII.



INTERROGATIVS aliquando, cur Multi ad honores prudentiæ obrepere solent: pauci prudentiam attingere. quia dixit, difficillimum est in prudentiæ arcem inuadere, facillimum verò arcis insignia gerere. Huc pertinet elegans hoc insigne: in quo Grus spectatur, quæ inter volandum librat lapillum: cum titulo, ne quid nimis. Hoc enim insigni tripertitum adumbratur viris prudētis munus: primū est, ne malū admitat: deinde, ne bonum omittat: tum ut officium satis præstet: qui in primo errat, nimium: qui in secundo, nihil: qui in tertio, parum censetur agere. hoc belle ipsum insigne. Nam in Grue, is est naturæ sensus, ut in volatu lapidem viribus æqualem, & iusto pondere libret, ne nihil primum tollat: deinde ne nimium: tum ne parum, aduersus ventorum vim sit saburrata.

QVOD ARS IMPERANDI
sit prudentia. XIII.



QVI Prudens est Princeps, nouit omnes imperij abforbere difficultates: quæ cum maiores sint omni multitudinis robore, is solus tamen ijs omnibus sufficit. cuidam igitur interroganti, qua ope freris, tantam molem non perhorresceret imperij: iuris respondit, aut potius prudentiæ, quæ humanæ societatis Dux est, & communis vitæ magistra, atq; domina. doctè id quidem. vetus enim est Antiquitatis auctoritas. Nam quorsum nuda illa, quæ

quæ tot sæculis inueterauit, Herculis eum exuuiæ Leonis imago? nihil est, in armis victoria, nisi prudentiæ præda: nihil ipsa nuditas, nisi cum rerum contemptu, veluti quidam felicitatis triumphus.

QVOD QVASI PLVRES REPERIANTUR Prouincia, quàm viri prudentes. XIV.



IRAM prudentum virorum paucitatem ostendere volens, consuevit dicere, neminē esse prudentem, nisi qui oculos haberet Mineræ. Hæc enim quauis versus æque cernebatur, in omnia oculos iniectos habere: quod vt demonstrarent veteres pictores, ita Mineruam pinxerunt, vt nemo esset ex plurimis assistentibus, quem non fixis oculis spectare videretur. Sic Romæ illam Amulius pictor expressit. ex quo magnam meruit laudem. Nam quæ in viri prudentis conspectum minimè veniunt, in eius tamen aspectum prodeunt omnia. quo fit, vt non solum res omnes præuideat: sed etiam periculis omnibus provideat. Est enim prudentia armatura, qua qui induitur minimè lædi potest. Nam sicut aspicientes Medulæ caput, vt est in fabulis, in saxa vertebantur: ita qui viri prudentis consilium sentiunt: statim proprio sensu destituuntur, eorumq; voluntas non fit ei contraria: sed præda.

QVOD NON SIT VIRI PRVDENTIS quicquàm admirari: sed admirabilem se omnibus reddere. XV.



VONIAM vir prudens vnum quodq; suo examinat pondere, iccirco nihil solet admirari. Non enim ex re, sed ex rei inscitia, hominum nascitur ad

E miratio.

miratio. Cum quis itaq; diceret se admirari felicem Ferrariæ
 successum, ei respondit, non fieri id ex rei gloria, sed ex ad-
 mirantis inscitia. Nam vir prudens cum omnia habet per-
 specta & cognita, nihil noui potest ei videri, aut admirabile:
 quia verò noui semper alijs aliquid affert, solus videtur admi-
 rabilis. Doctè id Poetæ. Nam quò ille rerum omnium for-
 mas induens tendit Proteus: viri prudentis habet interpreta-
 tionem, qui parendo tempori, alius sit oportet, alijs in rebus:
 quia tempore, nihil est varium magis, & mutabile. Quare
 vt prima materia, semper pro varietate formarum, aliam figu-
 ram, cum diuerso capit nomine: ita vir prudens, pro rerum
 discrimine, nunquàm fere fit idem: sed modo iustus: modo
 fortis: modo temperans, & habetur, & dicitur.

*QVOD IN PRVDENTIA SINT
 Summa, & pacis, & belli auxilia. XVI.*



CUM quis Antistiti dolorem reficicaret me-
 moria læsi Imperij, atq; sciscitaretur quæ nã
 tam ægrota Reip. esset medicina: Prudentia
 respōdit. Multa. n. habet in consilij delibera-
 tione: summa in re bellica, malorum reme-
 dia. Testes sunt Romani, qui prudentiæ,
 templum Paci sacrum fecerunt: quiq; in Bello Gallico, quod
 Celticum vocabatur, & Senes & Sacerdotes, prudentioresq;
 omnes, quia omnium esset periculosissimum, non solum in-
 teresse, sed etiam præesse volebant. Quæ enim summa sunt
 belli suffragia, non ab armatorum robore: sed à prudentum
 consilio sunt petenda. Illi enim vt fortes: hi vt diuini Prin-
 cipes regunt imperium. Hoc ipse Homerus per Vlysses.
 Nam cur Vlysses interpretatur regionum omnium peregrin-
 nus?

nus? quia, nemo in regendo imperio, nisi veritati obdormimus, verè sit prudens, nisi qui per multas, & varias scientiarum regiones peragravit.

*QVOD PRVDENTIS CONSILIVM,
viri fortis robori sit antepponendum. XVII.*



MORIS plenissima sunt, quæ à sapientibus in populum proficiscuntur obiurgationes. Quia autem imperitorum vulgus, est alienus à literis, ad rem bellicam magis proclivis, solet hos sapientissimus Antistes suavissimis verbis utens, re graviter inculpare. Dicebat enim Phæbo, multò plus, quàm Marti tribuisse Deum, quorum alter rei literariæ: alter virtutis bellicæ, apud Poetas, est magister, & Dominus. hoc quippè probabat argumento, prudenti viro fortem, in honore debere concedere. suffragatur huic eius sententiæ Rex secundus Atheniensium Cecrops, apud quem, iudicium Neptuni, & Mineruæ de urbis nomine agitarum est. Causam enim Minerua, ex eius sententia, sustinuit: cecidit Neptunus.

*QVOD VIR PRVDENS VICTVS,
formidabilior sit victori, quàm victor viro
prudenti victo. XVIII.*



INSIDIOSA est, aduersus hostes, viri prudentis clementia: nullumq; eius beneficium, in armis, periculo est vacuum. præclarius enim ingenio, quàm ferro ducit hostes superare. Quare solitus est dicere, prudentem virum inermen, in bello formidabiliorem esse forti viro armato. eò quòd fortitudinis est pu-

E 2 gnare:

gnare: prudentiæ vincere. Non vulgare est C. Cæsaris testimonium, is enim Nicomediam nauigans, cum iuxta Maleam à latronibus Cilicibus captus esset, iniuriam non solum verbis, sed etiam fronte, & oculis texit. cum igitur magnam pro eius libertate mercedem poscerent: ille quasi eorum miser, quibuscum agebat familiariter, duplicem summam promisit. vbi autem appulerunt Milerum, Cæsar Epicratem, Milesium seruum ad Milesios misit rogans, vt sibi pecunias mutuo darent, qui eas confestim miserunt. Epicrates mandatum habebat à Cæsare, vt cum pecunijs, magnum conuiuij apparatus apportaret, & hydram plenam ensibus, vinumq; mandragora mistum. Cæsar duplicatam pecuniæ summam latronibus numerauit, eisq; conuiuium apposuit. illi exultantes pecuniarum multitudine, tempus omne dederunt corpori: genioq; indulgentes, largiter vinum hauserunt medicatum. Postquam igitur vino somnoq; sunt sopiti, illi ad vnum omnes, nullo negotio à Cæsare sunt trucidati: ac pecuniæ simul recuperatæ, quas statim Milesijs restituit.

*QVOD VIR PRVDENS, LATENTES,
in simulatione, & dissimulatione, exploratos facile
habeat hominum animos. XIX.*



VM multi sint faceti corpore, deformati animo, beneq; loquantur, cum malè sentiant: solitus est dicere, non esse viri prudentis, vel oculis vel auribus, in hominibus iudicandis, fidem habere. Res enim est iudicij: non coloris, aut vocis. Id cum sentiret Chabrias Atheniensis Imperator, vbi impressionem, & impetum aduersus hostes esset factururus, consuevit, si recens præsertim collectus erat exercitus, per præconem, nunciare, vt qui
male

male se haberent, separatim arma deponerent. quotquot igitur erant timidi, morbum simulantes, arma deponebant: his ad pugnam non utebatur, sed ad præoccupanda loca munita.

QVOD PRUDENTIS SIT

momenta omnia obseruare temporum. XX.

DICEBAT esse prudentis quid res, quid tempus, in rebus agentis, postuler odorari. Quæ enim non loco, aut tempore benè fiunt: pro male factis culpantur. testes sunt omnium inter mortales, sapientissimi Ægyptij. Nam cur Morum Hieroglyphicum constituunt prudentiæ? ut doceant certè nihil fieri prudenter, nisi quod fit in tempore. Hæc enim arbor, ne pruina lædi possit, omnium nouissimè in germina, & flores erumpit: deinde quasi cursu tarditatem corrigens, vna ferè noctè tota germinat, primaq, omnium, ne æstus sentiat iniuriam, sæctum maturat. quo admoneri videmur, eam demum præclaram esse actionem, quæ temeritate vacat, & negligentia.

QVOD MAGNUM SIT DISCRIMEN

inter virum prudentem, & fortem. XXI.

VASCVNQVE in oras, Regionefue disputationis res delata est, nullo negotio cùm soluat à viro sapiente: tum virtutum hic omnium Antistes, facile dubitationis hunc scrupulum ex hominum, animis abstergit. cùm ferueret aliquando inter do-

Etos viros quæstio vtrum arma literis, an literæ armis essent anteponenda: Dixit tantum interesse inter prudentem, & fortem virum, quantum interest inter magistrum, & discipulum. Si enim prudentia est rerum omnium magistra, docetq; fortes pugnare: iudices rectè iudicare: bonos viros quid sequi debeant, & fugere, ac deniq; oratores quid dici, & non dici debeat, non potest vir prudens, non esse opifex, & magister virtutū omnium. Quare inter Prudentem virum, & fortem, hoc interest, quòd hic propensus est ad fœlicitatem: ille verò felix. quod probat Seneca, per Gradationem, hoc modo. Qui prudens est ait, temperans est: qui est temperans, est constans: qui constans, non perturbatur, qui non perturbatur, est sine tristitia: qui deniq; vacat tristitia, felix est, ergo felix, & beatus est vir prudens.

QVOD VIR PRVDENS NOVIT

Aliorum eratis bene uti.

XXII.



ICVTI in Aedibus vestibula: ita prudentia primos bonorum omnes habet aditus. sciscitanti igitur quis esset prudens, qui respondit addiscit. plus ex stultis, quàm ex eo stulti. Nam cùm verum infamia posteros docet, quæ sit ad gloriam semita: atq; impiorum pœna cautio sit bonorum, & disciplina: tum Princeps prudens nouit ex vnus vitio, alterius corrigere vitium: stultumq; illum esse existimat, qui post exemplum, vsquam incurrat. Hoc vno instructus argumento præsentia cõponit: prouidet futura, & instauracione corrigit præterita. quod vt ostēderet Pythagoras, inquiebat viro prudenti, duorum temporum potissimū rationem esse habendā, mane, & vesperti, id est rerū futurarum consilium, & præteritarum iudicium.

QVOD

QVOD NESCIAT IACERE VIRI
prudentis auctoritas. XXIII.



NIL est viri prudentis auctoritate præclarus. Ei enim non metu, sed necessitate compulsi omnes obediunt. Nam quemadmodum solent, in alto robustissimi quiq; etiam infirmo parere gubernatori: nec consueuerunt viatores velocissimum quemq;, sed gnarum itineris sequi: ita prudentis est inter mortales dominari: fortium, & validorum obsequi. Quod ut doceret sapientissimus ille Antistes, solet prudentem virum Phœbi pallum nominare. Magna vero in prudente viro, auctoritatis commendatio. Nam Gallus Gallinæus idcirco Phœbo Sacer est, quod in bonis & insitis, & foris assumptis, Imperium exerceat, alterum ostendit, per eius buccinatum, quo ne lædatur, fugatur territus Leo: alterum, admirabili eius præstantia, qua aurum, quod neq; igne neq; tempore comminui potest, absumitur, si eo liquefacto, os eius alitis ingeritur. Quare hoc testimonij exemplo, in omnibus bonis prima gloria tribuenda est prudentiæ. Nam, ut esset Inuencalis nullum numen abest, si sit prudentia.

QVOD PRUDENTIA VITÆ
humana sit magistra. XXIIII.



QVONIAM nemo in eo, in quo est prudens, errat, fundamentum, & radicem gloriæ altiore habet prudentia, quàm fas est breuiter dicere. Solet igitur prudentiæ alumnos, solos viuendi gnatos nominare. Nam ad recte viuendū, ut asserit Menander *ἀγαθὸν μέγιστον νόον ἔσθαι* hoc est bonum maximum prudentia est semper. Hæc per Serpentem, in sacris literis figurata est.

qua figura virtus hæc ostenditur esse imperantis vitæ humanæ. Nam duplex cum sit hæc vita, vna agendi: intelligendi altera vtriusq; figura, & imago censeretur esse serpens. Nam in eo solum animantis genere, Amphibænam parit natura habentem duo capita, vnum in inferiore, alterum in superiore parte. ex quo discrimen vtriusq; vitæ saltè notatur, huc accedit, quòd serpens totum corpus exponit ferienti, vt caput tueatur. Nam vitam omnem habet in capite constitutam. Si enim caput Serpentis cum minimum busti euaserit, viuit: sin mactatur capite, totum corpus statim exanimatur. quorsum? est hominis vita, si prudentes consulimus, in ratione, quæ fons, & caput est virtutum omnium: non in sensibus posita.

QVOD NIHIL IN BELLO HOSTI

formidabilius sit, quàm Ducis prudentia. XXV.



VM aduersus hostes Ecclesiæ, magnus in Germania fieret armorum apparatus, assueuauit ferri aciem omnem hebescere, nisi in armis adsit hasta Palladis, hoc est prudentia: qua non solum procul, sed etiam absens traijcitur hostis. Nihil neq; festiuius, neq; doctè magis dici poterat. exercitus enim prudentiæ expers, suo se iugulat gladio. oppugnatur enim hostis viribus, expugnatur Ducis prudentia. quod cùm veller significare Chabrias Imperator, dixit formidabiliorem esse pecudum exercitum, Duce Leone: quàm Leonum, pecude duce. Siquidem, vt vna Aquila sex centum fugantur aues: ita ad ingentem euertendum exercitum, vir prudens vnus sufficit,

DE CONSILIO

TITVLVS QVINTVS.



QUIA ex consilio primùm casus, atq; orbitas pellitur eruditionis, nihil magis ad consilij capiendi deliberationem accommodatum est, quàm vir eruditus. Soler enim res in quæ stionem adducta, ex sordido ingenio simili lingua deformato, etiam honesta sordere: nunquàm autem nisi in iure, & iustitia recreari. multi igitur, consilium norunt offerre: solus sapiens nouit asferre. Cùm autem neq; consilij vis, sine prudentia: neq; prudentiæ lumen quale quantumq; sit, sine consilio satis potest intelligi, vtrūq; **BARTHOLOMÆIVS** Brugnolius, Præses in Insubria Regij Senatus semper maximarum rerum illustrauit gloria: tantoq; Reip. cumulauit beneficio, vt non videatur ex prudentia laudes accepisse: sed prudentiæ dedisse. Præclara hæc sunt eius gloriæ monimenta, non quæ de Brugnolio in penetralibus sapientiæ inseruntur: Sed quòd ipse Brugnolius cernitur à Ciuibus amari, coli, & obseruari à sapientibus: ab omnibus deniq; non solù pater patriæ, & parens vilitatis publicæ haberi: sed etiam nominari. Quoniam autem ex consilio nō tantum ducuntur rerum primordia: sed etiam exitus, Cauendum est ne consilium iniuria exulceratum, rem omnem suo exanimet vulnere. Quia igitur in consilio, docet eruditio: fidem magis facit vitæ probitas, qui prudens est, solus instar est, & boni, & eruditi simul viri, in deliberando: solusq; ansam rei benè gerendæ alijs videtur posse porrigere. Standum enim est eius iudicio. Siquidem non pecunia: non armis, & viribus res grandes geruntur: sed pruden-
tis

tis consilio, quò qui labitur, corrui in omnibus. Quoniam igitur Cardinalis P. ALDOBRANDINVS gnarus est deliberandi: explorator rerum subtilis: ingenio acri: nullius temeritati fidus: veritatis propugnator: iustitiæ, & æquitatis patrónus: cuius nulla animæ vis vacat sapientia: mens rerum cognitione armata: ratio artium præsidio munita: opinio historijs firma: atq; oratio, in primis, ad fidem motumq; populi accommoda: statui quæ ab eo de consilio profecta sunt apophthegmata, in ordinem redigere, quæ hæc sunt.

- 1 Quòd non solum prudens, sed etiam occultum oportet sit Principis consilium.
- 2 Quòd nihil in administratione Imperij, utilius sit consilio.
- 3 Quòd nefas sit à consilio principis recedere.
- 4 Quòd mens principis consilij experta, immanis fiat, & efferata.
- 5 Quòd principatus firmamentum sit consilium.
- 6 Quòd hostis consilio magis, superetur, quàm viribus.
- 7 Quòd omni vallo aduersus vim hostium, firmitus sit consilium.
- 8 Quòd malum consilium, consultori sit pessimum.
- 9 Quòd Principis consilium probandum sit magis, quàm inuestigandum.
- 10 Quòd dare Principi consilium res sit periculosa.
- 11 Quòd nihil sit neq; difficilius, quàm deliberanti capere, neq; facilius, quàm alteri consilium dare.
- 12 Quòd præclarior sit, qua consilio, quàm qua viribus paratur victoria.
- 13 Quòd qui viribus sit superior, facile vincatur, si cōsilio sit inferior.
- 14 Quòd ei, cui non deest consilium: amicus adsit Deus.
- 15 Quòd consilium non fraudem: sed fraudis medicinam pariat.
- 16 Quòd Necessitas in consilij deliberatione, plurimum habeat auctoritatis.

Quòd

- 17 Quòd consilij sit in loco, aurum non capere, sed profundere.
- 18 Quòd res sit formidolosa pravi hominis consilium.
- 19 Quòd quæ tria sunt bonorum genera, illa omnia in vno delite-
scent consilij nomine.
- 20 Quòd robur Imperij in consilio sit fundatum.
- 21 Quòd Reip. igne, & aqua magis necessarium sit consilium.
- 22 Quòd Miles firmus sit non qui ferro, sed qui consilio sit mu-
nitus.
- 23 Quòd res sit formidolosa perfidi consilium.
- 24 Quòd mira sit eorum, qui rectè Reip. Consulunt paucitas.
- 25 Quòd cedat imperium consilio.
- 26 Quòd infidum sit venale consilium.
- 27 Quòd consilij ratio, historia veluti quodam pabulo sit depa-
scenda.
- 28 Quòd turpe consilium, consilij nomen amittat.

*QVOD NON SOLVM PRVDENS
sed etiam occultum oportet sit Principis
consilium. I.*



À GNA arsest ait, consilij capiendi: sum-
ma fides occultandi. Etenim fidem in con-
silio capiendo habere omnibus, est fatui-
tatis: nulli pertinaciæ: benè autem consu-
lenti summæ prudentiæ. quia verò consi-
lium principis fide gaudet, & taciturni-
tate, qui illud detegunt, non solum officium deserunt bo-
ni viri, sed etiam vulnerant. Nam quod aduersus hostes
maximè capitur consilium, vix prodest, nisi occultum.
Hoc falsè Poeta, in perfecto Principe effingendo. Etenim
cur

cur ab eo Æneas, & Achates finguntur nebula septi Carthaginem inire? quia certè quidem est Principis, qui alios regit, sua consilia tegere: non reuelare, viri boni.

QVOD NIHIL IN ADMINISTRATIONE Imperij utilius sit consilio. II.

QVONIAM ex consilij errore, Imperij vis ruit vniuersa: solet consilium Reip. firmamentum nominare. Nihil enim est consilio, aut in rerum utilitate, vtilius: aut in honestate, honestius. Laudem quippe habet probitatis, & doctrinæ decus: eoq; præstat pecuniæ, quòd vsus exhauriat pecuniam, augeat consilium. Nec vulgaris est, ad hanc rem, Poetæ auctoritas. Nam cur apud eum Aristæus sumitur pro consilio? quia Aristæus interpretationem habet utilitatis, in cuius nomine latent omnia bona fortunæ. ille enim artem inuenit mellis, & olei conficiendi, qui duo humorum omnium sunt optimi, quiq; sanis hominibus robor: infirmis incolumitatem ministrant.

QVOD NEFAS SIT A CONSILIO Principis recedere. III.

QUANTQVAM Consilij laus quocunq; ingreditur, eodem semper virtutum omnium instructu, ornatuq; comitata est: vicit tamen Antistes ille ornatum omnem, præconij, & gloriæ magnitudine. interroganti enim quid esset Principis consilium, non dixit Musarum esse Senatum: sed Apollinis oraculum: ex quo humani generis societas salutem, tranquillitatem, atq; optimam quæq; petere consuevit

fuevit. est enim eius consilium, malorum omniū remedium. Quod conuincitur admirabili hoc argumento. Etenim ad quid verus hoc Symbolum, Ciconia rostro ferens Platani folium? docet nullum Principis consilio, aduersus hostium insidias firmitus esse munimentum. Noctua enim, si incubat oua auis alicuius, sic ea fascinat, vt inania reddantur, & irrita. itaq; Ciconia quasi plena consilij, amuletum affert in nidum, Platani folium. Nouit enim Noctux Platanum omni morte esse terribiliorem.

*QVOD MENS PRINCIPIS, CONSILII
expers: immanis fiat, & efferrata. IV.*



QUEM ADMODVM in dolorum facibus, & morbi periculis, non noua à medico, sed salutaria gestit audire infirmus: ita Princeps in curatione ægrotæ reip. non quæ grata, sed quæ salutaria sunt, ex publicæ salutis fundo, haurire velle debet. Senatus consilio. Eo enim si destituitur, imperiū statim non solum euertit: sed etiam immanis, & efferratus redditur. Sic enim Nero mentem cum haberet expertem consilij: existimauit decere, quicquid sibi liceret: eoq; furoris, & insanix processit, vt Agrippinam matrem peremerit: Octauiam Coniugem, Pompea pellice ducta, domo exturbarit: eiq; venas restingui vinculis iusserit, & per omnes artus sanguinem mitti, neue patiore sanguis tardius flueret, feruidi balnei calore necati.

Nec ante imperij licentia abuti destitit, quàm ipse ab infesta multitudine, ad mortem sit compulsus.

QVOD

*QVOD PRINCIPATVS FIRMAMEN-
tum sit Consilium. V.*



ON adeò fama, quàm fame videntur ridi-
culi, qui vocem in quæstum conferunt:
nec officium in deliberando, sed spem se-
quuntur. Est enim consilij obses non quæ-
stus, sed prudentia: non petulantia aculeus,
& procacitatis: sed lumen aut nûmen
potius iustitiæ, & veritatis. id sapientissimus ille Antistes, vt
doceret, dicebat concilium principatus esse baculum, sine
quo stare non potest, iacere potest Princeps. Salsè ille quidem.
Nemo enim scire cum possit omnia, multorum consilio prin-
ceps vtatur oportet. ex tot enim sapientibus, qui per omne
æuum floruerunt, nemo adhuc inuentus est, qui se omnia sci-
re profiteretur.

*QVOD HOSTIS CONSILIO MAGIS
superetur, quàm viribus. VI.*



RÆSTAT virtutum omnium ille Antistes,
totius Græciæ sapientissimo Hippocrati. hic
enim desperatis veruit adhibere medicinam: ille
vero desperatos etiam excitat concilio, & iacen-
tes à desperatione in spem reuocat. ars quippè medendi, va-
litudinis solum: consilium verò non solum ægrotæ, sed etiam
exanimatæ reipu. est medicina. consuevit itaq; dicere vbi
res ardetet bello, plurius imperatoris in armis esse consilium,
quàm impressionem vniuersi exercitus, & impetum. do-
cuit id aliquando suo consilio Fabius Maximus, qui ab
vniuersa Italia, Corona Graminea est donatus, quoniam
non repugnando, sed cauendo, Romanis restituerat rem.

QVOD

*QVOD OMNI VALLO ADVERSVS
vim hostium firmitus sit consilium. VII.*

INTERROGANTI cuidam quo genere armorum, hostium vis maximè posset reparari: vmbone dixit Palladis: quo qui tegitur, nullo modo lædi pōt. Quare res bellica, sine consilij prudentia, nec vilitatem, nec laudem habet. docet id, in Pyrrho intausus rerum euentus. hic quippe Epirolarum Rex, rerum successu elatus, contra Antigonom Macedonum regem, nulla laceffit in iuria, arma accepit, vi & potentia fretus: Antigonus verò nullo ab exercitu firmus, consilio vtens pro armis, Pyrrhi exercitū cunctando sæpe illudit: ac demum spem eius omnem in contemptum adduxit, & desperationem. hūc accedit & Plopidas Thebanus, & M. Marcellus, qui ambo vi potius, quàm consilio freti, turpiter magis, quàm fortiter in bello ceciderunt.

*QVOD MALVM CONSILIVM
consultori sit pessimum. VIII.*

VIA in eo deliberandum est diu, quod semel est statuendum: nihil est renitentius consilio, quàm præpropera festinatio. Non enim consilium celeritate, sed prudentia est depascendum, qua reguntur vniuersa. Quoniam autem eò pertinet omnis consilij deliberatio, vt aut depellatur malum, aut accersatur, quod est bonum, dicebat eum, qui in alterutro erraret, nemini ferè peius, quàm sibi officere. Non adeo debet igitur vir prudens, suis bonis inter deliberandum delectari, quàm alienis malis laborare, cauereq; ne alteri male consulat. Nam quæ mala in alios exeunt, grauiora in auctorem redeunt. do-
cuit

cuit id olim Perillus Atheniensis, faber ingenio præstans, qui Phalaridi Tyranno Taurum ex ære fabricauit, in quo reus clauderetur, ac subiecto igne, mugitum bouis ederet: cuius muneris nomine, cum amplissimum à Tyranno expectaret munus, eò quòd nouis semper tormentis excogitatis oblectabatur: primus in Taurum iniectus, suppositisq; ignibus, lux artis experimentum præbuit. Quare celebris, & peruagata est Hesiodi hæc sententia. *βέλτερόν τ' ἢ βλάψασθαι κακία*. hoc est consilium malum, consultori pessimum.

QVOD PRINCIPIS CONSILIVM
probandum sit magis, quàm inuestigandum. IX.



Nihil aiebat esse in bono consilio, luce peius: itaq; paucorum fidei est cõmittendum, quod cupis latere. Nam, vt testatur Chilo Lacedæmonius, qui vnus ex septem Græcię sapientibus habitus est, nihil est difficilius, quàm secreta silentio regere. In hoc vitio, cum non parum sit turpitudinis, multum etiam sæpe periculi, Philippides Comicus Poeta, interpellatus à Lysimacho rege, vt aliquid peteret, nihil respondit, ò rex aliud à te peto, nisi vt nunquam recundi tui consilij me facias conscius. norat enim vir illo prudens, id quod haberet cum alijs commune, non esse in sua manu, vt diu posset latere.



**QVOD DARE PRINCIPI CONSIL-
lium res sit periculosa. X.**



ET SI Consilij vilitatem, poetæ satis vna Promethei celebrant fabula, dicebat tamen nihil esse periculosius, quàm Principi consilium dare. Nam in consilio, bonorum quæ afferuntur vilitas, est Principis: Si quid verò res mali attulerit, id omne in auctorem consilij incurrit. interroganti igitur quid tutum esset viro liberè agenti cum Principe: obsequium dixit: deinde quid periculosum: consilium ait. vbi enim res malè cedit, ibi consilij auctot pessimè habetur. Quare vt est apud Plautum, plus oportet scire subditum, quàm loqui. Hoc ipsa Promethei fabula. Nam quamquàm interpretationem habet multi consilij, isq; ignem mortalibus, qui obscurior omnium est suauissimus, impertiuit mortalibus, quoq; detracto, nec metalla, nec artes haberemus illiberales: is tamen præ mij loco in monte Caucaaso, grauitè affectus, & afflictus censetur sic lacerari à vulture, vt nec cum lætitia mori, nec viuere possit sine atrocissimo dolore.

**QVOD NIHIL SIT NEQ; DIFFICILIS
quàm deliberanti capere, neq; facilius quàm alteri
consilium dare. XI.**



NQVIEBAT neminem esse, qui se non mallet esse Vlysses, quàm Cyclopem. nec falsò. maiores enim sunt consilij vires, quàm corporis. homo pusillus, ingentes Elephantès, per Sylvas capit, frenat equos, subiugat boues aratris: volueres deiicit arudinibus: ac deniq; in imo maris, quæ submissa sunt retibus

F

extrahit,

extrahit. verum in tanto bono, hoc est incommodi: quod omnes in re aliena consilio videntur abundare: in propria nemo non egere. dare enim consilium est cuiusvis: capere sapientis tantum. Thales igitur interrogatus quid esset homini facile, ἡλαφὺ ὑποτιθεσθαι, hoc est alteri consilium dare. Nul- lum est grandius argumentum stultitiæ, quàm eius, qui cùm sua ignoret, aliena cogitet sapere.

*QVOD PRÆCLARIOR SIT, QVÆ
consilio, quàm quæ viribus paratur
victoria.* XII



ON instituta, sed inueterata est, in ALDO- BRANDINO, consilij gloria. aiebat non esse turpe, Imperatorem à viro sapiente superari: sapientem verò vinci ab Imperatore tam gloriosum esse imperatori, ut nomen vinceret imperatoris magnitudine gloriæ. Nihil, in bello, priscis hominibus antiquius fuit consilio. Non enim superi ijs, in armorum conflictu, sunt auxilio, qui se inconsulto mittunt in periculum. Nihil enim neq; Mithridati memoria: neq; Themistocli prudentia: neq; Aristidi iustitia, nec deniq; Heraclito ingenium, qui sine præceptore sapientissimus euasint, sine consilij deliberatione profuisset. Quare omnis fere antiquitas consilio plus, quàm vel arti, vel robori, vel ulli dèum virtuti tribuit. Itaq; lacones si quando stratagemate, id est Callido consilio superassent hostem; Marti bouem immolabant: sin aperto prælio, Gallum gallinaceum. Hoc pacto commonebant belli duces, ut magis consilio, aduersus hostes, quàm ferro digladiarentur.

QVOD QVI VIRIBVS SIT SVPL
rior, facile vincatur, si consilio sit
inferior. XIII.



OLITVS est dicere non esse roboris, & virum, in bello: sed consilij, periculis consulere: vincere iccirco eum, non qui viribus, sed qui consilio plus potest. loquitur id ratio: probat Maior Cyrus tui Testimonio. Cum enim in exercitus robore, & militum multitudine hosti concederet, is trans Araxen fluvium Castra quasi timidus posuit, Massagetisq; in se irruentibus reliquit diripienda: illos mox cibo potuq; graues, ac summo deditos nocte intempesta adortus, cum suo rege trucidauit. facile quippe est struere insidias, cauere difficile.

QVOD EI, CUI NON DEEST
consilium, amicus adsit Deus. XIV.



HOC interest in bello, inter pecuniam, & consilium, quod illa potentiori cedit: hoc imperat: quod illa eripi, & surripi potest: hoc non potest. aiebat igitur, quia Deo amicū est consilium, eos, qui olim consilio floruerunt, nō vt Heroes improbitati imperasse: sed vt diuinos homines. Arti quippe, & prudentiæ non solum cedunt mores peruersi: sed etiā, in armis iratorum fax, & furia. Nullus hostium sapius vicit Romanos, quā Anibal Barchinensis: arastu, & consilio potius, quā ferro. arte ad Trebium vicit: arte ad Trasimēnū, & Cannas, & ipse magna quidē arte à Fabio interclusus, maiore aliquanto, per Cassinatem saltum, Romano milite illuso, euasit. Ludibrium dici pōt, q̄ bobus sarmentis ad cornua incensis, in aduersum motem ab

hoste obscura nocte adactis, Romanus Miles noua specie ter-
ritus, præsidio abscesserit.

*QVOD CONSILIVM NON FRAVDEM
sed fraudis pariat medicinam. XV.*



PRÆCLARA est in summo eo Antistite, con-
siliij laus, qui semper Deum, vix vnquàm homi-
nem, in rebus tractandis secutus est consilia-
rium. Quare in præstigijs vitandis, consuevit
dicere, consilium non esse fraudis artificium: sed medicamen-
tum. ita M. Brutus imperator, cum Lycios trans Xanthum
amnem compulsos vrbe exclusisset, indicio comperit super
aquam nando eos urbem repetere: tetendit itaq; occultè resia,
cum tintinabulis supernè appositis, quo indicio, incidisse ho-
stes in retia significaretur. multi per hunc modum capti sunt:
cæteri à simili conatu deterriti, extorres esse maluerunt.

*QVOD NECESSITAS IN CONSILII
Deliberatione, plurimum habeat aucto-
ritatis. XVI.*



NEC tarda, nec parum efficax est, ad consilium capien-
dum, vrgens necessitas. Hęc enim æquè statim & fi-
dem, & motum facit. Solet igitur dicere vim omne
suadendi vna vinci necessitudine. Non solum enim
aduersus necessitudinem, rauescit ars dicendi: sed etiā omnis
flaccescit periculi metus. Testis, inter Romanos, est C. Marius.
Nam cum rei summa, in aperto sita esset discrimine, sic ca-
stra posuit, vt militianè non liceret aquari, quàm cum hoste
congrederetur. Quare exercitus cum videret, aut in acer-
bitate sitis, sibi esse contabescendum: aut extremum rei

tentan-

tentandum, imperatore etiam tacente facta est militibus fides esse pugnandum: & ita ut moræ impatientes, congressum cum hoste non petere, sed extorquere ab imperatore velle viderentur. Res erat Marius aduersus Teutones, & Ambromes: is autem Imperator ad Sicietes milites conuersus cruore, inquit, à nobis potus hodie emendus est; aut vestro, aut hostili, digitum ad flumen intendens. Quare æque ad pugnam, & vindam simul felici euentu illos duxit. Nam satis, & hostilis sanguinis, & fluuiialis aquæ ad facietatem, Victor Romanus militibus suppeditauit.

QVOD CONSILII SIT IN LOCO.

aurum non capere, sed profundere. XVII.



AIEBAT sapientis esse auidos præcio emere: ita Mithridates Rex Ponti magno prælio à Lucullo victus, cum acie egressus, ita fugeret, ut hostem haberet vestigio hæredem: multum auri onus sequentibus obiecit: cæterum dum Romanus prædæ cupidus aurum diripit, maiorem prædam è manibus labi passus est.

QVOD RES SIT FORMIDOLOSA,

prauum hominis consilium. XVIII.



NIL magis danti consilium, fidem derogat, quam ipsa ingenij, aut morum deprauatio. in literis igitur non obstrepentium gregibus, sed vni Phæbo credimus. is verò solet dicere non solum imperitos: Sed etiam imperitorum consilia esse fugienda. Siquidem, & Troia fortè adhuc staret, nisi Paris Veneris paruisset consilio: Et Hercules certè miserè

non interijſſet, niſi aut Deianira Neſſi Centauri conſilio ſi-
dem habuiſſet, aut Deianiræ coniugi ipſe Hercules. ne igitur
dolus, nomen conſilij induat, deſciſcendum eſt in delibera-
tione, à veſana veteratorum opinione.

QVOD QVÆ TRIA SVNT BONORVM

*genera, illa omnia in vno deliteſcant conſilij
nomine.* XIX.



CVM Imperium, apud exteras gentes, culpa
potius, quàm errore lapſum, non minori
infamia, quàm vulnere iaceat exulceratum:
ſolet dicere nullum eſſe remedio, in quo con-
ſiſtat, niſi in conſilio locum: conſilij nomen
eſſe glorioſum, rem verò ſalutarem. Hæc
enim magni eſt ingenij: non. parux doctrinæ: ſummæ verò
beneficentiæ, & vtilitatis: illud omnia ſimul ſapit bonorum
genera. Dictum enim conſilium, ſiue à conſulendo ſit, quòd
tanquàm res optima, ſalutarisq; omnium conſulat rationi-
bus, ac incommodis: ſiue à ſale dictum ſit potius, quòd in eo
ſal contineatur ſapientiæ, quodq; admirabilis eſt ſalis vis,
& in imperfectis animantibus necandis, & perfectis ſanandis:
ea eſt conſilij natura, qua accerſuntur bona omnia, & ex-
terminantur contraria. Nec à ſale ſolum conſilium, ſed è ſala-
rium, quaſi ſal neceſſarium eſt nominatum, & ſapientia quaſi
ſapida ſcientia, eſt vocata. quod igitur eſt, & animi, &
corporis, & fortunæ bonum, id omne ſimul
in vno conſilij nomine, viderur
deliteſcere.

*QVOD ROBVR IMPERII, IN
consilio sit fundatum. XX.*



QVANTVM quisq; arti studet, & doctrinæ, quæ artis est soboles: tantum consilio est aut idoneus, aut alienus. interroganti igitur quale esset prudentis cōsiliū, qualis dixit, fuit Samsonis capillus. Nam quemadmodum ille sine capillo, robur statim simul cum libertate, ac vita, amisit virium: ita imperium sapientis, enudatum consilio, sua ruat mole necesse est. atq; sicuti per capillos purgatur cerebrum: ita per consiliū sordes è corpore reip. eluuntur omnes vitiorum. Nam quorsum, quod Samson dum ei fuit capillus, nihil vnquàm potuit perhorrescere? est consiliū veluti quædam eorum, quæ metuuntur malorum, medicina.

*QVOD REIP. IGNE, ET AQVA
magis necessarium sit consiliū. XXI.*



NON adeò ex Promethei igne homo, vt est in fabulis, vitam est mutuarus: quam apertum vitæ lumen nactus, ex cōsilio. Solitus est igitur dicere in rep. sine igne Promethei frigere omnia. Nā quid est homo, sine igne Promethei, id est sine consilio, nisi hominis tantum adumbratio, hoc est corpus siue lutum, nulla face rationis animatum? acres sunt fabulæ in hæc nostra temporā morsus, & aculei: quæ magna consilij laborant penuria. Quemadmodum non potest ignis, neq; humidus, neq; frigidus reddi, neq; vt cætera elementa putrefieri: ita non consiliū rebus, sed res vniuersæ subiiciuntur consilio.

filio. Sursum tendit ignis, consilium nescit iacere: sordes Deniq; ignis purgat vniuersas: consilium item, omnes labe abstergit vitiorum, nec vlllo crimine pollui potest, & commaculati, si modo vim retineat consilij.

*QVOD MILES FIRMVS SIT, NON
qui ferro: sed qui consilio sit armatus. XXII.*



VM essent Imperatori imbecillo, cum Hoste robustissimo manus confligenda, interrogatus quomodo Imperator cum hoste se deberet gerere, vt Leopardus, respondit, cum Leone. Annuebat arti, & consilio fidendum esse plus: quam hostium vim, & crudelitatem esse timendum. Capitale enim est inter vtramq; bestiam odium: verum Leopardus impar viribus, vbi cum Leone est congressurus, cuniculum agit, cuius vtrinq; ad ingrediendum, & egrediendum latum sit orificium: in medio autem tam augustus sit transitus, vt vix ipse euadat: Leo verò ne vix quidem. Simulata igitur in congressu fuga, Leo hostem insequens, loci angustijs sic intercipitur, vt neq; progredi, neq; regredi possit. tùm à tergo praesto adest Leopardus, qui Leonem dolo distentum discerpit, & laniat.

*QVOD RES SIT FORMIDOLOSA,
perfidi consilium. XXIII.*



VNQVAM Palamedes, nisi perfido Vlyssis consilio fidem habuisset, lapidibus obrutus fuisset. inquebant igitur in consilij deliberatione, ab ijs maxime cauendum esse, quorum consilium astutum, & callidum sit

sit magis, quàm fidele. res festiuo patet Apologo. Equus quondam, aduersus armatum Ceruum, bellum gerens, opem implorabat ab homine: persuadet hic, vt forti sit omnino, eiq; spem ostendit victoriæ, si freni modo patiens sit, & sessoris. admissio igitur vna cum freno homine, auxilij loco in seruitutem pulsus, perenni etiamnum præmitur seruitutis iugo. quorsum? Nihil est in consilij deliberatione, magis quàm ab insidiosa beneuolentia, cauendum.

QVOD MIRA SIT EORVM, QVI
rectè Reip. consulant paucitas. XXIV.

CVIDAM sciscitanti, quis bonus esset consiliarius: is respondit, cui sit. & Angenora mater, & Harpocrates pater. ex quo notauit eum esse demum bonum consiliarium, in quo ipse reuiuisceret Pythagoras, qui eloquentiæ, & silentij fuit magister: Sapientiæ vero dominus. id Romani olim significare volentes, Bullam in toga prætexta constituebat, veluti quoddam deliberandi momentum. illa enim cordis effingebatur figura, vt eam gerentes adolescentuli, & se excordes esse, & tum se cordatos fore sentirent, cum in Senatu, communis consilij fierent participes. Non enim Castor, & Pollux magis nautis in turbulento mari, errantibus tranquillitatem nunciant, quàm aut cor consilij Lumen, aut consilium felicitatem adumbrat imperij: quæ non opibus definitur, sed virtutibus.



QVOD CEDAT IMPERIVM
consilio. XXV.

SI laudatur Antiquitatis diligentia, in inuestiganda eruditione, felicitas in reperienda, nec non ars in declaranda: non possum sapientissimum illum Antistitem non laudare, qui studiosissimus est Antiquitatis. Interroganti igitur quid posset plus imperio, consilium dixit. Hoc ipsum, ut etiam in silentio, assuerarent veteres, Consilium Deum consiliorum constituerunt. hoc enim pacto, docebant omnia à Deo fieri, quæ consilio fierent: imperium vero & obsequium, quia utrumque est hominis, cedere iccirco oportere consilio, quod vim & auctoritatem habet non ingenij, sed numinis. Scribit P. Victor Ædem consilij subterraneam fuisse, quasi lucem metuat consilium, nec usquam melius adolescat, quam in recundito. Dictum autem est consilium à Conso Deo, quod nihil sit neque consilium, nisi Consi Dei auxilium: neque consulatus, nisi Consi latus, id est magnus Deus. Ara eius, in Equestribus certaminibus, tantum patebat: reliquum verò tempus latebat. quo satis odorari fas est, Senatus consilium non verbis: sed factis esse aperiendum.

QVOD INFIDVM SIT VEMALE
Consilium. XXVI.

IN ijs fluxa ferè, & dubia est fides, qui aurum anhelant. Interroganti igitur cuius fidele esset consilium, aurum respondit, contemnentis. ita laudatur Fabricius qui à Pyrrho muneribus, & pollicitationibus, nec corrumpi potuit: nec adduci, ut contra dignitatem patriæ, veniret in Regis sententiam.

QVOD

*QVOD CONSILII RATIO HISTORIA
veluti quodam pabulo sit depascenda. XXVII.*

INTERROGATVS vnde prudens sumeretur
consilium: ex memoria dixit, earum rerum, quæ
antè fuerunt. Nam de futuris, præteritum tem-
pus, vt ait Plato, nobis exempla suppeditat. Qua-
re Historias tenere, optimum est ad consilium perficiscendi,
viaticum.

*QVOD TURPE CONSILIVM
consilij nomen amittat. XXVIII.*

CONSILIVM veteres Consi Dei, dixerunt ef-
se auxilium, vt docerent id verum demum esse
consilium, quod nulla turpitudine esset comma-
cularum. Itaq; scilcitantem cuidam auaro, quale
deberet esse consilium, honestum respōdit, non quæstuosum.
Aristides igitur, vbi intellexit Themistoclis consilium de fran-
gendis Lacedæmoniorum opibus, incensa clanculum ad Cy-
theum eorum classe, dixit perutile quidem esse: sed minimè
honestum. Quare id statim ex præscripto publico, tanquàm
indignum, fuit inuolutum silentio. Sagacis enim:
viri, & prouidi laudatur consi-
lium: non veteratoris,
& perfidi.



92
DE INTELLIGENTIA
TITVLVS SEXTVS.



T SI pecuniæ nerui, & vires sunt rerum
agendarum: robur tamen imperij, non est
in pecunijs, quibus sapiens gloriosius ducit
non egere, quàm abundare: sed in rerum
intelligentia versatur, & doctrinæ sagacita-
te. Neq; id solum, quia animi egere, mi-
serima est egestas, sed etiam quia intelligenti earum rerum,
quas vulgò suspiciunt, non difficilis est copia. Nam arti, &
doctrinæ omnia parent, quæ in bonis, homines censent esse
optima. Cum igitur principium, & fundamentum doctri-
næ sit ingenium, doctrina virtutis: virtus benè institutæ Reip.
nulla laus est imperij, quæ non videtur ex sapientissimorum
virorum ingenio proficisci. Quantum autem quis virtuti,
quantum doctrinæ, quantum publicæ utilitati tribuit: tanti
(vt ab aliorum infinitate, qui in Antiquissima, & præclarissi-
ma BOSSIORVM familia floruerunt, recedam) certè
summi, Amplissimi Magistratus Præsidis SIMONIS Bossij
ingenium omnibus scientiarum dotibus locupletatum faciat
oportet. Sensit vrbs Mediòlapum, duobus potissimum tem-
poribus, quanta vis, in eo sit sapientiæ. vno, cùm in summa ca-
ritate annonæ, fames, qua mortales necabantur, eius vnus
studio est depulsa, quam vniuersi simul ciues poterant auge-
re, non poterant leuare: altero, in ipsa etiam pestilentia con-
tagione, quam semper, in ipsa periculi flamma, tanta pietate,
tam singulari officio, totq; muneribus oppunauit, vt illam
tandem vrbi vniuersæ exitialem, non oppugnasse, sed expu-
gnasse videatur. victori tamen non minimum deinceps re-
mansit

mansit negotij. Nam cum Agri propter pestilentiam vasti, & deserti, nihil præter famem, & sterilitatem ijs afferrent, qui superstites remansissent: ingruit statim tanta rerum inopia, & egestas, ut nihil Sol vnquam viderit ea vrbe neq; miliaris simul, neq; propter opem statim à SIMONE Bosio, quasi de Cœlo allatam, Beatius. Sed quid ego hæc? is ille est, qui non adeo videtur sperare, vel spirare potius, quàm spirando, dare rationes certas, & præcepta rerum agendarum & vitandarum, quæ habet ordinem, & quasdam in agendo, errare non patientes vias. Quocirca ille à Rege Regum PHILIPPO propter innumeras, singularesq; eius virtutes, ad plurima publici muneris officia ascitus: virtutis plus dignitatibus semper attulit, quàm illi dignitates attulerunt honoris. Magistratus demum ordinarij Præses minimè appetens, nedum petens, factus: in eo munere continenter clementiam seueritate: & seueritatem clementia temperauit: iustitiam vero tanta perpetuò honestauit obseruantia, morumq; grauitate, ut non iurisprudentiæ alumnus videatur esse, sed opifex, & auctor iuris, & iustitiæ. quorsum? Nihil est Imperium admistrantis intelligentia, nisi imperij sanitas, consilij lumen, populi robur, & rerum omnium affluentia. Doctrina verò illa diuina, & recundita Cardinalis P. ALDO BRANDINI, ea est cui omnia obtemperant, cum armatura sit rationis, quæ omnia vincit, atq; sibi subiicit. Hæc est quæ, & iusta cognoscere, & vera loqui, & grandia operari docet. Quæ verò de intelligentia fudit Apophtegmata eorum, index hic est.

1. *Quod Respirare sine intelligentia non possit imperium.*
2. *Quod sinuosa sit ad doctrinam via.*
3. *Quod Imperium par sit Imperantis doctrina.*
4. *Quomodo paretur doctrina.*

Quod

- 1 Quòd cum ingenio crescat, & decreseat, eruditio.
- 6 Quòd fabula lumen fundant, ad res omnes, ingenij.
- 7 Quòd ad Imperandum maximè sit accommodatus, qui plus sapit.
- 8 Quòd Principis non minus augusta sit sapientum familiaritas: quam sapientibus principum, gloriosa, & utilis.
- 9 Quòd Principes in primis probentur, qui Musarum sunt alumni.
- 10 Quòd Principis gloria sapientia est depascenda.
- 11 Quòd Palladis doctrina, Principum sit instructio, & disciplina.
- 12 Quòd, ea intelligentia maximè probetur Principis, qua minimè norit otiosi.
- 13 Quòd Vir intelligens ex aliorum erroribus addiscat, quid agendum sit.
- 14 Quòd ad perfectam vitam nemo perueniat, nisi doctrinae semita.
- 15 Quòd viri sit eruditi quid res, tempusq; postulet, odorari.
- 16 Quòd vir doctus quae sunt diuina, sentit in humanis, & quae sunt humana, in diuinis.
- 17 Quòd nulla sit, apud sapientem voluptatis auctoritas.
- 18 Quòd alijs, alius sit doctrinae gustus.
- 19 Quòd periculosius sit Bellum aduersus sapientem, quam contra exercitum fortem.
- 20 Quòd Ars procreatrix sit omnium scientiarum.
- 21 Quòd virtuti literariae cedat res bellica.
- 22 Quòd exitum in literis inuenire sit difficile.
- 23 Quòd artissima sit cum virtute societas doctrinae.
- 24 Quòd res sit laboriosa doctrina.
- 25 Quòd Doctrinam qui habet, controuersiarum omnium habeat medicinam.
- 26 Quòd solus sapiens sit diues.
- 27 Quòd sapiens pater sit patria.
- 28 Quòd Doctrina supremum honoris gradum sibi vendicat.
- 29 Quòd Nefas sit aduersus viros doctos scire.

*QVOD RESPIRARE SINE I NTEL-
ligentia non possit imperium. I.*



VT Hominum decus est ingenium: ita ingenij lumen est æqui & iniqui intelligentia, qua vniuersa reguntur. Nam sicuti Abies, quæ arborum omnium est pulcherrima, ramis omnibus truncatis, vix relanguescit, solo autem cacumine rescisso, statim moritur: ita imperium, etsi patiens est plurimorum incommodorum; vna tamen rerum intelligentia sublata, quia non est patiens ignorantie, statim intereat oportet. interrogatus igitur ubi bene viueretur, ibi dixit, ubi non exulat scientia. Non enim qui spirat, sed qui vera, & falsa intelligit, vitam agit hominis. Itaq; Arist. solitus est dicere, hoc interesse inter doctos, & indoctos homines, quod interest inter viuos, & mortuos.

*QVOD SINVOSA SIT AD
doctrinam via. II.*



VIA ex doctrina virtus, ex virtute felicitas manat humanæ societatis, qui doctrinam deserunt in imperio, non solum videntur principium, & fundamentum communis salutis deserere: sed etiã vulnerare. Sed multæ sunt in doctrinæ campo, errorum flexiones, & diuerticula. consuevit igitur dicere, curiosos in literis facete intelligendo, vt nihil intelligant. quæ enim adsunt negligunt, quæ remota sunt, & retrusa perquirunt. Sic Thales ab Anicula est irrisus, qui cum Astra contemplaretur, in Scrobem, cui imminabat intidit: tum inquit illa, an quæ ob oculos habes, non videns, quæ procul absunt potes videre: non minus artis est interdum pauca quædam dediscere: quam multa addiscere.

QVOD

QVOD IMPERIVM PAR SIT
Imperantis doctrina. III.



QVI gnarus est veri, & falsi, eorum habet cognitionem, quæ sunt, fuerunt, & futura sunt: sed quia fons, & caput veritatis, post Deum immortalem, est sapientia: solet sapientiam rerum omnium mensuram esse dicere, ex quo solus sapiens nouit imperium, in quo sunt omnia, regere. Quare, & Scipio Africanus Pædiam Cyri, de manibus non ponebat: & Carolus Magnus studia bonorum artium summo exarsit Studio, vterq; imperium magna cumulauit felicitate, ille in armis: hic in literis. Nam Parrhisiense Gymnasium, & Papiense, accersitis, vndiq; doctissimis viris instituit.

QVOD DISSERENDO PARETVR
Doctrina. IV.



QVM Scholaris quidam disputantium refugeret circulos, nec adduci posset, vt cum repugnantibus dissereret, facis addiscendo, inquit, dum refugis disputare, vt nihil addiscas. quæ enim vera est doctrina, digladiandi neruis paratur, & viribus. Ideoq; Minerua ab antiquitate fingebarur armata, quia doctrina nullis, nisi acriter disceptantibus fit præda.

QVOD CVM INGENIO CRESCAT,
& decreseat eruditio. V.



INTELLIGENTIA res est, ait, fundo, & sine carens, ex qua tantum hauritur, quanta cuiq; vis, est ingenij. Gordianus igitur Imperator, maiora Imperij

Imperij præsidia posuit in literis, quã in armis. illa enim imperant: hæc imperata faciunt. Quare vsq; adeò literarum fuit studiosus, vt pluris fecerit librorũ, quàm auri, vel argenti Thesauros. habuit enim in Bibliotheca sexaginta duo millia librorũ.

QVOD FABVLÆ LV MEN FVNDANT,
ad res omnes, ingenij. VI.



ICVTI quæ aperta sunt, atra nocte obscurantur omnia: ita splendore veritatis obscura illuminantur vniuersa. interroganti igitur cuidam qua luce, quæ latet imperij felicitas, esset inuestiganda, veritatis respondit. Lampas veritatis lucet etiam in fabulis omni sole clarius. illæ enim rectis verbis grandia: hic aperta luce, leuissima quæq; etiam illuminat. Nam vt strabo refert, & Græci scriptores omnes testantur, lampades Musarum, sunt fabulæ, quibus relictis, obscuratur ingenij lumen. fuit enim Ars poetica, omnium disciplinarum antiquissima: Hæc olim docuit quæcumq; ad veritatem, hominumq; mores pertinent. proinde vetres, solos poetas sapientes esse arbitrabantur. illi enim in erudiendo magis fidem faciebant fabulis: quàm Philosophi argumentis.

QVOD AD IMPERANDVM MA-
ximè sit accommodatus, qui plus
sapit. VII.



ANTI literæ apud Ægyptios, sunt habitæ, vt qui rudis esset literarum, vir tantum inter mulieres: mulier verò inter viros haberetur. Quoniam igitur viri est, non mulieris imperare mortalibus. interroganti quid Princeps in armis sibi deberet comparare subsidio: rerum re-

G spondit

spondit intelligentiam. Nam Dux, & Imperator doctrinæ expers, quasi cæsus lumine, cæcus cæcos ducit. id Philippus Macedonum Rex cùm odoraretur, Nato sibi filio Alexandro, ei felicitatem à magistro Arist. non à Patre rege auspica- tus est, cuius extat Epistola hæc. Philippus Arist. salutem. scito filium mihi genitum esse: qua de re ingentem Dijs habeo gratiam: non adeo quia natus est, quàm quòd Aristotelis, à quo potest erudiri, natus est tempore. spero forè, vt edoctus abs te, dignus fiat regno paterno. Vale,

QVOD PRINCIPI NON MINVS

*Augusta sit sapientum familiaritas, quàm sapien-
tibus Principum, gloriosa, & utilis. VIII.*



VE MADMODVM homo, ratione cæteris præstat animantibus: ita vir doctus eruditione imperitis hominibus antecellit. Quare solitus est dicere, Principi non minus gloriosum esse eruditorum hominum commercium: quam Principum, erudito viro utile. Præclare id loquitur etiã præsens exempli testi- monium. Archelaus. n. Macedonũ Rex, Euripidis familiarita- te vehementer oblectatus est: sed Poeta ab eo rediens, præ ma- leuolorum inuidia, ab eius canibus est laceratus. cuius rei ille dolorem, non solum lugubri veste, sed etiam crine tonso: mu- tisq; propter tã immane scelus, de medio sublatis, demonstrauit.

QVOD PRINCIPES IN PRIMIS

probentur, qui Musarum sunt alumni. IX.



VIA arbor non sua, sed furculi fert poma, inque- bat pluris esse principem bene educari, quàm ma- gnificè nasci. vix enim perperam agunt Musarum amici:

amici: vix non sapienter alumni. Quare M. Antonius inter Cæsares, singulari exarsit literarum studio. diligenter enim admodum singulas quasq; disciplinas perdidicit, & præcipuè Grammaticen: in qua præceptores latinos habuit Trasium: Aprum: Palæmonem, & Proclum, cui tantum detulit, vt ad consulatum vsq; prouexerit.

*QVOD PRINCIPIS GLORIA,
sapientia est depascenda. X.*

QUÆMADMODVM sine cibo, certus est viuē-
tis interitus: ita & ratio sine rerum intelligentia, & ho-
nor, sine ratione, suo quasi destitutus pabulo, statim
interit. Quocirca consuevit dicere, principis gloriam sapien-
tia esse depascendam: duo ad eam, puero Principi addenda
esse calcaria: vnum inscitæ pudorem, alterum doctrinæ de-
cus: quorum in vtroq; acres sunt aculei, & stimuli. Hi sunt
meo quidem iudicio, in principe Historiarum lectione, velu-
ti quadam cote, exacuendi. ex ea enim virtutum omnium
exempla depromuntur. Non hebetes, fateor, & statuas, & ima-
gines heroum, ad gloriam habent aculeos: at Historia habet
acerrimos. Nam tanto præstat imaginibus, & statuis, quanto
corpori præcellit animus,

*QVOD PALLADIS DOCTRINA
Principum sit instructio, & disci-
plina. XI.*

SCISCITANTI quæ ars, & doctrina esset Prin-
cipis: non quæ ab Aristotele, aut Platone, sed quæ
à Pallade respondit est profecta. ideo enim Pallas
effingitur

effingitur armata, ut intelligamus sapienter magis, quàm fortiter esse pugnandum. Hac instructus C. Cæsar: Scipio & Fabius Maximus, nihil oppugnauit, quod non expugnauit. doctè id in primo Odysseæ Homerus. Nam quorsum quòd Iupiter ubi ad Æthiopes diuertit, Phœbum inter epulas ad cytharam canere iubet, Gigantæam victoriam? quia, ut hoc patet argumenti testimonio, nullus neq; est, neq; esse debet principibus iucundior, quàm Phœbi, & Musarum sensus. Nam eorum, & concentu, & consensu ad felicitatem ducitur virtutum omnium chorus.

N C I

QVOD INTELLIGENTIA EA MAXIMÈ
probetur Principis, quæ minimè norit
otiosi. **XII.**



SEMEN & causa felicitatis, in imperio ars est, & scientia principis. Nam quemadmodum male imperanti infelix est obsequium: ita qui imperanti prudenter, obtemperant, felices redduntur, & beati. Sciscitanti igitur quæ ars laudaretur in Principe: ea dixit, quam, qui possidet Sol nuquam videt dormientem. quo responso docuit rerum intelligentiam in Principe parum valere, nisi solers sit, & diligens. Sic Pyrrhus Epirotarum rex laudatur, qui etsi omnes suæ ætatis Imperatores virtute, & gloria anteibat, ita tamen semper publico incubuit commodo, ut per omnem ætatem ab otio semper abhorruerit.

QVOD

QVOD VIR INTELLIGENS EX

aliorum erroribus addiscat quid agendum sit. XIII.

SCISCITANTIBVS aliquando amicis, vbi maxime intelligentes redderentur homines, nullum respondit, viro prudenti locum vacare instructione, & disciplina. fundamentum enim, & radices eruditionis, qui prudens est, habet aliores ferè in stultis, quàm in sapientibus. Nam, vt placet Xenophonti sicuti Oeconomis; & amici prosunt, & inimici, eò quòd illi honesta amant: hi turpia accusant: ita qui studiosus est, & vigilans, non solum ex bonorum exemplis, sed etiam aliorum erratis sic eruditior.

QVOD AD PERFECTAM VITAM

nemo perueniat, nisi doctrina semita. XIV.



QUEMADMODVM translatum verbum, & significantius, & illustrius est proprio, ita per allegoriam, quæ omni iucunditate est referta, rerum figuræ, venustius, quàm ipsæ res spectantur. Quare, vt olim Socrates, ita sapientissimus hic Antisthes dicta, ac responsa sua, artis sale aspersit. consuevit igitur dicere cum de summa artem tenere viuendi, qui calleret Homerum. nec falso. Nam quorsum Homeri, & Ilias, & Odyssea? illa vitæ, quæ in actione: hæc, quæ in contemplatione consistit, habet figuram: quarum altera mundum cœlestem: altera elementarem est complexa: quorum ex utroque quæ perfecta est, efflorescit hominis vita.

G ; QVOD

QVOD VIRI SIT ERVDITI, QVID
res, tempus, vsq; postulet odorari. XV.



SOLITVS est dicere stupidi hominis esse, aut ne hominis quidem, quid tempus postulet, non sentire: sapientis verò tantum, nosce tempori parere. id ipsum veteres, vt docerent, Echium sapientis fecerunt symbolum. Nam sola hæc animans momenta obseruat temporum: quæ, quoniam alia, alio sunt momento, iccirco sapientis est mutare consilium. illa autem animans duo latibuli extruit orificia, vnum Boreæ, alterum austro expositum. Borea igitur spirante, ei quod est expositum occludit, referat alterum: & contra Austro ingruente, pandit boreale, altero clauso.

QVOD VIR DOCTVS, QVÆ SVNT
diuina sentit in humanis, & quæ sunt huma-
na, in diuinis. XVI.



XORBET qui doctrina bene est munitus, omnes difficultates: inquebat non esse sapientem Reip. administratorem, qui aut cælum, dum terræ inhiaret, negliget: aut terram despiceret, dum cælo animum intenderet. Nam male consulit Reip. qui vni parti officit, vt prosit alteri. cum igitur nihil sit resp. nisi veluti quædam hominum societas cum Deo constricta: qui bonus est reip. administrator, ex Deo, & homine fædus inire debet summæ beneuolentiæ: atq; res humanas cum diuinis arctissimo honestatis vinculo constringere. Testes sunt Aegyptij. Nam cur Gryphem fecerunt Apollinis Hieroglyphicum? quia certè quidem imperatrix rerum omnium, quæ, & in cælo,

in cœlo, & in terris dominatur, rerum est intelligentia, quam qui habet, Dei lumen ad rerum omnium Imperium habet. Hoc bellè per Gryphem veteres. Hæc enim animans, quia ex Aquilæ ceruice, & Leonis corpore constat, quarum altera sacra est Iuouis, alter Herculi: falsè videtur utrumq; ius, quo vniuersum regitur imperium, figurare.

*QVOD NULLA SIT APVD
sapientem voluptatis auctoritas. XVII.*

QUEMADMODVM minus lumen; maiori hebescit lumine: nec splendor ullus est Lychni, in aperto sole: ita in sapientiæ iucunditate, sensus omnis relanguescit voluptatis. solet igitur viros sapientes, non mortales, sed cum Platone, mortiferos nominare, eò quòd quasi mortem ferentes, viuant in mortuo corpore. Hæc quippe, si sapientum auctoritatem consulimus, vis est sapientiæ. Testis est Poetarum auctoritas. Nam quorsum apud eos Gorgones illæ? volebant sapientiam suo effingere colore. Nam vt qui Gorgones ceruebant in lapides vertebantur: ita qui lumen habent sapientiæ, non magis quàm lapides ipsi, irritari videntur vllò voluptatis lenocinio.

*QVOD ALIIS ALIVS SIT
Doctrina gustus. XVIII.*

DICEBAT alium à natura, ad aliam disciplinam esse natum. Nec falso. frustra enim nititur vis agentis, patiente indислоposito. hoc saltè veteres. Nam cur mulieres vetabantur olim Herculis sacris interesse? quia cum mulierum callidissima, inter

viros sit frigidissima, non est ad doctrinam nata: quo fit, vt ei interclusa sit ad Heroicam gloriam ipsa virtutis semita.

QVOD PERICVLOSIVS SIT BELLVM
aduersus sapientem quàm contra exercitum
fortem. XIX.



VERTATIS materiam tollunt: vel ansam potius præbent in dicendo ariditatis, quàm ad sapientiæ commendationem, dicta Heroum non regunt. interroganti igitur quodnā omnium difficillimum esset bellum. non cui hostium obstat respondit, aut naualis, aut terrestris apparatus: sed iudicium & sapientia. ita Philippus Macedonum Rex, negotij plus habuit cum vno Demosthene, quàm cum vniuersa Græcia. quid? vetus est temporum Auctoritas. Nam cur Hercules vicit Leonem Nemæum? vt hoc argumento cognosceremus intelligentiā non robori: sed robur, in conflictu cedere intelligentiæ. Hercules enim Iouis cum sit filius, sapientiæ habet interpretationem: Leo autem Bestiarum Rex, virium, quæ sensu, & robore: non consilio ducuntur. In his veterum commentis forma, atq; vt ita dicam, facies quædam cernitur veritatis.

QVOD. ARS PROCREATRIX
sit scientiarum. XX.



INTERROGANTI quæ breuis, & compendiosa esset ad doctrinam via: ea respondit, quæ ducit ars. est enim sine arte, ad scientias proficiscentibus omnis interclusus aditus. Nō vulgare est Antiquitatis testimonium. Etenim quorsum, quod Iupiter dicitur
 abfor-

absorbuisse, & postea Mineruam è capite peperisse? ^{BOUARI} interpretationem habet artis: Minerua doctrinæ, quorum inter utramq; hoc interesse videtur, quod interest inter sobolem, & parentem. Nam ut ratio artem, sic ars doctrinam parit: fitq; iccirco, ut ars naturam: doctrina artem imitetur.

*QVOD VIRTVTI LITERARIÆ
cedat res bellica. XXI.*



SCISCITANTI quid omni militum robore esset validius, res dixit literaria. gravis certè, & cum exitu doctrinæ responsio. Nam si antiquitatem velimus regustare, cur doctrinæ Dea Palas est vocata? ut cum Pallantem virum procerem, & robustissimum interfecit, hoc vno vocis testimonio intelligamus nullam vim, posse reniti doctrinæ. Nihil igitur est validius docto viro, qui nunquam minus est solus, quàm cum est solus. habet enim eos secum omnes, qui sunt, & qui fuerunt, nec eorum consilium solum, sed etiam errata adiumento habet.

*QVOD EXITVM IN LITERIS
inuenire sit difficile. XXII.*



TEMPORVM vetustas, ne in commentando censeretur hebetior, numquam à commentatione artis, & ingenij est feriata. Hac oblectatus, solet dicere, literarum studium esse sine exitu. finis enim vnius scientiæ: Principum est futuræ. hoc falsè veteres. Etenim quare Musæ ab Apolline, in gyrum sic ducuntur, ut altera, alteram teneat? quia ars artem vehit, doctrina doctrinam

doctrinam: omnes vero Musæ in hoc vno consentiunt, quòd montes incolunt, & nemora. Viri enim docti solitudine potius gaudent: quàm hominum turba, & consuetudine.

QVOD ARCTISSIMA SIT CVM
Virtute societas doctrina. XXIII.

SOLET inter doctos virum bonum, & inter bonos viros, doctum in primis probandum esse dicere. eò quòd probitas sine doctrina veluti quædam videatur fatuitas: & doctrina, sine probitate, infamia. tanta igitur est vtriusq; virtutis affinitas, vt vna Deo placere vix possit, sine altera. Salse id veteres, qui Nectar, & Ambrosia cibos definiebant Deorum. Nectar enim apud Platonem, virtutis habet significationem: doctrinæ Ambrosia: qua vtraq; diuina voluntas, quasi Deus est depascenda. hoc ipsum loquuntur Musæ. Nam cur natæ censentur esse ex Ioue, & memoria? vt cum cœlestis sit doctrina, nihil minus sit, quàm docti viri curare terrena.

QVOD RES SIT LABORIOSA
Doctrina. XXIV.



QVONIAM plurimis difficultatibus circumseptæ tenetur omnis doctrina, solet dicere ignavis, ad doctrinam nullum patere aditum. bellè id suis commentis docuerunt Pœtæ. Nam cur fingunt Palladem natam esse ex patre, sine matre? vt hoc certe commento ostenderent doctrinam non ex voluptate, qua capiuntur mulieres: sed ex plurimo labore, quo viri vitam agunt, nasci.

nasci. Neq; alia de causa Palladi templa, apud Græcos in altissimis erigebantur arcibus, nisi vt docerent scientiam in arduo, & difficili loco esse sitam: nec in vllis, nisi in magnis, & elatis habitare animis. Quod si tamen rei difficultas, cum vtilitatis conferatur magnitudine: multò censebitur vtilior, quàm difficilis. Etenim cur Pallas dicitur oleum inuenisse? non adeo, quia artes omnes oleo, & lucubrationibus ad sapientiam attingendam indigent: quàm quòd sapientia veluti oleum, medicinam habet malorum omnium.

QVOD DOCTRINAM QVI HABET,
controuersiarum omnium habeat medi-
cinam. XXV.

INQVIEBAT non esse fortunati, sed docti viri, vbi in discordiæ flammam incidisset: controuersiæ incendium, ac belli faces omnes restinguere. ita enim natura comparatum, est vt imperiti omnes, morem gerant peritioribus. graue, & elegans est antiquitatis testimonium. cur enim Phœbo Cithara, & plectrum ab antiquitate traditur? quia certè quidem docti viri est, absque omnia in imperio, sic in ordinem, & concordiam redigere, vt rationi consonent, & legibus.

QVOD SOLVS SAPIENS SIT
Diuus. XXVI.

DVM rebus vtimur secundis, nec aduersis affligimur, errata etiam videntur ornamenta ingenij. at quæ vera est laus, illa non in externis: sed in insitis bonis, consistit. Quare diuites dicebat viros esse eos, non qui bona

bona possiderent, sed qui essent boni. Etenim cur ab Orpheo Pallas dicitur, mas simul, & fœmina? ut censeatur sapiens, nullius esse indigens: nihilq; esse in humano genere, tam optabile, quod in sapiente viro, videatur desiderari posse.

*QVOD SAPIENS PATER
sit patria. XXVII.*



DOCTOS viros alio nomine Prometheos vocabat. hoc est hominum opifices, & architectos. Nihil enim est ignis Promethei, ut ait Plato, nisi doctrina: qua remota, ex homine truncus, & addita è trunco redditur homo. Etenim nihil est, ad mortaliū mores formandos, neq; gloriosius, neq; admirabilius doctrina. Nam quorsum apud Poetas, qui nullum florem non sequuntur doctrinæ, & ingenij, virga illa, cuius ex altero capite ictum recipientes, in bestias mutabantur Vlyssis Socij: & rursus è belluis, in viros redibant, ex alterius ictu? hæc est doctrinæ vis, & iustitiæ, cuius duo sunt extrema: Supplicium, & præmium: quorum altero homines ad bestias: altero à bestijs ad homines reuocantur, utroq; enim fit, ut aberrates in viam redeant, ac demum errata instauratione corrigant.

*QVOD DOCTRINA SVPRÆMIUM,
in honore, gradum sibi vendicet. XXVIII.*



QVONIAM singulare bonum est, in doctrina: dicebat doctrinæ nullum honorem, nisi qui sublimis, & elatus est, satis respondere. Nec est quòd quemquàm in dignitate, mordeat hæc responsio, asseueravit enim id ipsum, graui argumento Alexander

der Macedonum Rex, multis ante seculis. Nam post Darium prælio victum: scrinium in regia præda ex auro, & gemmis fabricatum ubi comperit, veluti quoddam artis, & opulentix sacrarium, sciscitantibus amicis equis esset tam pretiosi operis futurum opus: longè dixit magis præciosa, in eo inclusa tenebo, Homerumq; in eo clausit: dignus ipse, qui talem nancisceretur, qualem Nactus est Æacides, præconem.

*QVOD NEFAS SIT, ADVERSVS
• Viros doctos scire. • XXIX.*



NON est fabula hæc futilis, & inanis, sed veluti quoddam flabellum veritatis: Vulcanum, quia Mineruæ vim inferre voluit, non solum deturbatum esse de cælo, sed eū et impietatis suæ, per singulos gradus claudicando admoueri. Solebat autem dicere Mineruam non solum Marte robustiorem, sed etiam omni Venere esse amabiliorem. illud multis doctis monumentis: hoc probat etiam Alexander Macedonum Rex. Nam Thebis bello captis, cum urbis excidio communis omnium strages immineret, statim edixit, ut à Pindari Penatibus, & eius familia, omnis vis bellica abstineretur. omnia enim bona vna eruditio, dignitate exæquat: quæ non solum hominum iura, sed etiam Dei religionem est complexa.



DE MEMORIA

TITVLVS SEPTIMVS.



QVONIAM omnis rerum disciplina ex
 memoria constat, non possum quem video
 plurimarum, maximarumq; scientiarum co-
 gnitione florere, non ei sum mam memoriae
 laudem tribuere. Nec falso id quidem. pro-
 bat autē idipsum sui ordinis decus, & orna-
 mentum grauissimo sui exemplo Admodum Reu. D. MAT-
 THIAS Guarguantus Soncinas, Theologus, & Sacrosanctae
 Theologiae interpres praestantissimus. Nam quemadmodum
 in nulla artium, & scientiarum regione hospes est, & peregri-
 nus: ita etiam eo memoriae locupletatus est thesauro, ut de re
 grauissima quaq; possit apte, distincte & ornate ex tempore
 dicere. Nec id, quoniam per omnes scientiarum regiones per-
 agrauit: sed quoniam sui, ut est, in oraculo Delphico, habet co-
 gnitionem. Nam, cum homo sit Dei templum: atq; vniuersi
 domicilium: is. demum vnus est, quem nihil subterfugit,
 qui sui habet cognitionem. Cardinalen- **ALDOBRAN-**
DINVM semper ab ineunte etate, commendauit ingerij acie-
 & memoria: altera plura semper intellexit, quam quae à ma-
 gistris accepit: altera sic vniuersa, quae aut didicit, Aut le-
 citauit retinet, ut animata iam habeatur Bibliotheca, ex quo
 numquam fuit coniectura difficilis, illum natum esse ad impe-
 randum. Quos enim Deus ad imperium euexit, ij ferè omnes
 admirabili claruerunt memoria. testis est, ut ab aliorum infi-
 nitate recedam, Cyrus Rex: Mithridates: Themistocles, ac de-
 niq; apud Romanos Iulius Caesat, qui ut scribit Plinius, con-
 fuit eodem tempore legere, dictare, & audire simul. de me-
 moria igitur, quae ex tanto Anistite colligimus, haec sunt.

Quod

- 1 *Quod Magistra sit rerum omnium memoria.*
- 2 *Qualis in addiscente requiratur memoria.*
- 3 *Quòd nulla sit maior, quàm sui memoria.*
- 4 *Quòd nihil sit ad rem literariam accommodatius memoria.*
- 5 *Quòd in Principe laudatur potissimum memoria.*

QVOD MAGISTRA SIT RERVM
Omnium memoria. I.



VRI est hominis, vel potius vix hominis, in ignorantia dedecore, morsus non sentire infamiae. interrogatus igitur quænam optima esset sapientiae schola, memoria dixit. Hæc enim non solum magistra, sed etiam mater ab antiquis constituitur Musarum. Quia, ut inquit cælestis ille, & diuinus Plato, nihil aliud est scire, quàm reminisci. Quare ut scientia virtutum: ita memoria, anima est scientiarum omnium. nihil quippe est doctrina, nisi disciplina memoria. Quare vna cum memoria, cadat simul omnis ars oportet, & doctrina. ingenio ad percipiendum, memoria ad retinendum magis vrimur. ingenij verò acumen cum memoria tenacitate, quia fiunt ex contrarijs causis: raro simul inveniuntur. Testis est Bartolus summus I.C. qui singulari fuit ingenio: memoria fluxa, & caduca.

QVALIS IN ADDISCENTE
requiratur memoria. II.



ICVTI miser famulatus est, seruientis voluptati: ita infelix est disciplina addiscentis, sine memoria. Sciscitantibus igitur amicis, qualis in addiscente deberet esse memoria, quale respondit in Apol-

in Apollinis simulacro olim fuit tricipitium. Vnum enim erat lupi, ad rapacitatem: alterum Leonis, ad tenacitatem; tertium canis, ad fidelitatem. ea enim demum probatur memorie vis, quæ sua rapacitate statim omnia deuorat: & diu firma quadam retinet tenacitate, quæ rapuit: quæq; deniq; vsq; adeo sit fida, vt minimè fallat sibi sidentem.

*QVOD NULLA SIT MAIOR
quàm sui memoria. III.*



VM quendam, de memoria comparanda, mul-
ti vrgerent solitudinum aculei, & scrupuli,
interrogaretq; cuiusnam maximè probaret me-
moriā. Non Mithridatis dixit, qui duarum, &
viginti gentium linguas percalluit: nō Themistoclis, qui re-
cordabatur etiā, quæ nollet: quæ vellet non posset obliuisci:
non Cyri Regis, qui nomina cunctorum militum in exerci-
tu tenebat: Non deniq; Senecæ, quæ in prodigium vsq; eò
processit, vt duo millia nōminum recitata, quo ordine erant
dicta, referebat. Sed eius, in primis memoriā dixit se pro-
bare, qui sui nunquam caperetur obliuione. Sapienter ille
quidem. Nam qui sui est memor, cum homo sit *Μικρόκοσμος*,
plurium rerum, quàm illi simul omnes, videtur recordari.

*QVOD NIHIL SIT AD REM LITE-
rariam accomodatius Memoria. IV.*



VONIAM acius tenentur turpia, quàm hō-
nesta: iccirco illa nunquā in publicum sunt
admittenda: hæc semper incūlcanda. scholas
igitur, virtutis ædes nominabat, quas à iuueni-
bus

bus frequentari volebat. at interrogatus quem ad literas, vt maxime idoneum, potissimum probaret. Laudo inquit Heraclitum, qui tantum valuit ingenio, vt nunquam eguerit præceptore: Democritum amo, qui recundita sic intellexerit, vt quæ ab alis acciperet, redderet meliora: solum Hortensium facio ad rem literariam, præter omnes fuisse idoneum. Hic autem, vt refert Cic. tanta fuit memoria, vt quæ secum commemoratus esset, ea sine scripto verbis iisdem redderet, quibus agitallet.

*QVOD IN PRINCIPE LAUDETUR
potissimum memoria. V.*



TENENDA est imperanti antiquitas, & exemplorum vis. Quare nonnullis sciscitantibus, qui optimi essent publicæ societatis administratores: qui respondit plurimarum ætatum pollent memoria. Hæc enim Reges, ac Principes plurimum commendat, ita ALEXANDER Farnesius, apud Belgas commendatur: qui plurimarum æt nationum linguas, ex quibus exercitum constabat, adeo callebat, vt singularum oratores palam audiret, & responsum sine interprete, suo quibusq; sermone seorsum redderet.



DE IUSTITIA

TITVLVS OCTAVVS.



VAMVIS ætas longa effluxerint, minimum tamen vixisse videtur is, qui parum iustè vixerit. Nam ars viuendi, sola est iustitia, qua detracta mortales spirare tantum videntur, non etiam viuere. Quare ijs qui anhelant viuere, nihil præter iustum est faciendum. Quæ enim vita est humana, non tempore: sed virtute est definienda. Etenim hæc eius operatio est, non sentire cum belluis: non vegetare cū plantis: sed recundita intelligere: iusta operari: & quæ vera sunt loqui. in quorum anfractu, & gyro virtus omnis tenetur inclusa. Iustitiam verò cum omnium sit tueri, & defendere: tum maximè interest Principis. quid ita? quia Imperium reddit maximè diuturnum, & pacatum. Etenim iure agere volentibus, non opus est armis. Nec apud bonos iudices, magnopere opus est diserto patrono. Nam iustitiâ facile exorat, quod cum difficultate patronus videtur orare. quid? pro iustis non est orandum: nec pro iniustis exorandum. Themistocles igitur Simonidi petenti, vt iniustam causam diceret. Neq; tu inquit, bonus Poeta fueris, si præter Musicæ medulos: neq; ego princeps bonus, si contra leges pronunciem. Eam autem laudo in primis iustitiam, quam video in GALEATIO Vicecomite Senatore residere, hoc est quæ habeat sapientiæ lumen: vim eloquentiæ, & artem imperandi. Sapiens autem debet esse, non solum iustus, ludex: quia Dei immortalis personâ induit, quo nihil est sapientius. Neq; par est, vt qui alios regat, sit indilectus. Nam vt præco mutus: sic est magister populi ab eloquentia nudus.

Nec

Nec iustitia tantum, sed etiam ars quædam requiritur iustitiæ administrandæ. Etenim ut mali medici corpora: sic imperiti reip. administratores, concordie vincula dissolunt, atq; iura occidunt. Hæc sunt quæ tanti Senatoris iustitia, & in Senatu Mediolani, & in Ticinensi prætura, continenter spitauit, qui urbem moribus collapsam, non solum restituit: sed etiam tanta virtute honestauit, ut nihil magis, quam prætoris pietatem, prudentiam, & integritatem videatur olere. Iustitia quippè, ut docet tantus Antistes, non solum est ars vicendi, sed etiam omnium rerum possidendarum scientia. Hoc autè iure quis possidet, quod benè institeq; possider. Malè autem possidet, qui male vitur. ergo malè vtens rebus, non est rerum proprietarius. Nihil enim est aliud iustitia, quam non peccare: nihil est autem non peccare, nisi legis præcepta seruare. Quare iustitia omnis in agendo, & abstinendo consistit, eò quod honesta præcipiantur, vetantur contraria. Sed venio ad Apophthegmata, quorum series, & numerus hic est.

- 1 Quòd fundamentum, ac firmamentum imperij sit iustitia.
- 2 Quòd Ars viuendi sit iustitia.
- 3 Quòd Imperij felicitas manat ex Principis iustitia.
- 4 Quòd iustitia decus sit Aequitas.
- 5 Quòd Ars Imperandi sit iustitia.
- 6 Quòd utilissima virtutum omnium sit Iustitia. (Iustitia.)
- 7 Quòd nulla Imperij Arx aduersus omnia mala sit firmior, quàm iustitia.
- 8 Quòd Iuris scientia in actione magis, quàm in cognitione consistit.
- 9 Quòd sola Iustitia nouit malis bene vti.
- 10 Quòd Iustitia aque teneantur Imperantis obsequio, atq; Imperio.
- 11 Quòd Iustitia, ars sit tempestates, & discordias tollendi.
- 12 Quòd Iniquius sit a Iustitia recedere, quàm nunquàm iustitiā attigisse.
- 13 Quòd Iustitia dei magis, quàm hominis sit virtus.

- 14 Quòd Iustitia mentem, voluntatē, & conatus hominū perficiat.
- 15 Quòd Iusti sit iudicis alij, non alios consulere.
- 16 Quòd nihil neq; deo, neq; hominibus gratius sit iustitia.
- 17 Quòd iustus iudex improbos non damnat, sine dolore.
- 18 Quòd nulla est aurium: plurima oculorū apud Iudicē auctoritas.
- 19 Quòd qualis sit Iudex, tale sit iudicium.
- 20 Quòd solus Vir iustus norit sustinere, & abstinere.
- 21 Quòd semper addere, numquam demere soleat Iustitia.
- 22 Quòd constans sit Iustitia.
- 23 Quòd apud Virum iustum, nullum sit discrimen personarum.
- 24 Quòd Lex eadem Voce omnes alloquatur.
- 25 Quòd Iustitia in Imperio lumen, aut Numen potius habeat felici.
- 26 Quòd nihil sit aequabilus iustitia. (citatis.)
- 27 Quòd pana magis, quàm pramio seruetur Iustitia.
- 28 Quòd virtutum omnium columna, sit Iustitia.
- 29 Quòd vir iustus forti sit ante ponendus.
- 30 Quòd Iustitia calum, & terram sua compleat gloria.
- 31 Quòd nulla Principis auctoritas debeat extra fines enagari Iustitia.


QVOD FVNDAMENTVM, AC
Firmamentum Imperij sit Iustitia. I.




ATIONIS auctoritate, & veritatis testimonio adductus, solitus est dicere: neq; iustitiam multum, sine principis auctoritate, & auctoritatem principis, sine iustitia minimum valere. Etenim nihil est iustitia, si fidem modo habemus antiquis, nisi vis, & robur Atlantis, quo mundum, hoc est imperij globum suis sustentabat humeris. Quare qui princeps dat operam, ut ex æquo, & bono, suum quisq; teneat, omniq; diligentia, & studio

dio curat, vt ciuitas, moribus, industria, facultatibus augeatur, is certe omni administrationis gloria dignus est. Hoc olim qui præstiterunt, quia sapere plus, quàm fert natura hominibus videbantur: eos antiquitas Semideos appellabat.

QVOD ARS VIVENDI SIT
Iustitia. II.

VI vir iustus est, nunquàm nisi alienissimo reip: tempore moritur. Nam eius vita multorum est instructio, & disciplina. Verùm cum alij, aliò intenti viuant, interroganti cuidam quomodo omnibus esset viuendum. iustè respondit. Sola enim iustitia, ars est & viuendi, & vincendi. laudatur itaq; Camillus dictator Romanus, pro remisso pedagogo virgis, ab ijs pueris cæso, quos secum transfuga, in castra hostium duxerat. Et iure laudatur. Nam Phalarios, quos vi expugnare non poterat, iustitia & clementia postquàm instruxit, nullo deinceps negotio, in suam ditionem accepit. sit enim pugna ad propugnandam, non euertendam iustitiam.

QVOD IMPERII FELICITAS
manat ex Principis Iustitia. III.

CVLEATVS sermo, si sale modo aspersus sit ingenij, magis oblectat, quàm mordet. Cum igitur Gallorum procures, nescio quam auram aucupantur gloriæ, ex Regni amplitudine: atq; iccirco interrogarent, quodnam regnum maximè laudaret, iusti respondit Regis. Aculeus hic plenus ingenij, & amoris, neminem adeo oblectauit, quàm quem momordit. atq; cum animatum ius sit Rex, & iustitia spirans, publicæ felicitatis

fons, & caput bonorum omnium pariter sit oportet. Nam, ut Academici veteres, & Peripatetici affirmant alienum bonum est iustitia. Iustus igitur Princeps priuata commoda publicæ utilitati habet postposita: mauultq; populi salutem sine vita, quàm vitam siue eius salute.

QVOD IUSTITIÆ DECUS SIT
Æquitas Principis. IV.

DICEBAT iustitiam eam facile iniuriæ exulcerari vulnere, quæ à Principe nulla adiumenta caperet æquitatis. Nam ut ait Ennius summum ius, summa est iniuria. Quocirca Princeps qui æquitate nititur, quia; in Iudicijs, æquitas principis amabilior est iure, leges non dirimit, sed singulari commendat pietati, & beneuolentiæ.

QVOD ARS IMPERANDI
est Iustitia. V.

QVIA Reip. splendorem nullis maculis potest aspergere, qui iustè imperat, artem omnem imperandi; vna definiebat iustitia, quod ipsum quasi Assuerans Democritus, consuevit dicere duo esse in sinu iustitiæ numina, quæ cuncta gubernarent, præmium scilicet, & pœnam. Nec falso; Nam duabus his rebus, ut fert vetus Solonis sententia, resp. omnis sustinetur.

QVOD

*QVOD UTILISSIMA VIRTVTVM
omnium sit Iustitia. VI.*



ST publicæ utilitatis alumna iustitia, cuius nisi succus, & sanguis vigeat in imperio: adulterinus color est imperij, pigmentis collustratus. Sciscitanti igitur, quis iuste clauum teneret imperij: qui nemini respondit, nocet: prodest verò omnibus. grauis verò sententia; qua quod vulgus Philosophorum inculcat, retunditur, qui solam iustitiam, inter omnes virtutes, asserunt esse alienum bonum. Nam iustitiæ nomine continetur ius etiam naturale, quo cautum est, vt quisq; sibi melius, quàm alteri cupiat esse.

*QVOD NULLA IMPERII ARX.
aduersus omnia mala, sit firmitior quàm
Iustitia. VII.*



ACES malorum omnium vincit iucunditate bonitatis, iustitia. Itaq; felix est ea ciuitas, quæ in officina, conflata est iustitiæ. Interroganti igitur cuidam, quæ mænia essent munitissima imperij: quorum ait ex claustris vis omnis pellitur, & iniuria: at quæ illa essent, cum interrogaretur, iura esse dixit. quo responso impetum omnem armorum, rei literariæ voluit succumbere. Nec temerè. Testes sunt inclitæ illæ Lycurgi leges: quibus quamdiu obtemperarunt Spartani, maximi omnium Græcorum extiterunt: vbi verò eas abrogari permisit: statim eorum corruit imperium: omniq; libertate enudati, ijs paruerunt, quibus ante Imperarant.

QVOD JVRIS SCIENTIA IN

*Actione magis, quàm in cognitione
consistat. VIII.*



ARIDA est, & spinosa iustitiæ disciplina, quæ verbis funditur à Principe, sine testimonio vitæ. Itaq; interrogantibus amicis, quem inter Principes, maxime iustum esse existimaret principem: cum dixit, qui potius vitæ exemplo populum, quàm vocis testimonio instrueret. Populus enim ad sui disciplinam, acrem habet sensum oculorum: aurium heberem. Quare optimè, ut testatur Diodorus Siculus, se gubernare putabant Ægyptiaci Reges, si parendo legibus, populum potius excitarent sua virtute, quàm legum auctoritate.

QVOD SOLA JVSTITIA NOVIT

malis bene uti. IX.



NQVIEBAT non rumoris aura afflatum esse, sed sapientissimorum iudicio inculcatū, bonas leges, ex malis ortas esse moribus: ut hoc putato, te statum apud omnes relinqueret, nihil tam tetrum esse, & immane, ex quo aliquid fas non esset haurire commodi. aperte ille: occultè id ipsum, sed falsè Anacharsis. Nam quorsum, quòd diceret leges Aranearum telis esse simillimas? habet res non minimum ingenij: Plurimum doctrinæ. Nam sicuti illæ texuntur telæ, ex veneno Aranearum: quæ tamen medicinam habent veneni: ita lex, etsi ex hominum peccato originem trahit, remedium tamen parit peccati.

QVOD IVSTITIA ÆQUE TENEATUR
Imperantis obsequio, atq; imperio. X.



INTERROGANTI quis, inter principes, maximè iustus esset: qui respondit, nullas leges populo præscribit, quibus ipse parere recusarit. Sic Lycurgus nihil alijs edixit, quod non ante ipse seruavit. Hinc æquissimum illud Romani Prætoris edictum.

Quod quisq; ius in alterum statuerit, ipse eodem quoq; iure utatur. quorsum? Hic demum nouit alijs imperare, non qui codicem deuorauit, sed qui Epicæti Philosophi dicto parere didicit. Hic enim duobus his verbis, leges omnes fere clausit. ἀνίστασθαι, καὶ ἀνίστασθαι hoc est, sustine, & abstine.

QVOD IVSTITIA ARS SIT
Tempestates, & discordias Tollendi. XI.



SOLITVS est dicere vnam esse, in controuersiarum procellis, & tempestatibus, discordiarum medicinam, iustitiam. Nam vt morbi incolumitas: sic iniuriæ iustitia, summum est remedium, & medicina. Hoc Poetarum fabulæ, præclaris lineamentis, nec inanibus verborum floribus. Etenim cur Æolus fingitur apud eos, imperare ventis? vt hoc certe significarent, virum iustum in tractando imperij clauo, nullis perturbationum tempestatibus cedere, sed imperare. est enim iustitia Æoli ars, & scientia, quam qui habet, non solum, in aduersa tempestate nouit navigare, sed etiam enauigare.

*QVOD INIQUIVS SIT A IUSTITIA
recedere, quàm nunquàm Iustitiam atti-
gisse. XII.*



VONIAM qui liquefcunt voluptate, flu-
untq; mollitia, difficile poffunt, vbi in viam
redierint, iter infiftere iuftitiæ: dicebat gra-
uius eos, qui à via defleunt, quàm qui il-
lam nunquàm attigerunt peccare. Vetus
eft Magorum Enigma: non afpiciendum
efle retro. hoc ipfum fapit Pythagoræ prouerbium. per ean-
dem viam, ne reuertitor. quorfum? non eft flagitiofis, poft-
quam refipuerint, redeundum ad vomitum. Nam vt gra-
uius ægrotant, qui de integro in morbum incidunt: quàm
qui cò nunquàm funt liberati: ita qui ad virtutem accefferunt,
periculofius illam deferunt, quàm qui eam nunquàm attige-
runt. Hùc pertinet Orphei fabula: qui retro refpiciens, non
folum Euridicen iterum amifit: fed etiam fpem recuperandi.

*QVOD IUSTITIA DEI MAGIS,
quàm hominis fit virtus. XIII.*



S. eft fapientiffimus ille Antiftes, qui fatietatem
aurium vincit fuauitate orationis: fuauitatem
magnitudine vtilitatis. folet igitur, ne longè
abeam, Iuftitiam Dei immortalis, bonorum di-
fcipulinam efle dicere. quod ipfa antiquitas maximè videtur
comprobare. Nam cur Ioui Tempia olim erigebantur te-
cto perforato? vt hoc ipfum docerent vetères: virtutem Iouis
hoc eft Iuftitiam, nò à mortalibus, fed de cælo efle petendam.
eft igitur Iufticia virtutum omnium regina: Cæteræ verò vir-

tutes

rutes iustitiæ comites, & pedissequæ: quarum corona cinctâ tenetur, & stipata. nihil ab antiquis recedo. quorsum enim solis Aedes, apud Romanos rotunda, nisi quod circulari virtute hoc est omnium corona tenetur circumseptrâ? Hæc Regibus dignitatem: infimis gratiam parit: nec solum ansam supplicibus porrigit orandi, sed etiam necessitatem exorandi.

QVOD IVSTITIA MENTEM:

voluntatem, & conatus hominum perficiat. XIV.

IVSTITIAM dicebat iccirco Prudentiæ: Temperantiæ, & Fortitudini anteponendam: quod prima mentem: alteram appetitum: vltima conatus: iustitia verò hæc omnia simul perficiat. Nec debilis, aut fluxa est ratio. Nam cur Plato, in Dialogo vndecimo de legibus assermauit, à tribus dijs prodire artes imperij omnes, id est à Vulcano, Pallade, & Marte? quia Hæc est iustitiæ trinitas, quæ Ioui semper assistit. Pallas enim scientiæ: Vulcanus voluntatis, Mars potentiæ habet interpretationem: quarum si desideratur aliqua, nihil est, quod iustum, in dictis factisque possit probari. Pallas quippe ducis: Mars Artificis: Vulcanus ministri, in humana ratione personam induit: quorum omniū instructio, & disciplina vna est iustitia.

QVOD IVSTI SIT IUDICIS ALIIS

non alios consulere. XV.

QVI nouit veterum Historias, aut fabulas, nouit item dubitationum scrupulos, ex mortalium animis omnino abstergere. Dubitanti quales esse deberent ludices

dices, Dixit prauos eos esse iudices, qui iustitiam sensu defini-
rent aurium. Lutulentum quippè est, quod in eius sensus for-
dibus volutatur iudicium. Testes sunt Cretenſes, apud quos
Iudicis effingebatur simulacrum, auribus destitutum. quid ita?
quia, cum aures sint disciplinæ satellites, hoc monumento do-
cebant, non esse iudicis, ab alijs disciplinam haurire iudican-
di: sed pleno ore firmamentum fundere iudicij.

QVOD NIHIL NEQ. DEO, NEQ.
Hominibus gratius sit Iustitia. XVI.



VM de multis, ac varijs imperandi adminiculis
oratio incidisset, dixit aridam, & spinosam om-
nem esse, sine iure reip. administrationem: sine
iustitia, infauftam & infelicem. Nam cum hoc
inoleuit malum, vt quæ Deo placeant, ea ferè displiceant ho-
minibus: & contra nihil gratum sit hominum generi, quod
non graue, & acerbum sit Deo immortalis: sola iustitia Deo
simul placet, & hominibus. Quare iustitia lux est orbis ter-
rarum, atq; omnium gentium: atq; Dei immortalis ornamen-
tum. Etenim cur Themis Dea, vt in Theogonia ait Hesio-
dus, Iouis coniuux esse censetur? Themis, fas siue iustitia in-
terpretatur, ab Orpheo Ὀρφεὺς, est cognominata. hoc est
cœli filia. ex ea natæ sunt in primis Æquitas, lex, & pax. ^{Θέμις}
autem apud Græcos fas significat. Hac à Superis iudi-
cantur homines: Hac ab ipsis hominibus
soluuntur rerum ciuiliū
fora.

QVOD

*QVOD IVSTVS IVDEx IMPROBOS
non damnat sine dolore. XVII.*



CVIDAM interdum interrogant, quid iudici in re capitali, & litigiosa maximè esset molestum, non aculei respondit, rabularum aut offensionis suspicio: sed homo cum sit, hominem perdere. Quia enim dolet, iniurus iudicat: & quia iudex constituitur iustitiæ causa: non iustitia gratia iudicis, lubens item iudicat. Nam commiserationis fundamentum simul, & vindictæ una est iustitia. quæ enim naturalis est iustitia, ad commiserationem: quæ verò est legalis, ad vindictam magis exacuit iudicem. id bellè in Symbolis, Crocodili imago, cum verbis plorat, & deuorat. Etenim neq; vt clemens potest non dolenter neq; vt iudex non lubens, aduersus reum capitis, ius dicere.

*QVOD NULLA EST AVRIVM;
plurima oculorum apud Iudicem auctoritas. XVIII.*



DOCTRINA iuris, & iustitiæ exacuitur sapientiæ subtilitate, & ingenij. Cum rabularum turba aliquando obstreperet iudici, dixit sensum aurium in iudice hebescere: vigere autem in primis oculorum. non vulgaris est, apud Græcos auctoritas. Nam cur Iouis statua spectabatur in area subdiali, ad quam Priamus aufugit, in Troiæ excidio, quæ esset sine auribus, haberetq; in fronte oculos tres? vt cum censeatur Iupiter esse exemplar iuris, & iustitiæ, atq; supremus iudex, admonerentur mortales, non esse iudicis obloquentium calumnijs aures: sed

sed oculos legibus habere apertos: quæ numerantur tres in-
tueri, & examinare, quarum vnam est ab ipso rerum Impe-
rare Deo, Diuina: altera ab ipsa rerum procreatrice, natura-
lis: tertia à Principe, qui obfes est iustitiæ simul, & æquitatis,
ciuilis.

QVOD QVALIS SIT IVDEX
tale sit Iudicium. XIX.



ICEBAT facile esse sine iuris prudentia, ius
peruertere: dicere difficile. eò quod iudicare hoc
est ius dicere, nemo potest sine iuris cognitione.
Quæ igitur adsunt, in rudi iudice inscitia macu-
la, illa non sunt sine iustitiæ vulnere. Nota, nec inelegans est
fabula. Nam quorsum, quòd cùm Phæbus, & Pan carmine cer-
tarent, Midas iudex inter vtrumq; electus, sententiam contra
Phæbum tulit: vt certè hoc intelligamus, aut etiam fateamur,
eum qui male intelligit, non posse in iure dicendo, bene senti-
re. Quare quod veteri fertur prouerbio, Midas asininas au-
res habet: id plane ad stolidos omnes pertinet Iudices.

QVOD SOLVS VIR IVSIVS NOVIT
Sustinere, & abstinere. XX.



RECTA, & astricta in iustitiæ disciplina, sunt
virtutum omnium præcepta. Quare eum in-
quiebat omni flagitio vitam pollute, & dedeco-
re maculare, qui iustitiam non coleret. Testes
sunt veteres illi doctrinæ, & ingenij patres. Nam cur ab ijs
Nemesis iustitiæ Dea constituebatur, cuius expressa imago
spectabatur, altera manuum Equi frenum: altera cubitatem
mensu-

mensuram tenens? quia non vna est, sed omnis virtus, iustitia. Hæc quippe frenum inijcit cupiditati, atq; mensuram parti adhibet irascibili, quam pariter in dictis, factisq; rationi consentaneam tenet.

QVOD SEMPER ADDERE, NVN-
quàm demere soleat iustitia. XXI.



SOLITVS est dicere nullam, in foro pestem iustitiæ esse capitaliorem, quàm venale iudicium. Non potest enim ea resp. esse salua, in qua fas est nundinari ius. Itaq; apud Thebanos spectabatur iudicis statua sine manibus. Ante enim capere non debet iudex, quàm velit capi. Præclarum est in M. Curio iustitiæ lumen, qui contra ius neq; capere, neq; capi potuit. Legatos igitur Samnitum cum suis pecunijs remisit, inquiens malle se dominari aurum habentibus, quàm auro abundare.

QVOD CONSTANS SIT
Iustitia. XXII.



INTERROGANTI quid in omni rerum vicissitudine, constans esset potissimum, iustitia respondit. Non Apollinis verù magis, quàm hoc Antistitis fuit responsum. quod inconstans est, & non permanens, virtus non est: cū virtus nesciat mutari. In sacris igitur Ægyptiorum literis, Palma Hieroglyphicum constituitur iustitiæ, non quia ea planta est incorrupta: sed quia docet, quales ij esse debent, qui iustitiam administrant. Nec enim, qui iustus est, spe, aut meru ducitur, sed officio. itaq; Fabricius, cum Nicias Pyrrhi Epyrotarum Regis medicus,

cus, promississet se pacta mercede, præministraturum Pyrrho venenum, non solum non deflexit ab æquitate: sed etiam Pyrrhum Hostem literis monuit, vt à domesticis caueret insidijs.

*QVOD APVD VIRVM IVSTVM,
nullum sit discrimen personarum. XXIII.*



ST iusti viri vlceribus iustitiæ mederi, atq; tela iniuriarum depellere, sine discrimine. Quare dicere consuevit, à viro iusto parentes etiam ignorari: cò quòd non sanguis, non natura: sed virtus solum, apud eum plurimum habeat ponderis. Hoc sentientes Ægyptij Cupressum fecerunt Hieroglyphicum iustitiæ. Nam Arbor hæc à radice ad fastigium recto surgit stipite, æquales ad summum, ramos æquo ordine & magnitudine habens, & ita, vt alius, alium non excedat: sed pari æqualitate omnes reddens. Hæc autem planta iccirco iuris, & iustitiæ imago constituitur: quia omnes æqualiter iuri, & iustitiæ subijciuntur.

*QVOD LEX EADEM VOCE
omnes alloquatur. XXIV.*



NVS est communis, apud ciues omnes, defensionis mucro, lex scripta. Hæc enim æque, & bonos viros omnes suo patrocinio defendit, & oppugnat improbos. Solet igitur dicere eos legibus derogare, qui legum recusant subijci auctoritati. plena talis est Allegoria. Nam quorsum quòd Gorgones tres vnum tantum habebant oculum, quo per vices utebantur singulæ? tres sunt ciuitatis ordines, qui omnes vno iure tanquam, vna
rerum

rerum omnium vtuntur lampade: Senatus, plebs, & equestris ordo. Nec enim minus lex infimis, quàm summis viris solet fauere. Hanc fundit Principi Deus: mutuatur à Principe Senatus: à Senatu Magistratus: ac deniq; à magistratu vniuersus populus.

QVOD IUSTITIA IN IMPERIO

*Lumen, aut numen potius habeat
felicitatis. XXV.*



INQVIEBAT in iustitiæ ambitu, & gyro felicitatem omnem imperij clausam teneri. Nihil sapiente Principe dignius dici potuerat. Testis est, non ieiuna plebecula: sed tota prope Græcia. Hæc enim tanti fecit iustitiam, vt Aristide Atheniensi superstite, qui prouincias omnes sua complebat iustitia, ætas autea, ab ea sit vocata: qua Saturno quondam Rege, censebantur omnia mortalibus ex voto cedere. itaq; cum ei summus honor decerneretur: nec gloriosius quicquam inueniri posset iustitia, nunquàm deinceps alio, quàm Iusti appellatus est nomine. Explorata quippè est, in ea virtute felicitas imperij. Nam, vt veteri fertur prouerbio, semper feliciter cadunt Iouis Taxilli.

QVOD NIHIL SIT ÆQVABILIVS Iustitia. XXVI.



ILLIS, qui alijs imperarent, eam incudem inquiebat in primis esse tundendam, vt cauerent, ne stateram transcenderent. Etenim ad firmamentum imperij, nihil est accommodatius iustitiæ æqualitate.

bilitate. Id vt doceret Lycurgus, Spartanum agrum, ita ciui-
bus suis est partitus, vt ex rep. quasi familiam fraterno studio,
& domestico propè amore constituerit. nonnullis igitur mi-
rantibus videtis, inquit, quàm multorum fratrum, qui ex
æquo prædia, inter se sunt partiti, sit Laconicus ager.

QVOD POENA MAGIS, QVAM
Pretio seruetur Iustitia. XXVII.



INTERROGANTIBVS quibusdam, quid iustitiæ maxime reniteretur, indulgentia dixit. ideo enim iustitia, ab antiquis fingebatur Mucronem, dextra districtum tenens: quia blandimenta ignorat sanguinis, aut familiaritatis. nec vulgaris in eo est Populi Romani auctoritas. Nam cur M. Manlio, qui sæpius in acie stetit pro patria: qui seruauit Capitolium: qui strenuè dimicans aduersa vulnera accepit, vix vlla gratia est relata: grauis contra pœna, propter ambitionis suspensionem, est irrogata: quia acriores sunt iniuriæ, quàm beneficij sensus. itaq; cum supra dignitatem priuati ciuis, aliquid optare crederetur, populi suffragio damnatus est. Hæc enim, in Imperio iustitiæ vis est, vt illum minimè ferat, qui legibus, cum opus sit, cogi non possit. itaq; etsi inuito iustè non datur beneficium: ei tamen iustè infligitur pœna. illud enim est consilij: hoc autem necessitatis.

QVOD COLVMNA VIRTVTVM,
omnium sit iustitia. **XXVIII.**



AFFINIS culpæ sit is oportet, qui quod res est, in moribus non intelligit. Nam ignorans non culpam solum admittit inscitæ: sed etiam quia errat, crimen iniuriæ. Quare iustissimus ille Antistes errantes omnes solet, iniustitiæ insimulare nomine. Solus enim iustus constans cum sit, in ratione: nec ab ea possit reuelli, non errat. Nam hoc est iustitia, inter virtutes morales, quod est terra, inter elementa. Hæc enim, ut placet Philosophis, æquè librata in medio, proprijs consistit poderibus. Sola quippe elementorum est immobilis, atq; bonorum omnium venter. quid? Cardo virtutum omni est iustitia, quæ sola nescit mutari, quæq; sola alijs utilitates omnes parit.

QVOD VIR IUSTVS FORTI SIT
anteponendus. **XXIX.**



CVM de fortitudine, & iustitia arderet quæstio, utra virtutum alteri esset anteponenda, dixit hoc interesse inter iustitiam, & fortitudinem: quod interest, inter Iouem, & Herculem. propterea, quod illa Iouis: hæc virtus sit Hercules. Quare longo interuallo iustitiam fortitudini: non fortitudinem iustitiæ anteposuit. Nec falso. Ibi enim, ubi viget iustitia, numquam opus est viro forti: at ubi est fortitudo, ibi opus est iusti viri præsidio. Armorum quippe, iure uti volentibus, nulla est auctoritas: iuris verò etiā, in belli incendio, magna est necessitas.

*QVOD IUSTITIA COELVM, ET
Terram sua compleat gloria. XXX.*



AIEBAT Tanti esse iustitiam, vt ad eius gloriam non satis esset, in omni orbe terrarum, loci. vetus est prouerbiū. *ἰὺς ὡς, ὅτι ὁπας ἀπταται.* neq; cœlum, neq; terram attingit, de eo, qui sit tam iniustus, vt neq; humanum, neq; diuinum ius attingat. Iustitia enim cœlum, Terramq; tuetur. Nam cū terra parens sit vtilitatis, cœlum honestatis, vtrumq; communis vitæ, & salutis: horum simul omnium ars, & disciplina sola est iustitia.

*QVOD NULLA PRINCIPIS AVCTORITAS
debeat, extra fines euagari Iustitia. XXXI.*

INQVIEBAT Principi extra fines, & terminos iustitiæ, nullam aciem remanere auctoritatis. cō quod imperans contra ius, aduersus se, tanquam ferrum acutum, excitet imperium. Quare Antiochus Tertius Asiæ Rex, omnibus regni sui Ciuitatibus scripsit, si quid in literis, quæ eius nomine scriberentur, esset, quod legibus aduersum videretur, crederent se incio eiusmodi scriptas esse literas, & iccirco ijs non parerent. Non enim Rex imperando potest plus, quàm ius, & ratio, cū nihil sit aliud Regis auctoritas, quàm animata, atq; loquens iustitia.



DE AMICITIA

TITVLVS NONVS.



CVM in ciuili societate, nulla magis retineatur concordia, quàm quæ beneuolentiæ constringitur vinculo: nec ibi, vbi est amicitia, sit seditioni, in quo consistat locus: nullum est neq; diuturnum, neq; laudabile magis imperium, quàm quod amicitia præsidio tenetur circumseptum. quæ res, in hoc faustissimo Pontificatu, ad ALDOBRANDINORVM gloriam, ingens accedit cumulus. ea quippè beneuolentia CLEMENS VIII. ab omnibus colitur, & obseruatur, vt omnes, eo sedente, sibi videantur in cælo esse. Huius cœlestem ac diuinam virtutem maximè attingit Ampliss. Cardinalis PETRVS ALDOBRANDINVS, qui cùm vniuersam etiam Hispaniam complevit sui amore, & obseruantia: tùm Regiæ in eum, beneuolentiæ, vnus instar omnium obses est IO. FERNANDEZ Velaschius Comes Stabilis, qui inclinatis his temporibus, imperij gubernacula militiæ, togæq; sic tractauit, vt non solum multis commodis recrearit, sed etiam plurimis virtutibus honestarit Imperium. Sed vt cò, vnde digressa est, redeat mea Oratio. Nihil est amicitia, nisi amor mutuus. Quare nisi vterq; amat, neuter est amicus. Atq; quia amicus est alter idem, nihil est Principi ad Imperij robur, & diuturnitatem accommodatius, principum amicitia. Nam qui amicum intuetur, tanquam exemplar aliquod intuetur sui, omniaq; ab eo explorata habet salutis præsidia. qui igitur non destituitur amicis, & absens adest, & egens abundat, & imbecillis fit robustus, atq; quod dictu est difficilius, mortuus viuunt. Verus

enim lex hæc est amicitia, vt idem amici semper velint. Diadema igitur in regibus, quod à demèdis malis est dictum, Symbolum videtur esse beneuolentia, & amoris. Nam vbi est amor, ibi nihil est, quod quis imperando possit timere mali. Ea quippe est beneuolentia, & amoris vis, quam ad benè beateq; imperandum, temporis Antiquitas, & in pace, literis, & in bello, armis semper habuit antepositam. Et enim quorsum vt est in fabulis, Vulcani illa catena, cuius ex vinculis nec Mars, nec Venus potuit extricari? conuincunt hoc commento Poeta, ad vtrumq; tempus & belli, & pacis nihil esse amore, & beneuolentia accommodatius. Sed cauendum est, ab adulterina amicitia: qua vulgò qui ducuntur non amicum, sed amici bona diligunt. inter verum enim, & fictū amicum, hoc inter est: quòd ille in aduersis, hic in secundis amici rebus vltro adest. itaq; res aduersæ illum probant: hunc secundæ tantum parant. Huad quicquàm enim est vero amico constantius. Nam vbi est amicitia, ibi est virtus, vbi virtus ibi est habitus, hoc est altera natura, quæ nescit mutari. Quare Nunquam verè fuit amicus, qui facile desijt amare. Quoniam igitur amicitia, vinculum est bonorum omnium, eò plaris est omnibus bonis facienda, quo diuturnius bonum præstat, minus diuturno. Ad amicitia etiam vtilitatem, non exiguus cumulus accedit gloria. Nam cum amor desiderium sit boni, & pulchri: solusq; nouit sapiens amare, nemo potest, nisi vir bonus, alteri esse amicus. Sed quæ de Amicitia, ex eo sapientia fonte, collegi apophtegmata, eorū series hæc est.

- 1 Quòd nulla Imperij arx sit firmior Principis amicitia.
- 2 Quòd amicitia cedat odium: non odio amicitia.
- 3 Quòd amicitia Comes sit, in egestate vtilitas: in bello socia victoria.

Quòd

- 4 Quòd quæ benefiunt amicis, longè gloriosa sunt magis, quàm quæ inimicis inferuntur mala.
- 5 Quòd amicitia decus, sit beneficentia.
- 6 Quòd nulla Beneuolentia pestis sit capitalior, quàm crudelitas.
- 7 Quòd in bonis, nihil sit vtilius amicitia.
- 8 Quòd amicus sui, non alterius causa sit diligendus.
- 9 Quòd Amicorum à Principe delectus sit habendus.
- 10 Quòd vbi sint amici, ibi sint opes.
- 11 Quòd nullus amicus sit vltra aras.
- 12 Quòd sola procreatrix amicitia sit virtus.
- 13 Quòd in omni genere bonorum, nihil sit melius amicitia.
- 14 Quòd amicitia morbus sit, in rebus agendis ipsa cunctatio.
- 15 Quòd nihil propius ad felicitatem accedat, quàm Amicitia.
- 16 Quòd Amicus absens semper adest.
- 17 Quòd nunquam solus sit amicus.
- 18 Quòd suus etiam sit amicitia fucus.
- 19 Quòd semper idem in alijs rebus sit amicus.
- 20 Quòd in amicitia claustris, Vera mortuorum sit sepulchra.
- 21 Quòd Amicitia, vim quasi quandam habeat numinis.
- 22 Quòd fons, & origo duplex sit amicitia.
- 23 Quòd Ratum amici, de amico debeat esse iudicium.
- 24 Quòd nihil sit, nec fidentius, nec fidelius amicitia.
- 25 Quòd nihil sit in bonis, optabilius amicitia.
- 26 Quòd omnia, in vno amicitia nomine, lateant bonorum genera.
- 27 Quòd Amicus sit alter idem.
- 28 Quòd Amicitia anima sit iustitia.
- 29 Quòd Amicitia pluris sit, quàm iustitia.
- 30 Quòd nihil capitale sit magis, quàm numaria amicitia.
- 31 Quòd indulgentia, insidiosa sit beneuolentia.
- 32 Quòd truces ex amoris ardore, facies sapè accendantur odij.
- 33 Quòd Amoris origo non sit id, quod bonum est, sed quod placet.

QVOD NVLLA IMPERII ARX
sit firmior, Principis Amicitia. I.

EST Principis amicitia consors felicitatis, & publicæ salutis socia. itaq; interrogatus, cuius Principis aduersus imperij periculum, summum esset propugnaculum. eius dixit, qui non armorum arce: sed amicitiaæ æde teneretur stipatus. Sapienter ille quidem. Nam fida, vt ait Isocrates, regum custodia, non turribus: non propugnaculis: non mænibus: non satellitibus: non armis: sed amicorum præsidijs, & ciuium beneuolentia teneretur, sine quibus imperium non potest stare, nedum augeri, & propagari.

QVOD AMICITIÆ CEDAT ODIUM
Non odio Amicitia. II.

NON modo adulta odij pestis, sed etiam stirps, & semen maleuolentiaæ, in amicitiaæ campo relanguescit. Solitus igitur est dicere, non propter odium, amicitiaæ: sed propter amicitiam, odio esse derogandum. id aliquando re, & euentu Mithridates Rex Ponti testatus est. Hic enim pro vno Leonico amico, à Rhodijs in nauali pugna capto, omnes hostes captiuos, qui plurimi erant numero, permutauit. habet quippe vnus amicitia ponderis plus: quàm inimicorum simul omnium odium.

QVOD

QVOD AMICITIÆ COMES SIT

In egestate utilitas: in bello socia victoria.
III.



VERITAS ipsa illum in eam cogitationem aduexit, ut diceret nullam arcem esse Principi, contra hostes firmiorem, quàm est Populi erga Principem, beneuolentia. Etenim ad incolumitatem Imperij, nec aptius est quicquam, quàm cum diligere, nec alienum magis quàm timeri. Nam si amicus est, ut testatur Aristoteles, *ἐφάμαρ μὲν δὲ τοῦ φίλου ἐστὶν ἡ ψυχή*. id est eadem anima, in diuersis habitans corporibus: qui amicitia habet: cornu habet Amaltheæ, cuius beneficio Hercules nihil frustra unquam voluit.

QVOD QVÆ BENEFIVNT AMICIS,

longè gloriosa sint magis, quàm quæ inimicis inferuntur mala.
IV.



MERORE qui est afflictus & profligatus, solo ab amico potest excitari. Dicebat igitur in armis, longe esse gloriosius Imperatori, amicos seruare, quàm inimicos perdere. idq;, puto, ductus Græcorum legumlatorum exemplo: quorum legibus, qui ferrum in bello amisisset, formidabili pœna afficiebatur: qui verò galeam, aut Thoracem abieciisset, nullo obnoxius erat supplicio. Nam iustè quis potest vitam deserere: non potest, non iniuste amicum deserere, ad cuius tutelam in bello, arma sumuntur. Atq; ex Iustiniani Legibus præclarior est virum in fontem seruare: quàm fontem perdere.

QVOD

*QVOD AMICITIÆ DECVS
sit beneficentia. V.*



ETSI Amicitia pars, indulgentia appulsu consuevit exarescere: pars obrigescere asperitate morum: solet tamen interdum indulgentiam laudare: difficultatem semper reprehendere. aliud enim inquit, est prestare se seuerum, aliud sauum. illud quippe est iustitiae: hoc crudelitatis, qua nihil est detestabilius. Nam improbus peccat contra legem: inofficiosus contra merita: sauus autem contra Deum, contra pietatem, atq; humanitatem. itaq; olim Senatores Romani Romulum, cum sauior esset, discerpsērunt, ne ex lege fieret Tyrannus. Liberi enim qui sunt, seuerum principem vix: sauum ne vix quidem possunt tolerare.

*QVOD NULLA BENEVOLENTIÆ
pestis sit capitalior, quàm Crudelitas. VI.*



QVI Beneuolus est, auctus est pietate, omniq; beneficentia cumulatus. Quare inquebat hominem crudelem, non solum aduersari communi omnium beneuolentia, sed etiam naturam exueri hominis, induere bestia: si tamen vlla Bestia tantam stragem, humanae societati potest infligere: quanta infertur ab homine crudeli. L. Sylla Romanorum omnium crudelissimus hostium capita licitabatur, maximis propositis praemijs illis, qui proscriptos interemissent: & supplicijs ac morte ijs, qui illos occultassent. ex quo nefarie, & crudeliter, sicuti Dionysius Halicarnassensis scribit, quadraginta millia Romanorum ciuium, voluntario iudicio peremit, praeter illos, qui illius ductu, in praelijs ceciderunt.

*QVOD IN BONIS NIHIL SIT
utilius Amicitia. VII.*



COMPOSITVM genus dicendi, acæ & expeditum, non tam verborum filo: quàm rerum tenitur testimonio. Multum enim in vno, non parum in altero ad fidem faciendam, Antistites hic sapientissimus semper habuit auctoritatis Solitus autem est dicere, non vtile esse Principi opes: sed amicos parare: quando opes non sint possidentium: sed amicorum. Sic pariter præcepit Polybius: sicq; instituit Scipio, qui ante grauabatur è foro redire, quàm aliquem benemerendo sibi amicū effecisset.

*QVOD AMICVS SVI, NON
Alterius causa sit diligendus. VIII.*



INTERROGATVS quos, inter familiares haberet charissimos, eos respondit, qui magis mihi, quàm me ipsum metuunt. Nam illi amicum: hi vero seipsum magis amant.

*QVOD AMICORVM A PRINCIPE
Delectus sit habendus. IX.*



TSI non est amicus, quem non absorbet quasi quidam æstus benemerendi. longo tamen interuallo, dispar est amicorum ratio. interroganti igitur, quorum amicitia, & consuetudine oblectari in primis deberet Princeps, eorum dixit, quorum familiaritatem Pyrrhus Rex Epyrotarum aucupabatur. Multò vero sale aspersum responsum. Eloquentes enim viros annuebat, inter quos

quos Cyneam Thessalum in summo honore habebat: nec falso. Hic enim solus plures ciuitates facultate dicendi debellauit, quàm vniuersus Pyrrhi exercitus. Quare quod falsè fert Euripidis sententia: eos esse neruos, & vires eloquentiæ, vt multa efficiat viri eloquentis oratio, quæ hostile ferrum nequit efficere: id re, & euentu ille comprobauit.

*QVOD VBI AMICI, IBI SINT
opes. X.*

DICEBAT Amicos cùm peterent, non aliena petere, sed repetere quæ sua sunt. Nam cùm tam arctum sit amicitiae vinculum, vt vnus fiat ex pluribus, omnia amicorum sint communia oportet. fit igitur vt amicus dans egenti amico, non dare videatur, sed reddere quod debet: sin minus suggerit, quod res tempusq; postulat, alienum quod est retinere.

*QVOD NULLVS AMICVS
sit ultra aras. XI.*

QVM in amicitia non solum sint adiumenta salutis: sed etiam ornamenta dignitatis, cuidam petenti quid ab altero amico, alteri honestè posset negari, quod turpe est, respondit. Itaq; Phocion, cùm Antipater peteret quiddam, quod minimè esset ex æquo, & bouo. O Antipater dixit, tu non potes Phocione & amico simul, & adulatore vri. Ille enim honesta tantum: hic etiam turpia admittit amici gratia. Quare qui ab alio iniusta exorat, non ab amico: sed ab adulatore censetur exorare.

QVOD

*QVOD SOLA PROCREATRIX
amicitia sit virtus. XII.*

IR bonus amoris aculeos, in eorum animis relinquit, à quibus est auditus. Nam virtus, quæ nihil est amabilius, non oculis hauritur, sed auribus. Quamquam tamen suæ partes etiam oculis, ad benevolentiam sunt tribuendæ. itaq; sciscitanti cuidam quis color amorem maximè conciliaret, virtutis dixit. Nam qui est sanguinis, sæpe fucum facit. Quare ut Thales Milesius asseuerabat, oris elegantia adulterinos: animi autem pulchritudo veros amicos parit.

*QVOD IN OMNI GENERE BONORVM,
nihil sit melius Amicitia. XIII.*

VLLIS asperitatibus rerum, & angustijs temporum, vel ad bona comparanda, vel ad depellenda contraria, vnquam intercluditur amicitia. Cuidam itaq; ex familiaribus interroganti, qui Domum refererat annuo com meatu, quarum rerum gestiret copia: amicorum dixit. nihil enim est neq; in bonis, melius: neq; in honore, honestius amicitia. Quare apud Scythas, is habebatur ditissimus, qui non opes plures: sed amicos possidebat. Nam ad vitæ præsidium, plus est in amicis, sine pecunia firmamenti: quàm in pecuniarum redundantia, sine amicis. dicere igitur solitum legimus Socratem, nullam esse præciosiorem possessionem vero amico: nec aliunde vtilitatis plus, aut iucunditatis posse capi. Quocirca non solum turpiter sentiunt, sed etiam præposterè agunt, qui grauius pecuniæ iacturam, quàm amicitiae ferunt.

QVOD

*QVOD AMICITIÆ MORBVS SIT IN
rebus agendis, ipsa cunctatio. XIV.*



N amicitia quædam sunt amputanda: quædam etiam inferenda. interrogatus igitur quid, ex amicitia esset tollendū: cunctatio inquit, in primis est tollenda: cura verò inferenda solers, & diligens. Acerbum enim redditur, quod amicè sit, nisi prumptum sit, & expeditum. Quare nihil turpius est in amicitia, quàm rogari. Non enim dari, sed rapi videtur, quod precibus extorquetur. Amicum igitur pluribus verbis qui rogat: facit rogando, vt amico videatur diffidere. Nam vt Crates Thebanus testatur, veri qui sunt amici, in rebus aduersis vltro adsunt inuocati: in rebus autem prosperis, nunquam nisi accersiti.

*QVOD NIHIL PROPIVS AD
felicitatem accedat, quàm Amicitia. XV.*



ON attenuata, & imminuta est amicitia gloria: quod sine ea, neq; in malis vlla doloris medicina: neq; in bonis sensus vllus sit felicitatis. consuevit igitur dicere, nihil esse amicitiam, nisi consortem felicitatis, & Sociam: vero autem amico vi, ipsam esse felicitatem. ita Sylla cognomento felix, inter felicitates suas, duas præcipuè ducebat, vnam quòd Pium Metellum haberet amicum: alteram quòd Athenas non subuerisset, quarum in solo, tanquam in feracissimo agro, virtus fructus vberimos funderet.
debat amicitia.

*QVOD AMICVS ABSENS,
Semper adest. XVI.*

ANQVIEBAT Amicum fide adduci, & officio, ut etiam procul magis, quàm secum ageret cum amico. Nam amici adeo tenax est memoria, ut absens, semper adesse videatur. Est enim amicitia ea animorum coniunctio, quæ nullo disiungi potest locorum, aut temporum interuallo. Nulla igitur apud Amicos excusatio est obliuionis: nisi fortè quis, etiam sui capi possit obliuione.

*QVOD NVNQVAM SOLVS SIT
Amicus. XVII.*

AD verborum angustias, & ad literarum angulos, qui vult reuocare amicos, facile intelligit, amicitiam, quasi animi communis, & consilij officinam esse vocatam. Interroganti cuidam igitur quisnam nunquam esset solus: amicus dixit. Hic enim ex vno fit geminus. nec ambigi de eo potest, Naturæ enim testimonio intercluditur via omnis dubitationis. Etenim quorsum duo Aspidēs expressi? habet Hieroglyphicum veram amici interpretationem. Aspis enim numquam è latibulo, sine comite exit: cumq; sensum habet beneuolentiæ, ut si eorum vnus occidatur, alter qui superstes remanet, alterius mortem vlciscatur.

QVOD SVVS ETIAM SIT,
Amicitia fucus. XVIII.



ADULTERINVS amicus cùm aliud habet in pectore clausum, aliud in ore prumprum: ingemiscens aliquando dixit, multos gestare amicitiae insignia: paucos verò amicitiam attingere: ideo si quid humanitus cuiquam accidisset, illum sine ope, & adiumento, in asperitatibus rerum, & mærore iacere. Hoc ipsum vt docerent Ægypti, Arborem Amyram Hieroglyphicum fecerunt Adulterinæ amicitiae. Nam & arbor hæc odorem fundit suauem, fructum nullum ferens: & Amicus adulterinus, ostentationem semper spirat officij: numquàm præstat officium.

QVOD SEMPER IDEM IN ALIIS
rebus sit amicus. XIX.



INTERROGANTI cuidam quis inter homines non consensesceret, amicus dixit. Nam virefcit amicitia, non relanguescit tempore. Notum est ad hanc rem, in sacris Ægyptiorum literis, Canis Hieroglyphicum. id etsi tacitum est, & elingue: non ramentum, aut mutum, aut nudum est à doctrina, & virtute. Etenim cur Canis Vlyssis post annos viginti, solus ex domesticis cognouit dominum? quia, si naturam consulimus non canis, sed rationis: nec virtus, nec doctrina subijcitur tempori.

QVOD IN AMICITIAE CLAVSTRIS
vera sit mortuorum sepultura. XX.



QVERENTIBVS amicis, cū omnes de agrotante familiari essent solliciti, vbi quis optimē sepeliretur: in amicorum dixit sinu, & gremio. Sapienter ille quidem. Nam ineptias qui vult ex falsa amicitia opinione, rescare, & tollere quod sordescit; sentiet amicos non minus mortuis, quā viuis prodesse. Non est vulgare Antiquitatis testimonium. Etenim cur à Parthis canes alebantur, quorum voracitatē cadauera absumebantur, non condebantur in sepultura? vt cū canis symbolum sit amicitia, hoc certē monimēto mortalibus testatum relinquerent, homines non posse melius sepeliri, quā in beneuolentū animis, quorū memoria amici in dies reuiuiscunt mortui.

QVOD AMICITIA VIM QVASI
quandam habeat Numinis. XXI.



LT SI virtus ab Aristoteli mos, à modo vocatur eo quod quæ honesta sunt, nisi modus adhibeatur, turpia redduntur, & inhonesta omnia: solam tamen amicitiam inquebat, inter omnes virtutes, & loco, & tempori, & personis maximē moderari. magna vero tanti Præsidis: non exigua Antiquitatis Auctoritas. Nam cur à Græcis Amicitia Dea, quam *φιλία* vocabant constituebatur? vt certē hoc vnum ostenderent, Amicum verum, veluti numen aliquod, nihil perhorrescere: hocq; inter sapientem, & amicum interesse, quod illius sit parere: huius imperare, & loco, & tempori. Bellē id quidem olim, meo quidē iudicio, Romani. Nam cur apud eos, amicitia hæc spectabatur imago, luuenis aperto capite: tunica rudi indutus: cuius in Fim

bria scriptum erat mors, & vita: in fronte æstas, & hymens: habebatq; latus appetum, cuius in præcordijs digito inscriptum ostendebat longè, & propè: nœuos, & nebulas rationi & disciplinis offutiunt, qui malunt ex verbis, quàm ex his præclarissimis monumentis amicitia vim attentare, quibus censetur amicitiam, nec morte, nec loco: neq; deniq; tempore reuelli posse.

*QVOD FONS, ET ORIGO
duplex sit amicitia. XXII.*



VE MADMODVM Anaxagoras, & Empedocles amicitiam, & litem fecerunt principium rerum omnium: eò quòd per consociationem, & disiunctionem, generatio fit, & corruptio: ita solitus est dicere duo esse amicitia primordia: simile, & dissimile. Summa enim amicitia est, vt Testatur Cic. quam morum similitudo coniugauit: Lubrica verò, & imperfecta, quã dissimilitudo conciliauit. Illa vt testis est, & Prometheus Ægyptiorum legislator, & Pythagoras, cadit in virum bonum tantum, quia honestate solum definitur: Hæc verò, quia suauitate, & vtilitate omnia meretur, dissimilitudine magis gaudet personarum. ita Diues à paupere: & vir à muliere magis diligitur, quàm vel mulier à muliere, vel pauper à paupere, ceteri sui sunt similiores.

*QVOD RATVM AMICI, DE
Amico debeat esse iudicium. XXIII.*



QVIEBAT, amanti quod erratum est, rectum videri: non item amico: eò quòd ille sensu, & opinionione, hic animi feratur iudicio. Quare de amico
ratum

raturum semper debet esse, amici iudicium. Nam ut benevolentia sit eius, qui amatur gratia: amor contra illius causa, qui amat: ita amicitia virtutis ergo conflata, nihil præter id, quod honestum est spectat.

*QVOD NIHIL SIT NEC FIDENTIVS
nec fidelius amicitia. XXIV.*

IN ore sæpè habebat nihil esse ad omnes res ardentius amore, & amicitia: nihil valentius, quæ nec vi, nec metu frangi pōt. probant id duo amicitia lumina, Damon, & Pythias, Pythagorei discipuli, quorum alterum, cum Dionysius Syracusanus interficere vellet, propter suspensionem perducilionis: alter se mortis vadem præstare non dubitavit, tantisper, dum qui rapiendus erat ad supplicium, rebus suis compositis, reuerteteretur. cum verò adesset hora morri destinata, & iam obses esset proximus supplicio, unusquisq; sponso rem stultitiæ, & temeritatis damnabat: at is nihil de amici fide dubitare constanter prædicabat. eodem igitur momento, quo Tyrannus supplicium indixerat, qui discesserat, superuenit, obsidem liberaturus, cuius rei Tyrannus percitus admiratione, reum impunè dimisit, & inter utrumq; amicum tertius haberi voluit.

*QVOD NIHIL SIT IN BONIS
optabilius amicitia. XXV.*



ITA amicus est animatus, ut non putet magis se sua, quàm amici causa esse natum. Quare aiebat nullum in vita bonorum genus esse tam grande, quod amicitia non videatur exæquare, aut po-

tius superare. auget sententiæ huius auctoritatem, vetus Darij votum, qui non aduersus hostes victoriam: non regna: non gloriam: sed oblato tibi malo punico, tot optasse fertur Zopiros, (quia Zopirus non fucatus erat amicus) quot granulis esset malum illud refertum. vera enim regni præsidia sunt amici, quos nec ferro cogere, nec auro parare queas. Sola igitur militum amicitia fretus Scipio Africanus, dicitur bellum Carthaginensibus intulisse.

*QVOD OMNIA IN VNO AMICITIÆ
nomine lateant bonorum genera. XXVI.*



DICEBAT iure amicitiam ab amore esse vocatam, quia natura cum sit suavis, utilis, & honesta, nihil ei deest, quod amari potest. Tantum quippè vnumquodq; est suaue, quantum amatur: eoq; vtile magis, quò ad res plures vsus eius frequens est, & idoneus: nec deniq; quicquam magis est honestum, quam ^{propter} siue amicitia, quæ anima est iustitiæ. Sed quò res melior est, eò rarior est amicitia. nihil enim vnquam sol vidit rarius virtute. Itaq; consuevit Menander dicere, illum esse felicem, cui vel amici congisset vmbra. est enim amicitia animal minimè gregarium. Hac ratione commotus Alexander Magnus, Achillem fuisse felicem pronunciauit: eò quod viuens fidum amicum: post fata magni sui nominis, & famæ natus esset præconem.



*QVOD AMICVS SIT ALTER
idem. XXVII.*

SOLITVS est dicere amico chariorem esse ami-
ci vitam, quàm suam: atq; iccirco inanem illam
esse sententiam, qua vulgo fertur, quòd quisq;
sibi melius, quàm alteri cupiat esse. Nam ami-
cus cùm viuat in amico, in se autem sit mortuus: nihil ha-
bet potius amici vita. graue, & elegans est Promethæi Ægy-
ptiorum legislatoris testimonium. Hic enim vbi interierat
coniux, tulit moderate, quòd pars domus perijisset: vbi direptæ
essent eius opes: dixit non sua, sed fortunæ bona esse sublata:
cùm pariter filius de vita migrasset, dixit parte se aliqua ran-
tum esse comminutum: at mortuo amico, statim frangi do-
lore cæpit, atq; in luctu, & squalore ita iacere, vt vix sine su-
spirio, posset respirare. quod cùm admiraretur populus, rei
admirationem, eius ex animo abstersit, inquiring amico mor-
tem obtigisse: sibi vero mortis dolorem, quia ipse vt mor-
tuus, sensu non careret: amicum non esse amici exemplar: sed
alterum idem. Hoc ipsum Lyricus Poeta sentiens, amicum
dimidium animæ vocat. quasi vna sit animæ vis, & libera vo-
luntas, duobus in corporibus.

*QVOD AMICITIA ANIMA
Sit Iustitia. XXVIII.*

INQVIEBAT amicitiam non solum omni
iure esse imbutam: sed etiam animam esse iusti-
tiæ. vbi enim non est amicitia, ibi iustitiæ suc-
cus, & sanguis statim exarefcit. Nam ius diui-
num amore Dei: ius humanum amore hominum definitur,
K 3 quam-

Quaquam enim vulgo amor differt ab amicitia, quòd ille ferarum etiam bestiarum sit: beneuolentia solum hominum: amicitia verò bonorum tantum: tamen amor hoc loco, vim obtinet virtutis, in qua laus omnis consistit amicitiae. quæ si obseruaretur in ciuitate, nihil ei accideret iure, & legibus magnopere opus esset. Nam posito fine, nihil ijs opus est, quæ pertinent ad finem.

QVOD AMICITIA PLVRIS SIT,
Quàm Iustitia. XXXIX.



VT circuitum, & quasi orbem relinquam honoris, quo fertur, & ducitur Amicitia, inquiebat Amicum viro iusto esse anteponendū: eo quòd iustitia malum prohibet, Amicitia bonum ministrat: Estq; illius plerunq; destruere: huius semper seruare. Nam, vt partes corporis se mutuo amant atq; aliæ alijs seruiunt, vnamq; animantem simul omnes constituunt: ita veri amici eo locietatis constringuntur vinculo, vt ex pluribus, vnum quasi corpus fiat salutis. Amicitia enim diuitibus est, pro gloria: pauperibus, pro censu: exulibus, pro patria: mortuis pro vita: ac deniq; perditis, pro salute.

QVOD NIHIL SIT CAPITALE
Magis, quàm numaria amicitia. XXX.



NQVIEBAT Insidiosam beneuolentiam suam enudari scelere, per hunc Apologum. Annuum se natalem celebrare simulabat vultur: auiculaq; ad cænam inuitarat. aduolant igitur longinquis ex locis Auiculæ, quæ omnes primùm cum applausu excipiuntur

cipiuntur à vulture : tum vbi hora cœnæ adest, illæ omnes ad vnam deuorantur: simile quiddam est, in quæstuosa amicitia, quæ in vtilitate est fundata. Nam amicus ijs potissimum applaudit, quos sibi ad pastum videt prodesse. ijs enim cùm videtur aliquid dare : tum maximè inhiat rapere : estq; in hoc genere ijs amicus, vt oleum plantis : quibus nihil non letale spirat.

QVOD INDVLGENTIA INSIDIOSA
Sit beneuolentia. XXXI.



CVM liberorum amore, multos cerneret in faruari, atq; ab ijs liberos, per indulgentiam in educatione non ad disciplinas duci, sed seduci: dixit indulgentem beneuolentiam, suauem esse venenum. Nec contemnendum de ea re est, in Simia naturæ testimonium. Hæc enim bestia, ex pluribus catulis, quos in lucem edit, quem plurimum diligit, lætè in vulnis gestando, & gestiando cruciat, ac demum cruciatum trucidat. Cæteri, quibus minori plausu indulget, soli anima superant. atq; vt ab indulgentia parentum recedam, qui Impurus est, & libidinofus, quos maximè diligit, hos in primis inficit omni turpitudine, vel graui potius conficit scelere. Blandè enim amplectendo quos amat, nefariè lædit.

QVOD TRVCES EX AMORIS ARDO-
re faces sæpe accendantur odij. XXXII.



CONVULSA, & labefactata multo furore, non paruo scelere sæpè furit amoris vis. Quare consuevit dicere amorem, nisi modus adfit, facile in capitale

tales odium commutari. Nec vulgare est apud Poetas testimonium. Medea enim Ætæ Colchorum regis filia Iasonem, cum deperiret, illum in Græciam est secuta, patrem verò insequentem ut vitaret, discerpti Ablyrti fratris membrum retardavit. At ex tanto amore, statim venit in odium tam capitale, ut odij nomen visa sit omni crudelitate superare. Hæc enim à Iasone repudiata, filios suos, quos ex eo susceperat, occidit; Glaucamq; Creontis filiam, cum qua Iason secundas contraxerat nuptias, incensa regia, viam cremavit, ac ipsum etiam Iasonem impatientia doloris, manus sibi iniicere coegit. Quare cum amor odio sit finitimus, nemo rectè, ex Hesione sententia, amat, nisi qui amat tanquàm aliquando osurus, præsertim quando facile odij flamma, ex amoris ardore accenditur.

*QVOD AMORIS ORIGO NON SIT
id, quod bonum est, sed quod placet. XXXIII.*



INHONESTA nolim crepare: hoc non quoque tacere, plures quod volunt, quàm quod debent sequi. Non enim, ut inquietabat, amatur quod pluris est, sed quod videtur. Ita Canis à Cane in amore, boui præponitur: Sic Formica, Tauro Formicam anteponebat: ita ferè inter mortales, amor non fit, ex iudicio, sed ex opinione. Ita Alexander Magnus tanta benevolentia Ephætionem est persecutus, ut eo mortuo, propugnacula urbium diripi, equos mulasq; tonderi, plerosq; gregarios homines interfici ad maioris argumentum iussit: idq; vocaverit Ephætionis inferias.

DE LIBERALITATE

TITVLVS DECIMVS.



VM nihil neq; ad robur imperij, populari gratia: neq; ad popularem gratiam liberalitate sit accommodatius: Card. ALDO. BRANDINVS ea pietate, summi Pontificatus liberalitatem cōmendat, vt nunquam magis Pōtificatus augeat patrimoniū, quàm cūm sit liberalissimus. Est enim diuini eius ingenij, & summa liberalitatis, omnia ita largiri, vt qua pietatis semita, ex apostolico aratio exeunt, eadem ad Ecclesiasticas opes redeant cumlatiore mensura. Idq; minimè mirari soleo. Nam qui homines à Principibus beneficium capiunt, faciunt capiēdo, vt magis capi, quàm capere videantur. Itaq; nec Princeps, nec Deus fieri potest prodigus. Nam vterq; eorum quæ largitur, nihil videtur abalienare, sed semper omnia in sua ditione, & potestate retinere. Quare in ornamentis imperij, nullum neq; clarius beneficio nitet Diadema: neq; gestatur amore præstantius. At inter Principes, & priuatos homines longe dispar est Liberalitatis ratio. Nam inter hos, difficile est liberalem fieri diuitem: inter illos difficilius, auarum non fieri miserum. Pluris igitur ducebat liberalitatem, sine diuitijs, quàm diuitias sine liberalitate. lubens itaq; dabat, grauare verò ab ijs præsertim, in quos beneficium collocarat, quicquam, ne collocari beneficij iacturam faceret, capiebat. Nam si quod redditur, non est datum, quod donum est, ab omni restitutione nudum si oportet. Vtrò igitur, non necessitate adductus, apud bonos viros beneficia collocat. Nam quod ab inuito extorquetur, non beneficentiam, sed prædam esse putat.

putabat. rogari vero semel poterat læte: sæpius non nisi gratiæ poterat, eo quòd dona precibus empta, stomocharetur quasi malefacta. Beneficium enim, quod aut non loco, aut non tẽpore, aut non lubenter fit, beneficij non solum gratiam amittit, sed etiam maculam quãdam capit maleficij. aiebat igitur nihil esse liberalitatem, nisi externorum bonorum artem, & disciplinam, qua qui destitueretur nesciret pecunia uti. Quæ autem de ea tulit Apophthegmata, eorum, quantum colligere potui, series hæc est.

- 1 Quòd nihil, in virtute gloriam magis, quàm liberalitas attingat, Principis.
- 2 Quòd Principis liberalitas, nulla exhauriatur beneficentia.
- 3 Quòd liberalitas minus accipienti, quàm largienti sit fructuosa.
- 4 Quòd malè precans, non precari, sed sibi imprecari videatur.
- 5 Quòd tum maximè habeatur Princeps liberalis, cùm parva à parvis capiat.
- 6 Quòd non exigua sit liberalitatis, in Principe commendatio, muneribus à subditis capere.
- 7 Quòd aurea munera à priuatis capere, negligat Princeps.
- 8 Quòd in liberalitate alijs, aliud genus beneficentia expediat.
- 9 Quòd Res sit insidiosa capere munera.
- 10 Quòd Principis liberalitas in eos, qui resipiscunt, debeat esse propensa.
- 11 Quòd Musis amica debeat esse Principis liberalitas.
- 12 Quòd Capiens honestet, in liberalitate largientem, & largiens capientem.
- 13 Quòd liberalitas ars sit eroganda pecunia.
- 14 Quòd non pecuniosus, sed liberalis sit dives.
- 15 Quòd nulla erga improbos sit liberalitas.
- 16 Quòd liberalitas non meritis accipientis: sed donantis dignitas
magis

magis respondere debeat.

- 17 *Quòd Raro ab incognitis: nunquam ab inimicis sit capiendum.*
- 18 *Quòd ex liberalitate, nemo reddatur inops.*
- 19 *Quòd liberalitas contabescat, sine Gratiarum actione.*
- 20 *Quòd Tarda sordeat liberalitas.*
- 21 *Quòd liberalitas, prudentia consors sit, & religionis socia.*
- 22 *Quòd qui liberalis est, vitam maximè agat hominis.*
- 23 *Quòd liberalis non timeat sumptum: sed amici incommodum.*
- 24 *Quòd felix sit qui seruit liberati Principi.*
- 25 *Quòd libentius liberalis ultrò profit, quàm Rogatus.*

*QVOD NIHIL IN VIRTUTE,
Gloriam magis, quàm liberalitas attingat
Principis. I.*



VM ab omni oculorum consensu, atq; auri-
um comprobatione, avaritiæ crimen sit
exclusum: tum nihil ad popularem gratiam
liberalitate est conditius. Atq; quoniam
rumores, iam de admirabili beneficentia
CLEMENTIS VIII. per totam Ita-
liam calebant, cum quis curiola quadam cupiditate iudicij,
quæreret, quid in virtute maximè esset gloriolum, alijs respon-
dit commodum, ex suo parere incommodo. Etsi virtus enim
non est pecuniæ præmium: est tamen pecunia in loco negle-
cta, non vulgare virtutis testimonium. Ita Fabius ille, qui
cunctando Romanis restituit rem, laudatur. Hic quippe ca-
ptiuos ab Annibale acceptos, cum Senatus negaret se redem-
pturum, fundum vendidit, ut id solus præstaret,
quod tota ciuitas præstare refugeret.

QVOD PRINCIPIS LIBERALITAS,
Nulla exhauriatur beneficentia. II.



LXILITER, & exiguè est nimis agere: ad calculos omnia reuocare. quæ, inquit, profusio est in alijs: ea est liberalitas, in Principe. Etenim nec Deus, nec Princeps dando, potest miser fieri: Nam uterq; eorum, quæ largitur, remanet dominus. docuit id aliquando Alexander Magnus. Cum enim omnia amicis donasset, & iam regias ferè opes absumpsisset, tum Perdicus, ex intimis eius familiaribus, quid tibi Rex inquit, iam superest? spes respondit. Norat enim si res postulabat, quo ex fonte, quæ per liberalitatem erogarat, eodem propter beneuolentiam posse ad se redire: onus autem beneficij, apud accipientes remanere.

QVOD LIBERALITAS MINVS
accipienti, quàm largienti sit fructuosa. III.



VI non adsunt exercitationes styli: non parum prolunt curricula sermonum, quibus eruditio facundiæ coniunx, quasi sopita interdum, est excitanda. Itaq; cùm fortè de liberalitate ageretur, quæ ex persona constat largientis, & accipientis: interrogareturq; quid in ea haberet potius: dare magis, respondit quàm accipere. qui enim dat, alium obligat, qui capit alij obligatur. Quare liberi hominis non est capere, nec quicquàm aliud est Principis donum, nisi veluti quoddam seruitutis vinculum. Itaq; beneficium qui inuenit, compedes inuenit, qui non ferri naturam retinent, sed obsequij, & obligatoris. Magna igitur mercede beneficium emit, qui precatur:
summa

summa qui capiendo capitur: nec paruum precium accipit,
qui largitur.

*QVOD MALE PRECANS NON
precari, sed imprecari sibi videtur. IV.*



HABET verbi vis, in rogando morsus acres, aculeos non hebetes. petimus enim gratia: rogamus precibus: poscimus iure: flagitamus ardore. Horum verborum, nisi parcus sit in petente usus: comminuitur, in largiente, beneficij gratia. Ad beneficia igitur impetranda, non est celeritate, sed prudentia, opus. Importunitas enim poscentis plerumq; liberalitatem comminuit, & restinguit largientis. Sic M. Crassus petentium vitio, ex liberalissimo tenax euasit, & avarus.

*QVOD TVM MAXIME HABEATUR
Princeps liberalis, cum parua à paruis
capiat. V.*



NIHIL est tam cognatum præceptis, quàm cautiones, & diuerticula. Etsi enim potior pars est in liberalitate largientis, quam capientis: Princeps tamen sæpe, capiendo fit liberalior, quàm largiendo. Nam multum dat, cum exigua capit ab amicis. addit enim primùm, quia nemo vir bonus vult donati ab improbo, graue virtutis testimonium: deinde spem ostendit plurimi meriti. Hoc in virtutis genere laudatur Artaxerxes Persarum Rex, qui ab operario aquam sibi oblatam, eo animo accepit, vt plurima gratia compensarit.

QVOD

QVOD NON EXIGVA SIT

Liberalitatis, in Principe commendatio, munera à subditis Capere. VI.



VLINARIVM inquebat esse ingenium, nedum hebes, & obtusum non odorantis, quantum Princeps munuscula à subditis capiendo, illis impertinet honoris, & gloriæ. Quoniam enim nemo probus, veteri pro- uerbio, vult ab improbo donari: muneris laus, quod fit Principi, non est penes accipientem, sed largien- tem. Quare olim, apud Parthos, vt omnes maiori ad virtu- tem studio contenderent: nemini Regem sine munere, licebat adire. Nam acceptum munus, insigne virtutis: recusatum, notam criminis afferebat largienti.

QVOD AVREA MVNERA A PRIVA-
tis capere negligat Princeps. VII.

RVDITIO facundiæ coniux, & gloriæ socia, nullis magis, quàm sententiarum pigmentis se colorat, & corroborat. Hæc cum funditur vni- usque; à tanto Antistite: tum interroganti cuidam, quod munus Principi à privato viro plurimum haberet gra- tiæ: non illud inquit, quod accersitur ex fortunæ bonis. Nam cum ijs redundet, non fortunæ, sed gloriæ bona sunt ei mini- stranda. Qui enim Principi aurum, argentum uel lar- gitur, non tam videtur, vt ait Ilocrates, velle largiri, quàm mercari, ac foenerari.

QVOD IN LIBERALITATE, ALIIS
aliud genus beneficentia expediat. VIII.



NE Q. Cæco casu, neq; opinionis temeritate duci debet Principis liberalitas: sed iudicio. Itaq; inquebat penes Principem plus in dando, quam in rei, quæ daretur magnitudine, residere gloria. Nam eò spectat Principis largitio, ut omnes ad sui muneris studium, accendat virtutis amore. Quare Reges Persarum, obuijs mulieribus aurum dono dabant: viris autem Sagittas, & iacula, quò docerent feminis frugalitatem: viris rem militarem curæ esse debere,

QVOD RES SIT INSIDIOSA
capere munera. IX.



RES cæcæ, & ab aspectus iudicio remotæ, nulla luce magis clarescunt, quàm sententiarum splendore. Cùm igitur quæ apud Thebanos statua iudicis erat expressa, sine manibus, ei ostenderetur: ingemuit quod ei, cui fas esset dare, non liceret capere. tum sciscitanti cuidam, à quo non liceret munus accipere: ab insidioso amico respondit, præclara verò, & æternitate digna sententia. Nam in inimicorum muneribus, morsus later aspdis, qui interimit sine dolore. Itaq; Cyneas cum ingentibus donis à Pyrrho Romam missus, ciuem nullum inuenit, cuius domus illius muneribus pateret.

QVOD PRINCIPIS LIBERALITAS

*in eos, qui resipiscunt, debeat esse pro-
pensa. X.*



N his carceribus hominum vita tenetur interclu-
sa, è quibus anceps cogitandi ratio nunquam est
exclusa. Cum igitur in sermonem, de liberali-
tate Principis incidisset, interrogareturq; in quos
potissimum Princeps deberet esse liberalis: in eos respondit,
qui resipiscunt, etsi ei antè graues fuerunt, & infesti. Ita Xer-
xes, Themistoclem, à quo in bello antè fusus, fugatusq; fue-
rat, Athenis relictis: beneuolè excepit, atq; in maximo hono-
re habuit: tresq; illi vrbes opulentissimas, dono dedit.

QVOD MUSIS AMICA DEBEAT

esse Principis Liberalitas. XI.



QVONIAM Musæ, quæ honesta, non quæ sunt
quæstiuosa, sequuntur: iccirco ferè qui Musis sunt
addicti, cernuntur inanes, & ab opulentia nudi.
Quocirca consuevit dicere, Principum liberali-
tate Musas esse depascendas. Huic eius sententiæ suffragari in
primis videtur Alexander Magnus. Nam cùm facilis, & be-
nignus esset in omnes viros doctos, tum Xenocrati, cuius acre
ingenium admirabatur, quinquaginta talenta dono misit, eò
quòd acceperat ab amicis, illum ex angustia rei familia-
ris laborare, atq; eam ob rem, Musas ipsas
cum viro abiecto, in squalore
iacere.

QVOD

QVOD CAPIENS HONESTET IN
Liberalitate largientem, & largiens ca-
pientem. XII.



STERILITATE ingenij, & inopia doctri-
næ, stirps, & semen virtutis, in quæstionum cam-
po, sæpe exarefcit. Cùm igitur in dubium, &
quæstionem effct adductum, vter in liberalitate
magis effct laudandus, capiens ne, an largiens: eò quòd ille
delistit effce fui iuris: hic verò non libertatis, fed rei poffeffionē
tantum amittit: Nō effct respondit, cur id quenquam vllis con-
fodiat dubij ftimulis. Nam largientis gloriam ex capiente,
& capientis laudem, ex largiente meriri oportet. Ex quo am-
bo videntur in virtute, & honestate effce pares. Testis effct Dio-
genes. Etenim cùm à quodam magna recreatus fuiffet bene-
ficientia, illumq; iccirco, qui Diogeni præfto fuerat, nonnulli
magnopere laudarent, tum Diogenes, præclarum, ait, effct
beneficium dare: mereri verò præclarius, quam dare. Nam,
vt verus Pub. Mimi effct fententia, beneficium dando capit,
qui digno dat: qui autem non dat, videtur potius quod alie-
num effct retinere, quàm quod fuum effct, non dare.

QVOD LIBERALITAS, ARS SIT
erogandæ pecuniæ. XIII.



VIA Non folum pellenda effct cæca, & temera-
ria animi dominatrix cupiditas, quæ arcam ne-
fcit referare: fed etiam accerfenda effct ars quæ-
dam pecuniæ erogandæ: interrogatus aliquan-
do ab amicis, quis optimus effct pecuniarum vltus, qui in
largitione dixit effct pofitus. Huc accedit Aristippi plena pon-

deris auctoritas. Nam reprehensus aliquando, quòd ab amicis pecunias sæpius caperet: non ideo dixit, capio, vt ipse vtar, sed vt illi addiscant, ad quas res sit vtendum pecunijs.

*QVOD NON PECVNIOSVS, SED
liberalis sit diues. XIV.*



N hoc, diuitiarum cardo omnis vertitur, vt non adeò pecunia, quàm pecuniæ adsit vltus. Sciscitanti igitur quis esset diues, qui inquit, suas pecunias, vt Alexander Macedonum Rex, deponit apud amicos. Nec falso. Nam vt vetus est Isocratis sententia, nullus præclatior est thesaurus, quàm beneficium apud bonos viros collocatum.

*QVOD NULLA ERGA IMPROBOS
sit liberalitas. XV.*



VOCVNQVE me animo, & cogitatione conuerto, non minus est viri liberalis improbos deferere, quam bonis viris præsto adesse. Solitus verò est tantus Antistes dicere, nò esse magis contra officium, improbos iacentes excitare: quam illis anslam ministrare improbitatis. Laudatur igitur Rex Antigonus, à quo cùm Cynicus talentum peteret, respondit non esse Cynici talentum accipere: tum ille cùm diceret, da igitur denarium, non est respondit Antigoni denarium dare. Quæ ex re intelligimus non magis expedire improbo pecuniam, quàm febricitanti aquam gelidam esse suppeditandam. Nam huic interitus: illi infamia ministratur.

QVOD LIBERALITAS NON MERITIS
accipientis : sed donantis dignitati magis
respondere debeat. XVI.



ON coniectura id prospicimus : sed experti videmus, aliquid citra meritum accipientis, poscere dignitatem donantis. Quare, cùm de liberalitate Principum ageretur, consuevit dicere, nihil ei, qui modo leuiter profuisset, non grande ab illis esse sperandum : eò quòd dona non fiant ex accipientis imbecillitate : sed ex magnificentia donantis. Hac ratione Alexander Magnus cominotus, cùm ciuitatem cui-dam donasset, atq; tum indignati æmuli Alexandro inculcarent, non conuenire homini tam humilis fortunæ, tantum muneris : tùm ille non quæro, inquit, quid oporteat illum accipere : sed quid deceat regem dare.

QVOD RARO AB INCOGNITIS:
nunquam ab inimicis sint capiendum. XVII.



OLITVS est dicere, dona ab incogitis capere, rem non inanem esse suspicionis: plenam autem periculi, capere ab inimicis. Nec id, si Homerum consulimus, falso quidem. Nam quorsum apud eum Aiæx, & Hector sibi inter se dona ferentes? ut certè ex utriusq; ostento colligeret posteritas, non minus dona, quàm vulnera ab hoste esse cauenda. Hæc enim minus læduntur, quia vitantur: illa verò grauius officiunt, quia ut bona excipiuntur. Quare, & Hector Balthæo, quod ab Aiace acceperat, ad currum ligatus miserrimè ab Achille per exercitum fuit distra-

Atus : & Ajax gladio, quo ab Hectore donatus fuerat, crudeliter se traiecit.

QVOD EX LIBERALITATE NEMO

Redditur inops.

XVIII.



INTERROGANTIBVS amicis quomodo res cresceret familiaris : non rapiendo dixit, sed largiendo. Serendum enim est beneficium, ut metere possis fructum. Non est in Symbolis obscura ratio. Nam quorsum in sacris Ægyptiorum litteris, Mulier dextra mensuram : læua cornucopiæ tenens, interpretationem habet liberalitatis? ut certè inde intelligamus opes non comminui, sed crescere cum liberalitate. Nam ex cornucopiæ quicquid detrahebatur: id omne statim redibat multò, quàm antè cumulatione mensura.

QVOD LIBERALITAS CONTABESCAT

sine Gratiarum consociatione.

XIX.



VM nonnullis arctior videretur amicitia, quàm sanguinis consociatio : alij contra assererent. Eò quòd sanguinis coniunctio nò solum nodus sit amoris: sed etiam vitæ: in re tam ancipiti, cum fluctuarent, quærentq; demum quodnam arctissimum esset societatis vinculum : Gratiarum dixit, cum liberalitate. Neq; enim liberalitas stare potest, sine Gratijs: & Gratiæ intermoriuntur, sine liberalitate. Frigent enim munera, nisi & capiens largienti, & largiens gratus sit accipienti. Nam quorsum, quòd Hæ numerantur Gratiæ tres *θαλνα: ευνοια, αγαπη*: quæ mutuis amplexibus sic tenentur constrictæ, ut sola intermedia aduersa: duæ reliquæ spectentur auersæ? pender

Libera-

Liberalitas, vt *inoporum* loquitur, non ex re, sed ex animi, quo res traditur, bonitate. quæ verò sunt vtrinq; auersæ gratiæ, docent beneficium nullum, nisi vtilitate, & gloria cumulatum, in beneficium, & benemerentem, reuerti debere.

QVOD TARDA SORDEAT
liberalitas. XX.

RVMP TVM, & expeditum aiebat oportere esse beneficium. Nam quemadmodum, qui cito dat, bis dare videtur: ita qui serò dat, semel dando, censetur sæpius negare: nec conferre, sed vendere beneficium existimatur. Est autem liberalitas vna Gratiarum, quæ Græcè χαρις ἀπὸ τῆς χάριτος gaudendo sunt nominatæ: ex quo intelligimus id, quod non datur libenter, non solum naturam, sed etiam nomen amittere liberalitatis. Hæc inter Gratiarum honoris ergo medium locum obtinet: quasi nihil liberalitate sit gloriosius. Deus igitur à Dando, quod omnia det, ab ea virtute nomen accepit.

QVOD LIBERALITAS PRVDENTIÆ
consors sit, & religionis socia. XXI.

IN Dubiorum tenebris, cæcisq; errorum nubibus, cum grauitèr offendant, qui incognita habent, pro cognitis: tum auaros omnes talpa cæciores esse dicebat, eò quòd ille oculorum: hi mentis cassi sint lumine. cuius ex iudicio maxime prudens habendus est liberalis, quid prudens? imò bis, terq; beatus. Itaq; Alexander Magnus, inter Philosophos de felicitate aliquando

disputantes, dixit nihil esse beatius, quàm multos sibi donis, & muneribus obstringere. is enim maximè Dei immortalis, qui prospicit omnibus, naturā videtur attingere. Quando non solum Homines, sed superi etiā placantur donis, nihil est quod à quoquā vir liberalis, metuere possit mali. Liberalitas igitur multò, apud me pluris est, quàm lapillus Gagacromenon, quem qui gerit, non solum sospes, vt volunt lapidarij, sed etiā victor, ex periculis abit. Quamquam enim, vt aiunt, lapilli huius beneficio Alchides Princeps, & ex nauali, & ex pedestri conflictu, victoriam reportauit: multò tamen viri liberalis gloriosa magis est victoria, qui non vires, corporis; sed animos expugnat hominum.

*QVOD QVI LIBERALIS EST,
vitam maximè agat hominis. XXII.*



TSI difficile est, frangere corroboratam vetustate opinionem cupidorum hominum, qui pauca honestate, omnia definiunt vtilitate: solitus tamen est dicere, quia homo homini est natus, ambigere se, num is, qui alteri non prodest, vitam agat hominis. id ipsum visus est, non solum non dubitare, sed etiam pro comperto habere Vespasianus. Nam in cœna aliquando recordatus, quod eo die nemini benefecisset, ingeniscens, dixit se de vita, diem vnum perdidisse.



QVOD

*QVOD LIBERALIS NON TIMEAT
sumptum, sed amici incommodum. XXIII.*



VONIAM is Amicorum nece, iura omnia cruentat, qui amicos non regit, in periculis eorumq; bona expilat, qui illis, in egestate opem non ministrat: solitus est dicere, neminem esse liberalem, qui impensas magis timeat, quàm amicorum egestates. Hoc olim comprobavit Hiero Syracusanorum Rex: Nam audita clade, qua Romani apud Thrasimenum Lacum, afflicti erant, trecenta millia modiorum tritici: ducenta hordei: auriq; ducenta, & quadraginta pondo Romanis misit: quod munus capere ne verecundia impediret, prædâ simulavit esse hostiû: non amici beneficentiam. Quare in eo, vt mittendi volûtas: sic prudentia cauêdi nè remitteretur, est laudata.

*QVOD FELIX SIT, QVI SERUIT
Liberali Principi. XXIV.*



VLLA conspiratio, consensûsq; hominum maiorem, in laboriosos homines, spirat mercedem, quàm Principis liberalitas. Quare solet dicere, cum multum lucrari, qui Principi seruit liberali. vetus, at rarum est Alexandri exemplum. Nam Dario superato, cum in itinere videret Agasonem, qui mulum defessum auro onustum agebat, à mulo in humeros suos sarcinam transtulisse, ne eo amisso, ipse quoq; vitam amitteret, & interea ipsum Agasonem oneri succumbentem, ipse Agasoni vicinior factus dixit, vt tibi hoc onus minus graue sit, in tabernaculum tuum, aurum hoc deserto: quoniam iam id omne tuum esse iubeo.

QVOD LIBENTIVS LIBERALIS
 Vltro proſit, quàm rogatus. XXV.



VM diſtrahitur in multas partes, ac propè exulceratur cupidorum opinione, dandi ius, & ratio: dicebat liberalitatem non ſolum artem eſſe dandi, quæ ſunt danda, & retinendi quæ ſunt retinenda: ſed etiam magiſtram opportunitatis, nec patientem eſſe moræ, & tarditatis. Maius enim euadit munus, licet ſemper idem ſit, quod in loco ſit, & tempore: gratiſſimum verò, quod vltro confertur. præclarum, eſt Archefilai Philoſophi poſteritati commendatum exemplum. Hic enim Creſibium ſgrotantem, inopiaq; rerum preſſum officiij cauſa viſens, marſupium auro reſertum, clam eius puluino ſubiecit, quo reperto, Archefilai, inquit Creſebius, hic eſt ludus: quo nemo niſi liberaliſſimus recreatur.



DE MAGNIFICENTIA

TITVLVS VNDECIMVS.



MAGNIFICENTIA Græcè Μεγαλοπρέπεια, à μεγάλον res grandes facio, dicitur. Est igitur Magnificencia magnarum rerum, & excellarum cum animi quadam elatione administratio. In hac autem virtute, cum mihi venit in mentem eximij Senatoris, & Equitis FRANCISCI Sesse. Est quod in dolore, quidem gaudeam: nec possum in angore, qui me, alienissimo tanti viri tempore, laniat, & lacerat, non pro eximia eius virtute, & constantia recreari. Nam quemadmodum Cato nullis unquam Casibus mutatus est, nulliq; succubuit tempestati: ita Eques ille strenuissimus rectæ voluntatis conscientia potius gaudēs, quàm aduersis rerum procellis mærens, tanta semper fuit animi constantia, vt summos tempestatum acernos sibi ad gloriam, virtutis fecerit cumulos. Nam quid alè de singulari eius sapientia repetam? vna est ab eo tribus iam ante annis scripta Velasorum Historia, in qua tanquam olim Ilias Homeri, in vna nucula, tota temporum antiquitas videtur teneri inclusa. Quare ego in ea, & ingenij acumen, & animi fidem, atq; orantum dicendi, admirabili doctrina aspersum admiratus, eo studio Historiam omnem, eam sum amplexus, vt è vernaculo idiomate, in sermonem latinum, nō sine plurimis vigilijs, & laboribus, traduxerim. Tanta enim arte, tot rerum gestarum insignibus, eaq; antiquitatis gloria illam referisit, vt auctor videatur is esse, cuius cognitionem nulla post homines natos, preterat rerum antiquitas. De ea igitur, est cur non parum gratuler huic nostræ ætati: plurimum verò Antiquissimo

mo Velaschiorum generi, ac in primis Sapientissimo Principi IOANNI FERNANDEZ Velaschio Comiti Stabili: Optimo meo Meccenati. Magnificentiam autem virtutem in Hispania, VELASCHIIS: in Italia ALDOBRANDINIS maximè tribuit, quæ sicuti principibus est gloriosa: ita à pauperibus maximè est aliena. Nam his in rebus operosis, & admirabilibus, agendi nerui, desunt pecuniæ. Est igitur virtus diuitum, atq; in primis Regum, Imperatorum, & Summorum Principum. Atq; vt certis gloriæ Cancellis, teneatur inclusa, refertur potissimum ad Hospitij Dignitatem: ad victus apparatus: & ad munerum amplitudinem. Hospitij dignitas, partim splendore ædificij perpenditur: partim munificencia, qua portus & perfugium videatur bonorum omnium: victus autem ratio apparatu splendet cum elegantia, & copia: præsertim si frequens assistat concursus ad nutum parentium. Ad munera deniq; referuntur, vestes, arma, serui, & equi, utensilia, agri, pecuniæ, dotes virginum: libertas, ac redemptio captiuorum, atq; alia huius generis. Sed eorum, quæ ex sapienter dictis, ac responsis sapientissimi Antistitis, collegi, loci hi sunt.

- 1 Quòd magnificentia non cadat in homines abiecta fortuna.
- 2 Quòd ille est Magnificus, qui à rebus magnis non superatur.
- 3 Quòd Magnificentia sit, bona fortuna, tanquam ludibria existimare.
- 4 Quòd non minoris sit Magnificentia, manus continere, quam multa adificare.
- 5 Quòd vix quicquam renitatur Magnificentia.
- 6 Quòd mensa Magnificentia, non luxuria apparatu, sed temperantia sit desinienda.
- 7 Quòd in excipendis amicis, nō sumptus debeat spectari, sed decus.

Quòd

Quod Abiectis magnifica vestis sit ignominiosa: fortibus vero abiecta sæpè gloriosa.

QVOD MAGNIFICENTIA NON
cadat in homines abiecta fortuna. I.



ON potest quis, sine re ampla, esse magnificus. ratio est ab omni dubitatione disiuncta. Nam interroganti quis esset Magnificus: qui muros vrbs, respondit, qui naualia: aquarum ductus: Theatra: porticus: fana, & omnia extruit, quæ ad communem vsum ciuitatis pertinent: nedum ædes in cælum erectas. Domus vero viri Magnifici non auro, non ebore, non argento, vt sentit Homerus: sed spolijs hostium magis est ornanda. illa enim incontinentiæ sunt blandimenta: hæc veræ virtutis monimenta.

QVOD ILLE EST MAGNIFICVS,
Qui à rebus magnis non superatur. II.



ONO viro id omne est dependendum, quod spondet ratio. Interroganti igitur quid esset maximum, non vinci, dixit beneficio. quid secundum? non egere ait, potius, quàm abundare. In vtroq; non desunt gloriæ Lumina. In altero fuit Alexander Macedo Terrarum Princeps, singulare Magnificentiae exemplar: qui prædicare est solitus, vt refert Cælius, se à nemine vnquam benignitate fuisse superatum. In altero omnibus etiamnum est exemplo Democritus, qui non modo humana omnia est aspernatus: sed etiam luminibus se priuauit, vt quantum

quantum detraheret oculis, tantum adderet menti ad doctrinæ lumen, & rationi. Itaq; cassus lumine, solus plus, quàm vniuerla ferè vidit Græcia.

QVOD MAGNIFICENTIÆ SIT,

Bona fortuna, tanquàm ludibria existimare. III.



NON minus aiebat esse domiciliū Magnificentie, in contemptione, quam in largitione pecuniæ. eò quòd hoc etiam est ambitiosi, illud solum viri boni. Quare Phocion Atheniensis, nihil, in magnificèntia concedit Alexandro Magno. Hic enim cum audisset plures esse mundos, ingemuit, quòd vix vnus esset dominus: ille nec habuit quicquam, nec habere voluit. Hic ex Persica Gaza bello parta, Phocioni magnum auri pondus misit: ille recusans interrogauit ab ijs, qui munus attulerant, cur ad te solum tantum auri, Rex mitteret: quia responderunt te omnium Græcorum optimum esse arbitratur. Sinite igitur inquit, cum esse me, quem ille me esse arbitratur. credidit homo magnificentiæ amicus, nihil fieri posse magnificèntius, quàm in continentie gyro omnes frenare appetitus.

QVOD NON MINORIS SIT MAGNI-

ficientia manus continere, quàm multa adificare. IV.



VM de rebus gestis, multorum laus communi omnium ore esset diffusa, & dissipata: tum interroganti cuidam, quis esset Magnificus, non qui nouit respondit

spondit ditescere, sed alios ditare. sic laudatur Valerius Publicola, qui ter ex hostibus victis triumphauit: cæterum tam pauper discessit, vt publico sumptu sit funeratus. Ex quo non minus gloriæ reportauit: quàm Agrippa, qui in sua ædilitate septingentos lacus fecit: fontes mille, & quinquaginta: Castella crexit supra mille, statuas æreas posuit ter centum: columnas è marmore quadringentas.

*QVOD VIX QVICQVAM RENITA-
tur munificencia. V.*



SOLITVS est dicere, res omnes ex difficilimis, munificencia reddi facillimas. Nam homo natura auidus, quia capitur auro, non est sui iuris: sed aurum largientis. Elegans est fabula. Atalanta Schænei filia, cum mira corporis velocitate præstaret, & à nuprijs omnino abhorreret, procis suis cursus certamen proposuit, in quo victum mortis pœna: victorem coniugij sui præmium sequeretur. Multis itaq; superatis, tandem ab Hippomene, Veneris consilio victa nupsit victori. Nam ex Damasceno agro, ei tria mala aurea donauit, vt in cursu proijceret virgini, quæ cum sequeretur virgo, ille victor euasit. Hoc commento docent Poetæ, muneribus summa quæq; facile expugnari, nec cum difficile capi, qui paratior est ad capiendum, quàm ad largiendum.



.QVOD

QVOD MENSÆ MAGNIFICENTIA,

*Non Luxuria apparatus: sed Temperantis
sit definienda. VI.*



VM Romæ regij ferè cernerentur apparatus, nec pauci plurimis curis essent distenti, quo magnificentius aduentantes Heroes exciperent, interrogatus à quodam Principe, cuius mensam magis laudaret: Masinissæ Regis, dixit porius, quàm Cleopatraz vltimæ Ægypti Reginæ: mensarum ornamentum temperantia, non luxuria definiens. Ille enim semel tantum interdiu vefcebatur, & sine pulmento: Hæc autem in apparatu vsq; eo excessit, vt Cœnam parauerit Antonio, in qua Centies sestertium, id est ducenta, & quinquaginta millia aureorum, vno ferculo secundæ mentæ, consumpta sunt.

QVOD IN EXCIPIENDIS AMICIS

*non sumptus debeat spectari, sed
decus. VII.*



VANDO nonnulli in certamen de Hospitalitate, & discrimen venissent: quæsiissetq; subtilis quidam disputator, quis magnificè amicos hospicio exciperet, qui respondit magni amicitiam: parui pecuniam æstimat: sic apud Romanos laudatur L. Lucullus. Nam cum animaduerneret eadem mensa sæpe amicitiam esse depascendam: domum sic constituit, vt pro varietate amicorum, varia esset tricliniorum ratio. vnum quodq; igitur cœnaculum non solum suo appellauit nomine, sed etiam suo definiuit prætio, & apparatu. Siquidem in Apolline, quod cœnaculum

culum nomen erat: quingenta millibus carnari consuevit.
habebat enim cuncta adeo apparatus, vt domesticis satis esset
cenaculi nomen intelligere.

QVOD ABIECTIS MAGNIFICA
Vestis sit ignominiosa: fortibus vero abiecta
sepe gloriosa. VIII.



QUEM AD MODVM, inquiebat Herculis glo-
riolum erat exuuiò indui Leonis, ei verò, qui non
erat Hercules, ignominiosum: ita magni interest,
quo quis vtatur vestitu. Nam cum vestis dicatur à
vehendo, quod statum vehat cuiusq; personæ, summa sem-
per apud Antiquos, de vestitu, fuit religio. Quare Lysan-
der, cum à Dionysio Siciliæ Tyranno, pro filiabus, vestes pre-
ciosissimas accepisset, illas remisit metuens, ne illis induræ de-
formiores fierent. vexillum enim in Luxuria vestium, est in-
continentiæ, quæ deformitatem omnem propè habet animi.
Itaq; Annibal eodem Sago, quo grægarius miles, utebatur.
Dionysius verò Syracusanus, cum in fures omnes grauissimè
animaduertetet, his tamen ignoscebat, qui croco, &
auro vestes sustulissent, quo admoneret mor-
tales ab ornatus luxuria esse
abstinendum.



DE GRATI ANIMI VOLVNTATE. TITVLVS XII.



GRATI animi voluntas est, vt inquit Cice-
ro, in qua amicitiarum, & officiorum me-
moriam, cum reniunerandi voluntate conti-
netur. Dare enim Liberalitatis est: accipere
verò, & referre velle, gratiæ proprium.
Illius est dari beneficij obliuisci, huius ve-
ro meminisse; & cum datur opportunitas, etiam cum fæ-
nore, si possit, reddere. Inde, vt Plautus ait, quod bonis be-
nefit beneficium: gratia ea grauida est bonis. Debemus igi-
tur, si Hesiodo modò credimus, in referenda gratia imitari
agros fertiles, qui multò plus afferunt, quàm acceperunt.
Etenim non dare, multis licet: non reddere nemini. Dux
quippe sunt iustitiæ potissimum partes, gratia, & pœna, qui-
bus reguntur vniuersa. Sed vna longè est præstantior altera.
Nam qui gratiam refert, non curat liberalem, sed seipsum: qui
verò iniuriam punit, non se perficit: sed iniuriæ auctorem.
Iccirco Cato senior aiebat, malle se pro collato beneficio, gra-
tiam non recipere, quàm pro illata iniuria supplicium non
subire. Est gratia, & Deo, & hominibus virtutum omnium
iucundissima, quàm qui habet, ideo gratus dicitur, quia apud
Deum neq; religio, neq; pietas, neq; obseruantia: nec apud
homines vlla virtus sine grati animi volûtate, coli, & obserua-
ri potest. Hac vna virtutè, cum ab omnibus optimi Cardinalis
fides, & prudentissimi in periculis propulsandis consiliû vni-
cè ametur: tum à sapientissimo Senatore **LVDOVICO**
Madio,

Madio, summis laudibus celebratur. quod minimè solco mirari. Noui enim Senatorem cum omnium esse gratissimum. Nec vnquam Rex Attalus adeò in P. R. gratus fuit, qui ab eo honoribus auctus, ei deinceps memor beneficij, Asiam testamento legauit: quàm princeps ille virtutis, & doctrinæ Madius erga Cardinalem ALDOBRANDINVM, propter summa ac incredibilia eius merita, semper exiit. Nam si muneris ratio, non ex rei magnitudine, sed ex animi voluntate penditur: nihil est cur in munificentia, Attalo Regi debeat concedere. ille enim Populo Romano multò minora præstitit, quàm potuit præstare: hic verò, ita erga sapientissimum illum Antistitem continenter est animatus, vt plura etiam eius gratia conetur, quàm nauare possit, & efficere. Quæ ille verò de grati animi voluntate fudit Apophthegmata, eorum series hæc est.

- 1 Quòd non solum rerum euentus, sed etiam sine euentu, ipsi conatus premio, sunt compensandi.
- 2 Quòd minus sit Principis beneficio, quàm ferro superari.
- 3 Quòd Principi nulla labe sit minus, quàm ingrati animi nota ferenda.
- 4 Quòd sine ope frigeat in miseros, verborum consolatio.
- 5 Quòd benefico nulla merces sit uberior, quam gratia.
- 6 Quòd, non relata, apud Principes gratia, nulla sit excusatio.
- 7 Quòd nullum beneficium, gratiam maiorem exigit, quàm honor.
- 8 Quòd instructio, & disciplina magnos gratiarum accruos sibi vendicat.
- 9 Quòd Magnam is referat gratiam, qui apud virum bonum beneficium collocat.
- 10 Quòd ingrato homini, qui benefacit, sibi efficit.
- 11 Quòd grati animi expectatione, virtus nutritur populi.

- 12 Quòd qui gratus est, fortis item sit, & benignus.
- 13 Quòd ingratus suo se iugulat gladio.
- 14 Quòd cum bono viro, non moriatur, quæ ei debetur gratia.
- 15 Quòd in Bestijs, quasi grata voluntatis sit sensus.
- 16 Quòd ex Gratiarum sinu, nata sit, quæ summa est gloria.
- 17 Quòd Mortui cum externis bonis, non amittant gratiam.
- 18 Quòd in armis vincere munificentia, non minus gloriosum sit, quàm ferro.
- 19 Quòd Grato viro plaris sit gratia, quam vita.
- 20 Quòd Beneficos persequatur gratia etiam mortuos.
- 21 Quòd ne verbum quidem benè collocatum, præmio & gratia sit indignum.
- 22 Quòd in relictis, pro virtute, reniſceat gratiarum gloria.
- 23 Quòd ad popularem benevolentiam, nihil sit Principis facilitate, & gratia accommodatius.
- 24 Quòd nullum maius ad Principem, quàm beneficentia redeat veltigal.

QVOD NON SOLVM RERV
 euentus, sed etiam, sine euentu, ipsi conatus præmio
 sint compensandi. I.



ADMIRANTIBVS nonnullis, quòd quæ res magnæ videbantur, exiguo interdum: quæ paræ, magno à CLEMENTE VIII. sæpè compensarentur præmio: dixit non rebus, sed voluntati, & studio gratiam parem, & æqualem esse oportere. Docuit id aliquando Sibylla Cumana. Hæc enim nouem libros Tarquinio Su perbo obtulit, pro quibus trecentos aureos Philippeos postulauit, Rex abnuic: illa indignata, libros tres in conspectu Regis crema-

cremauit: pro sex reliquis, idem pretium poscens: rursus à Rege contemptui habita reliquos tres exussit, & pro tribus, qui supererant, nihilominus eandem summam poposcit. Hoc testimonio doctus Rex, quod non rebus, sed studio, quo res efferruntur, parem gratiam esse habendam: data pecunia illa, Sybillam voti fecit compotem. Non enim ex librorum interitu, deminuta erat, quæ antè solers eius, & diligens fuerat opera.

*QVOD MINVS SIT PRINCIPIS
beneficio, quàm ferro Superari. II.*



QUEM ADMODVM qui non sunt soluendo, rem differre quotidie solent, & procrastinare: ita qui dubitant, rei quæstionem non solent diluere, sed eius certamen, & discrimen dicendo augere. Cum igitur summis dubijs delibuta sit gratia Principis, interroganti cuidam, quod morbi genus vitare deberet Princeps: ingrati potissimum respondit animi. Nam regium est magis beneficentia, quàm potentia vincere. Quare Pyrrhus Epirotarum Rex, cum in respondenda gratia solertissimus fuit: tum nullam ex re grauius dolebat, quàm si parum alteri, in amore, & officio respondisset. Itaq; cum de morte Æsopi, quo familiariter vsus fuerat, accepisset nuncium: grauius indoluit, non quòd ille de vira migrasset: sed quòd tardior fuerat in referenda ei gratia. Non enim idem est pecuniam, & gratiam debere. Nam illa post mortem hæredibus: hæc non nisi viuentibus reddi potest.

QVOD PRINCIPALI NULLA LABES

*fit minus, quam ingrati animi nota
ferenda.* III.



ST ingrati animi nota, non solum cū dedecore: sed et cum scelere coniuncta. Cuidā igitur interroganti, quid maximè, cauere deberet Princeps, qui omnium optimus habetur, & sapientissimus, vt ne minima, dixit, adsit ingrati animi suspicio. Idipsum Cimōn, apud Athenienses scētiens, etiam in Bestiis, quarum vsus esset opera, post opus, gratissimus fuit. Itaq; Equorum monumenta, quorum opera, victor in olympiacis ludis, coronatus fuerat, iuxta sepulchrum suum, magna impensa, collocari voluit: ne ingratus, vlla ex parte, mutis etiam animantibus haberi posset. Siquidem ingratus, non solum, vt asserit Plautus, improbus est homo, qui beneficium scit sumere, & nescit reddere, sed etiam impius, quia qui naturam violat, fit bestia deterior.

QVOD SINE OPE, FRIGAT IN

miseros verborum consolatio. IV.



TA loquitur, vt in digitis suis singulas causæ partes ex tempore constituere videatur. Inquietabam ibi, vbi opus est facto, rem omnem relanguescere consilio. Testis est Anaxagoras. Hic enim cū iaceret in rerum angustijs, & desperatione: illum Pericles beneuolè monebat, ne se perderet, sed amicis seruaret: cui statim ille, o Pericle dixit, qui lucerna indiget, oleum instillat. Hæc sententia vel in nostrorum hominum animi fixa, qui nihil, præter bona verba, norunt imitari.

QVOD

QVOD BENEFICO NVLLA MERCES
sit vberior, quàm Gratia. V.

VIRTUTEM non solum ministrat, sed etiam ornat lapidissimis suis dictis. Solitus autem est dicere, quæstuosum magis esse dare, quàm accipere. Qui enim dat, facit sæpè dando vt capientem capiat. Graue est, & fide dignum Socratis testimonium. magna quippè diligentia Æschinem discipulum cum instruxisset, nec haberet discipulus vnde persolueret: Socrati, loco mercedis, gratias egit, quòd ei, vbi res tempusq; postularer, semper præsto esset futurus. tum Socrates, reddis, inquit, Æschines gratiam habendo, mercedem cumulatione, quàm arca potest capere, mensura.

QVOD NON RELATÆ APVD
Principes Gratia, nulla sit excusatio. VI.



CVM quidam non restituti beneficij crimen: cum Principe frugalitatis laudibus deprecaretur: dixit nihil esse facilius, quàm apud Principes acceptum rependere gratia beneficium. Nam vt scribit Hesiodus, sicuti Superi. qui maxima, in dies bona largiuntur mortalibus, paruo thure sunt contenti: sic Principes, & magna dando, & parua capiendo lætari solent.



QVOD NVLLVM BENEFICIVM,
gratiam maiorem exigit, quàm honor. VII.



SCISCITANTI cuiusnā sagax, & prudens in referenda gratia, deberet esse excogitatio principis: eius porissimā dixit, qui aliquo collustratus est honoris splendore. ita superior Scipio, Ennio non solum viuo gratiam retulit: sed etiam mortuo. Nam poetæ illius effigiem, in monumentis Corneliæ gentis collocari voluit, vt ei gratiam referret, à quo laudatus fuerat.

QVOD INSTRUCTIO, ET DISCIPLI-
na magnos Gratiarum acervos sibi vendicet. VIII.



NIL est inferta eruditione languidius, tantq; est Gratiarum cum Musis necessitudo, vt diceret eum, qui pro eruditione, gratiam nō rependeret, ingratiorem esse, quàm qui gratias ipsas truculento scelere exulceraret. vix enim vllæ possunt cum institutione, & doctrina, pares inueniri gratiæ. liquet id vulgato Alexandri testimonio. Hic quippè Aristoteli Magistro, & Philippo patri pares gratias se debere dicebat, quòd ab altero vitam: ab altero vitæ ornamenta accepisset.

QVOD MAGNAM IS REFERAT
gratiam, qui apud virum bonum beneficium collocat. IX.



MULTORUM linguam, in ingrati animi turpitudine suffutos, rei exacuat turpitude: interroganti cuidam, quid viro bono in collatione beneficij, maximè

maximè esset metuendum : non impensa dixit est formidolosa, sed ingrati hominis persona. Nam vt Actæon à suis canibus : sic beneficus ab ijs sæpè laceratur, quibus benefecit.

*QVOD INGRATO HOMINI, QVI
Benefacit, sibi officit.* X.



INQVIEBAT Ingratum hominem necario sceleri, nexu & mancipio esse proprium : vsu, & fructu ne suum quidem. Itaq; quoniam beneficium compensat, maleficio, cum sibi officere, qui illi non vereatur prodesse. Elegans est, per viperam, in Symbolis, testimonium. in earum enim genere femella marem admissum, præ voluptate rei Veneræ, mordicus truncat capite : hæc verò deinceps gerens in utero, à sobole, cui vitam dedit, descissa, dum illa per uteri medium prorumpit, miserè interit.

*QVOD GRATI ANIMI EXPECTA-
tione virtus nutriatur populi.* XI.



GRATI animi exemplis, quasi nutrimentis aiebat esse educanda, inter mortales, virtutum studia. Nec enim aliam ob rem Populus, vel Atheniensis publica alimenta, ad extremum vsque vitæ diem mulis decrevit, quorum opera in Hecatumphylo ædificando, vsus esset : vel Romanus Anseres, in honore habuit, quòd dormientibus vigilibus, cum Galli in summum Capitolium perrepissent, clangore Romanos milites excitassent, nisi, vt spe grati animi omnes, ad optimè de patria promerendum, concitarent. Statuit enim P. R. vt in co loco, in poste-

rum magnus anserum numerus, publica impensa aleretur, atq; ad eam rem, Censores inter Publica onera, publicanos primo obligauit.

*QVOD QVI GRATVS EST, FACILIS
item sit, & benignus. XII.*



VM omnium aures sitientes expleat plurima eruditionis iucunditate, tum interroganti quid primum viro grato esset difficile, beneficij dixit obliuisci: deinde quid facile, iniuriæ respondit, non recordari. Præclara verò vox, & æternitate memoriæ digna. exemplum verò in Cæsare minimè contemnendum. Hic enim captis, apud Pharsaliam Pompei Scrinijs, epistolas omnes inclusas, bona cremauit fide, nulla earum lecta, ne timor in vrbe recrudesceret vindictæ. Maluit igitur, qui essent inimici ignorare, quàm sui metu inimicos sollicitare.

*QVOD INGRATVS SVO SE
ingulat gladio. XIII.*



QVIEBAT ingratum hominem, suo se artificio eruditum perdere. quare ex omni salutis spe expulsus est, & eiectus. falsè id loquitur hic Apologus. Cerua quondam venatores fugiens, sub vite deliuit. cum autem ex eorum selesu, se in tuto esse existimaret gratiarum loco, pampinis se ingurgitare cepit. at statim conuersi venatores, & quod res erat arbitrati, spiculo ceruam traicerunt. Tum illa moriens, qui nocet, dixit, de se benemerentibus, se ipsum prodit. Nam ingrati animi lues fontem exhaurit pietatis.

QVOD

QVOD CVM VIRO BONO, NON
moriatur, quæ ei debeat gratia. XIV.



NIL apud antiquos, maiori cura, & cogitatione Seruabatur, quàm gratia. Ipse verò inquit bat gratiam nescire mori: solamq; viro bono post mortem esse superstitem. Hoc ipsum ite cum silentio, loqui videtur vrbs Athenarum.

Hæc enim mortuo Aristidi, Gratiam reservauit. Nam filias eius honestè dotatas, ex publico Palatio ad virorum ædes deduxit: Lysimacho autem filio centum argenti minas, & totidem agri iugera, quadragintaq; dragmas in singulas dies, vnde viueret, contulit.

QVOD ETIAM IN BESTIIS,
quasi gratæ voluntatis sit sensus. XV.



CVM nihil videatur natura, turpius ingrato homine euomere, atq; foras proijcere: tum ille solitus est dicere ingratum hominem, fera bestia ideò esse deteriore: quòd etiam in feris bestiis sensus aliquis resideat quasi gratæ voluntatis. Insigne est Elephantis exemplum. Nam cum Pyrrhus in urbem Argos irruisset, Elephas in ipso vrbis ingressu, magistrum à quo regebatur praesens interemptum: cuius dolore percitus, sine discrimine amicos, hostesq; urgendo in exercitum progressus; non prius destitit, quàm Magistri cadaver adinuenit: quod proposside, ac dentibus captum retro in tutum ab hoste locum retulit.

*QVOD EX GRATIARVM SINVA-
ta sit, quæ summa est gloria. XVI.*



RES est cælo, & hominibus iucunda, grati animi voluntas. Quare solet dicere eum, qui gratus est, Numen potius, quàm nomen inter mortales, possidere virtutis. Itaq; singulari, & propè diuina colitur obseruantia. Gratus fuit T. Flaminius: nō ingrata in eum ipsa Græcia. Nam post Philippum Regem victum, vbi Græciæ populis, quorum libertatem Macedonum Rex oppresserat, pristinum fortunæ statum, publica Præconis voce restituit: tantus populi clamor, in eius honorem est in cælum elatus, vt aues supernè volantes, ad terram deciderint. Quin multò maiora etiam grati animi argumenta extiterunt. Nam Chalcidenses diu, in eo perseuerarunt, vt nulli Deorum, templum, nisi Flamminij nomine apposito, dedicarent, vt Herculi: Mineræ: Neptunoue, & Flamminio sacrum inscriberent.

*QVOD MORTVI CVM EXTERNIS
Bonis, non amittant Gratiā. XVII.*



NON potest, inquiebat, Mors benè merenti lucem gloriæ eripere, & quasi noctem quandam eius splendori offundere: viuit enim continenter beneficij memoria in eorum animis, qui beneficium acceperunt. Testis est ille Romanarum Mulierum luctus: quæ Iunium Brutum, ob Lucretiæ violatam pudicitiam, insigniter vindicatam, annum integrum luxerunt. Testes sunt fumosæ illæ Heroum imagines, & statuarum conflatæ, ac deniq; Panegyrici aliorum sæculis conscripti.

QVOD

QVOD IN ARMIS VINCERE
munificentia, non minus gloriosum sit, quàm
ferro. XVIII.



RATIONEM præcipitem ex sua sede, inquit
bat ab eo exturbari, qui ex bello gratiam extur-
baret. cò quòd, in armis non magis de iniuria:
quàm de grati animi gloria, sit confligendum.
Id etiam Demetrius Asiæ, & Ptolemæus Ægypti Reges, po-
steris testatum reliquerunt. Nam cùm inter virumq; bellum
conflatum esset capitale, belli ramen iura vterq; conatus est
summa beneficentia, non solum honestare: sed etiam alter al-
terum superare. Itaq; Ptolemæus cùm Demetrium prælio
vicisset, cumq; impedimentis spoliasset, illi Regiam, tento-
rium, cum alijs opibus, captiuisq; charioribus remisit, non-
cians inter se de gloria, non de opibus certamen esse. Pro-
lemæo autem Demetrius cùm gratias egisset, respondit Deum
se magnopere orare, vt cito parem ei gratiam pro accepto
munere, posset referre. Nec multò post Demetrius Cilem
Ptolemæi Ducem collatis signis superauit, quem captum,
cum omni aliorum captiuorum manu, donò Regi remisit.

QVOD GRATO VIRO, PLVRIS
quàm vita, sit ipsa Gratia. XIX.



QVONIAM non procacitate linguæ, sed pluri-
mo rerum discrimine, vitæ sordes eluuntur, so-
litus est dicere, illum nullam habere amici-
tiæ gratiam, cui potior sit vita, quàm gratia.
Sapienter ille quidem. Testis est, per Antiochi Regis equum,
ipsa natura. Siquidem Centauretrus Gallata cùm Regem An-
tiochum,

ciochum, in praelio occidisset, exultans gloria, Regis equum conscendit, verum ubi equus tergo suo domini hostem insidere sensit: statim frænum momordit, atq; citato cursu ad eminentissimum saxum contendit: ab eoq; ut Domino mortuo gratiam referret, se, & insidentem simul hostem præcipitavit. eaq; re docuit, antiquiorem mortalibus grati animi voluntatem esse oportere, sine vita: quam vitam, sine grati animi voluntate.

QVOD BENEFICOS PERSEQVATVR
gratia etiam mortuos. XX.



INQVIEBAT tantam vim esse gratiæ, ut quæ honorum insignia, in Imperatorum triumphos essent constituta: ea in relictorum funera, non veritus sit Populus Romanus exprimere. Enituit hoc animi grati specimen erga Q. Fabium Max. Nam cum quinq; Consulatus benè beateq; administratis decessisset, certatim æs contulit, quò maior ac speciosior, eius funeris pompa duceretur. ex quo non difficile est cognitu, optimum quemq; gloriosius sepeliri, quàm ignavos vivere.

QVOD NE VERBUM QVIDEM
benè collocatum, præmio, & gratia sit indignum. XXI.



QUÆ AD MODVM oratio mores effingit hominum: ita morum commendationem habet grati animi voluntas. Inquiebat igitur nullum verbū, apud Principem benè collocatum, sua vacare mercede, & gratia. Non minus graue quàm laudabile est Philip-
 pi

pi Macedonum Regis Testimonium. Hic enim cum, in sub-
hastatione quorundam captiuorum, spectator esset, veste su-
pra genua collecta sedens: tum captiuorum vnus exclamauit
iura à Philippo violari amicitiae, quod eius amicus esset filius.
petijt Philippus vt nomen exprimeret: respondit captiuus ei
soli se dicturum. vicinior igitur factus, vestem, ait, ò Rex,
quam supra genua collegisti, dimitte: neq; enim ita sedendo
deorem seruas. Hoc verbo audito Philippus, vt amicæ admo-
nitionis gratus esset, captiuum statim, veluti amicum libe-
rauit.

QVOD IN RESTINCTIS, PRO
virtute reuiuifcat gratiarum gloria. XXII.

QVOD gloriæ principium, ex Gratiarum fonte
trahitur, etsi neq; inuenire, neq; euoluere exitum
quis potest: summum tamen viro forti, inquit
bat, deberi Gratiae ornamentum. Nam qui
pro publica vtilitate, vitam contemnit, is villicus sit publicæ
laudis, & gloriæ. Quod cum sentiret Solon, legem tulit, vt
qui in bello occubissent, præmijs honoribusq; eorum filij
publicè alerentur, & instituerentur. Romanorum autem le-
gatis, qui à fidenatibus occisi erant, ex Senatusconsulto,
quia ob Remp. occubuerant, statuae pro
Rollris, posita fuerunt.



QVOD AD POPVLAREM BENE-
uolentiam, nihil sit Principis facilitate, & gratta
accommodatius. XXIII.



D Interitum, exitiumq; ciuilis discordiæ, nata
est in Principe gratia, & morum. facilitas. Qua-
re id frequenter in ore habebat, & sermone: po-
pularis quietis officinam esse Principis benigni-
tatem, & gratiam. Nam, vt serenum quietumq; cælum, ma-
ria omnia reddit tranquilla, & pacata: ex eoq; cessant omnes
fluctuum tempestates, & procellæ: sic ex Principis fronte fere-
na, ciuium omnium placantur animi, & ex communi spe,
omnium concordia augetur.

QVOD NVLLVM MAIVS, AD
Principem, quam beneficentiæ redeat
vectigal. XXIV.



CISCITANTI cuidam quod opimum Prin-
ceps, ex ciuitate caperet vectigal: quod populus
respondit, pendit potius ex honore, quam ex
onere. Idipsum patet, & Tiberij Cæsaris, & Ale-
xãdri Magni testimonio. Ille enim vrgentibus amicis, vt pro-
uinciarum augeret vectigalia, dixit esse boni pastoris tondere,
non deglubere oues: Hic cùm accepisset longè vectiga-
lium plus à ciuitatibus exigi posse, odi respon-
dit olitorem, qui radicitus herbas
excidat.

DE VERITATE

TITVLVS XIII.



VERITATIS prouincia, vt ait Philo est terra: cœlum veritatis domicilium. Illius fame, & fama mortales: huius nectare, & ambrosia victitant superi. itaq; vt lapis Lydius aurum indicat: Sic hominum virtutem, omnipotens veritas. Nec verus quis habetur iuris, & iustitiæ minister, nisi qui censetur abdita, & retrusa intelligere: æqua & iusta operari, atq; vera potius loqui, quàm grata. Veritas enim res est omnium iustissima: dixi quasi validissima. Nam sola omnes humanas cogitationes superat. Ego igitur, quia suauius semper esse duxit vera dicere, quàm audire, eius de veritate sapienter dicta, in hunc ordinem congeffi. **Q**uanti autem sit veritas non solum testis est locupletissimus sapientiæ hic Antistes, sed etiam Antiquitatis Decus Pythagoras. Interrogantibus quippè aliquando amicis, quid mortales Deo faceret similes: veritas respondit. Nihil enim est Deus, nisi lumen ipsum veritatis. Huc pertinet Magorum auctoritas. Nam illi maximum Deorum, quem Oromagden vocabant, corpore quidem asserabant esse luci similem: anima autem veritati. veritas enim obscurissimam mendatij noctem pællit, eiusq; veluti quodam Sole illuminantur rerum omnes tenebræ. Quapropter veritati famulatur prudentia, eiusq; ministræ sunt omnes scientiæ, & artes ingenuæ. Testis est grauissimus, Senator **L**AURENTIVS Pola, cuius in fide, probitate, atq; consilio, tanquàm in sua sede, & domicilio ius omne quiescit, & veritas: quæ in sapientissimo eo Senatore multò est ad imperij incolumitatem, quàm Herculis clara validior.

Nam

Nam Hercules nullam vnquam Clauæ vtilitatem accepit, si-
ne pugnae incendio: LAVRENTIVS autem Pola pluri-
ma iulitix, & veritati commoda attulit etiam non pugnan-
do. Ad veritatem autem tutandam, cuius in claustris ars om-
nis habitat, & doctrina, quia nihil est indifetra oratione lan-
guidius, eam dicendi artem sibi comparavit subsidio, vt nihil
pro communi vtilitate, consueuerit orare, quod statim etiam
ab inuito populo, non videatur exorare. Multò quippè maior
est, in publici muneris, & officij administratione, eloquentiæ
vis, quàm aut in bello armorum, aut in orio, & pace, litera-
rum. Cùm enim nulla ferè res sit, quæ quasi mendacij non
aspergatur maculis, vix vlla est aut rei, aut suspicionis infir-
mitas, cuius medicina non sit, in veritate posita. Sed multa
sunt ex sapientissimo eo Principe monimenta veritatis, cuius
loci, & quasi Apophthegmatum notæ hæ sunt.

- 1 Quòd veritatis fucus non sit à Principe ferendus.
 - 2 Quòd Principi nullus sit, veritate incundior nuncius.
 - 3 Quòd Res sit insidiosa veritati opinio.
 - 4 Quòd Res sit gloriosa, rara tamen veritas.
 - 5 Quòd Principis sit non verisimilia, sed vera sequi.
 - 6 Quòd Imperium cedat veritati: non Imperio veritas.
 - 7 Quòd aut Metus, aut periculi gratia, quæ data est fides, non
sit deferenda.
 - 8 Quòd Res sit perfida ambitio.
 - 9 Quòd fraudulentæ fides, non sit fides.
 - 10 Quòd res sit suspecta, hominum fides.
 - 11 Quòd in ludicio mendacium veritati cedat, non veritas men-
dacio.
 - 12 Quòd veritas non alia, alijs sit temporibus.
 - 13 Quòd virtutes omnes, in certatis claustris teneantur inclusa.
- Quòd

- 14 *Quòd sine Veritatis luce, intermoriuntur artes omnes & scientia.*
- 15 *Quòd Res sit inuentu difficilis Veritas.*
- 16 *Quòd suadendi Vis summa sit in Veritate.*
- 17 *Quòd Humana consunctoris nodus, una sit Veritas.*
- 18 *Quòd Veritas ad Principem maximè pertineat.*
- 19 *Quòd Veritas equè mente, atq; oratione loquentis sit depascenda*
- 20 *Quòd non debeat esse venalis, sed gratuita Veritas.*

QVOD VERITATIS FVCVS NON
Sit à Principe ferendus. I.



ETSI res est tam latens, & reclusa veritas, vt Argum etiam sapè fallat; solitus tamen est dicere, putidum esse Principi, non modo dicere, sed etiam audire, quod à vero sit alienum. audire enim qui non recusat, facit audiendo, vt animi nexos, & rationis nubes auras auribus hauriat, seq; alterius mendacii plurimis aspergat maculis. Mentiri autem est peruersitatis; mendacium effurire inscitæ. illud enim est callidi, & veteratoris: hoc creduli magis, & inconsideranti animi.


QVOD PRINCIPI NVLLVS VERI-
tate iucundior sit nuncius. II.




VERITAS olim filia, siue hæres effingebatur temporis, quo nihil est neq; potentius, neq; sapientius: cuiq; parere semper sapientis est habitum. interrogatus igitur cuius rei, Principi iucundissimus affertur posset nuncius: veritatis respondit. Nam quæ auditu sunt iucunda, sordent omnia sine veritate: quæq;

sunt honesta, sine veritatis nervis, & viribus flaccescunt omnia. itaq; nec ars, nec scientia quicquam perhorrescit magis, quàm non obsequi veritati. Hac igitur, vt docet Isocrates, sic debet oblectari Princeps, vt cuncti intelligant, iniurato Principi potius, quàm priuatis simul omnibus iuratis fidem, esse adhibendam.

QVOD RES INSIDIOSA SIT
veritati opinio. III.

 VOD arte fieri debet, id inani opinione tentandum non est. Interrogatus itaq; quid suo maximè noceret auctori: ea respondit, quæ non ex veritate, sed ex cæduca, & fallaci opinione sumitur deliberatio. Loquitur id Ixionis fabula. vt enim hic pro Iunone, quàm perditè amabat, nubi se commiscuit, & ex ea Centauros genuit: sic mendacium imaginem induens veritatis, monstra sæpè parit horrenda, & nunquàm ferè auctori suo non ignominiosa.

QVOD RES SIT GLORIOSA:
Raratamen veritas. IV.

 OTA vrbs, hac eius voce sæpè percrebruit, paucorum esse veritatem aspicere: multorum despicere. altero ignaros: altero in omordit improbos: vtroq; difficultatem culpauit veritatis. Hæc autem quantæ difficultatis sit; ex hoc vno fas est intelligere: quòd Heraclitus Aram veritatis, in Antro: Democritus, in puteo latitäre affirmat. Nam ex eo intelligimus, hominum mentem non ante ad veritatem penetrare, quàm ad intimas, & obscuri.

obscurissimas rerum causas sit immersa: pluraq; videat, quàm Sol ipse oculus mundi, vnquam viderit. Duce igitur veritate, non solum tollitur errorum infamia: sed etiam crescit virtutum omnium cohors, cum gloria.

*QVOD PRINCIPIS SIT NON
Verisimilia: sed vera sequi. V.*

QVONIAM quæque virtus, in Principe efflorescit ingenij laudibus, inquebat non esse Principis verisimilia: sed vera sequi. Etenim neq; prudentiæ astutiæ: neq; fortitudini audaciæ quicquam est similius, & tamen nihil est ijs magis renitens, & controuersum. Quare omnes doctrinæ alumni, de veritate in circulis degladiantur. Nam virescit argumentorum vulnere veritas, elucescitq; disceptationum ventis agitata. Hanc tueri proprium est Principis. Etenim non magis fides, sine veritate: quàm societas humani generis, sine fide, potest consistere.

*QVOD IMPERIVM CEDAT VERI-
tati: non Imperio veritas. VI.*

QVM ad dignitatem cuiusdam, qui promoueri ardebat desiderio, eblandira essent, non enucleata suffragia: dixit Candidatum perbellè egisse cum Collegio: pessimè verò collegium cum Principe: quoniam minimè sit Principis, fidem fallere. monuit ipsum aliquando Macedonum Rex Alexander. Nam cum Parmenio quippiam suadet Alexandro, quod præter fidem ac decorum esset, inculcassetq; sapius facerem si essem Alexander: & ego respondit Rex, si essem Parmenio. Nulla

vtilitas Principi : nulla potentia : nulla victoria tanti esse debet, quæ cum fide, & veritate æquari, aut conferri potest. fides enim, & iusiurandi sponsores vocantur superi.

QVOD AVT METVS, AVT PERICULI gratia, quæ data est fides, non sit deferenda. XII.



TSI ad optatos exitus, res non prouehitur: illam tamen dicebat nec vi, nec metu extra fidei cancellos debere detrudi. Non minus præclarum, quàm verus est, apud Romanos M. Atulij testimonium. Hic enim ex seruata fide, tantam consecutus est gloriam: quanta ei vix exæquari potest vllus victoriæ triumphus. Nam datam hosti fidem maluit, quàm sibi vitam incolumen seruare inuiolatâ. Quanquam tamen pro comperto habebat, quantus sibi ad næcem, futurus erat cruciatus.

QVOD RES SIT PERFIDA ambitio. XIII.



VAMQVAM perfidum execrantur, eiq; malè precantur omnes: dicebat tamen, in nemine fidem magis desiderari, quàm in eo qui fertur duciturq; inanis gloriæ aurâ. Nam quid à fide magis alienum esse potest: quàm propter ambitionem à seipso deficere, nec stare naturæ promissis? Sceleratum est in ambitione perfidiæ: vtile tamen exemplum. Non enim solum Gener Tarquinius superbus Soceri: sed etiam eius vxor Tullia patris sanguine iura cruentauit naturæ. Nam ille à Genero Tarquinio: est per insidias occisus: illa in patris iacentis cadauer, sceleratè Carpentum egit, vt virum suum Regem saluaret.

ex quo intelligimus, quàm minimè tuta sit ambitiosis fides: quando ex sanguine etiam domestico ipsa exulet.

*QVOD FRAVDVLENTA FIDES,
non sit fides. IX.*



ONSPERSA quasi verborum, sententiarūq; floribus cū sint tanti Principis dicta: tum hoc vnum, non minimum habet ornamenti: talis plurimum. Inquebat fidem, non fūco, vt res cæteras, commendari: sed statim restringui, & deleri. itaq; vt refert M. Cic. ab ijs cauendum est, qui cū maximè fallunt, id agunt, vt boni viri videantur. Plena sunt nostrorum temporum exempla: sed priscorum memoriam malo refricare. Thraces, vt Ephorus scribit, cum Boetijs inducias certo dierum numero pepigerant: noctu, cū illi in tuto se esse existimarent, agros eorum populabantur. At cū illi violatam fidem conquererentur: negarunt se perperam egisse, cū induciæ dierum pactæ essent, non autem nocturnæ. Sed non agit ex fide: qui agit ex fide fucata.

*QVOD RES SIT SVSPECTA
hominum fides. X.*



VAMQVAM in fide domus est virtutis, & domicilium gloriæ, interroganti tamen quæ fides, in rebus magnis, & periculi plenis, amicis esset habenda, dubia respondit. Nam fides neminem adeò fallit, quam eum, qui sibi plurimum tribuit. Alcibiades igitur iudiciū patriæ refugiens, interroganti cuidam an non fideret intimorum iudicio: ego respondit, ne patri quidem haberem fidem. vereret enim ne insciens pro albo

calculo, nigrum immitteret. Nec multum ad rem facit hominum iuramentum. Nam probis iniuratis habenda est fides: improbis ne iuratis quidem.

*QVOD IN IUDICIO MENDACIVM
veritati cedat, non veritas Mendacio. XI.*



VDAM inquebat esse ab omnibus prædijis, in foro, accusationem, sine veritate: Leue, & nugatorium patrociniū, quod reclamare, non parere videtur veritati. Non enim succumbit in iudicio veritas mendacio: sed mendacium veritati. celebris & peruagata est, de ea re fabula. Nam quorsum Dædalicus ille Labyrinthus, in quo Minotaurus à Theseo occisus est? Non plures sunt eius labyrinthi, quàm mendacij anfractus, ex quibus egressum sola nouit inuenire veritas. Ab ea non Minotaurus: sed Rabula tanquàm à Theseo superatur: ac veluti quoddam naturæ monstrum, plurimis in iure, plagis laceratum dirimitur mendacium.

*QVOD VERITAS NON ALIA,
alijs sit temporibus. XII.*



VIA, puto, veritas finem, & modum nescit transire æquitatis, solitus est dicere veritatem, neq; prospero rerum flatu trahi: neq; earum ventis resstantibus retrahi: sed eundem semper cursum tenere boni, & æqui: nec alio loco, aliam esse. id apud veteres bellè notatur per fabulam Arethusæ. Nam quorsum quòd Alpheus Nympham eam, vt volunt Poetæ, sic amauit, vt etiam in fontem commutatam, aduersus æstus maritimos tu-

tò sit securus? res est plena ingenij: doctrinæ minimè inanis. est enim veritas æquiritatis non solum ministra, sed etiam pedissequa, faciliusq; mori potest, quàm ab ea reuelli. Alpheus quippè fluuius, mare subterraneo cursu trajicit, ne vndas suas cum marinis misceat. Sic putus, Synceusq; iuxta Syragulas vberrimo aquarum gurgite, cum Aréthula fonte emergit. Hoc argumentum dedit fabulæ: ex qua intelligimus veritatem non turbari ex rerum procellis: eamq; obscuro aliquo mendacio posse oculi: pollui, & contaminari minimè posse.

QVOD VIRTUTES OMNES IN
veritatis Cancellis teneatur inclusa. XIII.



INTERROGANTI cuidam, quibus scientiarum claustris, vniuersa Europæ Gymnasia tenerentur inclusa: veritatis respondit. Nulla enim virtus est, neq; in cognitione: neq; in actione: nec deniq; in hominum ore, & sermone, quæ veritate potest vacare. Nam cum natus sit homo potissimum ad agendum, & intelligendum: hominis vita omnis, & industria in inquisitione, & inuestigatione veri videtur esse posita. Quare quemadmodum Nilus fluuiorum omnium, in Ægypto Rex, & Imperator, imbrium loco terram reddit facundam: ita qui Reip. campus inundatus est veritatis fluctibus, feracissimus redditur virtutum omnium. Etenim sola veritas men-

tem scientia: voluntatem virtute, ac deniq;
orationem sinceritate potest cumulare, & ornare.

QVOD SINE LVCE VERITATIS
*intermorianatur artes omnes, & scien-
 tia.* XIV.



QVEMADMODVM inquiebat, quæ viuunt in terris, omnia ex sole viuendi vim habent: ita ex veritate, artes: scientiæ: actionesq; omnes non solum sui primordia, sed etiam gloriæ suæ ornamenta trahunt. Nec alia de causa, puto, veritas à Poëtis censetur esse temporis filia, & Musarum parens. Est enim non solum virtutum procreatrix, sed etiam gloriæ eius, qua ducuntur omnes, alumina. Si igitur pare est rationi, vt quæ virtus plus potest, alijs imperet, omnium imperatrix oportet sit veritas: Siquidem in difficultate robur virium cedit orationi: oratio menti: mens autem veritati.

QVOD RES SIT INVENTV
difficilis veritas. XV.



DISCITANTI cuidam, quid inuentu esset difficile: veritas respondit, cuius ars tantum est inuestigatrix, semita prudentia, lampas vero scientia. Itaq; à Græcis Dea est constituta, atq; *ἀληθεια* vocata: cuius hæc, vt Philostratus in Amphiarao scribit, spectabatur imago. Mulier niueis induta vestibus, quæ virtutis esset mater, filiaq; temporis, cuius ara in imo latebat putei. Dea autem iccirco, puto, ab illis constituitur, vt docerent orbem terrarum veritatis non esse domicilium: sed cælum: illamq; ab errantibus mortalibus exulare: atq; in sinu, & gremio tantum bonorum habitare.

QVOD

QVOD SVADENDI VIS SVMMA
sit in veritate. XVI.



MULTA opinionis errore sibi fingere solent, qui ad suadendum, colorem, non admittunt, sine fuco orationis. consuevit igitur dicere optimam, artem suadendi, & magistratam esse non Rhetoricam, sed veritatem. Hæc enim, quia nullo negotio fidem facit, ab antiquis Mercurij coniunx est habita, eamq; Ægyptij in Mercurij Sacrificijs, melle, & sicu honestabant, exclamantes *γλυκὴ ἡ ἀλήθεια*: hoc est dulcis veritas. Mel enim liquorum: ficus fructuum omnium ex amarissima planta, est suauissimus. Mel quippè non solum nutrimenti vim habet, sed etiam medicinæ: nec prodest modo viuis, sed etiâ mortuis, quia suo liquore delibuta, incorrupta seruat cadauera: atq; ut ficus sine flore fructum: ita veritas fidem, sine apparatu facit verborum.

QVOD HVMANÆ CONIUNCTIONIS
modus una sit veritas. XVII.



CV de fædere humanæ coniunctionis fortè ageretur: interrogantibus quibusdam quod ætissimum esset humani generis vinculum, veritas respondit. Nam si neq; fides sine veritate: neq; sine fide societas humani generis stare potest, quid est in humana societate, dixit, quod veritati non debeat acceptum referre? ita quippè vniuersæ Reip. virtutes, cum veritate tenentur connexæ, ut nulla ante vulnerari possit, quàm non eius cruentè vulnere veritas. In omni igitur rerum administratione, summa hæc est, ut veritas, quemadmodum trito fertur sermone prouerbio, prora sit, & puppis. Nihil enim est extra veritatem, quod non veluti quodam æstu absorbeat naufragij.

QVOD

QVOD VERITAS AD PRINCIPEM
maximè pertineat. XVIII.



EC fabulæ, nec Apologi mentiuntur. Aliud enim est artificio: aliud mendacio uti. Nam si neq; ars potest errare: neq; mendacium consistere sine errore, nemo Poësim artem vocat, qui fabulas, & Apologos cum Poësi non vendicet ab omni suspitione mendacij. Nec Plato ille diuinus aliam ob rem, suos libros referfit fabulis, nisi quia fabulæ non ad restinguendam, sed ad illuminandam veritatem, pertinent. At cùm illæ tribuantur Poëtis: Phisicis medicina: Patronis iurisprudencia, cuidam quærenti, quænam virtus potissimum tribueretur Principi, veritas respondit. Eius enim cùm sit in omnium rerum conflictu, & controuersia de veritate iudicare: id nunquàm præstabit, nisi veritatis sensus omnes sic teneat, vt iugulata apud alios veritas, possit ex oris eius spiritu reuiuiscere, atq; depressa caput attollere. Quemadmodum igitur cognoscitur avis ex cantu: ita est Principis vnumquenq; inter mortales, ex sua voce cognoscere.

QVOD VERITAS ÆQVE MENTE,
atq; oratione loquentis, sit depascenda. XIX.



VONIAM falsitas, nec in simulationis, nec in dissimulationis artificio diu scit latere: sed statim ipso veritatis splendore, fallaciarum elucescunt tenebræ: inquit nihil neq; veritati magis esse consentaneum: neq; mendacio quicquam esse renitentius, quàm vt menti patet esset oratio. Nam si mentiri est contra mentem loqui, non potest

testis non iniuriam inferre veritati, qui etsi verum quod est dicit, id tamen minimè credit. Elegans & euidentis est veritatis in Hieroglyphicis ratio: tacita, non contumeliosa mendacij accusatio. Nam cur Ægyptiorum Sacerdotes, Hieroglyphicum veritatis fecerunt pomum persicum, vna cum folio adhærente? in hoc Symbolo veritatis, non solum adiumenta sunt ingenij, & recunditæ doctrinæ, sed etiam ornamenta dignitatis. Nam cum Pomum illud veluti quoddam specimen habeat humani cordis: foliumq; eius linguæ formam præ se ferat: hanc videtur vtriusq; coniunctio veritatis legem sancire mortalibus, vt non aliud in ore prumptum, aliud in pectore clausum habeatur, quorum in vtroq; succus, & sanguis residet veritatis.

*QVOD NON DEBEAT ESSE
venalis: sed gratuita veritas. XX.*



SOLITVS est in foro Doctores, auri, non veri cupidos, Battos nō suo, sed alieno nomine vocare. Nam qui aurum in causis, non fidem sequuntur: ij, sicuti in fabulis Battus, non sunt iudices veri: sed indices auri. Nota est Lydij lapidis fabula. Niuea est veritas: non inaurata. auro enim non inuestigatur, sed constupratur veritatis integritas. Testis est, Apud Poetas, Danae Nympha, quæ auri cupida, à Ioue in aurei imbris effigiem verso, est compressa. Nihil est, ne longè abeam, in publica rerum administratione, laudabilius veritate. Nam quantum veritas vnum quodq; vel respuit, vel admittit: tantum id omne, aut renitens est, aut adhærens virtuti: qua terminatur rerum omnis doctrina, & morum simul probitas.

DE CLEMENTIA

TITVLVS XIV.



ANSVETVDINEM qui violat, non tam procul videtur ab hominis natura recedere: quàm propè ad immanissimæ bestię feritatem accedere. atqui etsi nihil est humanitas sine misericordia, nisi feritas quædam vocata humanitatis nomine, difficile tamen est simul misereri, & sapere. Siquidem nescit, aiunt, neq; iustitia peccati impunitatem: neq; misericordia supplicij cruciatum pati. At longè alia est rationis auctoritas. Nam & iustitia misericordiæ, & Misericordia iustitiæ expers, non solum deserit, sed etiam amittit nomen virtutis. Solet igitur ille Principis eius laudare clementiam, qui cùm improbis parcat, non officit viris bonis: nec eius iustitiam improbare, qui malit, ex improbis bonos viros, commiserando reddere: quam ipsos improbos puniendo, perdere. Hac vna virtute potissimū ALEXANDER Ruidius summis laudibus in cælum effert Card. P. ALDOBRANDINVM, nec quidem sine consilio. Nam quemadmodum, qui aliqua crudelitatis macula est contaminatus, plurimis maledictis laceratur inter mortales: ita haud cuiusquàm Principis in imperio, clarior elucescit gloria, quam eius cuius pietate, & beneficentia, sceleratorum nefaria flagitia, non ferro & flamma, sunt restincta, & delata. Ut enim Ilij incendium, non est victoriæ vexillum: sed flagitij dedecus, & supplicium: ita sceleratorum medicina in Principe, non sceleris habet infamiam: sed Principis gloriam. Ex hac autem virtute ad splendorem tanti Principis, accedit etiam summi Senatoris RVIDII auctoritas, qui

qui ornamentum est sui ordinis; eximium patriæ decus, atq; exemplar veræ germanæq; iustitiæ, & pietatis. In eo quipè dum iuris, & iustitiæ fuit aduocatus, tanta semper fuit auctoritatis acies, tot virtutum ornamenta, tam singularis dignitas, ut eum omnes, non ut curiæ aduocatum, sed ut iustitiæ, & æquitatis propugnatorem acerrimum suspexerint: nunc deum, non ut Senatorem aliquem, sed ut ornamentum, ac summum præsidium Senatorij ordinis colant, & obseruent. In quo, etsi non parum summæ eius virtuti: plurimum tamen eius sanguini, & generi tribuo. Testis est, ne altè repetam, CÆSAR Ruidius frater, qui vix adulta adhuc ætate tantâ virtute floruit, ut in eo, si fas est, quod sentio, vel potius, quod omnes loquuntur, dicere, videretur eloquentia Demosthenis: Platonis ingenium: Aristotelis doctrina, ac deniq; ars omnis vno societatis vinculo teneri inclusa. Itaq; à Rege Catholico, in Ticinensi Gymnasio, ad summum honoris gradum, in Philosophiæ penetralibus interpretandis euectus, ita se gessit, ut Regiæ dignitati, in eo munere, gloriæ plus attulerit, quàm ex ea dignitate acceperit. Nam si à Grecis vniuersis Pythagoras Samius, in cælum, effertur laudibus, quod ex Ægypto artes liberales in Græciam aduexit: quibus gloriæ insignibus dignus est CÆSAR Ruidius, qui non artes, non Philosophiam, sed artium, & philosophiæ magistros, non ex Ægypto, sed recundita, & admirabili disciplina, quasi traxit de cælo? Multi fuerunt in vno Ruidio Pythagoræ. Nam quid fecit apud Græcos Pythagoras, quod nō multi fecerunt illius disciplinæ alumni? Dum adfuit RVIDIVS, suus fuit Ticinensi Gymnasio Pythagoras, qui ut Ægyptius rerum diuinarum habuit cognitionem: qui ut Chaldeus, Syderum tenuit Curfus: qui ut Græcus, aut potius, ut alter Galenus, artem Medicinæ multis scientiarum dotibus locupletauit. Multum An-

tiq̃uitas debet Pythagoræ: plurimū hęc nostra ætas RVIDIO. Nam ille rudimenta solum reperit Philosophiæ, hic summa inuenit doctrinæ eius fastigia: inuentaq; illustrauit, & illustrata, publicè palamq; non sine plurimo auditorum faustu docuit. quod si igitur gloriatur Græcia suo Socrate, quia omnium primus eam Philosophiæ partem, quæ in morum est probitate, peperit: Cur suo Italia, non glorietur Ruidio, qui in omni genere Philosophiæ, aut noua inuenit, aut inuenta ab alijs, auxit, vel deniq; aucta meliora fecit? Socrates emendabat Græciam: Socratem Ruidius. frater autem eius ALEXANDER. quod Baldus: quod Decius: quod deniq; Summi sapientiæ antistites, memoriæ prodiderunt, id omne mente, & animo deuorauit. Quare is, virtutis, & gloriæ dignitatem, qua Cardinalis ALDOBRANDINVS vulgo celebratur, facile suo auget testimonio, & auctoritate. Quæ autem, in hoc virtutis genere, carptim collegi, ex summo eo Religionis Antistite, Apophthegmata, eorum, veluti quædam notæ hæ sunt.

- 1 Quòd clementia virtus sit regia.
- 2 Quòd belli ius, Principis clementia, erga Principem sit depascenda.
- 3 Quòd Belli ingressus acer, & acerbus: clemens laudetur exitus.
- 4 Quòd gloriosius delicta à Principe curentur venia, quàm pœnâ.
- 5 Quòd clementia, veluti quidam cibus sit regia gloriæ.
- 6 Quòd pugna audacia: victoria ornamentum sit clementia.
- 7 Quòd Mansuetudinis nomen. Principi sit gloriosum: res verò necessaria.
- 8 Quòd clementia declarationem habet sapientiæ.
- 9 Quòd mansuetus Princeps maiora præset tolerando: quàm reni-
tendo.

Quòd

- 10 Quòd in clementia ambitu, incolumnitas clausa sit Imperij.
- 11 Quòd Principi, res sit non tam detestabilis crudelitas: quàm gloriosa mansuetudo.
- 12 Quòd post Religionem maximè laudetur, in Principe clementia.
- 13 Quòd ex aliena culpa, efflorescat Principis clementia.
- 14 Quòd non sit ad culpa supplicium properandum.
- 15 Quòd Hostis Vincendus, ac vinciendus sit clementia.
- 16 Quòd nemini magis, quàm improbo debeat venia.
- 17 Quòd iuris alumna, & iustitiæ socia sit clementia.
- 18 Quòd clementia, licet fauceat turpibus, impatiens sit turpitudinis.
- 19 Quòd in clementia tutela, ars resideat imperandi.
- 20 Quòd errantibus Asylum sit Principis misericordia.
- 21 Quòd ad clementiam, duo faciant ira remedia.
- 22 Quòd vir mansuetus aduersus omnes offensiones, sit armatus.
- 23 Quòd abiectis, & supplicibus spes non sit fallenda.
- 24 Quòd clementia Principis, popularis gratia sit socia.

QVOD CLEMENTIA VIRTVS
sit Regia. I.



SOLITVS est dicere clementem principem, non solum non lædere, sed ne lædi quidem posse. Nam si iniuria non fit nisi iniuito: mitis, & mansuetus ferendo, crimen tollit iniuriæ. Nihil igitur aliud est Misericordia, quàm diuina quædam erga miserabiles, miseriarum medicina: quæ virtus singulatis est Principis, & propria. Testis est natura, per Apum Regem: qui solus inter omnes apes, caret aculeo: quasi Regis sit non sæuitia, sed commiseratione uti. Itaq; Iulius Cæsar tantum studuit cæte-

ros Principes mansuetudine anteire : quantum illis semper conatus est gloria antecellere . omnibus igitur ignouit , post Pharsalicam victoriam , qui ante à se defecerant . Summi enim in vna Principis clementia , resident gloriæ acerui . Nam aliæ virtutes Principi , cum multis sunt communes : clementia sola est Principis .

*QVOD BELLIVS, PRINCIPIS
clementia, erga Principem sit depa-
scendum. II.*



N exiguum gyrum orationis , res grauis de mansuetudine cum esset compulsa : atq; interrogaret nescio quis , num fas esset , in armis Principem interim à Principe . imò interemptores respondit , tanquam nefarios sicarios debet vlscisci , itaq; Iulius Cæsar , victo Ptolemæo , & ad mortem compulso : Achillam , & Phocinum Pompei Magni trucidatores iugulauit . Princeps enim erga Principes , sic affici debet , vt nullus sit miser , qui ei non videatur miserabilis , hoc est commiseratione dignus . in quo vno tantum residet gloriæ , vt longe regium magis sit , hostem benignitate vincere , quàm armis superare .

*QVOD BELLINGRESSVS ACER
& acerbus : clemens laudetur exitus. III.*



EVNI , & inanes sermones , ab eo semper cum procul absint , grauesq; & pleni virtutis tantum audiantur : interrogatus aliquando , quæ commiseratio maximè aduersus hostem laudaretur , in principe : quæ respondit , in truci bello est cum iustitia : sine indulgentia ,

gentia, & crudelitate. indulgere enim est fatui: in superatos
sæuire bestię: sola autem misericordia virtus est Principis, si-
mul & Dei communis. Itaq; Alexander Magnus, sicuti in pri-
mo belli ingressu erat terribilis: sic parva victoria exstitit sem-
per clementissimus. Quare cum vidisset Darium à proprijs
famulis interemptum, grauiter ingemuit, & Bessum illius
percussorem crudeli supplicio affecit. Darij quoq; corpus
dempta sibi regia chlamyde, qua tunc indutus erat, ornauit,
& ad illius matrem perferri iussit.

QVOD GLORIOSVS DELICTA

*à Principe curentur venia, quàm
pæna. IV.*



VI Princeps non ducitur clementię gloria: ve-
ræ laudis gustum non habet. Quare id eius
percrebuit sermone. Principis esse aliena malè
facta, non malè factis compensare: sed beneficijs
corrigere. Isocrates igitur Regi præcepit, vt delicta non cul-
pæ magnitudine: sed clementia metiretur. Boni enim est me-
dici oleum potius adhibere, quàm ferrum. Iure igitur lau-
datur C. Cæsar, qui ne in prauos animaduertèret, gloriabatur
nullius rei se magis obliuisci, quàm iniuriarum. Non
minus quippè turpia sunt Principi multa sup-
plicia: quàm Medico plurima
funera.



QVOD CLEMENTIA VELVTI

quidam cibus sit Regia gloria. V.



VM penes Principem sit & vitæ, & necis alienæ potestas: asseueravit aliquando inter eos, qui de Principe, & eius ingenij ornamentis discebant, Principis gloriam nullo virtutis magis, quàm clementiæ pabulo esse depascendam. Hoc ipsum opinor, vt posteritati testatum relinquerent Ægyptiorum Sacerdotes, Leonem Hieroglyphicū fecerunt Principis. Rex enim cum sit ferarum bestiarum: prostratis parcit: in robustos viros sæpe: raro in fœminas: nunquam in pueros sequitia exardescit, & crudelitate. quo naturæ testimonio admoueri videntur Principes, sua olim gloriæ insignia ab antiquissimis populis ex clementia, & mansuetudine fuisse petita. Nam quò quis propria ope magis destituitur: hoc dignior videatur esse commiseratione.

QVOD PVGNÆ AVDACIA:

victoria ornamentum sit clementia. VI.



VONIAM vt digladiando miles, ita vir doctus interdum differendo gloriæ lumen quærit, non veritatis: vis differendi apud eum, veri pigmentis fucata, parum valet ad fidem: plurimum ad suspicionem faciendam. Quodam igitur supra modum Xerxes Regem Persarum laudante, quòd æquæ ad mortem, ac eadem in bello esset expositus, nec vllò loco, victis etiam hostibus, quiesceret. Dixit æque probari Imperatoris clementiam erga hostes victos, atq; contra pugnantes audaciam, & magnanimitatem. Quare vnicè laudatur Annibal.

cuius

eius insidijs cūm perijſſet Marcellus, ei mortuo Pœnus anulum quaſi virtutis præmiū ē digito detraxit, eiufq; cadauer ſplendide, ac magnificē cremari iuſſit, & reliquias, ac cineres Romam ad neceſſari os eius perferri.

QVOD MANSVETVDINIS NOMEN
Principi ſit glorioſum: res verò neceſſaria. VII.



NISI ex ſua manſuetudine Princeps capiat tranquillitatis plus, quā ex alienis delictis ſtomachi: res in arte imperandi, iam non eſt inclinata, ſed funditus euerſa. Manſuetudinem itaq; dicebat iure, ab aſſueſcendo eſſe dictam, quod ad ferenda Imperij incommoda, nemo, niſi qui manſuetus ſit videatur aſſueſcere. Hanc igitur Alexander Magnus tanta coluit obſervantia, vt iram vincere glorioſius duceret, quam hoſtem ſuperare. cō quod illud ſemper ſit virtutis: hoc ſæpè fortunæ. Itaq; vbi ex victoria ditiores facti milites inſoleſcerent: Alexandrumq; interdum maledictis lacerarent: id tamen cū reſciret Alexander, eorum petulantiam modeſtè, placideq; ferebat, aſſeuerans regium eſſe, apud eos potiſſimum malè audire, apud quos nō ceſſaret beneficium ponere.

QVOD CLEMENTIA DECLARATIONEM
habeat ſapientia. VIII.



CLEMENTIS nomen eſt glorioſum: res admirabilis. Nam ſi Clemens, vt Varroni placet, dicitur, quaſi clara mens, nec quicquā eſt claritas mentis, niſi ipſa ſapientia, qui iure optimo poteſt, aut dici, aut haberi clemens, niſi ſapiens? omittit hoc loco,

O 2 quod

quod mihi esset dicendum de CLEMENTE VIII. Nam vicit cęlesti, ac diuino suo numine mortalium omnium cogitationes. Hac vna illius virtutis luce sapientissimus ille Antistes Collustratus, interrogantibus quis esset Clemens, nemo respondit, nisi qui omni fulgeat virtutum splendore. quę omnis sira est in honesti memoria, & inhonesti obliuione. Testis est Imperatorię, ac Regię virtutis decus C. Cęsar, qui virtutes omnes tenaciter memoria tenebat: iniuriarum tantum quamprimum obliuisceretur. facile enim eorum nos capit obliuio, quę contemnimus: nec ea punimus, quę non curamus. Magnanimus autem, nec curat, & contemnit, quę sine causa fieri putat. iniuriam igitur pro nihilo ducit: auctoresq; iniurię pariter parui pendit.

QVOD MANSVETVS PRINCEPS

*maiora præstet tolerando, quàm
renitendo.* I X.



LXILE, aridum, concisum, & minutum est in iracundis imperandi artificium: licet illi polleant ingenio, nec destituantur viribus. Itaq; interrogatus qua arte, imperium ex suis recrearetur incommotis: mansuetudine dixit imperantis. Nec grauis minus hæc illius est sententia: quàm salutare Fabij Maximi exemplum. Hic enim in tolerandis aduersis hominum moribus, felicissimè populo imperauit. Aiebat autem eum, qui alijs imperaret, non verbis, aut verberibus oportere scēuire: sed tolerando, mulcendoq; homines in suam sententiam adducere: absurdum esse feras bestias à nobis cibo, & blanditijs Cicures reddi: homines verò metu, & asperitate morum, ad nostri amorem cogi.

QVOD

QVOD IN CLEMENTIÆ AMBITV,
Incolumitas clausa sit Imperij. X.



QVI in Imperio, à clementia defleat: non defleat, sed cadere ab eminentissimo dignitatis gradu videtur. Dicebat igitur mansuetum à manu eò esse dictum, quòd Principis sit mansueti, pro rebus vniuersis, manus in Cælum tollere, id est, omni gestire felicitate. Etenim aliud est, se præstare seuerum: aliud sæuum. eò, quòd illud adumbrationem habet iustitiæ: hoc notā crudelitatis, qua nihil est in Principe detestabilius: vtriusq; tamen scopulus, vna cauetur mansuetudine, vel etiam quiddam grandius. Nam improbus peccat contra legē: inofficiosus contra merita: sæuus cōtra Deum, pietatē, & humanitatē. Quare qui mansuetudine destituitur: truculentus habetur, & immanis, cuius quàm detestabile, in Principe sit crimen, testes sunt Senatores Romani, qui Romulū, cū sæuior esset, & atrocior, discerpserunt: ne ex rege fieret Tyrannus. Nam quem seuerum vix: Sæuum ne vix quidem vnquàm potuissent pati.

QVOD PRINCIPI RES SIT NON
tam detestabilis crudelitas, quàm gloriosa

Mansuetudo. XI.



VANTA labe, crudelitati inuritur infamiæ: tantum, ad mansuetudinem accedit gloriæ. illam igitur non adeò vt detestaretur: quàm vt hanc commendaret, multa plurimo sale aspersa effudit. Atq; in primis solitus est dicere, hominem crudelem, naturam exuere hominis: induere bestiæ: si tamen vlla bestia, tantam stragem humano generi, potest infligere: quan-

ta infertur ab hominē crudeli. L. Sylla Romanorū omnium crudelissimus, hostium capita licitabatur, maximis propofitis præmijs, illis qui proscriptos interemissent: & supplicijs, his, qui occultassent. itaq; L. Syllam Dionysius Halicarnasensis scribit, quadraginta milia Romanorum ciuium voluntario iudicio peremisse, præter illos, qui eo Duce, in prælijs ceciderant.

*QVOD POST RELIGIONEM,
maximè laudetur clementia in Principe. XII.*



DE virtute Principis, alia opinionis vis est: alia iudicij: alia vox sapientis: alia imperitæ multitudinis: nec idem est sensus rationis, & aurium. Hic enim sæpe falsitati: ille semper auscultat veritati. Solitus autem est dicere, Principem duplici potissimum commendari virtute: religione erga Deum immortalem: & commiseratione erga calamitatem mortalium. Idq; iure optimo. Athenienses igitur Misericordiam, non vt animi affectum: sed tanquam Deam coluerunt, vt intelligerent, opinor, Principes, se diuina etiam præstare, cū misericordes essent.

*QVOD EX ALIENA CVLPA EFFLO-
rescat Principis Clementia. XIII.*



QVONIAM qui clementiam deserit, non adeo videtur officium deferere boni viti, quàm vulnerare: consuevit dicere, satius esse nocentem absolucere: quàm infontem condēnare. Atq; cū notaretur ali quando quod improbum periculo liberasset, non faui, dixit, impro-

improbis, sed homini: qui nisi esset improbus, nullus relinqueretur, apud eum clementiæ, in quo consisteret locus. Aliena enim culpa Clementiæ, in Principe leges est, & materia.

*QVOD NON SIT AD CVLPÆ
supplicium properandum. XIV.*



VIDAM patronus, qui norat humilia subtiliter: magna grauitur: mediocria temperatè tractare, ne habetior in iure aduersus improbos haberetur, instabat coram iudice, vt statim de scelerato homine, qui in vincula erat coniectus, supplicium sumeretur. At summus ille virtutum Antistes, neq; Medicus, dixit, si Lippitudinem non potest tollere, tollit oculum: neq; bonus iudex, vbi scelus nequit auferre, debet statim sceleratum perdere.

*QVOD HOSTIS VINCENDVS, AC
vinciendus sit clementia. XV.*



VMob singularem sapientiam, in nulla re hospes sit, & peregrinus, interrogatus aliquando à strenuissimo milite, quomodo hostis esset vincendus: si fieri potest, dixit, clementia: sin minus ferro. Hoc ipsum cum sentiret C. Cæsar, dicere est solitus sibi idem esse consilium aduersus hostem: quod plerisq; medicis, contra morbi acerbiteriam. Nam Medici non, nisi tentatis omnibus, ad sectionem descendunt.

QVOD NEMINI MAGIS, QVAM
improbo debeatur venia. XVI.

N grauitate delicti, si minus hominis, at humanitatis ratio est habenda. Quare cum de impiorum poena infligenda, sermo haberetur: interrogantibus amicis, cuinam esset parcendum, Improbo dixit, ne afflicto addatur afflictio. Nam, vt vetus est Pythagoræ sententia, mali plus patitur improbus, ex animi conscientia, quam ex villo corporis cruciatu. Quare, vt verus est, ad hæc vsquæ nostra tempora, Socratis opinio: nunquam sperare debes te lætaturum, si quid mali feceris.

QVOD IVRIS ALVMNA, ET
Iustitia socia sit clementia. XVII.

MILITE quodam aliquando inimicum, ad certamen lacescente, dixit eos, qui ad arbitrium nutumq; se effingunt sacrosancti iuris, & iustitiæ, nihil minus in offensione, quàm de vindicta cogitare: elucescit ratio, ex veteri mortalium consuetudine. Nam cur olim ex ferro, & arte Deorum non fiebant simulacra, & statua? quoniam vt est videre, apud Platonem, tam grata est clementia Deo immortali, vt etiam seges, & materia, ex qua fiunt ad vindictam, bellica instrumenta: Deo sint exosa, & eius pietati controuersa.



QVOD CLEMENTIA LICET

*faueat turpibus, impatiens tamen sit
turpitudinis. XVIII.*



VONIAM ignorantia coniunx, est stupor animi: stuporis socia linguæ debilitas, iccirco illi de clementia non solum prauè sentiunt, sed etiam malè loquuntur, qui aiunt clementiam turpem videri, quia fauet turpibus. Cõsuevit igitur ille dicere, clementiam non solum obsidem esse regiae virtutis, quia eius est parcere, cuius est punire: sed etiam ignorantia inimicam, & turpitudinis: cuius in opinione etiam fuerunt Aegyptij. Nam cur illi clementia Hieroglyphicum expresserunt, per Elephantum? vt certè clementia ostenderent sinceritatem. Nam elephas tanquam impatiens turpitudinis, ita inter animantes, suum stomachatur, vt interitum facilius, quàm eius gunnium possit pati. itaq; olim Megarenses in bello, suos pice illinitos, & mox igne inflàmatos in Antipatri elephantos immiserunt: eosq; hoc stratagemate, cù vniuerso exercitu fugarunt.

QVOD IN CLEMENTIAE TVTELA,

ars resideat imperanda. XIX.



V M in vna Dei mansuetudine, spes omnis humanæ salutis est posita: tum ea sublata, Reip. administratio omnis in discrimem, & periculum vocatur. Quare inquiebat clementiam, non solum rem esse salutarem in Principe, sed etiam suauem, & iucundam. Testis est iam, non hominum: sed ipsa Dei schola natura. Cur enim Ros apud Aegyptios Hieroglyphicum est clementia? quia sicuti, ex rore fit mel, quod non solum, & sanis ad pastum,

pastum, & infirmis ad medicinam ministratur: sed etiam mortuis ad diuturnam cadaueris conseruationem additur: ita clementiæ præsidio vniuersa seruantur bonorum genera.

*QVOD ERRANTIBVS ASYLVM
sit Principis Misericordia. XX.*



MISERICORDIA apud Deum, ut ait Philo Iudæus, antiquior est, quàm iustitia: cum antè sceleratos toleret, quàm iudicet. Quare solitus est dicere, nihil esse tam æquum, quàm ad misericordiam refugientes, non reijcere. Est enim Misericordia, Dei templum, quod Athenienses Asylum vocarunt, ex quo nemo poterat ad vindictâ extrahi: dictumq; est iccirco Asylum ab à priuatiua particula, & *ouaen* rapio, quòd inde ad supplicium nemo rapi posset.

*QVOD AD CLEMENTIAM DVO
faciunt ira remedia. XXI.*



CV M incunabula clementiæ sint, in minimè irascendo posita, interroganti cuidam quæ essent aduersus iram remedia, duo potissimum respondit, vnum in mora: alterum in silentio. Moram docuit olim Senatus Romanus, qui ut refert Plutarchus, instituit, ut securibus, quæ præferebantur magistratibus, virgarum alligarentur falces: ne temerè eam alteri poenam infligeret, cuius illum postea frustra perijceret: silentium monstrauit Theopodorus Philosophus. Nam cum ab Augusto se missum fieri vellet, rogatus in postremo congressu, ut aliquid quod perti-

neret

neret ad institutionem imperatoris, proderet: monuit Augustum, ut quoties in iram incideret, nihil prius vel ageret, vel diceret, quàm græcum Alphabeticum secum recitaret.

QVOD VIR MANSVETVS, ADVERSUS omnes offensiones sit armatus. XXII.



CV M quis de iniuria sibi illata quereretur: querelarum dixit hæc sunt crimina potius: quàm culpæ. ut enim graue est inferre, sic turpe est nescire iniuriam pati. vir quippè bonus non est, qui malos non tolerat. Mansuetus igitur qui est, aduersus omnes iniurias, est armatus. Nam cum bene fecerit, malè audire non iniuriæ, sed gloriæ sibi ducit. Quare sicuti Maluæ succo aspersus neq; apum, neq; scorpionum aculeis, neq; araneorum moribus lædi potest: ita Micis qui à mitigando ideo est dictus, quòd summa mitiget hominum odia, nulla redditur deterior iniuria.

**QVOD ABIECTIS, ET SUPPLICI-
bus, spes non sit fallenda. XXIII.**



MISERICORDIA olim apud Persas, sic colebatur, ut nunquàm antè Reus in iudicio damneretur, quàm de eius virtute ageretur: ne crimen plus ad supplicium: quàm virtus ad præmium videretur habere momenti. Dicebat autem ille neminem esse tam peruersum, qui nulla ex parte posset laudari: proinde graue quiddam esse, & acerbum, supplicem à se abstertere, & excludere. ita sensu Zenocrates Carthaginensis. Nam cum aliquan-

aliquando sederet, in Aprico loco, & Passer, quem ad prædam accipiter insectabatur, ei in sinum deuolasset: ille passerem, quem cum hilaritate exceperat, statim ubi euolauit accipiter, nudato sinu dimisit: inquit nefeſ esse, supplicem prodere.

*QVOD CLEMENTIA PRINCIPIS
popularis gratia sit socia. XXIV.*

INTERROGANTI cuidam quæ breuis, & compendiaria eſſet Principi, ad beneuolentiam popularem via: clementia reſpondit. Nam qui Princeps Clemens eſt, imperitæ multitudinis linguam, quæ flabellum eſt plurimarum contumeliarum: in ſui laudem exauit. Teſtis eſt Philippus Macedonum Rex. Hic enim cum maledictis, à Nicanore Macedone laceraretur: atq; iccirco uergeretur ab amicis, utin illum animaduerneret, non ſolum negauit Rex: ſed etiam ubi accepit, Nicanorem magna laborare inopia: dono ei pecuniam miſit, itaq; ſtatim ex petulantia, & maledico, factus eſt Regis ſtudioſus, & buccinator eius gloriæ. quod tandem illis mirantibus, uidetis inquit, in manu noſtra eſſe, ut quæ uelimus, à populo, de nobis audiamus.

Non eſt populi in Principem difficilis amor, ſi modo adſit clementiæ umbra. Nam veteri prouer-

bio, ut hamo pilces: ſic beneficio
capiuntur homines.



DE VINDICTA

TITVLVS XV.



VO in Rep. aiebat Democritus esse Numina, sine quibus, ciuilis dirimitur societas: præmium, & pœnam. Etsi enim vindictam non sumere mitis fortè, & beneuoli est Principis: est tamen contra ius, iustitiam à vindicta reuellere: non pietatem colere, sed truculentam plagam iuri, & legibus infligere. Non enim magis vitium supplicio, quàm virtus præmio, in bene instituta Rep. potest vacare. Siquidem nihil est vindicta, nisi iuris con sors, & iustitiæ societas. Quod si iudex non debet esse mitior lege, vbi vindictam negligit, legem violat. quid legem violat? imò Sonem deteriorem facit. Nam miser quis non supplicio fit, sed peccato. At cum aliquando de hac Cardinalis ALDOBRANDINI virtute, & gloria multa afferrentur digna cognitu, disputationis tamen plena: non potui, non acquiescere in ore, & sermone FABRICII Boslij. Non quia iurisprudentiam plurimarum artium dotibus locupletauit, vialq; disserendi omnes nouiteas, quibus in rerum disceptatione, fuga intercluditur tergiuersantibus: Sed quia in facultate dicendi, quasi alter Carneades, doctrinam cum delectatione fundit earum rerum, quæ aguntur, & dicuntur, in quo sales sunt cæterarum omnium virtutum. Sed quæ partim ab eo, partim ab Alijs, Cardinalis ALDOBRANDINI de vindicta colligere potui Apophthegmata, eorum series hæc est.

Quod

- 1 Quòd nihil graue, & acerbum oleat vindicta.
- 2 Quòd vindictam Principis, populi temeritas uertat in crudelitatem.
- 3 Quòd vir iustus plaris faciat vindictam sine uita, quàm uitam sine vindicta.
- 4 Quòd crimen nullum relinquatur impune.
- 5 Quòd Res momentanea sit peccatum: nota peccati sempiterna.
- 6 Quòd Nemo sit tam improbus, qui supplicio non corrigatur.
- 7 Quòd insonitibus tantum, non Amicis, non parentibus parcat vindicta.
- 8 Quòd inulta esse non debeant, quæ funduntur inutilia.
- 9 Quòd qui Male iudicat, se grauissima pœna condemnet.
- 10 Quòd vir bonus maximè vindictamumat de inimico.
- 11 Quòd ad Deum Immortalem, & Principem solum pertineat vindicta.
- 12 Quòd suos habeat vindicta errorum scopulos.
- 13 Quòd ultro sua impietatis vindictam facit, qui Principi infert iniuriam.
- 14 Quòd minime fas sit, impune peccare.
- 15 Quòd vindicta non sit pœna delinquentis, sed Medicina.
- 16 Quòd supplicij pœna, sit delicti mensura.

QVOD NIHIL GRAVE ET
acerbum oleat vindicta. I.



ST aiebat, vindictæ nomen suaue, res salutaris. Nec enim supplicium est peccati pœna: sed medicina. Vindicta igitur iure à vinciendo est dicta, quòd sola virtutum omnium sit vinculum. Quid enim est aut prudentia, nisi fraudulentia: aut temperantia, nisi libidinis: aut iustitia, nisi auaritia: aut deniq; fortitudo,

ritudo, nisi ignauix ultio, & vindicta? pœnam qui oderit, non debet is occultare peccatum: sed cauere. Etenim nihil diu potest homines latere. optime id Poetæ. Nam cur veritatem Temporis, & Memorix filiam fecerunt? quia, vt Ægyptiorum Sacerdotes asserunt, alius de alio iudicat dies: supremus autem de omnibus.

QVOD VINDICTAM PRINCIPIS,

Populi temeritas vertat in crudelitatem. II.

NON falso Cato Senior solet prædicare, malle sibi pro beneficio gratiam non haberi: quàm pro maleficio, culpam non expiari supplicio. Nam præmium qui capit, largientem docet esse iustum: qui verò pœnas luit sui criminis, ipse ex iniusto fit iustus. Boni igitur cum sit Principis, bonis viris malle præmium dare: quàm ab improbis supplicium exigere, cuidam interroganti quid potissimum Principem ad sœueritatē iudicij, exacueret: populi respondit prauitas. Etenim Alexander Macedonum Rex, vt ab aliorum exemplis recedam, ex mitissimo, propter nefaria populi scelera, acer euasit, & acerbus. Nam donec Darij opes euertit, nemo eo fuit benignior: at vbi deinceps cœnsit spem impunitatis, in populo magnam esse illecebram peccandi: atq; per insolentiam conspirationes, nocturnosq; in sui cædem tumultus fieri: ex facili, mite, & placido: sœuus, & crudelis factus est.

QVOD

QVOD VIR IVSTVS, PLVRIS FACIAT
Vindictam sine vita: quàm vitam sine
vindicta. III.



VONIAM qui peccanti indulget, dupliciter peccat; semel quia legi derogat, & iustitiæ: iterum quoniam Reus pœna destitutus, ea destituitur medicina, qua par est animi eius morbum curari: solitus est dicere, iusto Principi non minus charam esse vindictam, quàm iustitiam: iustitiæ autem vitam semper esse postpositam. Grande in fabulis, argumentum est veritatis. Nam cum Achilles à Thetide matre Dea admonitus, ne occideret Hectorem, eò quòd post illius necem, sibi statim moriendum esset, voluit potius eius morte, Patroclum amicum ab eo occisum vlcisci, quàm Hectore superstite, morti non succumbere? quoniam vindicta pars est iustitiæ, sine qua nemo potest respirare, sine turpitudine.

QVOD CRIMEN NVLLVM RELIN-
quatur impune. IV.

TSI vindicta in Sacrario iuris, sic videtur esse reposita, vt eius metus ad multos, cruciatus ad paucos pertineat: inquebat tamen neminem ex peccato abi re sine supplicio. Nec deest in hac re, antiquitatis auctoritas. Etenim cur apud Homerum, Cacus ob surreptas boues, ab Hercule, bobus recuperatis, est suffocatus? quoniam non est satis, innocentem habere quod suum est: nisi etiam habeat qui nocens est. Quod dicitur de Caco, id est eiulmodi, vt ad improbissimū quemq; possit transferri.
 Nam

Nam Cacus si vox ad viuum refecetur, Improbi viri habet interpretationem.

QVOD RES MOMENTANEA SIT
peccatum: nota peccati sempiterna. V.



M inter differentes de vindicta peccati, venisset, dixit multò minus esse mortis supplicium, quàm peccati delictum. Partim quia moriens potest esse felix, non potest peccans, non esse miser: partim quoniam mortis pœna, vno definitur momento temporis: peccati verò nota etiam perexiguij, vix vllò abstergitur seculo. Ad rem non inelegans est fabula. Nam quare Coruus, si Poetis credimus, ex albo in nigrum est commutatus? non quia quod falsum: sed quoniam quod verum erat, non loco, protulit. Itaq; leuissimi etiam peccati, vt videre est Corui testimonio, sempiterna sæpe est macula.

QVOD NEMO SIT TAM IMPROBVS,
qui supplicio non corrigatur. VI.



NQVIEBAT nihil esse flagitiosis indulgere, nisi ius, & iustitiam iugulare: nihil improbos defendere, nisi bonos viros oppugnare. quæ quidem res non est misericordiæ, sed extremæ crudelitatis. Quocirca grauius sæpe peccant, qui peccatum non puniunt, quàm qui committunt. Tanta quippè est vindictæ utilitas, vt non solum eius pœna sit delicti commissi medicina: sed etiam cautio tacita futuri. Nam quorsum, si sapientes consulimus, Malus Punica in Hieroglyphicis, Cuneo ad medullam per medium adacta? habet Symbolum ex
P suppli-

supplio correctionis significationem. Hæc enim arbor fructus pariens acidus, si cunco, ex pinu, ducto, usque ad medullam transfigatur, fructus ex acidis, & austeris, in dulces, & suaves conuertit. ex quo admoneri videmur, neminem magis nosce, quàm qui dat pœnas sui sceleris, malis bene uti.

QVOD INSONTIBVS TANTVM:

*non amicis, non parentibus parci
vindicta. VII.*



VM ageretur de scelerati hominis iudicio, & pœna: atq; in hydriam ab ipso Senatu, attriti omnes coniecti essent calculi, tum fautori cuidam eius interroganti, cuinam igitur esset parcendum: si ei non parceretur, cuius pœna displiceret multis. Dixit non amicitiae esse parcendum, non sanguini, sed innocentiae: Satiusq; esse improbi vnus supplicio, multorum arcere improbitatem: quàm propter multos improbos, vni parcere. Zaleucus itaq; qui legem locris cum statuisset, ut qui in adulterio essent deprehensi, ijs cruerentur oculi: eamq; legem filius violasset: tandem veniam rogante populo, iussit, ut aliquid videretur facere in grauiam populi, filio vnum, sibi alterum oculum crui: quò & populo, & legi simul obtemperaret.

QVOD INVLTA ESSE NON DEBENT,

quæ funduntur inutilia. VIII.



NON magni interest quàm singulari verborum apparatu quid dicatur: sed quàm munita ratione, & quàm verè dicatur. itaq; eos non solum censura, sed etiam pœna dicebat esse dignos, qui suauia scirent,

berent, non vilia: sic Lacedæmonij Archilochum Poetam ex vrbe eiecerunt, quod carmen scripserat, in quo offendi videbatur satius esse, in prælio, arma: quàm vitam amittere. Non enim virtus vitæ: sed vita virtutis gratia seruanda est.

*QVOD QVI MALE IUDICATA, SE
Grauissima pœna condemnat. IX.*



CV M quis se muneribus in amorem iudicis insinuasset, magisq; amici corruptelam, quàm ipsum amicum diligeret: Iudex partes agens potius patroni, quàm iudicis, interrogauit fortè, cuius legis, & iudicij grauissima esset pœna: malè ius respondit, dicens. ita Cambyfes Rex peruersi cuiusdam iudicis, ex corpore pellem detractam sellæ intendit: in eaq; filium iudicaturum sedere iussit. Hoc nouo supplicij genere, ne iudices corrum-
pi possent, in posterum cauit.

*QVOD VIR BONVS MAXIME, VIN-
dictam sumat de inimico. X.*



NE QV E in oratione languidum est eius ingenij Lumen: neq; ipsa oratio morosa sapientiæ interpres. Interroganti num priuatis etiam hominibus licita esset vindicta: certè quidem, sed ea, in primis dixit, quæ à Diogene præscribitur. Hic enim sciscitantibus, quomodo quis in dicta causa, posset vindictam de inimico sumere: si bonū virum is, respondit, se præstiterit. Nihil enim inimicus minus potest pati, quàm laudem, & gloriam inimici. Quare vir bonus vincit ferendo:

viſusq; redditur victore ſuperior. Nam iniuriā accipiens poteſt eſſe beatus: inferens non pōt non eſſe miſer, & infelix.

*QVOD AD DEVM IMMORTALEM
& Principem ſolum pertineat vindicta. XI.*



CV M nullum ſit peccatum niſi contra ius: nullaq; niſi peccati vindicta: nihil inquietat eſſe rationi tam conſequens, quam vt penes Deum, & Principem vindictæ omnis eſſet auctoritas. Nam duplex eſt ius, diuinum vnum, quod eſt Dei immortalis: Alterum quod vocant poſitiuum, quia poni poteſt, & tolli, quod eſt Principis. vindictam igitur aduerſus inimicum, qui ſibi uſurpat, non ſit vindex, ſed depopulator iniuſtus: quoniam, & Deum, & Principem ſpoliat ſuo iure. Nam vindicta, vt aſſerit Plato, eſt per quam iniuria omnis vlciſcendo propulſatur, non autem defendendo. Et enim hoc intereſt inter defendere, & vlciſci, quòd illud eſt priuatæ etiam perſonæ: hoc tantum publicæ.

*QVOD SVOS HABEAT VINDICTA
errorum ſcopulos. XII.*

INTERROGANTI cuidam quam in Principe probaret vindictam: illam reſpondit, in qua ius neq; relanguēſcit indulgentia, neq; eſſertur crudelitate. illa quippè qui labitur, condonando derogat legi: hac qui ſeducitur, legem obſequio non colit, ſed obruit ſcelere. probanda eſt igitur iudicij ſeueritas. Hac enim iudex non ſeuus redditur, ſed ſemper verus.

QVOD

QVOD VLTRO SVÆ IMPIETATIS
vindictam facit, qui Principi insert iniuriam.

X I I I.



QVÆ ab alijs fit Principi iniuria, summis in auctorem, vindictæ acerbitatibus est inuoluta. Consecuit igitur dicere illum, qui aduersaretur Principi, suo se gladio iugulare. Vetus est exemplorum auctoritas: nec in Hieroglyphicis muta est ad hanc rem & elinguis natura. Nam cur Ægyptiorum sacerdotes Regiæ vindictæ Hieroglyphicum, per Leonem telo transfixum fecerunt? Neque Leo, neq; Princeps scit, aut beneficentia, aut iniuria vinci. Illud omitto: hoc ita patet, vt qui studeat principem lædere, seipsum studeat destruere. Non est, de Leone, res obscura, aut tacita. Ferunt enim Iubæ Maurorum Regi iuuenem præstantis animi fuisse Comitem, dum per deserta, & inculta Africæ loca exercitum traiceret: Leonem verò ab eo iuvene, ex armatorum manu, qui fortè occurrerat, sagitta trasissum fuisse, vulnusq; suum tunc, se in sylvas recipiendo dissimulasse: anno verò iam elapso, cum Rex Iuba, rebus ex voto compositis, eadem via copias traduceret, illum Leonem, obseruato iuvene, à quo vulnus acceperat, per medium exercitum, repente irruisse, atq; ex tam ingenti militum numero percussorem inuasisse sic, vt illum antè in partes discerpserit, quàm quis in ipso exercitu, posset adesse iuveni.

QVOD MINIME FAS SIT
impune peccare. XIV.



VIA mori sæpe fas est: nunquam peccare, potiusq; est moriēdum, quàm peccandum, peccati nulla est excusatio. Cum autem alterum naturæ: alterū moribus sit renitens: illudq; improbo: hoc bono viro longè sit difficius, quærenti, quæ res omnium esset difficillima, crimen respondit, impunè abire. Nescit. n. victus. Nescit Natura iniuriam inultam pati. Itaq; T. Manlius Torquatus eò reiecit consulatum, quòd neq; Manlius posset ferre populi vitia: neq; Populus Manlij feueritatem. videtur item esse contra naturæ ius, peccatum inultum remanere. Siquidem & apes, qui hominem pupugit, amisso aculeo interit: & Scorpio collicus, atq; vulneri, quod homini inflixit, appositus dolorem tollit vulneris: atq; sicuti haud quicquam, apud medicos vsitatum est magis, quàm ex venenatis bestiis, remedium capere veneni: ita diuinis, humanisq; legibus comparatum est, ex improborum supplicio, medicinam sumere improbitatis.

QVOD VINDICTA NON SIT POENA
delinquentis, sed medicina. XV.



NQVIEBAT vindictam fellis naturæ esse simillimam, vtraq; .n. amara est: salutaris tamen. Altera sua acritate sensum exacuit oculorum: sanguinem purgat, & attenuat, vniuersumq; corpus prauis humoribus abstergit: altera suo morsu pariter, & acerbitate, ex peccantis animo, sordes omnes, tollit vitiorum. Quare Laocon apud Spartanos, nemini parcebat erranti: cūq; luens

luens poenas quidam exclamasset peccavi inuitè, castigare igitur dixit, & inuitè. Improbis .n. à supplicio, & poena crepus, deteriori est conditione: quàm agrotus medicina, & salutis præsidio destitutus. Quare quò Princeps est populi amas magis, & studiosus, eò in eius erratis expiandis est seuerior. Poena .n. curatur animus: perditur vitio. Sed cauendum est, ne vindicationis amore, ex seueritate ad crudelitatem, Principi pateat aditus. Sic .n. Derbices vindictæ insaniuerunt studio, vt delicta omnia, vel minima vltimo expiarent supplicio.

*QVOD SUPPLICII POENA,
sit delicti mensura. XVI.*



CONFERT & sordidis, & honestis viris Principis vindicta: qua vt medicina, non homines, sed morbi tolluntur hominum: illis ne alios lædant: his, ne ab aliis lædantur. Interrogatus igitur quanta deberet esse poena, quantum respondit est ipsum peccatum. Nihil .n. est vindicta, nisi peccati cum supplicio æstimatione par, & mensura. At peccatum semper est nimis, nec corrigi potest, nisi sublatum: quia in peccati genere quod parum est, non reperitur. Res est igitur summæ artis, & diuini propè consilij, parem delicto poenam inuenire.



DE FORTITVDINE

TITVLVS XVI.



FORTEM, & prudentem simul aliquem reperire est difficile. Nam vtriusq; causæ sunt contrariæ. Dilutus quippè sanguis, & tenuis prudentiæ: crassus, & niger fortitudinis, in homine habet significationem. Nec ambæ illæ virtutes eiusdem sunt ætatis. Nam prudentia senili: fortitudo iuuenili viget ætate. Nihil autem est in externis malis, quod fortem perterreat. Etenim qui mortem, & dolorem contemnit, quid est, cum nihil neq; in corpore, neque in fortuna, mali constituat, quod in ijs magnopere possit timere? Quia fortitudo, virtus est pugnans pro æquitate, qui fortis est, non periculum timet, sed dedecus. Victus igitur laudatur, quia non timuit mori: vincens etiam alios ad laudem excitat, quia nihil quod contra ius est sustinet. Solus habet artem audiendi, & timendi. Nam vbi audet temerarius, ibi timet fortis: & vbi timidus perhorrescit, ibi effertur audacia fortis. omnia enim audere, est insanix: nihil audere desperationis: audere vbi est timendum temeritatis: timere verò vbi est audendum fracti, & remissi animi: horum omnium ars, & scientia in vna fortitudine est posita. Nihil tamen magis, in fortitudine, quàm metus improbat. Non enim quia res sunt difficiles, eas sæpe timent mortales: Sed quia timent, redduntur difficiles. Firmitur plerumq; vt plus sit in timore, quàm in eo, quod timetur, mali. Nec ferro vinci, nec malis artibus decipi, scit vir fortis: nec patientia dedecus pati: peri-

periculoque succumbere, omni morte tristius ducit. In bello igitur æque est ad mortem, atque ad cædem paratus. Non enim, ut inquit Plato, vita ætate longa: sed virtute aucta, feliciter terminatur. Quare nemo est vir fortis, cui non crescit animus cum ipsa rerum difficultate. Nam si in armis aut vi, aut dolo superandus est hostis, nunquam fortitudo audacia debet vacare. Nam sine audaciæ præsidio, ut ait Thucydides, nullus dolus valet contra periculum. Ad huius autem virtutis gloriam Cardinali ALDOBRANDINO veluti quidam cumulus accedit singularis GEORGII RIPA Senatoris auctoritas. Nam si ea laus omnis, quæ ab impuris hominibus profiscitur, contumeliosa est, quia nihil, quod non turpe sit, & putidum, probant: illa demum, qua Cardinalis ALDOBRANDINVS à GEORGIO RIPA sapientissimo Senatore celebratur, plena est auctoritatis, & gloriæ, quia cum iudicij, & virtutis testimonio est coniuncta. Hic enim vnus est Senator, qui non minus fide probatur, quàm eloquentia: quique non ingenium doctrina: sed doctrinam omnem decorauit ingenio. Nam in eo fax illa Promethei de cælo accensa, ad omnes controuersiarum tenebras illuminandas elucescit. Quare lubens, iam tanto viri auspicio, ad Apophthegmata venio.

1. Quod Imperij tutela fidissima sit, in vna fortitudine posita.
2. Quod fortitudo temperantia, in Imperio sit anteponenda.
3. Quod fortitudo in periculis, Lydius lapis sit amicitia.
4. Quod fortitudo virtus singularis sit Principis.

Quod

- 5 Quòd in Bello, animi robur praestet corporis viribus.
- 6 Quòd Imperator, non vitam in bello, sed victoriam curet.
- 7 Quòd nulla apud virum fortis, sit Minantis auctoritas.
- 8 Quòd quò res sit periculosa magis, eò gravior sit viro forti.
- 9 Quòd fortem qui laceat, suo se iugulet gladio.
- 10 Quòd fortitudo aduersus timorem, animi sit armatura.
- 11 Quòd viro forti quantum detrahatur: tantum addatur animi.
- 12 Quòd Rara res sit fortitudo: umbra fortitudinis frequens.
- 13 Quòd Principis gloria vna fortitudine sit depascenda.
- 14 Quòd in hoste non virium robur: sed animi timenda sit fortitudo.
- 15 Quòd vir fortis non videatur posse in exilium decrudi.
- 16 Quòd viro forti, ne minimus quidem inimicus sit contemnendus.
- 17 Quòd viro forti nulla lingua sit procacitas.

QVOD IMPERII TVTELA FIDISSIMA
sit in vna fortitudine. I.

INCVNAB VLA Reip. & disciplinæ militaris
cùm trahantur ab vno Hercule, interrogati cuidam
qualis deberet esse Princeps: fortis, respondit. Offici-
um .n. Principis non solum versatur circa difficilia:
sed etiam circa terribilia. Solitus igitur est Tiberius Cæsar di-
cere: cùm inter amicos ageret, nescitis quanta sit bellua, quâ-
que multorum caput, imperium. Tutius quippè est lu-
pum, veteri prouerbio, auribus tenere, quàm populo imperare.

QVOD FORTITVDO, TEMPERAN-
tia, in imperio, sit anteponienda. II.

ILLIVS oratio quocunq; ingreditur, eodem semper
instructu sapientiæ, ornatuq; est comitata. Interrogan-
ti igitur

ti igitur, cùm de militari disciplina ageretur, cur fortitudo præstantior esset, quàm temperantia: quia respondit fortitudo ad bonum commune: ad priuatum magis spectat temperantia. Nec id artis solum: sed etiam naturæ, quæ nescit mentiri, conuincimus testimonio. Nam cùm sensus eò maiori commendantur voluptate, quò magis sunt necessarij, cur in re venerea plus, quàm in alimenti necessitate, est voluptatis? ut certe natura magistra intelligamus, quia altera priuatæ: altera publicæ consulit vtilitati, publicum bonum semper priuato esse anteponendum.

QVOD FORTITVDO IN PERICVLIS,

Lydius lapis sit amicitia. III.



LA probatur maximè oratio, quæ in sensus eorum, qui audiunt cum virtutis aculeo influit. Solitus autem est dicere, amicum ab amico in periculis deferri, non culpam esse ignauitæ: sed crimen perfidiæ. Non vacat vox ista, apud multos, iudicij gloria: quam sua auctoritate non debilitat, vel auget potius ipse Solon. Nam legem sancit, qua capite puniebatur, qui in ciuili seditione, neutram partem esset secutus: eò quòd patrie, in qua, communis teneretur ciuium omnium amicitia, quaque nihil est amabilius, videretur non desertor, sed proditor.

QVOD FORTITVDO VIRTVS

singularis sit Principis. IV.



VERBIS eius obscurissima quæq; doctrinæ documenta, quia solent illuminari, illis non est hoc loco obdormiendum. Interrogatus quippè quo fortitudinis

dinis studio duci deberet Imperator : eo dixit , quo ferebatur Pelopedas Thebanus Imperator . Nam cum aliquando hic , in expeditionem proficisceretur , eiq; vxor quam vnicè diligebat , profusis lachrymis supplicaret , vt salutem suam consuleret . Non est respondit , Imperatoris : sed priuati militis , suam salutem defendere : Huius enim officium est , se ab hoste regere : illius vniuersum exercitum incolumem seruare .

*QVOD IN BELLO, ANIMI ROBVR
præstat corporis viribus . V.*



VNQVAM tot occupationibus est inuolutus , vt si modo respirare possit , non videatur quod consonet publicæ vilitati , spirare . De re igitur bellica cum fortè incidisset oratio , dixit virum fortem in bello , lungo interuallo , Robusto esse anteponendum : eò quòd corporis viribus pugnamus : animi robore vincimus . Quapropter si Polydamus pugil , qui tanti fuit roboris , vt montem in specum decidentem , voluerit suis humeris sustentare , cum Scena Centurione certasset , Robustus certè ille , forti succubuisset imbecillo .

*QVOD IMPERATOR NON VITAM
in bello , sed victoriam curet . VI.*



AVD vnquam est præcisa , & ieiuna oratio , quæ ab eo funditur , cum multorum documento , & iucunditate , vbi inclinatis his temporibus de periculo reip. ageretur , interrogareturq; quid , in armis maximè timere debet Imperator : non mortem dixit , sed

sed infamiam. comprobatur hæceius sententia, grauissimo Epaminundæ Thebanorum Imperatoris exemplo. Nam cum cerneret, in extremo prælio, ad Mantineam, Hostium vires, in se vnum, sic esse conuersas, vt aut sibi, aut exercitui esset pereundum: restitit inuicto animo, donec exercitum suum victorem reddidit. Verum Sparo ad necem traiectus, sensim ad suos se recepit, atq; postquam accepit suos, profligatis hostibus, victores euasisse: satis diu, dixit, vixi: deinde iparum sibi euelli iussit, quo euulso, statim anima, cum sanguine effluxit.

*QVOD NULLA APVD VIRVM
fortem sit minantis auctoritas. VII.*



IRATO nullus est tantus dolor iniustus: vt vlla eius apud fortē, minantis sit auctoritas. Fortem igitur virum dicebat adamanti, qui neq;, ferro infringi, neq; igne absumi potest esse simillimum. Minantem autem, qui à minuendo est dictus, ideo vir fortis non timet, quia virtus eius non potest minui. Sic Leonidas Persæ cuidam minitanti, quod ipsi Lacedæmonij postero die, ex telorum multitudine solem non essent visuri: in vmbra igitur, respondit, commodius pugnabimus.



QVOD

QVOD QVO RES SIT PERICVLOSA
Magis, eò gravior sit viro forti. VIII.



ON est Princeps fortis, in armis, sine consilio: cum animo etiam plurimo. dicebat igitur illum in periculi flamma, non fugere periculum: sed sequi gloriam. itaq; Pædaretus signa cum Hoste collaturus cuidam dicenti magnum esse hostiū numerū, tanto inquit gloriæ plus referemus: quāto plures interficiemus.

QVOD FORTEM QVI LACESCAT,
suo se ingulet gladio. IX.



VE MADMODVM Brasidas vir magnanimus eadem hasta, quam è vulnere eduxerat, hostem interemit: ita nemo, dicebat, fortis est, qui hostium vim, & impetum non retorqueat in ipsos hostes. Sic Theseus in eodem Labyrintho Minotaurum mactavit: in quo ipse Minotaurus mortales interclulos laniabat. Hac opinione ductus Hercules, viam voluptatis facilem, & expeditam spreuit: virtutis arduam, & horridam arripuit, ex qua monstrorum non solum domitor: Sed etiam triumphator euasit.

QVOD FORTITVDO. ADVERSVS
Timorem animi sit armatura. X.



B eo semper exit ingenij notis insignita oratio. cū quis igitur benè loricated congressum cum hoste subterfugeret: dixit non lorica animum con-

tra timorem, armari: sed fortitudine. Hæc itaq; tanti olim, est habita, vt ea sola à Romanis, virtutis nomine à viro sit appellata: quòd viri singularis sit, & propria. Nec aliam ob rem, Græci fortitudinem *Τὴν ἀνδρείαν*, vocant, nisi vt doceant virum sine fortitudine, non solum dignitate, sed etiam viri exinaniri nomine.

QVOD VIRO FORTI QVANTVM
destrahitur: tantum addatur animi. XI.



NQVIEBAT virtutis aciem hebescere incō-
modis: solam fortitudinem virefcere vulnere.
Est enim fortitudo animi armatura, quæ ferro
non potest penetrari: nec vllō modo vinci: qua
qui est indurus, in ipso etiam exultat doloris cruciatu. Testis
est ille Mutius, cui scæuolæ, cō quòd læua, propter dextram
inflammatam, vteretur, cognomen fuit. Hic enim Porcenæ
castra ingressus regium scribam, pro rege interfecerat. captus
igitur atq; sui erroris admonitus, dextram flammis iniecit, vt
ea parte, qua erratum erat, à seipso pœnam exigeret. visum
est id spectaculum, cum cæteris, tum ipsi regi plenum hor-
roris: itaq; Rex vnus Romani ciuis virtute terribus, pacem
reddidit vniuersæ ciuitati, urbemq; soluit obsidione.

QVOD RARA RES SIT FORTITVDO:
umbra fortitudinis frequens. XII.



QVIA non potest dici, quàm iaceat turbulentis his
temporibus, fortitudo: quantoq; fucō contra ūm-
bra clarescat fortitudinis, quærentibus amicis quis
nunc

nunc demum esset fortis: Nemo respondit, nisi qui Horatio Coclitæ sit simillimus. Sapienter ille quidem. Nam cum fortitudo ex duobus maximè consistat, ex susceptione periculorum, & perpeffione malorum: viroq; Claruit Horatius Coeles. In altero enim omnem Hetruscorum vim solus tandiu sustinuit, quoad pons, quo Hostes erant in urbem irrepturi, fuisset ab ijs, qui à tergo erant, abreptus: in altero autem à suis exclusus, hostium impetus non sustinens, in subiectum Tiberim armatū se præcipitavit, atq; incolumis ad suos enatauit.

*QVOD PRINCIPIS GLORIA, VNA
Fortitudine sit depascenda. XIII.*



E M O, aiebat, magis Principem videtur in ceffo ore lacerare, quàm qui Principi laudem tribuendo: Principis tamen fortitudinem inuoluit silentio. nec falfo quidem. Nam tota ars Imperandi, in fortitudinis claustris tenetur inclusa. Non obfcura, aut vulgaris est Agefilæ auctoritas. Nam percontanti quoufq; fines paterent, apud Lacedæmones imperij: ille hafta vibrata, respondit, quoufq; hæc potest vibrari. Qui enim fortis est Princeps, nouit non solum & in pace sustinere, & in bello defendere: Sed etiam, res iam inclinata, & prope perdita; augere imperium.

*QVOD IN HOSTE NON VIRIVM
Robur: sed animi timenda sit fortitudo. XIV.*

C V M quis in eum inueheretur, qui plurimum haberet animi, non minimum consilij: vide dixit ne Leonem in te excites dormientem. Neq; enim Leo: neq; vir fortis

Vir fortis scit superari : faciliusq; potest mori, quàm perterrerì.
præclarum est Marci Seruiliij testimonium, qui vicijs, & ter
amplius singulari certamine pugnavit, ac semper victor in ca-
stra est reuersus, hostili spolio onustus. Neq; per leonem ob-
scurum est naturæ Monimentum : qui mauule in conflictu
mori, quàm turpiter vulnera vitare. Neq; forti viro grauis vi-
detur mors, si honesta sit modo : vt aliquando docuit ille La-
con. Insidijs enim ab Iphicrate Atheniensium Duce interclu-
sus, interrogantibus militibus, quid esset in re tam profligata
agendum : nihil aliud dixit, nisi vt vos vestræ saluti consulta-
tis ; ego verò fortiter pugnando gloriosè moriar.

*QVOD VIR FORTIS NON VIDEATUR
posse, in exilium detrudi. XV.*



VM forte de exilio ageretur, sciscitantibus amicis
cur omne solum forti, vt veteri fertur prouerbio, pa-
tria sit : quia dixit, vbi bonum, ibi patria : sed forti
nihil vsquàm potest accidere niali, cum vniuersa lu-
cro habeat mala : ergo nunquam exulat, cui vbiq; est patria.
Huc accedit, q; nullo locorum intervallo reuelliur, à suo mu-
nere, & officio, eò quòd vbiq; gèrium digladiandum est. Ec-
enim nihil est ipse mundus, nisi elementorum dissidium : ni-
hil hominum vita, nisi appetitus cum ratione, societas insi-
diosa : nihil Resp. nisi personarum discrimen, quarum aliæ
imperio, aliæ ducuntur obsequio. Forti igitur soli vita est
gloriosa. Nam is in terræ globo : tanquàm in acerrimi cer-
taminis theatro consistit : in cæli medio, ex quo effugere
non potest, nisi aut victor, aut victus. vir igitur fortis, Mas
quasi Mars bellandi Deus ab antiquis dicebatur : eò quòd vi-
ctores summo in cælum rapiuntur triumpho : victi ad infe-
ros detruduntur cum cruciatu, & of probrio.

QVOD VIRO FORTI, NE MINIMVS
quidem inimicus; sit contemnendus. XVI.



AM incudem à viro forti inquebat tundi oportere, vt etiam minimus hostis caueretur. potuit enim aliquando paruus Culex, vt est in Apologis, Leoni non minimum facefcere negotij, fenfimusq; eos, qui grandes & potentes viros prostrant, ab hominibus interdum fuiffe prostratos. Qui enim Italiam viciit Annibal, Capuæ à muliercula victus est. quid? Hercules orbis terræ victor, ab vna victus est Dejanira. Quare fortis est, non qui hostes modo superat, sed etiam qui superior voluptatibus existit: parumq; est vim repellere, nisi etiam dolus caueatur. illa in malis: hic in voluptatibus magis delitescit. estq; hic maximè cauendus. Nam vt vires ingenio: sic ingenium facile superatur voluptate.

QVOD VIRO FORTI NULLA
lingua sit procacitas. XVII.



SOLITVS est dicere virtutem esse multæ industriæ, & magni laboris: sermonis verò minimi. ea re Lucius Dentatus, Achilles Romanus est appellatus. Non enim linguâ, sed manus pugnando mouebat, ne canes ignauos, sed Leones videretur imitari. Nam canis timidus vehementius latrat, quàm mordet. Quemadmodum igitur olim vmbrici in bello aduersus hostes, turpissimum esse ducebant victum viuere, atq; iccirco necesse esse aut vincere, aut mori. ita vir fortis mauult virtutem sine vita: quam vitam sine virtute.

MAGNANIMITATE

SIVE HONORE

TITVLVS XVII.



MAGNANIMITAS, vt ait Aristoteles, virtus est, per quam vtrq; fortuna: decusq; & ignominia fertur. Nam si magnanimus quis fuerit, nunquam, vt ait Seneca, iudicabit sibi contumeliam fieri: cumq; inimicum habebit, in sua potestate: vindictam putabit potuisse vindicare. Magnum enim, & gloriosum est vindictæ genus, ignoscere. Hac virtute qui est præditus tendit ad ardua: nec pericula appetit, vt temerarius: nec formidat, vt timidus. magna enim contemnit, mediocriq; mauult, quàm quæ sunt nimia. Quicquid cadere in hominem potest, id omne vincit ferendo. itaq; Pittacus Mitilæus sic Prudentiam, & Magnanimitatem distrahebat: vt illius esse diceret, ne quid mali fieret cauere: huius autem si quid accidisset, moderate, & leniter ferre. Hanc autem virtutem Optimus Senator **MARIVS** Conradus tanta semper in Cardinali **ALDOBRANDINO** coluit obseruantia, vt diceret eorum magis esse metuendam inuidiam, qui tantam virtutem silentio obruerent: quàm eorum fidem esse laudandâ, qui illam laudibus in cœlum tollerent. Neq; enim adhuc inuidus vllus est repertus, qui ex alieno bono tantum hauserit acerbitatis, quantum, ex Religiosissimi Principis fructuosissima hac virtute Conradus Senator capit voluptatis. De ea quippè ita sæpè locutus est, vt non solum Cœlestis, &

diuina videretur eius virtus: Sed etiam is aliquo duci numinis afflatu, cum de ea loqueretur, quæ res mead scribendum, quæ in hoc genere collegi Apophthegmata, fecit liberiores.

- 1 Quod & spes, & metus apud Magnanimum, minimum habeat auctoritatis.
- 2 Quod honore sit deascenda virtus.
- 3 Quod gloria etiam fugientem sequitur virtutem.
- 4 Quod virtutis honor, non in verbis, sed in factis maxime consistat.
- 5 Quod Magnanimitas sit virtutum omnium decus. (oleisci.
- 6 Quod Magnanimus malit iniuria vulnus contemnere quam
- 7 Quod Magnanimus omnia aperto Marte, ut aiunt, attentet.
- 8 Quod Magnanimus amicus sit honoris & ambitionis inimicus.
- 9 Quod nullum sit ad Magnanimitatem iter, non plenum periculi.
- 10 Quod Honor non cadat nisi in virum bonum.
- 11 Quod Magnanimitati, quæ summa est, desponsa sit gloria.
- 12 Quod prætorum Maximus sit honor.
- 13 Quod Duplex sit Honoris ratio.
- 14 Quod vir bonus honorem auget fugiendo.
- 15 Quod Honor non languida virtutis sit interpret, & nuncijs.
- 16 Quod in Sublato etiam honore vestigia remaneant virtutis.

QVOD ET SPES, ET METVS, APVD

Magnanimum minimum habeat au-

toritatis.



EBAT Magnanimum se, neq; in populi: neq; in principum beneuolentiam blanditijs, & assentationibus immergere: omnes simulandi, & dissimulandi artificio, eruditos ab eo in odio haberi.

Testis

Testis est vnus instar omnium Solon. Nam cū propter Pisistrati tyrannidem, Athenis malè acceptus esset: ad eumq; Crœsus Lydorum, & Babiloniæ Rex scripsisset, vt ad se veniret: rogassetq; vt secum habenas imperij regere vellet: Solon tamen nec populi metu: nec spe tanti Regis adduci potuit, vt consilium Athenas deferendi caperet.

QVOD HONORE SIT DEPASCEN-
da virtus. II.

QVIA nulla incurfio, & impetus armatorum potest Magnanimum ex arce detrudere rationis, in qua infedit, atq; inueterauit virtutis omnis, & ingenij gloria: inquebat magnanimitatem, in Principe summis honoribus, quasi quibusdam cibus, esse depascendam. Non enim aurum: non gemmæ: non puellæ captiuæ, vt est apud Homerum, merces est virtutis: sed ipsa gloriæ fama, quæ tanta est, vt vix vno capi possit seculo. Atq; hanc ob rem Trophæa: Triumphi: statux: Coronæ: Panegyrici, qui ad posteros traducantur, sunt inuenti.

QVOD GLORIA ETIAM FVGIEN-
tem sequatur virtutem. III.

QVIA facile eos officij capit obliuio: qui gloriæ incenduntur cupiditate: quò quis propius ad virtutem accedit, eò longius inanis gloriæ auram fugere consuevit. Itaq; interroganti cuidam qua temita Duci ad veram gloriam pateret aditus, qua respondit, L. Brutus: Q. Fabius maximus, & Paulus Æmilius est profectus. Hi enim nihil aliud cogitarunt in

Q 3 vita:

vita: nihilq; egerunt, nisi quod pro salute populi, & dignitate patriæ, præclarum videretur, & laudabile.

QVOD VIRTVTIS HONOR NON IN
Verbis: sed in factis maximè consistat. IV.



VANDO multi norunt honesta nomina, turpissimis rebus imponere: sæpeq; fortitudo temeritatis vapulet nomine, & temeritas gestiat fortitudinis appellatione: consuevit dicere, in virtute non verba, sed facta rationis pondere esse examinanda: fortitudinis laudem esse non nomen: sed seipsum vincere: iram continere: nullis illecebris capi: aduersis non perturbati, neq; extolli rebus secundis: nec aliū se in alia fortuna præbere. Quare non est viri, aut cupiditatibus vinci, aut metu frangi: aut iracundia incendi, quæ non solum consilium, sed etiam iudicium tollit.

QVOD MAGNANIMITAS SIT:
virtutum omnium decus. V.



RAT hoc in eius ore, & sermone habitans, magnifice & elati animi, non hostes in periculis: sed amicis timere: dolorem suum toleranter, grauate ferre alienum: neq; in secundis rebus voluptati, neq; in aduersis cedere languori: nec in consilij deliberatione spem, sed officium sequi: nec deniq; in iudicio pecuniam, sed iustitiam querere. Nam quemadmodum Caligula Imperator nullius belli tantopere ardebat desiderio, quàm eius, quod plurimum haberet terroris, & periculi: negareturq; ab omnibus confici posse: ita magnanimitatis est ad ardua in
virtutis

virtutis ambitu mortales sic instruere, vt non magnum quod est: sed id quo nihil maius est, appetant.

QVOD MAGNANIMVS MALIT

iniuria viduus contemnere, quam

ulcisci.

VI.



VM demum inquebat esse magnanimum, qui omnino aduersus iracundia obduruisset aculeos, cò quòd non magnum sit, in iniuriæ vulnere, irasci: sed nullum iræ, in quo consistat, locum relinquere. Nec enim minus est Magnanimus consilio constans, quam animo fortis. Nam cùm circa id versetur, quo nihil extet melius, nihil minus videtur esse magnanimi, quàm mutare consilium. In altero vulgare, & peruagatum est naturæ testimonium. Nam quorsum trito sermone prouerbio Aquila non captat Mulcas? non est magnanimitatis, si bene attendimus, ignavorum hominum perulantiam, quæ morsu ferrur, & aculeo, curare: sed tanquàm fuisse quiddam, & inane negligere. In altero etiam non minus est euidens, quam præclarum Socratis exemplum. Hic enim tantæ fuit constantiæ, vt accusatus ab Anyto, nec patronum quæsierit ad iudicium capius: nec iudicibus supplex fuerit. facilius enim Magnanimus potest mori, quam mutari.

QVOD MAGNANIMVS OMNIA

aperto Marte, vt aiunt, attinet.

VII.



VIDAM fortè interroganti, quis nesciret simulare: Magnanimus respondit, aperit enim aut odit, aut amat: nihilq; latenter agit. Nam vtrumq; occultè

cultè facere est timiditatis. remota omitto exempla. Quia enim Antistes hic Amplissimus, non se, sed Ecclesiam: non sua, sed reip. bona tuctur: nec in vlllo tribunali auro, sed iure capitur: nec in amore gratia ducitur, sed veritate: nec deniq; curat quàm laboriosè, sed quàm iustè gubernacula tractet Ecclesiæ, à nemine vnquàm maiora, quàm ab eo exierunt Magnanimitatis documenta. Nam cùm robur omne Magnanimitatis, in elatione consistat animi, cuius nerui, & vires definiuntur mente, ratione, & opinione: mentem sapientia: rationem arte: opinionem omni rerum experientia auxit, & cumulauit.

QVOD MAGNANIMVS AMICVS
sit honoris: ambitionis inimicus. VIII.



REQVENS, & in omnium ore hæc ejus est sententia: nihil Magnanimum aut sequi magis, quàm honorem, aut fugere longius, quàm ambitionem. ille enim comes est virtutis: hæc fraudis socia. Ambitiosus enim mauult bonus videri, quàm esse: honore quippe contentus, virtutem negligit. huc accedit, quòd temerè se periculis obijcit, vt Torquati docet testimonium. Nam propter ambitionem, cum temerè pugnasset, victor capite damnatus est. Tripliciter errat princeps ambitiosus. primum, quia non virtutem, sed virtutis gloriam querit: iterum, quia tanquàm proditor alienæ salutis, temerè amicos obijcit periculis: ac demum, quia euerfor est æquitatis, & iustitiæ. Non enim bonis viris: sed adulatoribus præmia ministrat virtutis.

QVOD NVLLVM SIT AD MAGNANIMITATEM ITER, non plenum periculi. IX.



ES est ignavis formidolosa, vilis tamen, periculi discrimen. Nam in veritatis campo, iter ad gloriam periculo aperiendum est. interrogatus igitur, quænam ad magnanimitatem tenderet via: quæ est respondit, & laboris, & periculi plena. itaq; Romani venationem in otio, potissimum addiscebant. Nam ea, etiam cum ludicra exercitatione, sunt amplexanda, quibus, cum res postulat, id pellitur, quod non exercitatis plurimum facessit negotij. Quocirca post magnam aliquam victoriam, populo spectaculum aliquod exhibebant, in quo, non modo nostrates feræ: sed etiam ex transmarinis, & remotis provincijs accersitæ lacerabantur truces, & immanes bestię. non voluptatis: sed virtutis ergo. Nam ex horribili earum specie, & truculento cum ijs, certamine addiscebat Populus Romanus, nihil aduersus teterrima pericula perhorrescere.

QVOD HONOR NON CADAT, nisi in virum bonum. X.



GNIVI, ut solent olim Parthi, cominus præliari nesciunt: sed omnia tentant eminus: illi non stantes, sed fugientes pugnabant: Hi caduntur præsentēs, nec resistunt fugientes. Quærenti igitur utrum stans, an fugiens interpugnandū magis esset laudandus: nemo, respondit, est laude dignus, nisi vir bonus. Nam Honor non solum præmium, sed etiam opus est virtutis. Hoc declarare cum vellet M. Marcellus, honori templum non ex detractis è montibus saxis, sed ex manubijs Siracusana prædæ crexit, sicq; constituit, ut illud ingredi nemo posset, nisi per virtutis Ædem.

QVOD

*QVOD MAGNANIMITATI QVÆ
summa est, desponsa sit gloria. XI.*



TSI omnes ad res operosas, & difficiles incenduntur studio gloriæ: consuevit tamen dicere, gloriā à nemine fieri prædam, sine magnanimitate. Est enim hæc vna virtus, ille apud Poetas, alatus equus, Pegasus, quo vectus Bellerophon monstra superauit. Nichil est magnanimitatis vis, nisi, vt est in fabulis, ille Mineruæ Clypeus, Medusæ Gorgonis capite præfixus, cuius ex intuitu homines omnes in saxa vertebantur. Tanta autem is floret virtute, vt in apparatu belli Ferrariensis, cū accepisset à Duce fortissimo numerosissimum conflatum esse exercitum, magna dixit, animi molestia me Dux liberauit, qui vires suas omnes in vnum contraxit, vt liceat vno die, de summa rerum decernere.

*QVOD PRÆMIORVM MAXIMVS
sit honor. XII.*



ST honor non voluptatis, & luxuriæ diuersorium: sed ingenij, ac virtutum omnium domicilium. itaq; solet dicere aurum egeni honorem boni viri esse præmium: tātūq; honori aurum cedere, quantum virtus præstat vtilitati. Quare Titus Labienus multum auri, ex præda Gallica cū donasset strenuo militi: miles aurum, ad pedes labieni abiecit: at paulo deinceps idem armillis argenteis donatus, alacer gaudio abiit: contempsit aurum miles, honores amplexus est. nec temerè. quia vel minima

minima honoris aura, omni pretio est potior.

*QVOD DVPLEX SIT HONORIS
ratio. XIII.*



ON debemus sensus; ad res inuestigandas; ita
stupidos habere, vt quæ ab ætatis nostræ re-
mota sunt, nihil sentiamus. Cuidam itaq; sci-
scitanti cur Honor olim Deus constitueretur;
eiusq; Ædes, ita virtutis templo esset annexa;
vt ad eam nemini pateret aditus, nisi per virtutis templum. Est
hæc fabrica dixit, non Numinis, sed ingenij. oleret enim vim
atq; naturam diuinæ, & humanæ virtutis, quarum ex altera
Honor proficiscitur diuinus: ex altera humanus. ille quasi
numen gaudet, in primis, animi religione: hic corporis
magis obsequio.

*QVOD VIR BONVS HONOREM
auget, fugiendo. XIV.*



MAT defensorem, non feneratorum iuris: nec
æqui, sed lucri fædera anhelantes odit. Quocirca
cuidam Magistratus dignitate elato dixit, nemi-
nem honorem gerere, nisi qui norit vitam, per
virtutem, agere. Nec aculeata magis, quàm vera, in ambi-
tiosum hæc eius est sententia. Siquidem est viri boni, nihil
aut præter virtutem appetere, aut præter vitium fugere. Ne-
mo igitur debet honorem malis artibus aucupari, quem viri
boni censentur augere fugiendo. Quare nemo, inter virtu-
te pares, debet velle alios honore anteire. Verus est, in Tri-
pode Delphico, inter septem totius Græciæ sapientes, exem-
plum.

plum. Etenim ipse cum Apollo respondisset ei dandum esse, qui sapientia cæteris præstaret, nemo eorum inuentus est, qui honorem eum alteri potius, quàm sibi non deferret. Turpe enim est inter pares, alijs velle gloria præcellere.

*QVOD HONOR NON LANGVIDÆ,
virtutis sit interpret, & nuncius. XV.*



ON sunt hæc Apophthegmata, ancipites mentis eius notæ: Sed graues sapientissimi eius consilij diguitate corroboratæ sententiæ. Interrogatus enim, quis sibi inter bonos viros videretur honestandus: qui, vt est in prouerbio, dignus est, respondit, obelisco. Erat autem Obeliscus columna Pyramide minor, Soli sacra: nec vlli erigebatur, apud Ægyptios, nisi ei, cuius vita, veluti solis quidam splendor omnibus posset prodesse.

*QVOD IN SVBLATO ETIAM HONORE,
vestigia remaneant virtutis. XVI.*



RATIO in re ancipiti, & dubia fidem: exempla cognitionem magis pariunt. Interroganti igitur num is, cui sit dignitas abrogata, affectus sit ignominia. Neq; gloria respondit, sed virtute paratur honor: neq; dedecus, fortuna, sed animi infligit turpitude. Testis est Democritus Phalereus. Nam ab Atheniensibus, quorum Remp. administrauerat, trecentis statuis honestatus, neq; animo est elatus: neq; ijs per inuidiam euersis, deiectus. quin illorum iniuriam hoc asperfit sale, statuas dixit, euerunt: virtutes, quarum gratia illas erexerunt, non euerunt.

DE FIDENTIA

TITVLVS XVIII.



FIDENTIÆ magna est gloria: non exigua viri timidi infamia, cui, quæ bona facit, etiam sunt dedecori. Nam quanquam peccatum non committit: cōsiliū tamen peccandi ideo admittere videtur, quòd minimè vacaret peccato, si impunè posset peccare. Quocirca nemo est aut improbū nisi timidus, aut vir bonus nisi fidens. Timor enim non est periculi, sed mentis morbus. Qui igitur mentem habet sanam, non timet: qui verò animi morbo laborat, timet etiam sine periculo. Cū igitur ageretur de Cardinalis P. ALDOBRANDINI fidentia, quæ in rebus arduis & timēdi, & audiēdi ars est, & scientia, MARIUS Contadus Opt. Senator virtutis eius gloriam suo nō solum corroborauit, sed etiam auxit testimonio. Hic enim Pater conscriptus cū nullam, nisi ex virtute, rapiat ansam fidentia, tum quemadmodum Medicus Hippocrati. Iustiniāno, I.C. ita ille non parum doctrinæ: multum ingenio: omnia fidit Deo immortalī. Præclarius certè quidem hic, quam olim antiquitas. Nam apud Romanos, vsus inoleuerat, vt Geniorum auspicijs fiderent. vidimus enim passim inueterati numismatis inscriptiones Genio Augusti: Genio Senatus: Genio Populi Romani: cæterum in fidentia, nihil est melius, quàm prudentiæ, consilioq; fidere. Hac animi confitione sic ducitur P. ALDOBRANDINVS Cardinalis, vt semper eius consiliū vacet temeritate, & negligentia. Nihil enim est in fidentia temeritas, nisi Bruti malus Genius.

Genius. scribit autem Plutarchus Bruto secum de bello gerendo cogitanti, hominē eximīæ proceritatis apparuisse, cumq; vbi Brutus interrogasset quis esset, respondisse Brutū se esse malum Genium, quem apud Philippos, in pugna visurus esset, itaq; ille ab eo infaustum rei euentum, & mortem sibi imminentem didicit. Periculosissimum est igitur in temeritate: tutissimum in prudentia spēm positam habere, vt ipsa loquuntur hæc Apophthegmata.

- 1 Quòd in Principe fidentia comes debeat esse consilium.
- 2 Quòd in Bello victoria nuncia sit fidentia.
- 3 Quòd Hosti nihil sit Horribilius, quàm Principis fidentia.
- 4 Quòd Res gloriosa sit sui fidentia.
- 5 Quòd non Arca: sed fidentia homines deddat beatos.
- 6 Quòd Principem sui fidentia Populo magis, quàm virium robur commendat.
- 7 Quòd Militis ornamentum non sit in auro: sed in fidentia positū.
- 8 Quòd Virtuti fidenti nihil sit horribile.
- 9 Quòd sine sui fidentia nemo rem gerat præclaram.
- 10 Quòd cuiq; fidentia par sit virtus.
- 11 Quòd fidentia procreatrix sit intelligentia: temeritatis inscitia.
- 12 Quòd quæ habetur pecunia confisio anceps sit, & dubia.
- 13 Quòd fidentia sit virtute, non pecunia depascenda.
- 14 Quòd Pecunijs minimè sit fidendum.

QVOD IN PRINCIPE FIDENTIÆ
comes debeat esse alienum consilium. I.



VNQVAM probatur aut leue, aut turgidum nimis genus dicendi: semper in Principe medium laudatur, & ad omnes res æquabiliter fluens, atq;

vt hoc loco, si in primis aspersum sit ingenij, & eruditionis sale. interrogatus enim quid potissimum cauere deberet princeps: ne præ nimia sui fiducia, respondit, alienum negligat consilium. ita C. Cæsar sua virtute fretus, eos neglexit, qui rogabant, vt sibi salutis suæ custodes ascisceret. Sed exitus docuit, facilius esse mortē præuideri, quàm morti prouideri. Sic pariter Alexander à Chaldæis, per Nearchum monitus est, ne ad Babylonem accederet: quòd immineret ei infelix exitus: at monita spernens, ad paucos dies, veneno ab Iola, in medio victoriarum cursu, sublatu est, quartum & trigessimum annum agens: robore corporis simul, & animi virtute florens.

*QVOD IN BELLO, VICTORIÆ
nuncia sit fidentia. II.*



QUEM ADMODVM, in honoribus virtus, sine acie ingenij: ita in armis, rei bellicæ gloria, fidentia præsidio destituta, manca est omninò, atq; imperfecta. Solitus autem est dicere, fiduciam vincendi, in milite, principium esse victoriæ. Neq; enim mens hominis in rebus dubijs, suis de cælo caret igniculis, qui illum, quo res vocat, quasi inflammant, & incendunt. ita C. Cæsar, cùm Pharsalicæ pugnæ staret acies, omniaq; iam equorum, ac hominum strepitu resonarent, Crastinum decem alarum ductorem, castra egredientem procul nomine compellans, interrogauit, quid de pugnæ euentu speraret, at ille dextram protendens, vinces ò Cæsar ait, & me hodie, aut viuum, aut mortuum laudabis: quorum virumq; verum exitit. Nam vicit Cæsar, & Crastinum, qui fortissi-
mè

mè pugnando occubuerat, pro concione laudauit.

QVOD HOSTI NIHIL SIT HORRIBILIUS, quàm Principis fidentia. III.



VM iam, ad expugnandam Ferrariam, ipsa regio omnis bello arderet, Centurioni cuidam interroganti, quid Hostem maximè perterreret, fidentia dixit Imperatoris. ea enim non tam additur militibus, quàm adimitur hostibus animus. Sic Alexander Magnus Hostium fortunam fidentia: vires fortitudine superare moliebatur. Quæ res ex voto sic ei cessit, vt consueuerit dicere, nihil fortibus insuperabile esse: nihilq; timido satis esse munitum. Hac enim adiutus virtute, sæpe succumbentem in belli flamma exercitum crexit, ac Hostes victores profli gavit.

QVOD RES GLORIOSA SIT, sui fiducia. IV.



D cum quoniam hæreditas virtutis huius pertinet, & gloriæ: interrogatus quanta cuiq; sui deberet esse fidentia: quanta respondit à contemptu, & insolentia se vindicare satis est. in hoc vno laudatur Euripides Tragicus. Nam cum ei Alcestiris poeta tarditatem ingenij obijceret, quòd triduo non ultra tres versus maximo labore deducere potuisset: ipse autem centum perfacile scripsisse gloriaretur. Sed hoc dixit Euripides interest, quòd tui in triduum tantummodo: mei verò in omne tempus sufficient.

QVOD NON ARCA: SED FIDENTIA

homines reddat beatos. V.



DICEBAT multo esse ditiores, non inopem fidentia, quàm pecuniæ. vulgatum est Alexandri Magni testimonium. Etenim Antequàm in Asiam transiret munuitates, opesq; ingentes cunctis amicis in Macedonia donauit. At Perdicas admirans dixit, quid tibi ò Rex omnia dando fiet residui: spem respondit, bona Persarum admirabili fiducia ostendens. Eam spe Macedones, vt cum Alexandro haberent communem, fiducia cõtenti, Alexandri renuerunt munera. Longè enim plurius est fidenti spes futurorũ bonorũ: quàm voluptas existentium.

QVOD PRINCIPEM SUI FIDENTIA

populo magis, quàm virium robur commendet. VI.



QUEM ADMODVM ex Amussi Architecti, sic Sapiientissimi quiq; viri, ex tanti Antistitis opinione statim quid deceat, & dedecet, vbi rerum vrget difficultas, gestiunt odorari. Interroganti igitur, quid Principem populo maximè commendaret: sui potissimum respondit fidentia. Testis vnus est instar omnium Antigonus Macedonũ Rex. Nam cum ad regiam dignitatem recens ascendisset, idq; grauatè ferret, stomachareturq; populus: ipse virtute, & conscientia frerus, in populi conspectu diadema, sceptrumq; deposuit, atq; palam monuit, vt si alium quempiã se regno digniorem inuenirent, ad eum ex arbitrio, Diadema sceptrumq; deferrent: commemoratis antè ijs rebus, quas magna virtute, & gloria gesserat. Ita hac animi fidu-

R cia,

etia, populi animum mouit, vt vltro omnes ad capescendum denuo Regnum hortarentur: magnisq; precibus contenderent, quod ipse constanter renuit, nisi ante de seditionis auctoribus supplicium sumeretur.

*QVOD MILITIS ORNAMENTVM
non sit in auro, sed in Fidentia positum. VII.*



CVM virtus multis semper incommodis sit oppressa, ac temporum vitio exulcerata: hæc continenter à Principe tanquam à sapientissimo medico est curanda. Interrogatus igitur cum militiæ multi croco, & auro diffuerent, quo ornamento maxime decoraretur miles, non purpuræ dixit, sed fidentia. I audatur itaq; quicumq; fuit, vir ille Lacedæmonius. Nam cum in Clypeo pictam gestaret muscæ: sibiq; ab amicis diceretur, insigne nimis paruum id esse, neq; ab hoste visum iri: respondit se ita hosti appropinquaturum, vt muscæ non solum posset videre, sed etiam odorari.

*QVOD VIRTVTI FIDENTI, NIHIL
sit horribile. VIII.*



FIDENTIA ingenij, & virtutis ministra, si pelitur à consuetudine, locū dare, & cedere solet socordia. Quare solitus est dicere & artem, & arcem boni militis vnam esse fidentiam, ad quam timori vix vllus datur accessus. Testes duo sunt Lacedæmonij: quorum vnus increpatus, q̄ in a. iera claudus descenderet, respondit pugnare sibi propositum esse, non fugere: alter minitanti cuidam, q̄ sagittis Persarum sol ipse videretur obscurari: addis dixit nobis animū. Nam in vmbra, melius præliabimur.

QVOD

QVOD SINE SVI FIDENTIA, NEMO
rem gerat praelaram. IX.



RES Bellica cū limati, & subtilis: tum acerrimi est iudicij. Cuidam itaq; militum præfecto interroganti, quibus gradibus res militaris ad gloriam procederet, neq; hominis, neq; bestiae dixit, sed fidentiae, à qua si imperator cadit, à toto cadit exercitus. Ea igitur iure laudatur Scipio Æmilianus. Nam cū urbem præualidam obsideret, suadentibus quibusdam, ut circa mœnia eius ferreos murices spargeret, omniaq; vada tabulis plumbatis consterneret, habentibus clauorum spicula, ne subita irruptione hostes in Scipionis præsidia imperum facere possent: respondit non esse eiusdem imperatoris, & capere alios velle, & timere.

QVOD SVI CVIQUE FIDENTIA,
par sit virtuti. X.



QVONIAM ita natura comparatum est, ut optimus quisq; imperet deteriori; cū princeps imperat omnibus, par est item rationi dixit, ut omnium sit optimus. Suiq; recirco fidentissimus. praelarum est C. Fabricij testimonium: Nam cū ab omni leuitate, & iactantia maximè esset alienus, quantam sui haberet fidentiam ostendit. is enim Legatus ad Pyrrhum missus cū esset, rogatus est à Pyrrho, ut inter duces atq; amicos suos primum vellet occupare locum. At ille ei in aurem dixit, id ex re Pyrrhi Regis minimè fieri posse. quod utroq; bene cognito, omnes à Pyrrho, ad C. Fabriciū deficerent. Tantumq; hæc eius fiducia valuit, ut non modo Pyrrhus eam, quanquam aculeatam, non grauate tulerit, sed etiam, ut veritatis nunciam probarit: illiq;

uni captiuos omnes quorum causa, legatus erat, dono dederit.

QVOD FIDENTIÆ PROCREATRIX

sit intelligentia: temeritatis inscitia. XI.



ONSVEVIT dicere Herculis imaginem, a-
pertam habere fidentiae significationem. Nam
cum ignorantiae sit, & improbitatis dubitare:
ingenij est, & rectè voluntatis confidere. Rectè
enim in eo quisq; fedit, quod benè intelligit. Nas-
citur quippe fidentia ex consilio, & scientia, ut ex inscitia temeritas, & au-
dacia. alterum apud Poetas docet Herculis gloria: alterum Pha-
rontis, & Icarum infamia. vis quippe experti consilio sua ruit mole.

QVOD QVÆ HABETVR PECVNIAE

confisio, anceps sit & dubia. XII.



VONIAM nerui rerum agendarum sunt pe-
cuniae, interrogatus quænam in rebus agendis,
auro fidentia esset habenda: ea respondit, quam
ministrat Aegyptijs sua Regio. falsè id quidem.
Nam Aegyptijs cum hominum cõuenit ingenijs. Benè quip-
pe vterentibus saluberrima medicamēta præbet: malè vterentibus
mortalifera, & exitiosa venena: Nec sapienti admodum sunt ne-
cessariæ pecuniae: primum quia res grandes non auri, sed in-
genij sunt præsidio: deinde quoniam, omnes ut asserunt
Stoici sunt diuites, qui caelo, & terra uti possunt.

QVOD FIDENTIA SIT VIRTUTE,

non pecunia depascenda. XIII.



ONQVIEBAT neq; florem, neq; colorem co-
rum votibus adesse, qui asseuerant ideo spem ho-
minibus cum pecunia crescere, quia omnia obe-
diunt

diunt pecuniæ. Non enim diues est, qui bona possidet: sed qui bonus est. Nam diues dictus est, quasi diuinus, quod nihil egeat. Quare ut Histrio non est felicius, quod in scenis adornatus Rex, aut Deus videatur: sic, neq; in bonis fortunæ, vir redditur bonus. Morum igitur probitas multò diuitijs est vtilior. illis enim sæpe turpia: huic nunquam obediunt nisi honesta. Quocirca iurè reprehenditur Epicharmus, qui inani hac opinione numos fecit deos: quod illos, qui possiderent, nihil frustra cuperent.

*QVOD PECVNIIS MINIME SIT
fidendum. XIV.*



QUANTQVAM disputantium laquei, pecunias videntur non in abiecto aliquo bonorum genere, irretire: pecuniæ tamen non sunt, ut fert sententia Lycurgi, bonæ. Nam diuites, ut ipse sentit, si opibus suis frui volunt, diffuunt voluptate: sin custodire student, coguntur per avaritiam, ab ipsa iustitiæ semita deflectere. Interroganti cuidam igitur, quibus rebus minime esset fidendum, opibus dixit, quæ non solum videntur esse Ludibria fortunæ, sed etiam sui possessores ludibrio habere. Sed bona sint, quid ijs bonis est fidendum, quæ ut ait Bion, fortuna largitur ignavis, & virtus aufert à bonis? infidiosa res est diuiti pecunia: committitur enim cædes lucri gratia: expilantur templa: amicitia violatur: fides soluitur: produntur patriæ, ac deniq; nihil non mali perpatratur. Hoc animaduertens Lycurgus Spartanorum legislator monetam auream, & argenteam ex Lacedæmone substraxit, instituitq; ut ciues ferreo duntaxat numo uterentur.

DE PATIENTIA

TITVLVS XIX.



VEMADMODVM Eſchines Phi-
 loſophus pro dolore lateris, è quo gra-
 uiter laborabat, nunquam ingemuit:
 ſemper rationis plagam, & virtutis vul-
 nus grauiter, & acerbè tulit: ita Cardi-
 nalis P. ALDOBRANDINVS
 nunc facès dolorum reſtinxit patientia,
 nunc accendit virtute. Id cùm omnes
 laudant vehementer, tum CÆSAR Galaratus Senator
 Grauiſſimus optimo cuiq; aſſerit eſſe imitandum. Non enim
 facit fortiter, qui rerum amat difficultatem: ſed qui, aut pu-
 blicam acriter arcet, aut propriam non grauè ſuſtinet. Ne-
 mo quippè ad præclarum aliquod facinus adeò eſt Idoneus,
 quàm qui, ad rerum aſperitates occalluit patientia. Quid
 enim attinet, quod res eſt altè repetere? Eſt Tolerantia vehi-
 culum, præſertim in bello, magni oneris: in pace, iuſtitia, &
 æquitatis: quam facile princeps deſerit, niſi in rerum aſperi-
 tatibus adſit patientia, hoc eſt ars patiendi & ſcientia. Eſt au-
 tem hæc principi neceſſaria. Nam qui dolores tam priuatos,
 quàm publicos neſcit perferre: mollis, & effeminatus: qui
 ferendo vincit, patiens rectè dicitur. Qui autem laborem deſe-
 rit: fugit quod cupit. Nam vt refert Epichurrus, laboribus
 omnia nobis Dij vendunt. qui autè impatiens eſt doloris, fa-
 cit non ferendo, vt duplicem ferat dolorem. Non enim mi-
 nus graue eſt dolori cedere, quàm ipſe dolor. Atq; contra
 quæ mala caueri non poſſunt, libenter ferendo, euadunt bo-
 na. quod gratia impetrari non poteſt, patientia quæri debet.

Nam

Nam cuiusvis doloris remedium est patientia. qui igitur perferre nouit, vincit. Nunquam est virtus patientia, in rebus prosperis. ille vero est patiens, qui in aduersis conficitatur, nec tamen ab æquo, & bono potest amoueri. Nec minus inter-dum est victoria, mala ferendo vincere, quam resistendo. Hoc enim est fortunæ, illud magis virtutis. Magnum igitur est vindictæ genus: ignoscere victo. quia bis est victus virtute simul, & armis. Pusillanimus contra est, qui non potest iniuriam pati: nec est vir bonus, qui malos non tolerat: nec fortis, qui ira deijcitur.

- 1 Quod Patientia in Bello, veluti quedam sit, ad victoriam semita.
- 2 Quod in patientia fundo, Virtus omnis radices agat.
- 3 Quod plus sit in luctu. & maiore mali, quam in ipso malo.
- 4 Quod sine patientia quis non solum malo sed etiam metu mali torqueatur.
- 5 Quod viro etiam patienti, luctus pro amici interitu sit honestus.
- 6 Quod Virtutes omnes una pariat patientia.
- 7 Quod Princeps patientia adminiculis maiora efficiat, quam robore virum.
- 8 Quod abundat etiam in paupertate, qui est patiens.
- 9 Quod Patientia ad felicitatem maximè pertineat, principis.
- 10 Quod Patientia sit armatura adamantina, quæ omnes respuit. & ferri, & ignis impetus.
- 11 Quod Principis patientia sit, in populo obsequij disciplina.
- 12 Quod aduersus oris procacitatem, non armatura profit, sed patientia.
- 13 Quod Rex difficillimis patientia reddantur facillima.
- 14 Quod neq; Populi plurimum dominum: neq; Virtus otium non patitur.

15 Quòd sine Patientia, nemo non sit miser.

16 Quòd Libertatis decus sit Patientia.

QVOD PATIENTIA IN BELLO

*veluti quadam sit ad victoriam
semita. I.*



VONIAM non imperio ius: sed imperium iuris nomine continetur, in iure lucus, & sanguis est positus non solum imperandi, sed etiam imperata, & in pace, & in bello faciendi. illud autem cum appetant omnes: hoc nemo ferè non gravare ferat: quòd in altera multum sit dignitatis: in altero plurimum oneris. Cuidam militi, qui impatiens erat obsequij, seiscitanti quænam via in bello tenderet ad victoriam: non qua sulcatur æquor, aut transgrediuntur montium iuga respondit: sed vna extat patientia, qua sola omnes superantur difficultates. Hac tantum virtutis semita Lacedæmonij, quamvis pauci, & inopes essent, Græcorum omnium evaserunt fortissimi, & Spartæ maximum Imperium opulentissimæq; vrbes, ac regiones subegerunt, quæ totius Laconicæ prouinciæ principatum tenebat.

QVOD IN PATIENTIÆ FVNDQ,

virtus omnis radices agat. II.



VM Ars imperandi in virtute residet, tanquàm in sua sede, & fundamento, atq; ex arte, qui bonus est princeps, nouit non solum florem, sed etiam fructum excerpere imperij: interrogatus
ab

ab amicis, quo in campo, virtus maximè radices ageret, in fundo dixit patientiæ. Malus enim est virtutis minister, qui nescit mala pati. id cum intelligerent Spartani, non solum pueros alioris, sitis, & inedia reddebant patientes: sed etiam in bello, ad vulnera assuetos ut haberent, nec mortem formidarent, vtrò plurimis plagis lacerabant: in quibus, pueris facilius erat mori, quàm ingemiscere.

*QVOD PLVS SIT IN LVCTV ET
Mæore mali, quàm in ipso malo. III.*



Tres cum imbecillitate languet orationis: sic rei dignitas cum verborum apparatu, & splendore doctrinæ, in ALDOBRANDINO efflorescit. Amico aliquando in luctu, & qualore iacenti dixit, omni malo fædius esse lugere. eò quòd illud maculam habeat fortunæ, hoc animi dedecus. ira; in legibus decemviralibus, quas duodecim tabulas appellant, non modo viris, sed etiam mulieribus eiulatus, fletusq; funebri prohibitus est. Nec est, ait, pro eius interitu, qui gloriose vltimum vitæ suæ diem obierit, dolendum. Laudant igitur veteres Lacænam illam, quæ cum accepisset filium suum in prælio dimicantem cecidisse, ne ingemuit quidem, sed Dijs se gratiam habere dixit, quòd eum filium peperisset, qui pro patriæ salute mori non dubitasset.



QVOD SINE PATIENTIA QVIS
non solum malo, sed etiam metu mali
torqueatur. IV.



VIA non regit, qui errantes non corrigit, quando nihil sit regere, nisi opus iustitiæ, regia ars est, qua vniuersi homines, ad virtutem informantur, & à vitiorum turpitudine procul pelluntur. interrogatus igitur, à quodam, qui in armis, impatiens erat periculi, vbi esset hostis: timidus, respondit, in animo. falsè quidem. Nam metus, in armis, omni hoste est capitalior. Terror igitur dictus est, quasi ter error, eò quòd vir timitus mente ab honesto: corpore ab incolumitate, ac deniq; ab opibus fortuna procul aberret.

QVOD VIRO ETIAM PATIENTI
luctus, pro amici interitu, sit honestus. V.



VM patientia virtus sit viri, ab amicis interrogatus, vbi luctus viri, nihil, quod effeminati est animi, oleret, vbi respondit, mors est amici. Amicus enim amici difficilius fert casum, quàm proprium. itaq; Alexander Magnus à virtutis magnitudine sic appellatus, pro morte Hephæstionis amici, non se solum sordidatum, ac luctuosum monstrauit: sed etiam equorum iubas tonderi, ad cutem vsque iussit, & turrium pinas, ac murorum propugnacula exturbari, vt mania etiam ipsa desiderio Hephæstionis lugere viderentur.

QVOD

*QVOD VIRTUTES OMNES VNA
pariat patientia. VI.*



DEVS cū omnia regat, qui regit, dei personam induit: cui omnes debent velle parere. Sed quoniam verbum pareo, quasi à patiēdo dictum est, nemo, nisi qui sit patiens, videtur ad virtutem esse accomodatus. Interroganti igitur vbi haberetur optima virtutis schola: in patientiā dixit regione. Hoc ipsum sentientes Gymnolophistæ, Indi sapientes, summam laudem ponebant in patientia, & in doloris contemptu. Nudi igitur per niuem, & glaciem Caucaſi montis errabant, nec cū ad ignem accessissent, ingemiscebant.

*QVOD PRINCEPS PATIENTIÆ
adminiculis, maiora efficiat, quàm robore
virium. VII.*



CVM virtutis laus, in Principe sæpe ex siccitāte orationis exareſcat, tū nullius de eius dignitate oratio magis, quàm ALDOBRANDINI vbertate irriganda est. Nam cū duplex sit Principis officium: vnum in vitiorum sordibus, ex hominum societate abstergendis: alterum, vt omne studium eorum ad virtutem acre sit, & expeditum: vtrūq; semper plurimo studio anhelauit ALDOBRANDINVS, qui aliquando interrogatus, quibus adminiculis tot, tantas, tamq; arduas res gessisset, patientiæ respondit. Hac enim Princeps res grandiores sustinet, quàm potentia, & viribus: tum quia versatur circa dura, & arcerba, quæ ferendo magis superantur, quàm renitendo: tum quoniam homo, vt refert Xenophon Socraticus, omnium animantium, in rectorem suum est ingratiſſimus.

*QVOD ABVNDAT ETIAM IN
paupertate, qui est patiens. VIII.*



NE Q; Gregis sine pastore: neq; populi sine Prin-
cipe, vlla est vtilitas. Solus enim princeps,
virtutem cū ministrat, sufficit omnibus. Sem-
per igitur inquebat, in paupertate abundat,
qui est patiens. Nescit enim vir bonus, qui
nihil appetit, egere. Hoc sentiens Socrates dicebat gratiam
esse habendam naturæ, quæ res bonis viris necessarias, vltro
exposuisset: difficiles verò, ne paratu quidem esse necessarias.
Quare diues est, non qui affluit pecunia, sed patientia.

*QVOD PATIENTIA, AD FELICI-
tatem maximè pertineat Principis. IX.*



QUEMADMODVM si Plantæ radices, odoris
aliquo inficiuntur genere, qui ab ijs gignuntur
flores non vacant odoris eius vel grauitate, vel sua-
uitate: ita qui mos est Principis latenter repit per
vniuersum corpus populi. Pacientem igitur populum, ex
tolerantia constituebat Principis, dicebatq; Principem præ-
ter eum felicem esse neminem, cuius animus aduersus mala
omnia, obduruisset patientia. eò quòd sicut in Boetia, ad
Trophonium, iuxta flumen Orchomenon, duo sunt fontes,
quorum alter memoriam: alter obliuionem affert po-
tantibus: ita ferè in Imperio sine laboribus,
& vigilijs, magnæ felicitari, ma-
gna pericula sunt
finitima.

QVOD PATIENTIA SIT ARMATVRA

*adamantina; qua omnes respuit & ferri, &
ignis impetus. X.*



LOS virtutis, & firmamentum gloriæ, vna est, dicebar, patientia. Nam patientiam qui tollit, maximum animi munimentum tollere videtur. pater id eum multorum virorum testimonijs, tum vno potissimum Anaxarchi exemplo. Nam quorsum, quod hic malleis in dolo cōtusus, potius in dolore exilijs, quàm ingemuit? non est obscura ratio. Dolor enim succumbit patientiæ: non patientia dolori. Hoc sentientes Aegyptiorum Sacerdotes; Hieroglyphicum patientiæ fecerunt tergus Crocodili. Nec falsò quidem. Nam sicuti id, ea obrigere solet duricia, vt omnes ferreos respuat ictus: ita patiens potest lacelli iniuria, lædi verò minimè potest.

QVOD PRINCIPIS PATIENTIA

sit, in populo obsequij disciplina. XI.



PRINCEPS iustitiæ, & legibus nō obtemperans docet imperando, sibi non esse obtemperandum. Si quidem, dicebat non esse verissimile, vt quis alteri onus imponeret, quod ipse non sustineret. Quare nihil est ad imperij auctoritatē, in Principe firmitus: quàm diuturna in iure, obsequij patientia. Multa sunt veterū testimonia, sed nulla probationis arx est firmitus, quàm quæ naturæ exemplis stipata, septaq; tenetur. Sicuti enim arbor, suber difficile recipit vulnus, & si recipit lucro habet, quia arbor ea præter aliorum naturam, nisi lanietur, suo suffocatur cortice: ita vir patiens, vbi alij flaccescunt, alacritate reuitescit, & robore.

QVOD

QVOD ADVERSVS ORIS PROCACI-
tatem, non armatura profit: sed
patientia. . . . XII.



Nihil est in bonis melius, quàm quod principi debetur. Nam à Principe non solum communis vitæ, sed etiam virtutis recunditæ, & doctrinæ manant summa auxilia. Itaq; olim sapientissimi quiq; viri non ante, libros suos in lucem edebant, quàm illos Principis nòmini, vt eò virtus omnis rediret, vnde digressa esset, consecrarent. Res est ex Aristotilis instructione, & disciplina in aperto. cum enim in populi turba, pauci benè sentiant: multi peierent: omnes verò malè loquantur, interrogatus quæ aduersus petulantia, & procacitatis morsus esset armatura: non lorica, aut thorax dixit, sed patientia. Nam cum non fiar nisi nolenti iniuria, qui non ægre fert iniuriam, vim omnem retundit iniuriæ. Demosthenes itaq; à quodam conuicijs lateffitus, nolim tecum dixit in hoc genus Certaminis descendere, in quo qui vincitur ipso victore est melior. is enim demum inter mortales est terribissimus, qui pessimè loquitur.

QVOD RES, EX DIFFICILLIMIS,
patientia reddantur facillima. . . . XIII.



PRÆCLARVM obsequij, quod ALDOBRANDINO debetur, testimonium: non molle, & remissum amoris, familiares eius, vt ostenderent, ab eo aliquando percontati sunt, cuius ope adiutus tot res, tam graues, & acerbassustineret: patientiæ respondit. Nam patiendi virtus hæc est, vt difficilima

lima quæq; ex diurna consuetudine, reddantur facillima:
ita Socrates Alcibiadi miranti, quod Xantippen ad res omnes
acrem, & acerbam, quæ nunquam in virum dentes non exa-
curet, pateretur, ego inquit iam pridem eius iurgiis sic assue-
ui, ut ipsa iam callum obdlexerit meo stomacho.

QVOD NEQVE POPVLVS PLVRIVM

dominium: neq; virtus otium norit pati. XIV.



CVM plures eundem Imperij clauum tracta-
re contenderent, dixit neq; populum plu-
rium dominium: neq; aspirantem ad vir-
tutem scire otium pati. alterum Lydorum
Rex Cræsus sua interdum docuit stulticia.
Nam cum fratrem imperandi sibi ascisceret
socium, tum quidam ex lydis, ô Rex inquit, omnium in ter-
ra bonorum Sol est auctor: at si gemini soles forent, pericu-
lum esset, ne omnia incenderentur: ita regem quidem vnum
accipiunt Lydi: duos simul tolerare non possunt. in altero re-
stis est ipse Antistes. Nam interrogatus ab ambitiosis quî-
busdam cuius ope pararetur imperandi sapientia, non digni-
tatis dixit, sed temporis, & studij. Non enim ut Cæneus, qui
subito è muliere factus est vir, optando tantum: sic repente
qui stultus abiecit cubitum, surgit sapiens.

QVOD SINE PATIENTIA, NEMO

non sit miser. XV.



CVM conspiceret plurimis calamitatibus obiectam
esse mortalium vitam, multiq; ob id, grauius in
dies ingemiscerent: dixit non eos esse miseros, qui
in do-

in dolorem inciderent, sed eos qui patientes non essent doloris. neq; enim patiens est sine dolore: neq; vir bonus sine patientia. Zaleucus igitur fratri in malis quærenti: non quæreris dixit, propter acerbiteriam malorum: Sed quia ipsa mala nescis pari. Elegans huc pertinet Apologus. Cum enim in Comitibus animantium Asinus expostularet, quod careret cornibus: ingemuit item Simia, eo quod caudæ destitueretur honore: at Talpa utrumq; felicem esse dixit, se autem tantum esse infelicem, quando perpetua præmeretur cæcitate. quorum? nemo, si benè attendimus, est tam felix, qui sine patientia, nō sibi videatur deteriori, quàm par est, esse cōditione.

*QVOD LIBERTATIS DECVS, SIT
patientia: XVI.*



QVIA nuda, & enermis est ratio, sine doctrinæ præsidio, Antistitiis doctrinam tūm passim, tūm hoc loco, fas est carpere, & colligere. differentibus enim quibusdam de populi libertate, dixit neminem præter patientem esse liberum, eo quod solus is non posset cogi. docit id ipsum olim apud Romanos Pompei vir-
tus. Hic enim legationis officio cum fungeretur, à Gentio Rege interceptus est, ut Senatus consilia prodere iuberetur pat ille constanti fide, fortiq; animo, adnotæ lucernæ cremandum digitum præbuit, eaq; patientia non solum Regi desperationem tormentis quicquam ex se cognoscendi attulit, sed etiam posteris vniuersis testatum reliquit, cum non posse cogi, qui novit
dolorem pati.

DE SOLERTIA

TITVLVS XX.



QUANTVM Populus Romanus ita olim, & lumem, & oculos amauit intuentium, vt neq; ante solis ortum, neq; post occasum, voluerit Senatuscōsulta esse rata: ita tamen solertiæ exarsit amore, vt cūm Dies labori sit Sacer, nox quieti, diem voluerit à media nocte, præter Græcorum, & Ægyptiorum consuetudinem, initium trahere. id autem eò pertinere volebant, vt omnes intelligerent, noctem nullam neq; labore neq; studio, cuiquā debere esse vacuam. Quoniam autē difficillimæ quæq; res, solertiæ curantur præsidio: Ægyptij Hieroglyphiū Regis, qui versatur circa difficillima, fecerunt Draconem, qui inter omnes animantes, solus adeò somni est inimicus, vt cum nemo adhuc viderit dormientem. Tam solers autē, & Diligens, est **P. ALDOBRANDINVS**, vt apud eum nulla sedes sit, nisi in labore, quietis. in quo quanta sit Rom. Ecclesiæ felicitas, ex eo liquet, quòd longè res est capitatio-
rior principi cum otio, quā cum hoste. Nam cur Nasica, in Consilio de Carthaginis euersione, magis probabat Carthaginensium aduersus Romanos discrimen, quā Carthaginis euersionem? quia res secundæ ex otio infelicem: aduersæ felicem, ex studio habent exitum. virtus enim diligentia: inertia vitium omne nutritur. Nam cur Homerus Agamemnonem, cūm ceteri dormiant, semper facit vigilantem? quoniam otiosi nescit virtus, quæ omnis in actione consistit. Sed quid ego hæc? vicit is summus Aristes

studio, & solertia Scipionem Africanum, qui solitus est dicere se nunquam minus esse solum, quam cum esset solus, nec minus otiosum, quam cum esset otiosus. In quo amo Sapientissimi Senatoris FRANCISCI Glusiani testimonium. Nam cum Senatores olim iccirco Patres conscripti sunt nominati, quod eorum nomina, in Diademate essent inscripta, quasi eadem sit, & Regis, & Senatoris cura: tunc in eo Senatore, tantum est solertia, & studij, ut Glusianus maiori quam Atea Rex dignus videatur laude, & gloria. Ille enim quanquam terrori erat PHILIPPO, quod Philippus Macedonibus tantum imperaret hominibus pugnandi peritis: is verò Scythis, qui etiam aduersus famem, sitimq; pugnare norant, obdormiuit tamen aliquando tempori: Glusianus autem tanto continenter publicæ utilitatis efferuescit studio, ut nunquam videatur, nisi in plurimarum rerum asperitatibus quiescere. Nam quid de Senatu dicerem urbis Mediolani? nullam admittit solertiam sine fide, & prudentia. illa, ut semper appetat quæ honesta sunt, declinet contraria: hac, ut quæ utilia sunt cæteris, curet & perficiat. Atq; sicuti Ægypti Reges, neminem ex ijs hominibus, quorum utebantur opera, admittebant, nisi qui liberali esset forma, & virtute insignis: ita ad incredibilem Senatus Mediolani gloriam, hoc accedit etiam, quod nullos habet sui administratores, nisi quorum ars, summæ sapientiæ ministra sit, & famula. Testis est vnus pro omnibus IO. FRANCISCVS Landrianus, à secretis, qui in scriptis dictisq; Lyram extorsit Apollini, & ita extorsit, ut ex eius concentu videatur, vel Landrianus ex Apolline natus, vel ex Landriano reuiuiscere iam ipse Apollo. Nam ex soluta & libera eius oratione, duplex percipitur fructus, vnus artis & ingenij: alter virtutis, & doctrinæ, quorum vterq; est eiusmodi, ut haud sciam an quicquam

quam viro docto possit accidere laudabilius. facundia enim nisi rerum cognitionem attingat, verborum quædam est inanitas: Rerum vero cognitio, sine facundiæ præsidio, infantia potius, quàm doctrina. Sed quò mea me abducit oratio? Quot in Senatu Mediolani, sunt virtutum opifices, & Architecti: tot sunt solertiæ, qua rerum Asperitates, atq; temporum angustias omnes Cardinalis PETRVS ALDOBRANDINVS superat, aperti, & expediti obsides.

- 1 Quòd Imperatoriæ artis difficultas, nihil ferat vacui temporis.
- 2 Quòd Ingenij eos, & doctrina procreatrix sit solertia.
- 3 Quòd nulla sit imperandi tutior via, quàm animi solertia.
- 4 Quòd studio, & solertia, superetur hominis vis & natura.
- 5 Quòd in Diligentia tutela, omnia bonorum genera sint posita.
- 6 Quòd Principi solerti, non sit properandum, sed maturandum.
- 7 Quòd Acres sint in honore, ad res arduas, solertia stimuli.

*QVOD IMPERATORIAE ARTIS
difficultas, nihil ferat vacui temporis. I.*



VANTI sint neruorum, ac laborum fructus, ij omnes nisi solers, & diligens adhibeatur ratio, iniuria sæpè absorbentur temporum. Sciscitantibus igitur amicis, quis in discrimine rerum, Princeps abundaret auxilio: qui inops est otij dixit. docuit id C. Cæsar, cui, in vita, nulla hora fuit labore, & studio vacua, quiq; adeò tenax, & avarus fuit temporis, vt quemadmodum Oppius meminit, duobus pluribusue scribis plerumque epistolas alienissimi argumentu, eodem tempore dictitare. Nam semper inops est otij, qui nescit otio vi.

QVOD INGENII, COS ET DOCTRINÆ procreatrix sit solertia. II.



CVM minutis, & angustis quæstiunculis aliquando ageretur de re literaria, nonnulliq; in nostris hominibus desiderium priscæ eruditionis refricarent, dixit non doctrinam, sed docendi artem, hac nostra ætate deesse: at qua dixerunt: qua Demosthenes respondit ex infantissimo, factus est oratorum omnium eloquentissimus, quo responso solertiam potissimum fecit ingenij, & doctrinæ magistram, atq; dominam. Nam Demosthenes, ut refert Cic. eo exarsit ardore studij, ut iniquo animo ferret, si quando opificum antelucana vinceretur industria. Hic cusi omnia, ad doctrinæ, & eloquentiæ laudem, habebat impedimenta naturæ: labore tamen, & studio tantum effecit, ut doctissimos, ac eloquentissimos quosq; longo intervallo post se reliquerit,

QVOD NULLA SIT IMPERANDI tutior via, quàm animi solertia. III.



NON imperandi via solum est solertia, sed etiam imperantis ad summa quæq; vehiculum. Sciscitantibus igitur amicis, quibus gradibus, in imperio, ex rebus paruis, ad magnas fieret ascensus: non dignitatis dixit, sed Solertiæ. Nam magnæ res labuntur ignavia: parvæ crescunt solertia. id ipsum ut doceret Agathocles ex figulo patre natus, cum Sicilia potitus esset, Rexq; declaratus, solitus est in mensa fictilia pocula iuxta aurea ponere, eaq; iuuenibus ostendens dicere fictilia, propter solertiam, aureis facta esse potiora.

QVOD

QVOD STUDIO, ET SOLERTIA
superetur hominis vis, & natura. IV.



SOLERTISSIMVS quisq; princeps pessimè sapè audit. Nam virtuti simul, & otio vulgi difficillimum est morigerari. dicebat tamen ex diuturna laboris consuetudine; & ingenio acumen; & corpori robur ministrari. illud probatur Alcibiadis testimonio, qui ex studiorum assiduitate, statim quæ minus expressa erant, percipiebat, & quæ callidè versutèq; dicebantur cauebat: hoc admirabili quodam elucescit Anus cuiusdam exemplo. Nam cum consueuisset paruum vitulum, quotidie portare, nec ab incepto, vllum diem intermisisset, tandem aduultum quoq; bouem dicitur portasse.

QVOD IN DILIGENTIAE TVTELA
omnia bonorum genera sint posita. V.



QUEMADMODVM terra ab Homero mater, Oceanus extethorum bonorum pater vocatur: ita diligentia à tali, tantoq; Antistite, eorum, quæ diliguntur magistra, & domina est nominata. Etenim neq; vile, neq; honestum quod est, potest nisi in diligentia fundo succrescere. Nā quod consuevit Antisthenes discipulis, antè quàm ad se eosmitteret, dicere, opus esse libro nouo: stylo nouo: nouaq; tabella, res est plena studiij, & solertiae, sine qua summa est bonorum omnium desperatio. Nam ad ea non solum comparanda, sed etiam conseruanda animus requiritur, vigilans: studium acre, & tenax memoria.

QVOD

QVOD PRINCIPII SOLERTI NON
sit properandum: sed lente maturandum. VI.

QUEM AD MODUM ex solis accessu, & recessu, quæ è terris gignuntur omnia aut meliora, autem deteriora fiunt: ita, ex principis diligentia, & negligentia, vniuersa vel pelluntur, vel accertuntur Reip. mala. Solet igitur dicere nihil esse solerti Principe gloriosius, si in armis præsertim, non properet: sed maturer. vincit enim, non qui celeriter ferit: sed qui suo ferit tempore. Præclarum est in Rhombo natura testimonium. Nam cum Rhombus tardissimus sit omnium piscium, semper tamen eius in utero mugil reperitur, qui piscium omnium est velocissimus, ex quo intelligimus, non esse sapientis accelerare, sed lentè maturare, semperq; cito satis fieri, quod benè sit: neq; res magnas corporis, sed ingenij administrati viribus.

QVOD ACRES SINT IN HONORE,
ad res arduas solertia stimuli. VII.

CURTA sit Apophthegmatum, & peruagata ad veritatem via: qui tanti Præsulis Apophthegmata negligit, is non adeò videtur illa negligere, quàm qui breues sunt, & compendiarij trames, refugere veritatis. Cum autem res amicis plurimum facceret negotij, nec onus satis sustinerent, interroganti cui-dam, cuius presidio tanta rei difficultas redderetur facilis: honoris dixit. Nec falso! Nam res omnes, propter honorem ex difficillimis, redduntur facillimæ. itaq; Scipio Africanus solet ex Xenophontis libro, de Cyri institutione, fortes laudare: non ut hoc faceret, sed ut viris, eos laudando, vires adderet. Siquidem neq; Imperatori, neq; militi labores ij videntur graues, quibus vehuntur ad honores.

PERSEVERANTIA

SIVE CONSTANTIA

TITVLVS XXI.



ST Perseuerantia fida patientiæ comes, & in rebus aduersis preferendis, adiutrix. Nec vlla est certior ad finem vsq; perseuerandi ratio, quàm viribus æquare onus, vt quisq; non quantum ferre potest, sumat: sed perferre. Hæ sunt in Principe columnæ Herculis. Quia firmi, ac fortis est animi, summam conseruare virtutem, quam semel amplexus fuerit: optima autem perseuerandi ratio est; non solum non retrocedere: sed etiam in dies vltius progredi, & quantum possumus, semper ad sublimiora tendere. Quod grande est opus, tarde est aggrediendum: deinde perseueranter progrediendum. Cæpisse quippe, est multorum: perficere paucorum. alterum enim est consilij: alterum laboris. Nec enim qui pugnat, sine perseueratione, victoriâ consequitur: nec virtus sine, perseuerantia perficitur. dicitur perseuerans, quasi sempersequens verum. Eò quòd nulla gratia, nullis illecebris nulloq; terrore sit mutabilis. Hac in virtute, vt ALDOBRANDINORVM iam exempla præteream, habet etiam temporum antiquitas sua monimenta gloriæ. Nam ea sic floruit Aristides, vt ab eo filiam, in matrimonium cum peteret Dionysius, responderit filiam suam eiusmodi esse educatam, vt mallet mori, quam tyranno in vxorem dari. Eam igitur cum de medio sustulisset, quæreretq; Tyrannus iterum ab Aristide num etiam in

eadem persisteret sententia, dixit factum dolenter se ferre: dicto autem letari. Sed quid ego remota attento, propinqua relinquo? **LVCIVS** Albricius Senator, ita ad urbis publicum, & commune hominum commodum, in iure perseverat, utius non solum videatur servare, & tueri: sed etiam plurimarum virtutum gloria honestate. Nec est eius perseverantia, in labore, & studio, otij, quod cupit ex ciuitate exulare, patiens. Nam ex otio voluptas: ex voluptate flagitium: ex flagitio offensio, ex offensione interitus demum fit iuris, & iustitiæ. Quare olim in bene instituta Rep. perseverantiæ gratia fiebat **Gymnasia** & ludi, & artes exercebantur: Nam cum virtus omnis in actione consistit: tum in ea non satis est, virum bonum temeritate vacare, & negligentia: sed ars, etiam & perseverantia requiritur. Hoc est, quod sapientissimus ille Senator, in vno maximè suspicit **Card. ALDOBRANDINO**. Nam quid de ipso Senatu, atq; admirabili eius virtute dicerem? Quemadmodum non difficilis est, ex ipsis militibus, de Imperatore coniectura: ita ex Senatoriæ gloriæ ministris, qui potissimum sunt à secretis, facile est de Senatus admirabili sapientia, iudicium. Nam cum nullos habet sui ordinis ministros, nisi ingenuarum artium magistros, plurimarumq; virtutum dominos: tum vnus adest **IO. BAPTISTA** Saccus à secretis, in quo Senatoriæ virtutis, & gloriæ non obscurum, sed euidens est testimonium. Nam quod is vita sit honestus: ingenio subtilis: doctrina politus: quodq; oratione est elegans, vicius oratio, quasi scientiarum floribus conspersa, omnium animos oblectet, nemoq; sit, qui ex ea gustum, sensumq; non capiat summi ingenij eius, & eruditionis, id omne est eiusmodi, ut non exigua censeatur esse Senatus gloria. Nec enim ex Saeco obscurum est: qui fundus sit in Senatorio ordine sapientiæ: quod imperij decus:

quæ felicitatis officina, cuius alumni liquido, fuso, vago, atq;
multiplici floreant genere dicendi. Sed ne mea me alio ab-
ducatur oratio, venio ad Perseuerantiam, qua vnus maximè flo-
ret Card. ALDOBRANDINVS, vt doctè eius docent
Apophthegmata.

1. *Quod tanquam fluctus à Saxo, dolores omnes infringantur
constantia scopulo.*
2. *Quod sine perseuerantia, virtus omnis ruat.*
3. *Quod inconstans nesciat in suscepto consilio persistere, sed ruat
semper in deterius.*

*QVOD TANQVAM FLVCTVS A
Saxo: dolores omnes infringantur constantia
scopulo.* I.



ERSÆ nulla in re magis, quàm in observa-
tione regis, erant constantes. Itaq; si quis
regi non paruisset: is capite, & brachijs am-
putatis, insepultus abijciebatur. Sapientissi-
mus aut hic Antistes, quia acerba ferre robu-
sti animi est, magnæq; cōstantiæ, interroga-
tus quid, in dolorum cruciatu esset boni: constantia dixit.
Nam vt voluptates, continentia: sic dolores constantia in-
fringuntur vitibus. præclarum est, in dolore contemnendo
Cassij Scæuræ testimonium. Nam ei, ad Dyrrachium oculus
sagitta cū esset excussus: nihil cessit dolori, sed forti animo
in pugna continenter perstitit. At in dolore ferendo, alia
gens, aliter se habet. Nam Galli pugnacissimi habentur, &
fortes in bello: morbo autem afflicti statim ingemiscunt:

Græci

Græci contra ignaui sunt in prælio, in lectulis verò suis constanter agrotant.

QVOD SINE PERSEVERANTIA
Virtus omnis ruat. II.



QUAE perseverantia est, in ratione bene considerata, stabilis & perpetua permantio, solitus est perseverantiam, baculum virtutum omnium esse dicere, sine quo statim coguntur omnes ruere. Est autem virtus hæc magni & constantis animi. Nam celeritas, & magnitudo, raræ est felicitatis: multo vero rarioris diuturnitas, & constantia. Hac vna duce, non solum virtutes, sed etiam fruges omnes censentur ad maturitatem pervenire. natura enim in omni rerum genere, nō nisi gradatim, solet progredi: nec antè perficere opus, quàm ad ultimum vsq; gradum pervenerit. Nihil est igitur in moribus perseverantia, nisi animi excelsi, atq; inuicti magnitudo, ac robur. Testes sunt Ægyptiorum Sacerdotes. Nam cur apud eos, Hieroglyphicum per Gruis pennas constituitur perseverantiæ? ut docerent virum constantem nunquam cedere temporum iniuriæ. Nam Gruis pennæ nulla solent, ut cæterarum alitum, mutari, per ætatem, coloris vicissitudine: sed eodem semper persistunt colore: quin eorum alæ si gestantur, aiunt gestantibus laboris sensus, ad res omnes, hebescere.

QVOD

QUOD INCONSTAS NESCIAT IN
*suscepto consilio persistere, sed ruat semper
in deterius. V J VIII. I T*



NIL est magis in oratione, aut vitan-
dum, quàm quod aurium habet satietatem,
aut appetendum, quàm quod earum sitim
auget, cum doctrina & iucunditate. id hoc
exempli patet testimonio. Inquietabat enim
fortem virum non tam felicem esse, & bea-
tum: quàm hominem & inconstantem, alijs exosum; & sibi
miserum. Alterum, quoniam æqua qui grauate patitur, iniqua
vt plurimum, cogitur pati: alterum, quoniam nulli conuenit,
qui sibi est renitens, & controuersus. semper enim inconstans
abit in deterius. inde vetus prouerbiū: *ὁ ἐν ἀνδροβόλῳ ἔσθ' ἄνθρωπος*
το πρῶτον hoc est Res Mandrabolī more succedit. quadrat in
inconstantem virum, & instabilem: qui hoc laborat vitio, vt
nunquam mutet cōsiliū, nisi in deterius, veritatis est in pro-
berbio, testimonium. Nam Mandrabolus thesaurum cum re-
perisset, primū auream ouem posuit Iunoni Samiæ: proxi-
mo anno Argenteam: tertio Æneam: eò res pertinet, i
vt quò sæpius mutetur in constans, semper
melius quod est, postponat
deteriori.



DE TEMPERANTIA

TITVLVS XXII.



ST temperantiā virtus Principis. Nam, ut inquit Socrates, virtutum omnium est saluberrima, tamq; publicæ, quàm priuatæ humanæ societatis conciliatrix. Itaq; verat ille, ex Magorū sententia, ante curari corpus, quàm curetur animus. Nec obscure in eos inuehitur, qui minima curantes, summa curare negligunt. Quid enim ijs ridiculum magis videri potest, qui & equis, & canibus ægrotantibus remedia quæritant: in sui verò & corporis, & animi morbis, medicos minimè consulant? animum ferunt intemperantem: Citharam minimè ferunt nō temperatā, quotidieq; curiosè aliena tractant, propriā deserunt. Nam, si bene attendimus, omnia sunt aliena, præter animum, qui minimè curari potest, sine temperantiæ præsidio. Plato igitur, in Charmenidis vult sapiētiā quoque, in ipso latere temperatiæ nomine. Nec falsò id quidem. Nam primi perturbationum sensus, vel ad fortitudinem, per iram: vel ad prudentiam, per timorem: vel ad iustitiam, per amorem: vel ad patientiam, per dolorem, iter ostendunt. Soli verò Temperantiæ, omnis impetus opponitur perturbationis. Nam temperantiā qui habet, omnia decenter agit, cum summa animi tranquillitate. Temperatis autem hominibus, ut ait Plato, lex est ipse deus: intemperantibus voluptas. Quamquam tamen ne voluptatis quidem expers est temperantiā. Nam ut satietas omnia ex iucundis, reddit iniucunda: ita temperantiā voluptatem rariore usu maiorem facit. In hac vna virtute

virtute, optimum ingenij, incolumitatis, ac modestiæ, per
vniuersum vitæ curriculum, positum est viaticum. Hæc au-
tem virtus sapientis est potius, quàm diuitis. alterum quia
res est difficilis, aut diuitem temperantia, aut temperantem
oblectari diuitijs: alterum quoniam nihil Est Deo grātius
viro temperante. Nam modeste viuere, diuinum officium
est: eoq; tanquàm optimo rerum omnium concentu maximè
colitur Deus. Hæc virtute cùm maximè oblectetur: tū in ea,
omnibus rebus nouit MARTINVS Verastigius Senator
Æquissimus, nisi laboribus temperare. Nam publicæ utili-
tatis, & communis commodi gratia, tot solitudinum sti-
mulis, & curarum aculeis confoditur, vt semper finis vnius
negotij, principium sit futuri, nec ei quicquam aliud sit la-
bori finem imponere, quàm laboris primordia capere.
Hæc enim eius est natura, hoc tam acre, tam ardens studium,
vt solum videatur mensura carere. Nam vt publicæ quieti
consulat, nullam partem capit quietis, omnemq; suas curas
tam intento animo, atq; incredibili labore, in publica utili-
tate tuenda fixit, vt qui Verastigium benè norit, verum con-
globatæ virtutis, & doctrinæ exemplar norit. Quare eius,
ad Cardinalis ALDOBRANDINI Apophthegmata,
gestio hoc loco, vt auctoritate, & testimonio.

- 1 Quod malus sit virtutis magister: qui turpitudinis sit mi-
nister.
- 2 Quod nulla sit tam insidiosa, quàm quæ maximè placet voluptas.
- 3 Quod Princeps alios iustitia: seipsum magis perficiat Temperantia.
- 4 Quod res sit difficillima virtutem simul, & pecuniam amare.
- 5 Quod voluntaria paupertate nihil sit beatus.
- 6 Quod Papulus venter sit Principis, cui debet morigerari.
- 7 Quod intelerantia, Rationis, & iudicij sit inimica.

- 8 Quòd non minus gloriosa sit, aduersus voluptatem, quam contra hostes victoria.
- 9 Quòd Principis frugalitas, veluti quandam ansam porrigat populo admirationis.
- 10 Quòd parere virtuti, Regi sit gloriosius, quàm hominibus imperare.
- 11 Quòd Princeps, nec in armis odio; nec in otio amore debeat superari.
- 12 Quòd Temperantia maximè expediat ciuili societati.
- 13 Quòd quasi in temperantia vtero concipiantur laudes virtutum omnium.
- 14 Quòd Temperantia Semita, non solum ad virtutes, sed etiam ad scientias aperiat aditus.
- 15 Quòd in Temperantia penu reposita sit acies ingenij, & robur virium.
- 16 Quòd abstinentia pabulum sit ingenij, & integritatis.
- 17 Quòd Abstinentia sales omnes habeat, & animi, & corporis.
- 18 Quòd in fame non adeo cibus, quàm in cibo abstinentia sit requirenda.
- 19 Quòd Abstinentia animi simul, & corporis sit medicina.
- 20 Quòd cum Abstinentia, vires corporis crescant, & decrescant eaq; virtute maximè res gaudeat militaris.
- 21 Quòd victus laus commendatur abstinentia, non epularum elegantia, & copia.
- 22 Quòd in cibus nihil sit ipso appetitu conditius.
- 23 Quòd Abstinentia flagitiorum sit medicina.
- 24 Quòd Abstinentiam sequantur ducem summa quæq; bona.
- 25 Quòd vbi sobrietas non sit, ibi nec rationis, nec imperij vllus sit usus.
- 26 Quòd Principis cōtinentia popularem gratiam maximè concilies.
- 27 Quòd ditissimus sit, qui inops sit cupiditatis.

QVOD MALVS SIT VIRTVTIS MA-
gister: qui turpitudinis sit minister. I.



VÆ Constituitur virtus Principis, non scholastica dape: sed rerum omnium vfu, & experientia est depascenda. Hac qui est præditus, ad ardua tendens, stomachatur cupiditatum omnia Lenocinia. Interrogatus itaq;, quis summus esset Imperator: qui ventri, dixit, qui voluptati, quiq; suis sic imperat sensibus, vt nullis vitiorum irretiatur illecebris. ita quippè laudatur superior ille Cato, qui pellibus hædinis, pro stragulis, domi, militiæq; utebatur: quiq; Hispaniam gubernans, trium feruorum comitatu contentus, eodem & cibo, & potu, quo illi utebantur, vitam trahebat eam, quæ exemplo erat amicis: terrori inimicis.

QVOD NULLA SIT TAM INSIDIOSA,
quàm quæ maximè placet voluptas. II.



INIS benè imperandi, non est artis cognitio: sed eius rei, quam ars adhuc nulla ferè intellexit, inuestigatio. Non enim artis est, sed virtutis honestè viuere. cùm autem multarum deliciarum comes sit Principis dignitas, sciscitanti fortè cuidam, quid in delicijs potissimum esset cauendum: quod maximè placet dixit. Hoc ipsum non verbis: sed re ipsa aliquando cōprobauit Scipio Aphricanus. Nam puellam sibi in Hispania eximiæ formæ oblatam, non modo tenuit: sed etiam aurum, pro ea redimenda, doti adiecit, eamq; accersitis parentibus, integram, & incorruptam viro restitui iussit.

QVOD

*QVOD PRINCEPS ALIOS IVSTITIA:
seipsum magis perficiat temperantia. III.*



QVI non potest quæ acerbæ sunt, & difficilia ferre: non est credibile, ut ijs cedendo, possit ad res grandes aspirare. Nam quæ res grandis est, & gloriosa, ea omnis plurimis rerum asperitatibus est interclusa. Interrogatus igitur quid maximè probaret, in principe, eam dixit virtutem, qua Cic. in primis, commendat Deiotarum Regem. Erat quippè in eo, ut ait, singularis, & admiranda frugalitas. Etsi inquit, hoc verbo scio laudari reges non solere: nec frugi hominem, multum laudis habet in rege: sed fortem: iustum: severum: gravem: magnanimum: largum: beneficum: liberalem: ego tamen frugalitatem, id est modestiam, & temperantiam, virtutem maximam esse iudico. Nam Princeps alios illis virtutibus: hæc autem virtute se magis perficit.

*QVOD RES SIT DIFFICILLIMA
virtutem simul, & pecuniam amare. IV.*



NON consistit ingenij laus, in rebus novis inveniendis, sed vtilibus: nec iudicij gloria est de rebus recunditis, sed veris: In utroq; autè quantum præstet sapientissimus hic Antistes, non difficile est odorari. Nam cuidam interroganti, quid homini maximè esset operosum, & difficile. Supienter, dixit, vivere, & opes amare. In hac sententia cum esset Anaxagoras Clazomenius, omne patrimonium necessarijs suis vltro largitus est. qui enim in cælo fixit omne bonum, nihil est in terris, quod quicquam putet retinere boni. Quare ille per varias regiones peragrans, compellantibus

pellantibus quibusdam quò tenderet iter : cælum intuens , in patriam dixit . illa enim vera est patria , in qua quis non est inquietus : sed habitandi dominus : & ex qua non solum sine crimine , sed etiam sine criminis suspitione , originem traxit .

*QVOD VOLVNTARIA PAVPERTATE
nihil sit beatius. V.*



NULLA virtus , tam angustis terminis , & finibus sui nominis est definita : cuius quasi doctrina , non videatur , eo nomine teneri inclusa . cum igitur Temperantia , ab vberissimo eius fructu , & animi , & corporis , rerumq; omnium , fragilitas à latinis sit nominata : interrogatus aliquando , cuius in terris diuitias maximè probaret : non Cræsi , dixit , sed Diogenis Cynici . Grauis in summa breuitate responsio . Non enim est diues , qui multum possidet : sed qui minimum appetit . Id autem Diogenes Alexandro ita interdum comprobauit , vt ipse Alexander visus sit Diogenis felicitati subinuidere , cuperetq; quasi commutato Alexandri nomine , esse Diogenes . Diogeni enim nihil deerat : plurima deerant Alexandro . Nam cum tantum cuiq; desit , quantum appetit : qui contentus est , nihil etiam habens , omnia possidet .

*QVOD POPVLVS VENTER SIT
Principi , cui debet morigerari. VI.*



QVONIAM neq; turpe quod est , opinione tollitur honesti : neq; quod est erratum , nomine artis , imminuitur , & doctrinæ : falsò rebus turpibus , vt fit , honesta imponuntur nomina . Interrogatus igitur , quem non auarum : sed fugi duceret esse principem : non qui vni ventri , respondit , imperat : sed qui

T tanquam

tanquam Briareus multos plurimis brachijs alit ventres. Hoc aperitè magis, quàm Poetæ, Plato ad Archytam Tarentinum. Ne quicquam igitur Princeps sapit, qui non plurimis sapit.

*QVOD INTEMPERANTIA, RATIO-
nis, & iudicij sit inimica. VII.*



VM in vino, nec regi, nec vehi potest rationis clauo, imperium: inquebat principem, in vino non solum mentem: sed etiam principatus amittere auctoritatem. Non vulgare est priscae uultus exemplum. Nam cum Philippus Macedonum Rex oscitanter inter Scyphos, peregrinam quandam mulierem, indicta causa, damnaasset: tum illa grauibz uerbis iudicium, ac iudicem mordens, exclamauit, se prouocare ad alium iudicem: ad quem Philippus Rex respondit: tum illa ad Philip-pum sobrium. tunc rex ad se rediens, atq; te bene cognita, mulierem, ut postulabat ius absoluit, liberamq; dimisit.

*QVOD NON MINVS GLORIOSA
sit aduersus uoluptatem: quàm contra Hostes
uictoria. VIII.*



VLLA est in suasionis, & dissuasionis fluctibus, firmior anchora, ad uersus omnes fallaciarum tempestates, quàm uiri sapientis in ratione fundata auctoritas. Solitus autem est dicere, gloriosius esse Imperatori Hostem temperantia, quàm armis superare: nec minus esse honestum, temperatè aduersus uoluptatem, quàm fortiter contra pericula pugnare. Nam ferro, hostium robur: uirtute animus magis
supera-

superatur. itaq; Scipio Maior non tantum gloriæ ex hostium trophæis, quantum ex victis voluptatibus reportauit. Hic enim illas ita continenter frenauit, vt semper à captiuis mulieribus abstinuerit, nec vllam vnquam in conspectum suum venire voluerit, vt non solum mentem, sed etiam sensum oculorum continentem haberet. Cùm autem virgo quædam captiua ad eum duceretur formæ elegantia admirabili, illam honestè integreq; custodiri iussit, atq; I uccio Principi Celtiberorum Sponto integram, intactamq; restitui. quæ res Celtiberis causam tantæ beneuolentiæ præbuit, vt illi vltiò in potestatem Romanorum venerint. Quod igitur armis Scipio assequi nequiuert: continentia præsidio statim assecutus est.

QVOD PRINCIPIS FRUGALITAS

*veluti ansam quandam porrigat populo
admirationis. IX.*



VÆ fluunt à tanto Sapientiæ Antistite Aphthegmata, eo sale sunt aspersa, vt in ijs nullus satiæ: plurimus etiam sit iucunditatis sensus. Cùm de populari gratia, erga principem fortè ageretur: cui-dam sciscitanti, quo in primis adiumento Princeps gratus redderetur populo, & admirabilis: vitæ respondit integritate. Hanc enim virtutem non solum ciues, sed etiam hostes, in imperatore amant, & admirantur. Quare ad Scipionem Africanum, qui Linterni exulabat, visendum, & salutandum Prædones longa nauigatione accesserunt, vtrum aliquando cernerent, quem pro fama temperantiæ, & rerum gestarum gloria, summo semper amore coluerant.

QVOD PARERE VIRTVTI, REGI
fit gloriosus: quàm hominibus imperare. X.

PLVRIMVM amo in Præsule, sententiarum doctrinam: nec minimum laudo dicendi genus. Nam cum orationis grauitate, argumenti crescit dignitas. Cùm de optimis Regibus, & Imperatoribus fortè incidisset quaestio: rogareturq; quem iudicaret optimum: non qui multis dixit, sed qui sibi vni nouit imperare. Hanc laudem Anacharsis Scythia sibi vendicans, statuis, & imaginibus suis inscribebat, linguæ, ventri, pudendis obtemperandum. Gloriosus enim est virtutis imperata facere, quàm ne ab alijs omittantur, cauere.

QVOD PRINCEPS NEC IN ARMIS
odio: nec in otio amore debat superari. XI.

DELICTI, & erroris fuga: virtutis laus est, & gloria. cùm igitur nihil magis in honoris splendore cauendum sit, quàm dedecus, & ignominia: interrogareturq; quid Principi, qui magni, & inuicti est animi, sit meruendum: ne, dixit, qui in armis, non potest vinci odio hostium: in otio amore vincatur voluptatis. comprobauit hoc eius sapienter dictum, aliquando Alexander graui temperantiæ testimonio. Nam cùm inuitaretur, vt Darij Regis filias, quas captiuas tenebat, viseret, quòd admirabili essent formæ elegancia: recusauit inquires, non esse sibi committendum, vt qui viros vicisset, à mulieribus vinceretur. Nec enim Principi minus præclarum est, imperare cupiditatibus, quàm hominibus.

QVOD TEMPERANTIA MAXIME
expediat civili Societati. **XII.**



RERV M asperitas, virtutis compensanda cum sit suauitate, sciscitanti cuidam quid ciuitati bene moratae maxime expediret: Temperantia dixit. Nam sublata cupiditate, nihil est, quo quis magnopere possit egere. Itaq; Pythagoras, qui primus Philosophi nomen inuenit: uiris fortitudinem: mulieribus pudicitiam: pueris uerecundiam: omnibus frugalitatem proposuit.

QVOD QVASI TEMPERANTIAE
utero concipiantur laudes omnium uirtutum. **XIII.**



AVIDE illae ab omnibus, & animo, & auribus hauriuntur voces, in quibus non solum scintillae sunt suauitatis, sed etiam faces ardentes doctrinae, & virtutis. cum autem de bonorum generibus ageretur, quorum fons, & caput est Princeps: Dixit in Imperij bonis, nihil esse melius temperantia. nec falsò id quidem. Nam auctore Pythagora, mensura rerum omnium est optima. à fructu igitur dicta est haec uirtus latine frugalitas, eò quòd sola fructum habeat uirtutum omnium. Aegyptij igitur, ut docerent hac uirtute regnum esse municiendum; Taurum quadrupedum omnium continentissimum, Regis fecerunt Hieroglyphicum.

QVOD TEMPERANTIÆ SEMITA,
non solum ad virtutes, sed etiam ad scientias
omnes aperiantur aditus. XIV.



QUAE laudatur antiquitatis diligentia, in inuestiganda eruditione: felicitas, in reperienda: ars deniq; in declaranda, dicebat eorum ingenia maximè esse probanda, quæ antiquam Musarum integritatem sibi viderentur olere. Nam & Musæ, & Pallas, vt scribit Lucianus, omnes tuæ fuerunt à sagittis cupidinis. Atq; vt, est in fabulis, iccirco à te Venerea censentur alienæ: quia voluptas non solum virtuti, sed etiam doctrinæ, & ingenio exitialis est, & pestifera. Non est res in fabulæ argumento: sed in Anacharlis, qui Græcorum fuit sapientissimus, testimonio. Hic enim in conuiuium receptus, intemperantes omnes, vt, etiam cum silentio, reprehenderet: quasi accumbens quieti, alteram manuum pudendo: alteram ori adiecit. Hoc ex testimonij signo, omnis ferè intellexit posteritas, quæ Resp. summa mala vitare vellet: ei neq; gulæ, neq; Veneri esse indulgendum.

QVOD IN TEMPERANTIÆ PENV,
reposita sit acies ingenij, & virium
robur. XV.



QUAE demum Temperato viro tribuitur laudatio, non inanis est iudicij, & gloriæ. Nam si abstinentiæ decoratur coloribus, & pigmentis, ad speciem est honesta, nec ad sensum, & cogitationem fit impurior. Interrogatus igitur quo cibi genere maximè

maximè oblectaretur, eo dixit, quo fames: non voluptas curatur. qua vna voce abstinenciam maximè commendauit. Natura enim ventrem non delectari vult, sed sedari: non impleri; sed obsonari. Nam ciborum copia, lumen restringitur ingenij: vis & robur obruitur corporis. Etenim alimenta, vt medicamenta, nihil prosunt, nisi loco, & tempore, adhibeantur, cum mensura.

QVOD ABSTINENTIA PABVLVM
sit ingenij, & integritatis. XVI.



ON olet solum temperantia, morum integritatem: sed etiam ingenij acumen. itaq; interrogatus aliquando qua elegantia, & copia apparatus maximè honestaretur, Temperantia respondit. cibi enim renuitate acies exacuitur ingenij: ac facies simul restringuntur libidinis. Alterum docuerunt priscorum temporum omnium sapientissimi, sui testimonio, Persarum Magi: Indorum Gymnosophistæ, ac deniq; Ægyptiorum Sacerdotes, qui omnes à carnibus, & vino abstinerunt: Alterum in re aperta, non eget probatione, non necessaria. Nam veteri prouerbio, sine Cerere, & Bacho friget Venus.

QVOD ABSTINENTIA SALES
omnes habeat, & animi, & corporis. XVII.



VE MADMODVM lumen restringitur prudentia, sine ingenio: ita ingenij acies hebescit, sine abstinencia. Sanguis enim non solum ieiunitate attenuatus vim habet, in homine ad res intelligendas, acumi-

nis: sed etiam facietate oppressus; stuporis. Sciscitanti igitur
 cuidam quis studiosis cibis maximè esset accommodatus:
 qui est dixit; parcissimus: inculcanti rursus quis esset, sua-
 vissimus, quem respondit, commendat ipse necessitatis usus.
 Id re & euentu, docuit aliquando Artaxerxes Regis Cyri fra-
 ter. Nam cum ei nihil esset in fame, quod præter panem hor-
 deum voraret, iurauit nihil vnquam se commedisse suauius.

QVOD IN FAME NON ADEO CIBVS,
quàm in cibo, abstinentia sit requirenda. XVIII.



NIL est tanti Antistitis, aut pietate in Deum:
 aut humanitate in homines: aut iudicio in
 Reip. administratione sapientias. Ab eo igitur
 ne recedā, cum cerneret multos largius, quàm
 par est, se cibis ingurgitare, dixit nihil cibo,
 neq; vtile, neq; exitiale magis esse homini. Nam venter, nisi
 modus adsit, plures occidit, quàm nutrit. Nec alia ratione La-
 cedæmonij, ex Lycurgi legibus, conuiuio interdicebantur, ni-
 si, quoniam nimio cibo sanitas: nimio potu mens: ac deniq;
 nimia verborum morum decus amittitur.

QVOD ABSTINENTIA ANIMI
simul, & corporis sit medicina. XIX.



DIOGENIS abstinentiam vincere non potuit
 Alexander, etsi cognomen inuidi est assecutus:
 potuit Diogenes Alexandri, & aurum, & vires su-
 perare abstinentia. Hanc qui habet, vix quicquā
 est, quod metuat mali. Sciscitanti igitur cuidam, quæ aduer-
 sus lumina mala, daretur medicina, & animi simul, & corpo-
 ris, abstinentia dixit. responsum verò gtaud, & omni obser-
 uantia

uantia dignum. Nam & Plato abſtinentiæ præſidio, ſapien-
tiſſimus euasiſit: & C. Cæſar comitali morbo, quo primum cor-
reptus eſt Cordubæ, per cibi parcimoniam eſt liberatus.

QVOD CVM ABSTINENTIA UIRES
corporis, creſcant, & decreſcant, eaq; virtute res.
maximè gaudeat militaris. XX.

CONSUEVIT dicere nulla eſſe potiora, aduer-
ſus ætatem ingratueſcentē, animiq; languorem:
quàm quæ ex abſtinentia, reportantur victoriæ
trophæa. Nec quiſquam, ſine huius virtutis præ-
ſidio, poteſt in bello ad rem militarem eſſe idoneus. Id Milites
ſuo vt doceret exemplo Maſiniſſa, ſolet præter cæteros Reges,
tenuitate gaudere. Stans quippè ſemper antè tabernaculum ci-
bum, ſine pulmento ſumebat, cibario panē, & bellarijs mili-
taribus contentus. proinde in ſenectâ adeo vigit, vt poſt ſe-
xtum, & octogefimum annum, filium genuerit: poſtq; no-
nagesimum annum ſecundum, Carthaginenſes, qui contra
factus ei bellum intulerant, ſuperarint.

QVOD VICTVS LAUS COMMENDE-
tur abſtinentia, non epularum elegantia,
& copia. XXI.

QVOD ventri ſuaue eſt ſimul, & honeſtum: id ſe-
qui, res eſt planè operoſa & difficilis. Cùm igitur
in populo multos animaduërteret, ex epularum
varietate, & redundantia, magnificentiæ glo-
riam quærere: dixit illos eruditum magis habere palatum,
quàm ingenium, eò quòd in apparatu, maior ſit laus parci-
monię,

monia, quàm elegantia, & copia. In hanc item sententiam venit aliquando Socrates. Nam admonitus ab amico, vt apparatus, qui erat tenuis, augeret propter hospitum aduentum: si boni viri sunt, inquit, satis erit: sin minus, plus satis.

QVOD IN CIBIS NIHIL SIT IPSO
appetitu conditius. XXII.



Curpitudinum omnium officina sit venter: cuiusq; voluptate non tam homo, quàm hominis nutriantur flagitia: multa in eo damnauit, quæ probantur ab alijs. Sciscitanti autem cuidam, quod in cibis optimum esset obsonium, quod, inquit, sapit: Hoc ipsum sentiens Socrates, solitus est dicere, optimum cibi condimentum esse famem: portionis sitim. satiatis enim sordent omnia: placent etiam abiecta esurientibus. Testis est Pertatum Rex Darius, qui in fuga cum aquam cruore mistam, & cadaueribus contaminatam auidè hausisset, negauit, vbi sitim restinxit, se vnquam bibisse iucundius.

QVOD ABSTINENTIA FLAGITIORUM
sit remedium, & medicina. XXIII.



DIFFICILE est, inquiebat, ventri simul, & pudicitia parere. Nequissimus enim libidinis minister est venter, quem qui frenat, libidinem tollit. Itaq; Aegyptij olim, vt viuentes ad abstinentia hortarentur: nunquàm mortuos ante sepelire solent, quàm exectis intestinis. idq; vt quod contra ius, fasq; ab ijs admissum, in vita fuerat, causa sublata, quodammodo videretur expiari.

QVOD

QVOD ABSTINENTIAM SEQUAN-
tur ducem summa quaq; bona. XXIV.



CVIDAM interroganti, qui iucunde viueret, non qui molliter dixit, & delicatè: sed qui temperanter viuit. Temperantiæ enim attributa numerantur hæc. corporis robur: animi tranquillitas: rationis obsequium: vitæ integritas: lumen ingenij: formæ dignitas: ac deniq; fortunæ utilitas. Qui igitur abstinentiam habet, nihil est, quod ultra magnopere appetat. Accedit huc M. Curius qui Romanæ virtutis fuit exemplar, graue testimonium. Hic enim ad focum sedens, cum vasis fictilibus, rapas edens, Samnitum auri pondus his verbis reiecit, malo, inquit, habentibus aurum imperare, quàm auro abundare. Fortis enim est, vt ait Eusebius, qui non tantum hostium, sed etiam cupiditatum est victor.

QVOD VBI SOBRIETAS NON SIT:
ibi nec rationis, nec imperij vllus sit vsus. XXV.



NON alio condimento commendabant suos cibos Spartani, quàm fame. Victus enim iucunditas, in appetitu est, non in ciborum genere, & satietate. Tenuitas quippè in cibis, quæ iucunda sunt, auget, & voluptatem maiorem facit. Atq; quoniam tantum detrahitur rationi: quantum additur ventri, sobrietas maximè decet Principem, penes quem bona sunt omnia. Interroganti cuidam quod periculum in Gubernatore nauigantibus in alto maximè esset timendum, ebrietas dixit. Periculum id Solon ad Remp. referens, cum esset Atheniensium legislator, legem statuit, qua Princeps, si ebrius deprehenderetur, impune occidi

cidi posset. Nam quid de abstinentiæ vilitate, vt honestatem præteream, dicerem? expeditissima est ratio augendi census: detrahere sumptibus.

MACIV
QVOD PRINCIPIS CONTINENTIA
popularem gratiam maximè conciliet. XXVI.



TEMPERANTIA, alio nomine Continentia à continendo est dicta, eò quòd temperantem ab omni turpitudine gulæ, luxuriæ, cupiditatis, avaritiæ, ambitionis, & superbiæ pellat, eumq; plurimis virtutibus circunvallatum, in rationis gyro contineat. Quare solitus est dicere, nullam semitam Principi magis ad gratiam popularem esse compendiarium, & expeditam, quàm continentiam. qui enim Princeps non solum avaritiæ crimine, sed etiam caret suspicione, solet populo gratissimus esse. Sic Paulus Æmylius populo fuit peroptatus Hic enim ex maximo auri, & argenti pondere, atq; régia Gaza, quam in potestatem suam, ex victoria redegerat, nihil contrahere voluit, aut in rem suâ conuertere: sed quæstoribus negotium dedit, vt omnia in publicû ærariû referrentur. Atq; quamquam Persen vicit, & cum in triumphum duxit, & ex Hispania, ac Macedonia maximas opes, in publicum, retulit: ad tantam tamen tenuitatem, res eius familiaris redacta est, vt vix post eius mortem, superfuerit, vnde vxori dos redderetur.



*QVOD DITISSIMVS SIT, QVI
inops sit cupiditatis.* XXVII.



Sedum diues est, & beatus, non cuius ad opes, & copias magnus, in dies accedit cumulus: sed cui ex earum vsu, demitur necessitas. longè enim quiddam est beatus externis bonis non egere, quam abundare. Qui autem opes non cupit, neq; ijs remotis mæret: neq; adiectis gaudet. Quocirca consuevit dicere, nullam, neq; apud continentem, pecuniæ; neq; apud fortem, periculi esse auctoritatem. itaq; vt iter ad continentiam, & fortitudinem pariter olim suis ciuibus aperirent Lacedæmonij, lege apud eos cautum erat, vt si aurum, argentumue penes aliquem deprehenderetur, res esset capitalis: felicioreq; illi iudicarentur, qui fortiter morirentur in bello: quàm qui in pace prosperè viuerent.



DE MODESTIA

TITVLVS XXIII.



ODESTIA vt inquit ingenij, & eloquentiæ Princeps M Cicero, est scientia eorum, quæ aguntur, aut dicuntur, collocandorum. Siue enim à verbo medeore est dicta, quod certa sit perturbationum omnium medicina: siue à verbo moderor, quod moderetur rebus omnibus, censetur eorum, quæ in dictis, factisq; res postulat, magistra & domina. Moderantur autem voluptati, non qui penitus abstinēt, sed qui hoc modo vtuntur, vt non abripiantur cum ipsa. Siquidem non naui, & equo moderatur, qui haud vtitur: sed qui quo libuerit ducit. Nihil est in benè instituta ciuitate, hac vna virtute potius. Agesilaus igitur à quodam interrogatus, quid vtilitatis Spartæ attulissent Lycurgi leges: quod norit, respondit, voluptates contēnere: iudicans non alia ex re magis Reip. corruptelam nasci, quàm ex delicijs. Testes sunt in Senatu Mediolani duo Sapientiæ lumina. HIERONYMVS Sanfonius, & PAPIRIVS Cataneus. Nam summa quæq; in trauctando Imperij clauo, illius temperantur consilio. Tanta quippè est acritate ingenij, tanta virtute, & doctrina, vt sicuti equus freno circumagitur, ita eius auctoritate populus omnis, quò ius, quò ratio vocat, duci videatur. PAPIRII autem Catanei tanta est auctoritas, vt eius consilium non ex virtute, sed virtutem ex eius consilio non vereantur omnes, qui illum benè norunt, probare. Res enim ab eo gestæ plenæ videntur diuinitatis: ipse verò virtutis nomen, animi magnitudine

tudine superare. Ambos illos sapientissimos Patres conscriptos libenter hoc loco nomino, quia Cardinalis P. A L D O - B R A N D I N I virtus admirabilis, & Modestiae gloria, maxime recreatur grauissimo vtriusq; testimonio.

- 1 Quòd nec salutare: nec gratum quicquam sit magis quàm modus.
- 2 Quòd turpe sit, in rebus prosperis, animo efferri:
- 3 Quòd sine modo, & Modestia, ars omnis iaceat, & doctrina.
- 4 Quòd non adèd quid fiat, quàm quo quid modo fiat: sit spectadum.
- 5 Quòd consors modestiae sit verecundia.
- 6 Quòd Modestia, quasi eos quadam, sit verecundia.
- 7 Quòd Pudor non solum vim virtutis, sed etiam numinis habeat in mulieribus.
- 8 Quòd Pudor naturam maxime attingat humanam.
- 9 Quòd Pudor virium plus habeat, quàm metus.
- 10 Quòd Pudoris color censbatur, apud veteres, habere non solum ornamentum virtutis, sed etiam numinis.
- 11 Quòd olim nihil in Rege statuebatur esse potius Modestia.
- 12 Quòd ubi non adsit modestia, ibi minime seruari possit concordia.
- 13 Quòd minime verborosa sit Modestia.
- 14 Quòd, & Prudentia, & verecundia, & silentij comes sit Modestia.
- 15 Quòd, ut Modestia virtuti: ita Modestia ornamento sit silentium.
- 16 Quòd Ars statuatur dicendi: Virtus vero silendi.
- 17 Quòd Principis sit plurimum coetare, minimum loqui: summa verò quaeq; operari.
- 18 Quòd alijs dicere: alijs magis expedit tacere.
- 19 Quòd, & decorū, & tutum sit cum Principibus minimū loqui.
- 20 Quòd sapienti probanda est magis, quam appetenda Regum familiaritas.

*QVOD NEC SALVTARE, NEC
gratum quicquam sit magis, quàm
modus. I.*



IOGENES Cynicus eos solet irridere, qui propter bonā valetudinem sacrificium facerent: deinde iura sanitatis cibo, potu, atq; omni luxuria violarent. Nec quicquam est homini insulsius, quàm à medico id præcari: quod ipse sibi potest largiri. Dicebat autem nihil neq; tenuitate, ad valetudinis firmitatem: neq; morum facilitate, ad beneuolentiam esse accommodatius. utrumq; docuit etiam Imperatorum fortissimus Annibal. Nam, ut Græci referunt scriptores, neq; cùm, in Italia bellum gessit, neq; postquàm in Africam redijt, cubans cœnauit, ampliusq; vini sextario indulgit: summa quoq; comitare, & gratia, secùm agere volentes, semper exceptit.

*QVOD TURPE SIT, IN REBUS
prosperis, animo efferri. II.*



ATIS vindictæ est, nolle nocere, cùm licet vlcisci. Itaq; Persæ cùm supplicium de illustri viro sumpturi essent, vestem ei, & Tiaram detrahebant, atq; utramq; iuspensam, pro homine verberabant. Nec est inconsiderata suspicio: sed virtutis laus, principem paululum de suo iure, in vlciscendo recedere. itaq; cuidam interroganti, quid in rebus secundis, turpe esset, insolescere respondit. Non obscurum est in Archidamo Agesilai filio testimonium. Nam cùm à Philippo Macedonum Rege post cladem ab eo acceptam, literas aculcas, &

tas, & plenas terroris accepisset: Si tu respondit, ò Rex metieris umbram tuam, illa nihilo maior erit, quam erat ante victoriam. grauitè admonens non esse sapientis animo turgere, in rebus secundis.

*QVOD SINE MODO, ET MODESTIA
ars omnis iaceat, & doctrina. III.*

IN ST modestia scièntia opportunitatis, atq; idoneorum ad agendum, temporum magistra, & domina. Interrogatus igitur, quis esset sapientissimus, qui alijs dixit, præcellit modestia. Nec deest antiquitatis auctoritas. Etenim Menedemus Eticensis cùm videret multos, in doctrina, nec modum, nec modestiam tenere, solitus est dicere plurimos nauigare Athenas, studiorum gratia: qui primum essent sapientes: deinde fierent Philosophi: tam progressu temporis, euaderent idiotæ: omnium autem maximè censetur profecisse Socrates, qui dixit hoc vnum se scire, quod nihil sciret.

*QVOD NON ADEO QVID FIAT,
quàm quo quid fiat modo, sit spectandum. IV.*

NON est in iudicio præpropè habenda fides. Nam credulitas iudicis sæpe calamitas est innocentis. Solitus igitur est dicere, virtutem sine modo, fieri vitium. vetus huic eius sententiæ consonat prouerbum. *ἡμεῖς οὐκ ἔχοντες*: dimidium plustoto. Sicut in hoc prouerbio sita est aurea mediocritas: ita in ipsa mediocritate, vis omnis consistit modestiæ. Nam vt studium quidam modus est, inter negligentiam, & curiositatē: ita virtus omnis refugit quod aut parum,

aut nimium est. Laudatur itaq; Archidamus, cuius filia cum essent donata à Dionysio vestibus præciosis, recusauit pater, ne ijs indueretur turpiores fierent. Etsi enim pulchræ erant vestes: quicquid tamen sit præter modum, est turpe.

QVOD CONSORS MODESTIÆ SIT,
verecundia. V.

SCISCITANTIBVS amicis, quo colore maxime commendaretur mulier, pudoris respondit. est enim verecundia cupiditatum moderatrix. verum virtus hæc magis est fœminæ, quàm boni viri. Minimè enim virum bonum decet verecundari, cum ex erratis nascatur verecundia. Quare hæc laudatur in iuvene, vituperatur in sene. in illo enim rubor virtutis est color: in hoc dementiæ, & improbitatis. Demades igitur consuevit dicere pudorem in muliere, arcem esse pulchritudinis, & custodem officij. Nam plures pudore peccandi, à peccato tempore abstinent: quàm honesti studio, & virtutis amore.

QVOD MODESTIÆ QVASI COS
quadam sit verecundia. VI.

SOLITVS est dicere, vbi adsunt verecundiæ aculei: ibi cupiditatem rationi patere. Nam frenum turpitudinis est verecundia. Hæc autem duplex est: vna, qua quis peccare, altera qua peccasse erubescit. Illam laudare soleo: hanc nunquam non vituperare. illa enim virtutis habet adumbrationem: hæc peccati ignominiam. atq; sicuti apud Medicos magis præclarum est præcauere à morbo, quàm morbum curare: ita pudor is magis est probandus, qui culpam impedit, quàm qui corrigit admissam.

QVOD

QVOD PVdor NON SOLVM VIM

*virtutis, sed etiam numinis, habeat in
mulieribus. VII.*



SCISCITANTI cuidam, cū fortè age-
retur, de admirabili animi præstantia, qua,
cum formæ dignitate, MARGARITA
Aldobrandina cōmendatur, quænam vir-
tus esset mulierum, non consilium dixit, nō
armata fortitudo: sed verecundia. Hæc enim
non solum oris figuram, sed etiam animi pulchritudinē ho-
nestat. Est autem verecundia, à verbo vereor dicta, quod ver-
bum, ut spero, est rerum futurarum. Sed hoc inter metum,
& verecundiam interest, quod ille sit periculi: hæc nominis,
& famæ: ille in corde, hæc sita sit in ore, & oculis. pudor di-
citur alio nomine, quasi pudendorum timor, qui situs est in
incontinentiæ dedecore. Eorum decus quoniam vix reperi-
tur, iccirco Pudorem cum Nemese in cælum euolasse canit
Hesiodus, æneo seculo. Quia autem magister, & dominus cō-
tinentiæ est pudor, Xenophon in Symposio pudorem Deū fe-
cit, pudorisq; Ara Athenis fuit, in Acropoli, ut ait Hesychius.

QVOD PVdor NATVRAM MAXI-

mè attingat humanam. VIII.



CVM nonnullos aliquando cerneret perfricta
fronte, in flagitiorum sordibus inuolutari, dixit
hominem, sine pudore, & pudicitia, amittere,
& nomen, & naturā hominis. Nec id falso qui-
dem. Nulla enim animans, præter hominem, sensum vllum
habet pudoris. Itaq; veteres, quia natura solis vultum dedit ho-
minibus,

minibus, consueuerunt dicere impudentes, os non habere. hinc laudatur Catonis Maioris in Lentulū dicacitas: ille enim cum Lentulus in eius faciem expuisset, affirmabo omnibus dixit, Lentule, falli eos, qui te negant os habere. argutē hominis impudentiam notauit, etsi de spuri natura dicere videbatur.

*QVOD PV DOR VIRIVM PLVS
habeat, quā metus. IX.*



INTERROGANTI cuidam quid in humano genere, dominaretur natura, & affectibus, pudor, respondit. cōprobarunt id, multis antē seculis, sui exemplo Milesiē virgines. Nam cū in dies propter vitæ cōtemptum, laqueo vitam finirent: decreuerunt Milesij, vt virgines nudæ, cum eodem laqueo, quo essent suffocare, cfferrentur: itaq; quas non potuit mortis metus: turpitudinis pudor in officio retinuit.

*QVOD PV DORIS COLOR CENSEBA-
tur, apud veteres habere non solum ornatum vir-
tutis, sed etiam numinis. X.*



INTERROGATVS quis inter colores omnium esset pulcherrimus, verecundiæ respondit. est enim pudor virtutis apparitor, & erroris simul censor. Itaq; Pudoris simulacrum in Laconia spectabatur. Fuit item olim Numus, cuius inscriptio erat, Sabina Augusta Hadriani Aug. ab altera parte, dea sedēs velo faciem cooperta, & digito dextræ, indice ad iugulum admoto conspiciebatur, cuius inscriptio erat Pudicitia. Hæc. n. vis est pudoris. & pudicitæ, vt qui pudens sit, multò magis dedecus quā

quàm mortem timeat. præclarū est Iulij Cæsaris exemplum, qui tribus & viginti vulneribus confossus, vt verecundiam, si minus vitam poterat, retineret: in ipso mortis puncto, togam vtraq; manu dimisit, vt inferior pars corporis recta collaberetur, nec quicquàm cadendo, non modestum admitteret.

QVOD OLIM NIHIL IN REGE

statuebatur esse potius Modestia. XI.



SOCRATES Cygni nomen cū sibi vsurpasset: Pyrrhus Aquilæ: Accipitris Antiochus, Dixit quia Cygnus est sapientiæ Typus, solusq; Deus est sapiens, arrogantius à Socrate id esse factum: à Pyrro contra abiectius, eò quòd hæc ales Symbolum sit fortitudinis in bello, qua, iure vti volentibus, nihil accidit opus esse: omnium sapientissime fecisse Regem Antiochum, eò quod Accipiter interpretationem habeat modestiæ, quæ nihil est, nisi veluti quædam virtutum omnium mensura. Itaq; sicuti aues cæteræ sursum volaturæ, per circuitus ascendunt, atq; id cum faciunt transuerso, & tortuoso volatu vti coguntur: ita solus accipiter sursum versus tendens, recta effertur, eiusq; delapsus ad terram, recto tendit tramite. non solum enim modestia est ars rerum agendarum, sed etiam, & loci, & temporis, quo quid agendum sit.

QVOD VBI NON ADSIT MODESTIA,

ibi minimè seruari possint concordia. XII.



EIVS in primis dicebat laudandam esse modestiam, cui cum plurimum liceret, minimum tamen exlimatec decere. est in hac leui admonitione, gra-

uis aduersus insolentes obiurgatio. Nam Pierus, vt est in fabulis, ex Euippe vxore nouem suscepit filias, quæ propter cantus suauitatem animo elatæ, nihil sunt veritæ Musas ipsas, ad certamen cantus prouocare: quocirca à Musis superatæ in totidem picas sunt mutatæ: factumq; est, vt deinceps Musæ earum nomen, veluti trophæum vsurpantes, Pierides sint cognominatæ. At cur illæ in picas? quia vbi deest modestia, ibi semper indignatio præsens est, & discordia, vt patet in fabula. Nam pica Marti, qui gaudet dissidio, est sacra.

QVOD MINIME SIT VERBOSA
modestia. XIII.



SCISCITANTI cuidam cuius maximè, inter quosdam disertos viros, probaret eloquentiam: eius respondit, qui nouit in loco tacere. plura enim decet sapientem tacere, quàm loqui. atq; silentium in primis, mulieri, & fatuo maximum est ornamentum. vim enim habet responsionis, quæ caret reprehensione. Nam vituperari potest oratio: non potest silentium, quod apud sapientes, est responsi loco. Itaq; Simonides modestiam cum seruaret silendo potius, quàm dicendo: interrogatus, cur id faceret, quia respondit nunquam tacuisse me poenituit: poenituit sæpè esse locutum.



QVOD ET PRVDENTIAE, ET VERECUNDIAE, & silentij comes sit modestia. XIV.



VM. nihil sit honestum, quod modestia vacat: interrogatus ab amicis, qui in rebus agendis, decoraretur ornamentis modestiæ: qui tria respondit præcepta tenet Socratis: hoc est, cuius mentem prudentia: faciem verecundia: linguam verò honestat silentium. Nec enim ab eo res magnæ sustineri possunt, cui tacere est graue: nec loqui nouit, qui tacere nescit: in iurgiis verò acriores sæpè sunt aduersus petulantes, & maledicos silentij, quàm orationis aculei. præclarum igitur in eo est modestiæ genus, qui & tacere, & loqui in loco didicit.

QVOD VT MODESTIA VIRTVTVM: ita modestia ornamentum sit silentium. XV.



ES est, inquit, sapientiæ plena silentium: Ideoq; fatuus, à fando dictus est, quia qui à sapientia nudus est, silentium nescit tenere. Deus igitur qui sapientissimus est: parcissimus est orationis. Quare homines dicendi: superos tacendi habemus magistros, quorum in sacrificijs vnicè laudatur silentium. Romani igitur olim Angeronam Deam fecerunt silentij: cuius os, vlt scribit Macrobius obducebatur indice, vt silentium denunciaret. Est enim index sacer prudentiæ, quæ docet, & loqui, & tacere. Angenora autem ab angendo est dicta, eò quod, vt refert Verrius Flaccus, eos ab angore, & animi solitudine, ad maximam voluptatē traducat, qui suos angores, & molestias, vbi res, tempusq; postulat, ferunt dissimulando.

QVOD ARS STATVATVR DICENDI:
virtus vero silendi. XVI.



INTER totius Græciæ sapientes, Pittacum in modestiæ doctrina, dixit maximè esse laudandum. Hic enim nihil, in hac vna virtute, potius ducebat esse silentio. Quare ab Ægyptiorum rege rogatus, ut quod optimum esset, ex animante ad se mitteretur: ille linguâ misit: de integro item rogatus, ut pessimū quod esset mitteret, linguâ pariter mandauit, innuens nihil esse, neq; melius si modus adlit, neq; deterius si absit, oratione. omni enim gladio acutior est oratio: quæ non solum armatos, sed et procul absentes lædit. Anacharsis igitur linguæ procacitatē, omni flagitio libidinis fecit capitaliorem: nec id verbis tolum: sed etiam signis omni sole clarioribus. Nam in conuiuio apud Solonē, ut hoc ipsum testatū relinqueret, ira decubuit, ut læua compri mi pudenda viderentur: os autē eò dextra arceret, q̃ freno valentiore putaret linguā indigere. Nec enim facile tot recensueris hoīes, qui venereorū intēperantia, calamitatē sibi cōtraxerint: quot ciuitates, Principatusq; arcanorum dissoluerint enudatio.

QVOD PRINCIPIS SIT PLVRIMVM
cogitare, minimum loqui: summa verò quæq;
operari. XVII.



NIHIL, inquebat, est princeps, nisi reip. villicus, à quo imperij voragines, & scopuli non verbis, sed factis sunt infringendi. Quare cum nihil sit neq; gloriosius, neq; difficilius, quàm audire, & silere, haud quicquam est principis dignitati consentaneum magis, quam silentium.

Nam

Nam cur aut Aquila apud Romanos, aut Crocodilus apud Ægyptios Principis Hieroglyphicum constituebatur? ut rem docerent esse regiam silentium, atq; agendo, non dicendo administrari imperium. Illa enim sola inter alites volat sine clangore: hic autem, ut inter aues Ciconia, lingua, & voce destituitur. Nam quasi quædam regula benè agendi, & intelligendi, quorum causa homo in lucem est editus, in silentio vno est posita. Siquidem quæ mala nunquam audimus: illa nec cognoscimus, nec incognita appetimus.

*QVOD ALIIS DICERE, ALIIS
magis expediat tacere. XVIII.*

INTERROGANTI cuidam qualis esset ars, & dicendi, & tacendi: qualis est, respondit, natura magistra, in Cicadarum genere. Responso certè plena ingenij, & doctrinæ. Nam inter Cicadas mares, quæ apud Heliolum dicuntur Acharæ, perpetuo canunt: fœminæ contra, quæ Tettigonæ nuncupantur, voce destitutæ, perenni silentio utuntur. Hoc ipsa loqui videtur similitudo, nunquam neq; sapienti esse tacendum: neq; stulto loquendum. Res enim est non solum honesta: sed etiam tutissima imprudentibus silentium. Etenim in rebus bonis, habetur pro asseueratione: in peruersis pro inficiatione: ac demum, ut vulgatum est, apud iurisperitos: expressa sapienter notent: non expressa nunquam nocent.

V s QVOD

QVOD ET DECORVM, ET TVTVM
sit cum Principibus minimum loqui. XIX.



ETSI non tam exornationis in dicendo, quàm veritatis momenta quærenda sunt: vera tamen omnia ingeruntur vberius, quæ funduntur cum orationis suauitate. Ita sapientissimus ille Antistes res sæpè graues, & acerbæ, lenitate dicendi compenfat. Itaq; à quodam equite, qui principum consuetudinem affectaret, interrogatus quid in eorum familiaritate, potissimum esset cauendum: plurimum, respondit, loqui. aurea certè, & magno philosopho digna sententia. Nec enim Callisthenes, si non cum Alexandro, sed cùm æqualibus libertate loquendi vsus esset, miserandas in cauca pēnas dedisset suæ licentiæ.

QVOD SAPIENTI PROBANDA EST
magis, quàm appetenda Regum familiaritas. XX.



CVM fortè de cæde in regia, patrata ageretur Car. Lotharingæ, dixit Regum probandam magis, quàm appetendam esse familiaritatem. vitam enim perdit is, qui eorū gratiā amittit. Idipsum sentiens Lacydes Cyrenæus plurimis promissis accersitus ab Attalo Rege vt in suam amicitiam, & regni societatem veniret: respondit Regi se ingentem gratiam habere: negauit tamen se venturum, cò quòd Philosophi, à Regibus, vt picturæ, & imagines, emenus, non cominus sint videndi.

DE FELICITATE

TITVLVS XXIV.



I quæ datur, in hoc vitæ curriculo felicitas: non ea est, quæ vulgo videtur, vt pauperi, pecunia: ægroto sanitas, ignaro doctrina: sed hominis perfectio, quæ est iuste operari, & doctè sentire. Etenim non possidere, sed non egere felicitas est. Quare locuples potest esse miser: non potest temperas, rebus etiam destitutus, non esse beatus. Perfectio enim cupiditatis est temperantia: voluntatis iustitia: prudentia mentis, fortitudo partis irascibilis: atq; vt vno verbo dicam, perfectio hominis est sapientia, vt ignorantia, summa eius calamitas, & miseria. Sed duplex est felicitatis ratio, vna perfecta, quam qui habet, nihil est, quod amplius desideret: altera imperfecta, cuius Suppellex, in externis bonis est posita. Multum amo Cardinalis ALDOBRANDINI felicitatem: non parum summos duos eius Buccinutores IOANNEM BAPTISTAM Sormanum, & PETRVM ANTONIVM Magnocaballum, acres iuris, & iustitiæ propugnatores, qui tamen in eodem virtutis, & doctrinæ genere, sic inter se differunt, vt alter Romæ ius Pontificum: alter Medulani, in summo doctorum collegio, ius Cæsareum magis tueatur. Nam Sormanus vir æquissimus, sui ordinis dignitatem plurimo decorat virtutis splendore. Est enim tam acris ingenij, & sinceræ integritatis, vt cum lucro habeat ipsa corporis, & fortunæ detrimenta, tum vix vlla sit ciuitatis gloria, ad quam, per eius virtutem, non plurima fiat accessio. Siquidem

V 6

quem-

quemadmodum olim de Catone Censorio prædicabant Romani, optima est IO. BAPTISTÆ Sormani virtus, suadendi magistra: summus consulendi opifex, ejus doctrinæ sensus: atq; maximus augendi imperij magister, iustitiæ fundus, & pietatis. Quate libenter ad recunditas Cardinalis P. ALDOBRANDINI virtutes illuminandas vtor tantî viri splendore. Cæterum PETRVS ANTONIVS Sapientissimi Senatoris HIERONYMI Magnocaballi filius, non solum nominis, sed etiam paternæ virtutis hæres, tanta pietate, & iustitia: ad laudes eas summi Antistitis vehitur, vt veluti cœlesti quodam Pegaso elatus, multa fundere videatur, quæ potius de cœlo, quàm ab homine videar capere, vt idipsum nunc loquuntur hæc Apophthegmata.

- 1 Quòd ex virtute generis, semina quadam trahantur felicitatis.
- 2 Quòd non parua sint felicitatis admimicula in educatione,
- 3 Quòd non Minima pars felicitatis hauriatur è natione, & patria.
- 4 Quòd non Regni, sed virtutis premium sit felicitas.
- 5 Quòd solus sapiens nouit bonis feliciter vti.
- 6 Quòd ex animo felicitas: ex corpore animus cognoscatur.
- 7 Quòd virtus cum atate: felicitas crescat cum virtute.
- 8 Quòd felicitatem maximè attingat vir sapiens.
- 9 Quòd veluti quadam felicitatis fabrica sit, in temperandis affectibus.
- 10 Quòd felix sit, non qui bona possideat, sed qui bonus sit.
- 11 Quòd extra fines virtutis exulent omnia mala.
- 12 Quòd publica societatis felicitas, concordia est depascenda.
- 13 Quòd iuris æquabilitas, vrbis sit felicitas.
- 14 Quòd veluti quidam publica felicitatis cibus sit ciuium concordia,

Quòd

- 15 Quòd Principis eloquentia non vacet felicitate.
- 16 Quòd in Principe non solum ingenij, sed etiam Imperij, facultas dicendi, oleat felicitatem.
- 17 Quòd iuris felicitas, in Principis eloquentia, maximè sit fundata.
- 18 Quòd ne Dictoria quidem principum, ab instructione publica felicitatis videantur nuda.
- 19 Quòd publica felicitatis opifices, sint Viri eloquentes.
- 20 Quòd dicendi facultas, Veluti quoddam, ad felicitatem imperij, sit vehiculum.
- 21 Quòd feliciter imperet, qui manibus potius: quàm lingua loquatur.
- 22 Quòd in Imperio, felicitatis propugnaculum sit eloquentia.

QVOD EX VIRTUTE GENERIS,
semina quadam trahantur felicitatis. I.



SOLITVS est dicere, magnam partem felicitatis esse benè nasci. Nec huic eius sententiæ, deest antiquitatis auctoritas. Nam cur à Poetis Theseus Neptuni: Hercules Iouis: Achilles Theridis: Æneas Veneris: Romulus Martis dictus est filius: vt certe docerent virtutem generis, posteris esse veluti quandam supellectilè felicitatis. Itaq; apud Spartanos legibus cautum erat, vt nemo matrimoniū contrahere posset, nisi præclaro aliquo facinore perpetrato. volebant enim nō prohibere matrimonium: Sed vetare ex timidorū matrimonio, ignauos nasci liberos. Atq; si prepter appetitū matris, infantibus in vtero inuruntur nati: quibus vitiorum maculis, ab improbis parētibus aspergentur infan-

infantium animi? Major certè quidem ars est generandi hominem: quàm pingendi. Nam in pictura forma: in procreatione affectus etiam fingi debent.

QVOD NON PARVA SINT FELICITatis adminicula, in educatione. II.



VM aliquando de educatione puerorum incidisset oratio: dixit pluris esse benè institui: quàm benè nasci. Graue est non solum Ptolemæi Ægypti Regis testimonium, qui ex Lago patre gregario Alexandri milite natus, per virtutem, Regnum est assecutus: sed etiam naturæ singulare exemplum. Etenim si spinæ truncus furculo Perfici inseratur, mespila inde oriuntur maxima. Nam quod in reliquis plantis arbor non sua, sed furculi fert poma: ex eò fas est intelligere, naturam arte superari. hac autem opinione Philippus Macedoniæ Rex permotus, nato Alexandro, scripsit ad Aristotelem, non tam gaudere se, quod sibi natus filius esset, quàm quòd natus esset Aristotelis tempore, à quo crudiri posset.

QVOD NON MINIMA PARS FELICITatis, hauriatur è natione, & Patria. III.



VM interdum de patria, eiusq; nomine ageretur, quod denominationem habeat à patre: articulum à matre, quia vim & naturam retinet utriusq; parentis: Dixit iccirco nihil in amore esse charius patria, quòd non minimam ansam mortalibus porrigat felicitatis. Nam quemadmodum alia regio, aliam plantam parit:

ita

ita diuersas nationes, diuersi mores, & disparia ingenia sequuntur. Quare Plato tribus de rebus, superis gratias agere solitus esse dicitur: primùm quia natus esset homo, quod generi tribuitur: deinde quoniam Socratis tempore, quo vñs est præceptore, quòd ad educationem refertur: tum deniq; quod Græcus, quod patriæ est, & nationis.

*QVOD NON REGNI, SED VIRTVTIS
præmium, sit felicitas. IV.*



QUIA vulgò homines, vbi plusculum accessit pecuniæ, effertur animo: cumq; in primis tantam beatum suspiciunt, cui sunt amicitia, liberi, propinqui, affines, opes, honores, potestas, ac demum diuitia, interrogatus aliquando, quis esset felix, non qui Regna possidet: sed qui Deo respondit, est similis, hoc est qui nec lædere, nec lædi nouit iniuria. alterum est facile: alterum tam difficile, vt qui hoc præstat, nullo sensus in viuo corpore, nisi virtutis videatur retinere. Nam, vt refert Sophocles, in Iouis tantum horti aurea felicitas colitur.

*QVOD SOLVS SAPIENS NOUIT
bonis feliciter vti. V.*

QUAM in hoc vitæ curriculo, acres sæpè sunt dolorum aculei, nec hebetes iniuriæ morsus, quibus obiecta est hominis vita: solitus est dicere felicitatem esse voluptatem, quam nec mæror sequeretur, nec turpitudine. Nam cui res est, & ingenium simul, is demum ad extremum vsq; vitæ nouit, frui bonis, In hanc tanti Antistitis sententiā venit
Pariter

pariter Antisthenes cum inquit nihil esse felicius, quam beatum mori. qui enim feliciter vitam obsoluit, nihil ei, quod melius agat, sit reliqui.

QVOD EX ANIMO FELICITAS:
ex corpore animus recognoscatur. VI.



SCISCITANTI cuidam vnde petenda essent felicitatis monimenta: incerta dixit, non tamen contemnenda è corpore. Nam sicuti animus obses est felicitatis: ita corpus animi est simulacrum. itaq; Socrates cum Xenophontem rara indole vidisset, statim recognouit, quæ in eius animo semina essent felicitatis. ab eo igitur sciscitatus est, vbi fierent nundinæ, is cum appositè respondisset: interrogauit, vbi fierent boni viri, negauit se scire. tum Socrates me igitur, ait sequere. Nec enim frons tacita solum est animi oratio: sed etiam morum interpretes, & nuncia.

QVOD VIRTUS CVM ÆTATE:
felicitas crescat cum virtute. VII.



QUONIAM nescit virtus oriari, crescitq; virtutis gloria cum ætate, dicebat eum esse felicem, cui vita fruendo contigisset, ad senectæ limen peruenire. Acta enim ætas, ut ait Cic. honestè, ac splendide tantam affert consolationem: ut eos, qui ita vixerint, nec tangat ægritudo, & oblectet summa præmia.

QVOD FOELICITATEM MAXIME
atingat vir sapiens. VIII.

CVM pauperem misericordia: diuitem sequatur inuidia: sapientem tranquillitas ab omni agitudine remota, consuevit dicere eos esse felices, qui virtutum non solum habent cognitionem, sed etiam possessionem. Hoc vox ipsa etiam aperire videtur. Felix enim dicitur quasi foetus legis: Beatus tanquam bonis omnibus auctus: diues veluti diuinus, quod rebus nullis indigeat. Huc pertinet Paridis fabula: Nam quorsum illæ inter Palladem, Iunonem, & Venerem de elegantia formæ controuersia? tria si bene attendimus constituuntur vitæ genera: vnum intelligendi: agendi alterum: vltimum voluptati deditum, quod Ilij fuit exitium. qui vera intelligit doctus dicitur: qui iusta operatur, vir bonus nuncupatur: qui autem vtrumq; facit, sapiens nominatur, qui felix est, & beatus: Bisq; censetur viuere, quia vitam agit docti simul, & boni viri.

QVOD VELVTI QVÆDAM FELICITATIS
fabrica sit in temperandis affectibus posita. IX.

QVONIAM & virtus, & vitium ex affectu, non euentu, apud iurisperitos, penditur, dicebat felicitatis fabricam in temperandis affectibus esse sitam. Hos igitur maximè spectant, & iurisperiiti, & medici. illi, quia ansam in maleficijs, habet affectus culpæ, & innocentia: hi verò quoniam in ipso affectu, sapere residet salutis vis, & medicina. Itaq; Galenus scribit ægrotos quoran-

quotannis non paucos saluti, ex animi perturbationibus esse restitutos: & Æsculapius Mimos etiam risus conciliatores adhibuit sæpè medicinæ loco.

QVOD FELIX SIT NON QVI BONA possideat, sed qui bonus sit. X.



QVIA felicitatis commendatio in virtutis alicuius inuolucris, oportet sit demersa: interrogatus, cur qui boni viri sunt, contemnant diuitias: quia dixit, virtus non eget externis bonis: quibus nec augeri, nec comminui potest. Itaq; laudatur Diogenes, qui præclarius duxit pecunijs non egere, quàm abundare.

QVOD EXTRA FINES VIRTVTIS exulent omnia mala. XI.



CVM ex probitatis coloribus, & doctrinæ pigmentis, benè institutæ ciuitatis forma est deducenda: quærenti quænam ciuitas præ cæteris esset felix, & beata: ea respondit, quæ non eget virtute. Virtus enim vrasserat Zeno Criticus, Stoicorum princeps sola sufficit, ad bene beateq; viuendum. Etenim si in Phalaridis tauro vratur, qui bonus est, quia virtus est summum bonum, nec vri potest: in ipso incendio felicitatem minimè deponat.

QVOD

*QVOD PVBLICÆ SOCIETATIS
felicitas, concordia est depascenda. XII.*



SOLITVS est dicere, ciuibus iter ad felicitatem, vna beneuolentiæ semita patere: duo esse concordia vincula beneficium, & gratiam, quorum alterum beneuolentiam connectit accipientium: altera largientium amorem, & studium stabili charitate confirmat.

Communis enim spes, communisq; metus maximam concordiam parit. illa ut quæ animo concepimus bona consequamur: hoc, ut quæ imminēt mala, subterfugiamus.

*QVOD IVRIS ÆQVABILITAS,
urbis sit felicitas. XIII.*



SCISCITANTI cuidam, qua arte communis societatis felicitas, & concordia seruaretur potissimum à Principe: iuris respondit æquabilitate. Hoc vno responso docuit, Principi cauendum esse, ne maior poena sit, quàm culpa: neue iisdem ex causis, alij plectantur, alij impune dimittantur. Nihil enim iniquius tulit P. R. quàm ab Imperatore Domitiano in eodem crimine depræhensos pauperes capitali supplicio damnari: opulentiores, ac diuites pecunia mulctari, & patrimonij exutos absolui.

*QVOD VELVTI QVIDAM PVBLICÆ
felicitatis cibus sit, ciuium Concordia. XIV.*



CONSVEVIT dicere urbis felicitatem non solum nasci ex ciuium concordia, sed etiam eius veluti quodam pabulo nutriri. Hinc verus illa Salustij sententia.

sententia. Concordia parua res crescunt: discordia maximè dilabuntur. Ex huius eluione pestem omnem imperij parari scribit Xenophon; Platoq; in lib. de Rep. eam pluribus derestatur rationibus. Hæc quippè illa est furia infernalis, quæ à Poetis Aleæto dicitur à Græcis *ἀλυστα* dissoluo, quòd re-gna vniuersa, per discordiam dissoluantur, & intereant. Itaq; Antisthenes concordiam inquebat, quouis muro esse firminus munimentum.

QVOD PRINCIPIS ELOQVENTIA
non vacet felicitate. XV.



PRINCIPI suam etiam tribuebat eloquentiæ felicitatem. interrogatus enim quis feliciter re-geret, non qui opulèntia dixit, aut robore pluri-mum pollet, sed eloquentia; Hæc enim sola potest omnia rationis imperio subijcere. Homerus itaq; Vlyssi cùm artem tribuit imperandi, illum maximè eloquen-tem facit. Hesiodus verò Reges eos, qui Deo sunt chari, omnes ait, diuinitus eloquentia donari: qua detracta nulla diuturna potest remanere Principis gloria. Quocirca repræ-henditur Pericles, qui cùm in re bellica, & consilio rerum gestarum floreret gloria, voluit stylo neglecto, Athenis à Phi-dia pingi, in scuto Mineræ, cum Amazone pugnans. Mul-tò enim maior est styli, quàm picturæ gloria. illa igitur iure C. Cæsarem compulit vt rerum à se gestarum scriberet com-mentarios. Nam imaginis pulchritudo pictoris est opus: quæ autem virtus scriptis celebratur, non scriptoris est, sed eius, qui ea virtute fuit honestatus. Quare præ stylo iacet om-nis imaginum gloria.

*QVOD IN PRINCIPE, NON SOLVM
ingenij, sed etiam imperij, facultas dicendi alat
Felicitatem. XVI.*



INTERROGATIVS quæ facultas dicen-
di, in Principe vim oleret felicitatis, ea, re-
spondit, qua floruit C. Cæsar. Is enim om-
nium oratorum facultatem exæquavit, ora-
tionis lepore. Homerus Menelaum dul-
cem in dicēdo fuisse tradit: breuem tamen.
Nam breuitas in Principibus laudatur. Lacones ex omnibus
Græcis, breui genere dicendi laudantur, ac in primis eorum
Rex Agefilaus.

*QVOD IURIS FELICITAS IN PRIN-
cipis eloquentia, maximè sit fundata. XVII.*



FAVSTVM felixq; iuris propugnaculum, in
Principis eloquentia, dicebat esse fundatum.
Testis est Iulianus Cæsar. Nam Delphidius ora-
tor cū aliquando Numerium Narbonensis
provinciæ paulò antè Præsidem repetundarum accusaret: isq;
documentorum inopia, in ipso cursu orationis deficeret, ex-
clamavit optime Cæsar, Equis nocens esse poterit vspiam,
si negare satis fuerit? tum scite Iulianus inquit, Equis inno-
cens fuerit, si accusasse tantum satis erit? Hoc vno di-
cto, & innocentem virum servavit, & pe-
tulantem simul tabulam
repressit.

QVOD

QVOD NE DICTERIA QVIDEM

*Principum, ab instructione publicæ felicitatis
videantur nuda.* XVIII.



INQVIEBAT Principum dicteria nunquam ad imperij felicitatem, non esse plena instructionis, & disciplinæ. vulgare est, & peruagatum Annibalis exemplum. Nam Antiochus Populo Romano bellum illaturus, cum copias in ordinem duxisset, non tam armis instructas, quam auro, & argento ornatas: Annibalem rogauit, num satis eas Romanis esse putaret, tum Pœnus, satis, inquit, esse puto, etsi sunt auarissimi. Rex de victoria rogabat: ille de præda respondebat.

QVOD PVBLICÆ FELICITATIS

opifices sint viri eloquentes. XIX.



SOLITVS est dicere publicæ felicitatis opifices, & Architectos, in Imperio esse viros eloquentes. Itaq; Agamemnon apud Homerum, principes aliquot exoptans, ad Troiam expugnandam, non Achilli, non Diomedis: Sed Vlyssi, & Nestori, qui facultrate dicendi plurimum valebant, optabat similes.

Sic Pyrrhus Cineam dilexit: Sic Alexander Oratorem Phocionem amauit, ut victo Dario, cum Magnus ex virtute cognominaretur, nulliq; mortalium per literas salutem diceret, Phocioni tamen, & Antipatro, in ipso literarum ingressu, & vestibulo, plurimum impertiret salutis.

QVOD

QVOD IN DICENDI FACVLTA TE
veluti quoddam, ad felicitatem Imperij
sit vehiculum. **XX.**



VIDAM interroganti quod imperij esset,
 ad felicitatem vehiculum: non armati exer-
 citus robur, dixit, sed vis, & facultas dicen-
 di. Itaq; tanti apud Alexandrum Magnum
 fuit Ilias Homeri, vream, rei militaris via-
 ticum, atq; virtutis, & gloriæ officinam no-
 minaret. Nec eloquentiæ præsidio modo, sed etiam elo-
 quentium virorum familiaritate adiutus Magnus euasit. Pro-
 bavit idetiam per Onesicrum oratorem, quem in bello nun-
 quam à se dimisit, resq; à se gestas literis ab eo mandari vo-
 luit.

QVOD FELICITER IMPERET, QVI
manibus potius, quàm lingua loqua-
tur. **XXI.**



QVONIAM par est in Rep. vt imperet qui plus
 sapiat, obediat, qui minus: atq; vt sapientia in-
 genij: ita sapientiæ decus est eloquentia, in-
 terrogatus aliquando quos potissimum inter vi-
 ros eloquentes probaret, eos dixit, qui moribus potius, quàm
 verbis fidem faciunt. Nam qui benè loquitur, nec rectè vi-
 uit, similis est, vt Diogenes solitus est dicere, Citharæ,
 quæ prodest audientibus, ipsa verò nec sen-
 tiat quicquam, nec
 audiat.

QVOD IN IMPERIO FELICITATIS
propugnaculum sit eloquentia. XXII.



CVM eloquentia non sit alicuius doctrinæ
consors, & socia, sed omnis doctrina, con-
suevit dicere, nullum esse impetij vallum fir-
mius: quàm quod in eloquentiæ campo est
fundatum. Nam cur Argus, ut est in fabu-
lis, à Mercurio capite est truncatus? cedit
prudencia, in qua & consilij, & armorum vis omnis est posi-
ta, eloquentiæ: non eloquentia, in rerum deliberatione pru-
dentiæ. Iccirco enim Mercurius gestat caduceum, qui à ca-
dendo est dictus, quòd eloquentiæ interuentu, statim cadant
controuersiarum tempestates omnes, & procellæ. Non te-
merè igitur olim Athenis Statua Mercurij spectabatur
quadrata. Nam quadrat eloquentia perso-
nis, rebus, atq; locis vniuersis, nec
vis, nec dolus vllus ei po-
test reniti.



Laus Deo.





